



Presented to the
LIBRARY *of the*
UNIVERSITY OF TORONTO
by

Dr. Antonio Gomes

Da Rocha Madahil



DAMIANI A GOES
OPVSCVLA.



DAMIANI A GOES
EQVITIS LVSITANI
OPVSCVLA

QVAE IN HISPANIA ILLVSTRATA
CONTINENTVR.



CONIMBRICÆ.
EX TYPOGRAPHIA ACADEMICO-REGIA.

M.DCC.LXXXXI.

Cum facultate Regiae Curiae Commissionis Generalis pro Examine & Censura Librorum.

Taxatum hujus Libri pretium est 500 r.

Digitized by the Internet Archive
in 2009 with funding from
University of Toronto



V I T A

D A M I A N I A G O E S

E Q V I T I S L V S I T A N I ,

E S C R I P T I S E I V S P O T I S S I M V M

C O L L E C T A .

DAMIANVS a Goes in oppido Alanquer, quod, vt sentit Resendius, prisca secula Gerabrigam appellabant, nobili apud suos genere natus, Lusitanus fuit, quales in Hispania *Hidalgos* hodie nominant, siue Italici iuris, vt quidam volunt, siue quod patrem, vt bene nati, ciere possint, quomodo olim & *Patricii* Romæ dicti: Lusitanus, inquam, non Belga fuit. Fallit itaque nos Cornelius Callidius Batauus, qui in Belgicorum scripto-

A rum

rum censum nuper hunc retulit: deceptus, credo, nominis ambiguitate in scriptura quidem, pronuntiatione enim satis distinguuntur. Zelandum fuisse putat ex Goesa Zelandorum insula frumenti satis ferace. Accidit nimirum Damiano quod Homero ob præstantiam ingenii olim: cuius de patria certabant *Smyrna*, *Rhodos*, *Colophon*, *Salamis*, *Chios*, *Argos*, *Athenæ*, vt & Christophorum Longolium, eloquentiæ nomine (quæ tum existere primum, atque e tenebris emergere cæperat) Parisienses suum esse dicebant, Romani sibi vendicabant, Bataui vero repetunt. Puer igitur Damianus, optimæ indolis fuit, Emmanueli Lusitaniæ regi a cubiculis, ætateque prouectior in frugem optimam euasit. Fratrem habuit, Fructum a Goes nomine, eiusdem regis cubicularium, hominem probum, & amicis vtilem. Ille lustrandi orbis iam inde a puero cupiditate flagrabat,

ne

ne obscurus domi atque inglorius ,
(quod in patria fere quisque neglectus
iaceat) confenesceret. Per Germani-
am itaque, & Belgicam Galliam , Lu-
sitianorum Regum negotia gerens , per
annos amplius quatuordecim , terra
marique iactatus , honorificas obiuit le-
gationes, ad ipsum etiam Sarmatiæ Re-
gem , quæ Polonia hodie dicta est , se-
nex tandem fama clarus , litterisque
diues , & prudentia instructus reuertit.
Primum igitur in Belgium nauigio de-
latus , iactis iam vel in grandiore æta-
te fundamentis , Italiæ visendæ , vt
scientiarum parentis , percupidus, eru-
ditorum hominum commendatione
Patauium se contulit anno eius sæculi
CICIOXXXIIII. Hic in Petri Bembi ho-
minis ea ætate disertissimi , & Patricii
Veneti , qui post a Paulo III. virtutis
ergo an. MDXXXIX. in Purpuratorum
Patrum Collegium est allectus , amici-
tiam se insinuauit. Hic hominis ele-

gantia morumque suauitate , vehementer delectatus , sponte , quod aiunt , currentem incitauit , studiisque calcar addidit. Quatuor ipsos annos Patauī commoratus , vsus quoque doctore est Lazaro Bonamico Professorum disertissimo. Aestate vero dum vindemialibus feriæ cessationesque dari solent , vltro citroque peregrinari , gruum more , consuevit : siue quod ingenio esset Mercuriali , & profectiōni adsueuisset , siue quod capitis vertigine assidue conflaretur , cui malo vectationem præsens adferre remedium medicorum filii affirmarunt. Vfus & amicitia est crebris litteris Iacobi Sadoleti , & Christophori Madrucii Cardinalium , quorum hic Tridenti , Carpentoracti ille præsulem agebat. Anno vero eius seculi xxxviii Louanium postliminio rediit , & Conradum Goclenium , qui- que illi succenturiatus fuit , Petrum Nannium Latinæ doctores linguæ , vt
di-

disertos homines , & eruditos in primis coluit. Musicæ autem a pueritia deditus , usque eo Lusitanicæ gentis ritu excelluit , ut ea componeret , quæ in templis alii modularentur. Sic & Athenienses Musicam litteris , ac gymnasticæ , natationique coniunxisse accepimus : pro quibus , e palliata comœdia , in togatam retulit Terentius Venationem & Philosophiam , ad quam libero dignæ homine artes & Musica referantur.

*Quod plerique omnes faciunt adolescentuli,
Ut animum ad aliquod studium adiungant ,*

aut equos

Alere , aut canes ad venandum , aut ad Philosophos.

MUSICAM autem Damiani , popularis eius Andreas Resendius , poeta eius ævi non ignobilis , celebravit hoc epigrammate.

Elige utro maus horum te nomine dici ;

*An Phæbi an Orphei ; 'dulcis uterque
modis.*

Aut

*Aut (si non spernis genus) a quo Musica
primum*

Inuenta est, nobis sis, Damiane, Tubal.

HVIC altera ex parte respondere Poeticam non ignorans, quod hæc rhythmis, illa sonis, vtraque numeris constet; & licet grandis iam natu esset, discere non erubuit, Latinæque sese Eloquentiæ addixit M. Catonis exemplo, qui iam septuagenarius Græcas litteras (quas cum gente ipsa cane peius & angue ad eam diem oderat) tam auide arripuit, quasi diuturnam sitim explere vellet. Sed quo usus Damianus magistro; poeta ipse dixerit.

Quis docuit? suus ille Grapheus. quis duxit in alti

Pimplæi montis culmina sacra? Grapheus.

Quis pinxit? suus ille Grapheus, Cornelius idem

Nouit qui & versu, & pingere peniculo.

CORNELIUS autem hic a secretis fuit Reipublicæ Antuerpientis , vt & Ioachimus Polites , Goesa Zelandiæ oriundus poeta egregius , & ab actis Reipublicæ (*Graphiarios* ibi nominant) qui & carmine Damianum prædicauit. Hic animum tandem ad matrimonium appulit , duxitque Hagæ comitis (quod oppidum Batauorum curia est) nobilem virginem Ioannam ab Hargen , liberaliter educatam , elegantia forma , dignamque quæ vni illi nuptui daretur , præpterea nemini. Quemadmodum in Epithalamio , quod post vitam subiecimus , Alardus Amstelredamus cecinit.

SVSTVLIT ex ea filium , cui Emmanuel a Rege illo Portugalici inuicti nomen erat : de quo nomine , & omine in pueri recens nati Genethliacum lufit Petrus Nannius.

Ab aula , ac palatina seruitute , animum pridem abduxerat , vt studiis se daret

daret commodius, posteritatieque subseruiret, memor illius Marci Varronis sententiæ, quæ *legendo scribendoque produci* vitam iubet, hortante eodem & stimulos addente versibus, Andræa Resendio Eborensi, vate insigni, & aulicæ iam vitæ pertæso: vt veteris illud poetæ, identidem vterque memoria repeteret.

—— *exeat aula. Qui vult esse pius.*

IGITUR domicilium Louanii post tot tantasque peregrinationes, veluti in sede Musarum collocarat; cum ecce tanquam Dauus, comœdiam turbans, interuenit bellum, quieti eius inuidens. Etenim anno c1515xxxxi obsessâ vrbs Louanientis a Martino Rossenio Duce non impigro, qui Geldrorum copias, Regis Gallorum auspiciis, in Banbati-num agrum, Caroli Cæsaris vexandi causa, ductabat: & proprius factum nihil quam vt urbem occuparet, nisi
fcho-

scholasticorum vis obstitisset, instruente copias, animosque adente Damiano; qui cum senatus populique nomine durantibus induciis ad hostes exiuiisset, & ab ipsis in vincula coniectus esset, violatas inducias causantibus, cum socio suo Metero duobus aureorum liliorum millibus redemptus est: ut terga tandem hostis verterit, & in fugam se dederit. Cuius etiam virtutis nomine, gratias publice studiosis Nannius Rector egit ea oratione, quæ in manibus est: descripsitque eam ipsam obsidionem Damianus Olisipone, ut & Gelro-gallicam illam coniurationem, obsidionemque Antuerpiensem Io. Seruilius, verius sane copiosiusque narrans, quam in sui temporis Annalibus, Paulus Iouius. Ceterum de variis Damiani opusculis, quæ senior Louanii edidit, approbante Academia vniuersa hæc ferre leguntur. *Dienſis in India oppugnatio*, qua Lusitanorum ea virtus enituit, ut
profl-

profligatis Turcarum copiis victoria
fuit potiti. *Lappiæ descriptio ac deploratio.*
Laudatio item Hispaniæ, quam Nannio,
vt victoriam illam Bembo, inscripsit,
qui tum Venetam meditabatur Histo-
riam. Sebastiani autem Munsteri ca-
lumnias refellit, qui Hispanos fameli-
cos, de alieno semper faturos, & pe-
regrinos homines, duros, feroces, im-
manes, imperitos, ingenio infelices,
inelegantes in sua cosmographia vene-
nis referta vocasset. *Aethiopica quoque*
legatio magnam legenti voluptatem ad-
fert: vt & *Olisiponensis urbis descriptio.*
Igitur hisce ingenii monumentis, &
morum suauitate, facilitate, & erga
doctos liberalitate non modo apud su-
os clarus extitit; sed & exteris homi-
nibus carus, acceptusque usque eo fuit,
vt vel inuisum, absentemque vnice
diligent. Nam & in Germania (de
Italia enim & Belgio iam commemo-
rauimus) obseruabatur ab eruditis
homi-

hominibus , Henrico Glareano , Bonifacio Amerbachio , & Sigismundo Gelenio , quorum hic suas in *C. Plinii Naturalem historiam* obseruationes doctas , & laboriosas , Damiano libens dedicauit Glareanus libris *de Musica* honorifice prædicauit. Senex in patriam honoris gratia a Rege accitus , vt patriam scribere historiam regia auctoritate pergeret , calumniis æmulo-
rum circumuentus (virtutis enim comes inuidia est) in vinculis causam dicere coactus est. Tandem in libera custodia domus atque vrbs versans , domi suæ mortuus repertus est , siue apoplectico correptus morbo , siue a furacibus suffocatus famulis , incertum. Illud certum , meliori dignum exitu fuisse. Viuent tamen perpetuo ingenii monumenta. Imagini eius a Philippo Gallæo Antuerpiæ in æs incisæ Benedictus Arias Montanus , elogium hoc ascripsit.

Gentis

Gentis Thucydides enarrat gēsta Pelasgae ,

Romana claret Liuius historia :

Hic alia ut taceam sera data scripta sensēta ,

Aethiopum accepit nomen ab historia.

EPITHALAMION
DAMIANI A GOES
EQVITIS LVSITANI,

ET

IOANNAE AB HARGEN Hagensis,
PER ALARDVM AMSTELREDAMVM.

NEC melius teneris iunguntur vitibus
vini,
Nec plus Letæ aquas; littora Myrtus
amat:
Quam Gofio lepida est sociata Ioanna marito,
Quam generosa suum deperit Harga virum.
Tam bene rara suo miscentur cinnama nardo:
Addita quam vero est Penelope Historico.
Quam Platanus rivo gaudet, quam populus
vnda,
Et quam limosa canna palustris humo,
Tam formosa suum complectitur Harga mari-
tum,
Tam coniux Hargam suscipit ipse suam.
Qualiter æquæuo sociatam palmite vitem
Vlmus amat: iunctum sic colit Harga vi-
rum.

Qualis

*Qualis ubi Oceani renouatus Lucifer unda
 Laudatur teneri: sic Equiti Harga placet.
 Exiit in cælum ramis felicius arbor ,
 Lusitanus ab hac est generatus Eques.
 Ut Phebe fellas , et fratris lumina Pheben
 Vincant , sic vincit dotibus Harga suis.
 Tæmina digna illis , quæ aurea condidit ætas,
 Principibus natis , principe digna viro ,
 Digna quidem facies pro qua vel obiret Achil-
 les ,
 Vel Priamo belli causa probanda foret.
 Floridior prato , longa procerior alno ,
 Splendidior vitro , candidiorque nive ,
 Candidulum lucet sic per bombicina corpus ,
 Calculus in liquidis ut numeratur aquis.
 Nobilis ut species spectando viraginis urget ,
 Ipse alimenta sibi maxima præbet amor ,
 Carpit item vires , vritque subinde videndo
 Fœmina , clamque faces addit & igniculos.
 Rure levis verno flores apis ingerit alueo ,
 Sic Hargæ placidus leniter afflat amor.
 Ut Venus ante alios astrorum dirigit ignes
 Luciferum , lucem sic amat Harga suam.
 Arctius ac hederæ procera astringitur ilex ,
 Vnam itidem in carnem corpora suntque duo.
 Qualiter artificis iuncturae pollice ceræ*

Acci-

*Accipiunt formas igne manuque datas ,
Non aliter Gofii dscilis quoque coniugis Harga
Sedula se placido commodat ingenio.
Ut floret semper laurus , nec fronde caduca ,
Carpitur , æternum sic habet Harga decus.
Et prius incipient turres vitare columbae ,
Antra ferae , pecudes gramina , mergis
aquas ,
Hargam ab amore suo quam duxerit vlla se-
neſtus ,
Seu Vir Neſtor erit Titoniusve Senex.
Nil adeo validum eſt (adamas licet alliget il-
lud)
Ut maneat caſti firmitus igne thori.
Nil ita ſecurum blandoque recognitum amore ,
Non ſit ut inferius , ſuppoſitumque thoro.*

GENETHLIACVM
IN CL. V. DAMIANI
A GOES
EQVITIS LVSITANI
FILIVM EMMANVELEM,
PETRI NANNII.

TANDEM laeta dies Erythraeo digna
lapillo

Advenit, & patrem te Damiane facit,
Ominis haud vani est tanta haec clementia
caeli,

Quaeque sua ex hyeme nubila nulla tenet.
Indulsi natura tibi, brumaeque novavit
Tempora, vernali dulcia temperie.
Quosque magis posses cognoscere munera divae,
Quamque haud fortuitis casibus istud agat:
Antea ab imbriferis maduerunt omnia nimbis,
Nulla vel pluviis hoc serena fuit.

Vt metus adfuerit, ne fraga terra vetu-
stas

Deu-

Deucalioneas perpeteretur aquas.
Sed postquam in lucem processit pufio dulcis ,
Omnia mutata clara fuere vice.
Nil Iouis in vultu refidet moestumque minax-
que ,
Nec frontem placidam saeua procella tegit ,
Vt matrem foueat , simul et puerum ipse salu-
tet ,
Maiale arridens fundit ab axe iubar ,
Nil mirum , dedit Alcioni , cum parturit oua,
Incubitus foedis imbribus ut carcat.
Haud aequum fuerat tibi , si Damiane ne-
garet ,
Quod capit ex ipso parua quctannis auis.
Sed puero blandus nitidissima lumina spar-
git ,
Auspicium ut faciat firmiter inde bonum.
Imbre madet caelum quoties miser editur in-
fans ,
Gaudia praesagit lux sine nube micans.¹
Adiuuat augurium tam sanctum nomen , ut
inde ,
Ad quae sit genitus fata puer , videas.
Nobiscum Deus est Hebraca voce nstatur
Accepit nomen quod tuus Emmanuel.

*Parca quod adneuit , cognata vocabula mon-
strant ,*

Sic difraetus equis rumpitur Hyppolitus.

*Sic Agamemnon habet diuturni praelia Mar-
tis ,*

Atque moras belli nomine significat.

Exitium sonat ipse suum de nomine , primus

Qui cecidit Phrygia Proteflaus humo.

*Sic Eua viuendum genetrix , sic Moses ab
vndis*

Liber ab euentu nomina digna gerit.

Sic erit Emmanuel diuis comitatus ubique

Atque satis faciet nominis officio.

*Cresce puer , patremque refer , sint numina
tecum*

Praefidioque Dei quidquid agas facias ,

*Regibus , atque Deis commune hoc nomen ha-
betur*

Quod natalitiis accipis auguriis.

Sit mens caelestis , sit semper numine plena,

Regius in magno pectore sitque animus.

*Te Lusitanum , Batauum , simul atque Bra-
bantum*

Noris , & has terras esse tuam patriam.

DAMIA-



DAMIANI A GOES

EQVITIS LVSITANI

VRBIS OLISIPONIS DESCRIPTIO.

INCLYTO PRINCIPI

DOMINO

D. HENRICO PORTVGALLIAE
INFANTI,

SACROSANCTAE ECCLESIAE ROMANAE

TITVLI SANCTORVM QVATVOR

CORONATORVM CARDINALI

MERITISSIMO,

DAMIANVS A GOES

EQVES LVSITANVS

S. P. D.

INDICARVM rerum Historiam
in lucem vt darem, cum crebris
doctorum hominum epistolis diu vr-
gerer, eam ex exemplaribus colligere,
atque disponere pridem cœperam: id
quidem mihi effectum iri posse tunc

pollicebatur otium meum litterarium ,
quo eo quidem tempore laute , & citra
publicorum negotiorum onera utebar.
Sed cum mecum perpenderem mihi
id modo deesse , quod summe in histo-
ria scribenda requiritur , ab incœpto
destiti. Nam ei qui iustam & absolu-
tam historiam scribere vult , inprimis
liberum & vacuum tempus tribuen-
dum est ; deinde animi quies , & omni-
um munerum vacatio ; postmodum
maiorum Principum favor , quo indu-
stria & labor studiorum præmiis adau-
geantur. Quocirca (præsertim cum ne-
que cura neque negotio carere possem)
successivis tantum dierum horis id , quod
continenti temporum decursu destina-
ram , concedere & tribuere proposui ,
& curriculo mearum lucubrationum
currens , Olysiptonis Urbis descriptio-
nem hoc tantum tempore componere
institui , eamque tuo duntaxat nomine
illis inquam ipsis evulgare decrevi , qui

a nobis id flagitare nusquam destiterunt. In qua sane descriptione, quidquid ad ipsius Urbis originem, & ornamentum investigare valuimus, faciliiori quam potuimus penicillo depinximus. Cæterum opusculum hoc quale qualecunque fuerit, sub tua protectione emittere consulto proposuimus, ut quæ nostro huic labori defunt, nam forte multa deerunt, quæ nos assequi potuimus, ea tua animi celsitudine & eximia doctrina sic foveantur, proteganturque, uti ab alienorum laborum mordacibus, temereque calumniantibus, nullo alio adminiculo suffultæ, se se tueri defendereque possint. Vale.






VRBIS OLISIPONIS

SITVS ET FIGVRA ,

DAMIANO A GOES

EQVITE LVSITANO

AVCTORE.

 VAE sunt vrbes nostra hac tempe-
state , quas iure Oceani dominas ,
ac tamquam reginas appellare pos-
sumus , quarum ductu , & imperio totus
Oriens , Occidensque hodie nauigatur. Ea-
rum altera est Olisipo , quæ a Tagi faucibus
illius Oceani partis imperium sibi vendicat ,
quæ Africam Asiamque immenso maris
circuitu complectitur : altera vero Hispa-
lis , quæ a Bæti fluvio Occidentem versus ,
quem hodie dicunt novum Orbem , clausi-
bus patefecit ; cuius describendæ partes iis
consulto relinquimus , quorum scriptis , de
huius novi Orbis reperti ratione , multa for-
te memoriæ mandabuntur. Nobis vero , cum

de situ, & vrbis Olisiponenſis ſtatu conſtitutum ſit ſolummodo ſcribere, non ab re viſum fuit, ſi, antequam negotium aggrediamur, inde incipiamus, vnde ipſa res, de qua ſcripturi ſumus, nobilior effecta ſit; nempe de invento a noſtratibus per æquora in Indiam itinere. Quæ res vt memorabilis, ita etiam in ea paulo nobis vagari licebit, atque etiam, antiquorum testimoniis, ſtudio noſtro lectoribus aperire, quanta difficultas in hoc negotio ſe ſemper obtulerit iis, qui rem tantis periculis plenam auſi fuerunt quovis modo tentare. Quocirca ab eo, qui ſummo ſtudio, ſummaque animi virtute rem tam præclaram noſtris temporibus aggredi auſus eſt, exordium capiemus.

Is enim, invictus ille Alſonſi quinti filius, Divus Ioannes ſecundus Luſitanorum Rex fuit. Ille quidem qui bello regnum ſuis vindicavit, paceque ſibi regni hæreditatem multifarie turbatam reſtituit. Igitur cum regis indefatigatum animum Indicarum rerum deſiderium vehementius agigaret, non nauibus ſolum ab illa parte litoris Aethiopici, quod ad ea uſque tempora a noſtris exploratum erat, eam Indiæ plagam, quæ
ad

ad ortum Solis attinet , inuestigare proposuit , sed terrestribus etiam itineribus negotium auspicari voluit. Quod quidem per homines Lusitanos singulari linguarum , rerumque notitia præditos , in eo libro , quem de rebus Aethiopicis scripsimus , factum esse demonstrauius. In quo etiam studio , doctrinaque prudentissimi principis Henrici , Oceani Athlantici , Aethiopicique insulas , & litora prius , multoque antea inuenta , lustrataque a nostris fuisse obiter tractamus.

Proinde dum Ioannes ille adhuc viueret , industria , auspiciisque Bartholomæi Didaci , viri Lusitani , nauticæque artis peritissimi , frontem ei continentis parti contiguam , quæ recta ad montem Lunæ porrigitur , nostri inuenerunt. Quæ frons ab Oceano emergens , sinu Hesperico , Præstique promontorio, immenso tractu terrarum, ad australem cæli cardinem , utrinque protensa , gradum ferme quintum , & trigessimum attingit. Quibus terminis Ichthyophagorum videlicet , & Anthropophagitarum , nihil litteris Ptolemæo cognitum fuisse constat. Quanquam Plinius , Mella , Solinus , & Martianus , ex Iuba , Artemidoro , & Xe-

nophonte Lampfaceno , & Nepote Cornelio , de Hannone Pœnorum Rege , & Eudoxo , aliisque, qui hoc mare experientia , seu relatu nauigabile tradunt , scribentes , huius itineris notitiam olim fuisse , totumque ab Indis ad Herculeas columnas patefactum , cultaque eius litora esse testentur , ac insuper testimoniis confirment, C. Cæsare Augusti filio in Arabico sinu constituto , Hispaniarum nauium naufragio eictas fragmentorum reliquias apparuisse. In qua quidem sententia Herodotus eximius antiquitatum indagator Græcos fuisse asserit , qui mare , quod extra columnas vocatur Athlanticum , & Rubrum , idem esse mare pro certo affirmant. Atque alibi Græci , inquit , qui Pontum incolunt , Oceanum confluere terram , pro comperto habent. Postmodum ex vetustissimis Aegyptiorum annalibus , hæc prodit , nempe Necum ipsius gentis regem , cum a deprimenda fossa , a Nilo ad Arabicum sinum destitisset , nauibus quosdam Phænices misisse , quos iussit , Herculis columnis superatis , ad Septentrionale usque mare penetrare , atque inde in Aegyptum cursum facere. Qui e mari Rubro sol-

ven-

ventes in Australe venerunt , & denique in Aegyptum per fretum Herculeum post biennium remearunt : & in hunc modum dicunt Græci Africæ litus primo in totum cognitum fuisse. Secundo vero , Xerxis temporibus , Africæ promontorium Sataſpem ſuperaffe ſcriptis confirmant , qui admodum nauigationis tædio conſectus , ad columnas Herculis , vnde in Atlanticum Oceanum prodierat reuerſus , in Aegyptum curſum tenuit. Denique Strabo ex Ariſtonico teſtatur Menelaum , per Gades circumductum , iter in Indiam feciſſe. De qua quidem re , prolixius non agemus , ne longius , quam res ipſa poſtulare videtur , digrediamur. Illud quidem veriſſimum videtur , & ratione credibile , tam vaſtam , & periculis infinitis obiectam nauigationem , ita tum hominum animos affeciſſe , ut ſemel inchoata , vel (ſi attigit) abſoluta nemo ſecundo rem tam arduam , vel potius monſtroſam , aggredi auderet. Qui ſane tam imenſæ peregrinationis curſus noſtratium , ſiue indefatigata indole inſtigante , ſiue auri ſacra fame vrgente , tam denique modo frequens habetur , vti non maioris negotii

nunc

nunc huiusmodi navigationem existiment, quam si in Britanniam, aut in Belgicam, ex Lusitania per Oceanum iter facerent. Huic vero repertæ fronti, ut ad inceptum redeamus, ob rem insperatam, Rex idem Bonæ spei caput nomen indidit: reliquum iam inde Oceanum Indicum nauigandi occasionem faciliorem sibi oblatam esse sperans. Ceterum naues illæ quibus Bartholomæum Rex præfecerat, multis casibus, aduersisque tempestatibus disiectæ, ipso Bonæ spei promontorio, ut antea demonstrauius, superato, flumen ingrediuntur, cui Infantis flumen nomen inditum fuit, eo quod inter ceteras naues una, cui Rex Lupum infantem virum Lusitanum præfecerat, omnium prima ad fluminis ripam apulsa sit. Inde vero ulterius progredi minime tutum esse duxerunt, propterea, quod in tanta maris vastitate, itinerisque & temporis intercapidine, gentem nullam reperissent, quæ tum nauibus vteretur, veriti ne si longius procederent, non Indos, genus hominum suapte natura cultissimum, ac disertissimum, sed alias nationes, terrasque barbaras, ac immanes offenderent, a quibus forte etiam

gra-

OLISIPONIS DESCRIPTIO

gravioribus incommodis premerentur, quam quæ in iis experti essent, quorum litora, portusque antea tetigissent. Qua re mature pro rerum facultate, & prudenter animaduerfa, mutata velificatione, in Lusitaniam reuertuntur. Id vero diuino potius quam humano consilio accidisse crediderim, quod deuicti Oceani gloria, futuro Regi integra, fato quodam, intactaque referuari videretur.

Interea quidem re infecta, Ioannes Rex moritur, nouisque rerum momentis occurrentibus, vti tum maxime fieri consuevit, Emmanuel Regnum suscepit: statimque biennio postquam regni gubernacula suscepisset, cum omnia domi, forisque, a finitimis Regibus tuta satis, ac pacata cerneret, quod a suis maioribus antea summo studio factum esse videbat, in idipsum animum coepit intendere. Tres igitur parari naues, ac instrui iubet, quibus Vascum Gammam, genere Lusitanum, equestris ordinis virum præfecit. Qui comparatis rebus omnibus quæ ad tam longam profectio- nem necessariæ videbantur, octauo Idus Iulii anuo Dominicæ Incarnationis millesimo trecentesimo nonagesimo septimo, idoneum

neum Aquilonem nactus Olisipone soluit ; celeriterque concitatore vento in Indiam lætis auspiciis , sed immenso labore peruenit. Sed nos rebus iis omnibus cum ipsa India omissis , ad institutum nostrum properemus.

OLISIPONEM igitur quis primus condiderit , in tanta seculorum vetustate pro certo affirmare non audemus , quam tamen inter antiquissimas Hispaniæ vrbes annumerandam esse , vetustissimi quoque scriptores testantur. Hanc Varro Olisiponem , & Ptolæmeus Oliosiponem appellant. Strabo vero Vlyssæam , & ab Vlyssæ conditam esse , ex verbis Asclepiadis Myrliani videtur asserere. Is enim Myrlianus in Turditania ludo litterario præfuit , atque de gentibus ipsius regionis librum conscripsit , prodiditque etiam Olisipone in templo Mineruæ , fragmenta quædam suspenso tunc extare , videlicet parmas , apulstra , nauiumque rostra Vlyssis errores indicantia.

Ex quo sane loco non satis liquere arbitrantur quidam Olisiponem ab Vlyssæ conditam esse. Nobis tamen tanti viri testimonio adhærere placebit potius , quam illorum

lorum dicta comprobare , qui vt nullo certo argumento cauillare conantur. Præsertim cum Solinus vir apprime doctus ipsius Strabonis sententiam sit sequutus. Noster quoque Lucius Andreas Resendius vir doctorum omnium iudicio , & calculo comprobatus , id multis in locis scriptorum suorum , & imitatur , & confirmat. Sed quoad nominis rationem attinet , ex quadam ipsius Resendii oratione , & ex multis vetustissimis tabulis in vrbe ipsa repertis , ab illoque collectis , facile liquet , scribi debere Olisiponem , per O & duplex Iota , & simplex S. Erat autem Olisipo Romanis temporibus Romanorum ciuium municipium. Plinii grauissimi scriptoris testimonium hoc loco afferre non pigebit. *Municipium* (inquit) *ciuium Romanorum Olisipo , Faelicitas Julia cognominatum.*

VNDE autem nominis origo emanarit , temere affirmare non audemus. Id enim fortasse tam multis fabulosum videretur , quam illud Varronis a Iustino iudicatur. “ In Lusitania , vbi est oppidum Olisipo , monte Tagro , equas e vento suscipere. “ Cuius sententiam , & Plinius , & Solinus approbarunt.

Quam

Quam tamen diximus , Iustinus his verbis mendosam esse enixe affirmat. *In Lusitania* (inquit) *iuxta fluuium Tagum equas vento concipere multi authores prodiderunt , quæ fabulæ ex equarum fæcunditate , & gregum multitudine natæ sunt. Qui tanti in Gallecia , & Lusitania , & tam pernices visuntur , ut non immerito ipso vento concepti esse videantur.*

QVAE sententia nobis sane non ita displiceret , nisi physici rationibus adniterentur probare naturam ipsam , ex fœmineo tantum sexu , sineque marium congressu , multa gignere , & procreare solitam esse. Quem quidem Varronis locum D. Rodericus Archiepiscopus Toletanus , in sua historia , satis loculenter comprobat. Mons vero Tagrus , cuius Varro meminit , meo quidem iudicio ille idem est , quem nos *Sintreum* vocamus , & a quo Lunæ promontorium in mare prorumpit , millia passuum ab Olisipone plus minus viginti , & quatuor. Quod nostris hodie *Rocham* appellari placuit , siue vt latine dicam , Rupem. In cuius decliui montis oppidum , admirabili loci amænitate , cælique clementia hodie conspici-

picitur , ingenti ac munifico Regum Lusitaniæ domicilio nobilitatum , quod de nomine montis *Sintram* dixere. Mons vero diversis ferarum generibus , aviumque , mire abundans , pecori item pascendo propter singularem soli bonitatem , adeo est accomodatus , ut cuilibet facile possit persuaderi , equas sine admisso concipere. Ad latus porro huius montis , quod latus ab Oceano patet , vicus passibus circiter duobus millibus in colliculo positus est (*Collares* accolæ vocant) a quo haud ita procul , sub rupe in pelagus procumbente , antrum est quod accedente alluitur Oceano , fluctusque introrsus reciprocantes , salo spuma permixto , recipit in sese , & idem eructat ingenti undarum strepitu , in quo Tritonem concha canere olim visum nostrum vulgus existimat. Quod ad locum quidem attinet , constanter quicquam affirmare non audeam ; propterea quod ab omnibus , id litus propius legentibus , cerni facile , ac conspici possit. Tritonem vero Tiberii Cæsaris temporibus visum in Lusitania , auditumque fuisse , ita scribit Plinius. *Tiberio* (inquit) *Principi nuntiavit Olisiponensium legatio , ob*

*id missa, visum auditumque in quodam specu
concha canentem Tritonem, qua noscitur for-
ma.* Nec vero illud silentio prætereundum
esse duximus, nostro hoc tempore pleris-
que in locis huic litori vicinis quoddam ho-
minum genus reperiri, qui & natura, &
nomine Marini ab indigenis vocari cœpe-
runt, ob eam præsertim causam, quod hi-
spidum quid in cutis superficie gerentes,
notas quasdam squamarum, ac tanquam
reliquias antiqui generis, per totum ferme
corpus sparsas, præ se ferre, atque retine-
re videantur. Eos enim ab hominibus ma-
rinis, vel Tritonibus, originem, genus-
que traxisse, pro certo semper habitum est,
eiusque rei initium inde profluxisse a maio-
ribus accepimus, Tritones scilicet ad li-
tus proflire interdum, atque colludere pau-
latim assueuisse, eosque fructuum dulcedine
delinitos, quorum in iis locis maxima est
copia, eodem reuersos sæpius, ineffabili
quodam incolarum astu eorum aliquot in-
terceptos, ac postea blanditiis ad excultum,
mansuetumque genus vitæ traductos esse.
Et quidem si fabulosum videbitur dome-
stica familiaritate vocales reddi Tritones

potuisse, insuperque cum Lusitanis consuetudinem ut haberent effecisse, fabulosius fane mihi erit, barbarum incultumque Tritonem in Africa, in palude Tritonide, profiluisse, ac cum Græcis garrientem, ab Iafone tripodem, quam Delphos asportabat, uti Syrtium periculis suo ductu euaderet, sibi dari poposcisse.

NOSTRIS vero temporibus, ut efficacius testimonium in medium afferam, piscator quidam, dum inter scopulos Barbarii promontorii filo, hamoque iuxta Divæ Virginis facellum pisces capere contendisset, repente ex undis in scopulum mas Triton exiliuit, barba proluxa, crinibus oblongis, pectore hispido, facie non admodum deformi, absolutaque hominis forma. Qui cum paululum apricatus esset, & hominem a tergo, ipsius formam contemplantem, inspexisset, voce non dissimili prolata, territus confestim in salum se submerfit. Hæc piscator de Tritone, siue homine marino, cupidus audiendi, compto ordine ac fermone, hodierna die enarrat.

DEINDE paucis ab hinc annis, non procul a Lunæ promontorio, ut nobis retu-

lit Ferdinandus Alvarus, domus Indicæ scriba, vir integræ fidei, qui iuxta illud littus rusculum habebat, cuique vicinus erat vir probus, minimeque fallax, is enim vicinus persæpe, piscandi gratia, se in quosdam litoris scopulos conferebat, ibi cum negotium die quadam feliciter succederet (ut Ferdinandus ab eo ore tenus accepit) pisces quos hamo capiebat, a tergo sui in aridum scopuli anfractum, quo tutius asservarentur, proiciebat. Quod quidem persæpe inculcans, interdum nudum adolescentem, imberbemque per anfractum conspiciebat. Attamen cum in illo loco circumvicini incolæ fræquenter nare consueuissent, credebatur ex iis aliquem forte esse: cui, cum intentus piscationi esset, nihil verbi faciebat. Tandem intentius animaduertens, adolescentem pisces manu capere, & ad os deductos edere inspicit. Qua re commotus occurrit hominem petiturus. Qui violento cursu, cachinnans, ridensque, in fugam sese proripuit, pelago que vrinans sese submersit.

EODEM ferme tempore, e regione Urbis, pelago interiecto, non procul ab oppido quod *Barrerium* nostri nominant, iuxta

Al-

Alfonſi Albuquercii , viri patricii , villam ſimilis formæ hominem marinum exanimem ætus maris in litus eiecit. Præterea in antiquis regni archiuis , quibus ego ipſe præſum , extat adhuc compositionis Chirographum vetuſtiſſimum inter regem Alfonſum tertium & Pelagium Petreium , equeſtris ordinis Diui Iacobi magiſtrum , tranſactæ , qua decretum fuit , non Magiſtro ordinis , ſed Regibus deberi veſtigal ſyrenum , aliarumque belluarum in ipſius ordinis litoribus captarum. Vnde facile colligitur ſyrenes , cum de eiſdem lex lata fuerit , frequentes olim in noſtris æquoribus fuiſſe. Sed hæc hæcenus de Tritonibus, Ne-reidibus , Syrenibusque dicta ſufficiant.

CETERVM , vt ad inſtitutum reuertamur , ſcire oportet, vt paulo antea diximus, nobis de nominis vrbis Oliſiponis origine , & cauſa, nihil certi conſtare, immo nec quicquam , quo ad ipſius priſtinam memoriam ſpectet , nec item ad res in ea olim geſtas , inter Græcos , Latinosque authores reperire potuiſſe , cum minime dubium ſit in ea ciuitate, in qua hodierna die tot elogia , epitaphiaque latinis characteribus , lapidibus

exculpta extant , in ea ipsa , multa & præclara facinora transacta priscis temporibus etiam fuisse , quibus nostrum hoc commentarium ornare , lustrareque valuissimus.

SED cum illa omnia , vt ratione licet credere , temporum iniuria potius , quam scriptorum incuria forte periissent , ex nostris tantum Lusitanicis annalibus , cum altius nihil , quod minime fabulosum videatur , repetere audeamus , exordium faciemus , & post illam miserandam cladem qua ferme vniuersa Hispania a Mauris occupata Christi fidem deseruit , quomodo iterum ipsa Olisipo Christo initiata fuerit , demonstrabimus. Quæ res sic se habuit. Cum olim assiduus incursionibus Mauri Hispaniam impeterent , pii ac Christiani homines vndique opitulandi gratia eo confluebant , Regibus suam operam offerentes. Accidit tunc inter alios D. Raymundum Tolosatium Comitem ad Alfonsum Castellæ Regem , electum imperatorem , subsidio venisse : cui Henricus eius ex sorore nepos , huius expeditionis comes , fidissimus fuit. De cuius Henrici ortu , inter authores non satis conuenit. Nam Castellani scriptores eundem

Con-

Constantinopolitanum esse aiunt. Galli autem ex Lotharingia promanasse asserunt, nostri vero ex Hungaria originis seriem deducunt. Attamen nulla certa ratione omnes, id quod dicunt, demonstrant, qua nos quicquam audacter confirmare possimus.

CETERVM ob ingentia istorum principum merita, Alfonsus Rex Raymundo Orracam, Henrico vero Therasiam, filias in matrimonium collocavit. Et quidem Henrico, & Therasiæ Portugalliæ comitatum in dotem dedit, cuius prouinciæ eo sane tempore præcipua pars a Mauris occupabatur. Ex Therasia Henricus Alfonsum suscepit. Is Alfonsus post multa, & præclara facinora pro Christi fide acta, cum quinque potentissimis Regibus Mauris in campis Oriciensibus apud Castrum Viride conflicturus, quos vnico prælio deuicit, a suis militibus, in ipsis castris, vnico temporis momento, Rex electus, creatus, iuratusque fuit, & quidem reluctans, id contumaciter cunctis asserentibus, non decere strenuos milites, tam arduum, contra præclaros reges prælium inire, nisi sub regum vexillo. Affirmant nostri Scriptores, ipsum
Al-

Alphonsum , antequam prælium iniret , Christum in cruce appensum in æthere conspexisse , ei victoriam pollicentem , atque ducem fide flagrantem ita respondisse. Domine cum certo sciam , te filium Dei esse , mundiue verum Seruatorem , non est quod te mihi demonstrares. Vade ergo , inquit , hostibus tuæ religionis te ea lege ostende , vt nos tantis malis careamus , ipsique credant , cognoscantque tui solius nece , mundum viuere , & saluum esse.

OB quod miraculum scuti basi , quod albi duntaxat coloris tunc temporis Alphonfus ipse gestabat , quinque cæruleos clypeos , pro deuictis quinque regibus ; clypeisque cunctis , in Christi plagarum memoriam , quinque alba puncta , quincunciali ordine Rex ipse subnexuit. Quibus signis ab eo vsque tempore Lusitaniæ Reges summa cum reuerentia vtuntur , eaque continuo ob mysteriorum gloriam omni debito honore deosculantur , amplectunturque. In quibus illud etiam mysterii , scitu dignum , inest , quod si quinque præfatis clypeis , numerum omnium punctorum adiungas , rationem triginta denariorum reperiēs. Quo quidem

dem pretio orbis Redemptor Christus a Iuda Iudæis venundatus fuit. Igitur affecuti sunt Lusitaniæ Reges , ex tam insigni victoria , ea signorum tam gloriosa mysteria. Quæ signa vt cælitus a Christo concessa fuere , sic ipsis ducibus , nobisque sub eis militantibus , ipsius Christi fidem in immensum per vniuersum orbem , longius , latiusque quam vnquam fuit , nostraque industria , & labore propagata , euulgataque hodierna die est.

PORRO , vt ad scopum reuertamur , cum Olisipo ab hoc rege Alfonso obsideretur , & bello diu præliando , configendoque oppugnaretur , Christi Fides anno ipsius Christi natalis millesimo centesimo quadragesimo septimo restituta fuit. Cui bello etiam nonnulli peregrini milites ex variis Europæ partibus religionis causa interfuere , quorum non pauci dimicando desiderati sunt.

NEC defuere qui , ex iis miraculorum argumentis , loco sanctorum habiti sunt , inter quos quidam Henricus fuit , natione Germanus , Bonnæ natus (oppidum est ad ripam Rheni non præcul a Colonia Agrippina constitutum) cuius Henrici meritis Deus
mul-

multa, & præclara miracula dignatus est facere, ut nostri annales testantur. Hoc Rege Alfonso regnante, non multis diebus post expugnatam Olisiponem, corpus D. Vincentii Leuitæ & Martyris in ipsam urbem, ex sacro promontorio, ubi diu latuit, relatum est, & in fornice summi templi, summa cum reuerentia hodierna die asseruatur. Quam rem diffuse Resendius noster graui carmine prosequutus est.

E regione cuius monumenti, Alfonso quarti regis sepulchrum extat, eius inquam, qui anno Christi millesimo trecentesimo quadragesimo Alfonso Castellæ Regi suo genero luculentum contra Alboacem Maurorum potentissimum Regem subsidium tulit, cruentissimoque ad flumen Salsum prælio, aduersum eundem Alboacem præfuit, & gloriose victor, cognomen ad Salsum victoris vulgo obtinuit. Ob quam causam ipse Regis mentionem non displicuit nobis hoc in loco facere.

Ad radicem vero huius summi templi, paulo inferius Occidentem versus, interposita platea, sacellum Diui Antonii, quem Paduanum vocant, admirabili structura, &
mira

mira elegantia elaboratum , sese nobis offert , olim ipsius diui Antonii parentum habitaculum , in quo quidem ipse natus , educatusque fuit , ex cuius natalibus non mediocriter sese vrbs Olisipo extollit , & merito quidem est , cum inter cælites tam digne omnium Christianorum consensu sic annumeratus relatusque sit , vt Deo totius Christiani populi sententiam miraculorum fide confirmante , ipsius beatissimi Antonii nomen per vniuersum Orbem cognoscatur , & reuerenter vbique gentium ab omnibus eius memoria colatur , celebreturque. Super eius sacelli epistylum domus ciuica , seu vrba curia constituta est. De cuius ordine , serieque regiminis multa & præclara dicere potuissemus , si id alienum a nostro instituto non videretur. Quamobrem ad ea quæ polliciti sumus redeamus.

IGITUR antiquæ vrbs Olysiptonis situs collem excelsum , ad Tagi ripam deductum vsque , antiquitus solummodo occupabat , nunc vero plures montes , ac valles magnitudine amplectitur. Cuius potissima , celeberrimaque pars Orienti opposita est : qua potissimum parte , suscepto iam Tago ,
pela-

pelagus in latitudinem millia passuum sex patet. Ex aduerso latere duo sinus efficiuntur : quorum vnus aquilonem versus introrsum reductus ad frequentem hac tempestate vicum *Gallecum* nomine , alter vero ad meridiem paulum deflexus , ad vicum *Connam* quotidianas habent navigationes. Ab eodem vero latere paulo inferius , oppidum *Almada* situm est , in extremo frontis , quam cornensis sinus obliquo circuitu emittit. Quo quidem loco pelagus a licentiosa sinus vastitate paulo coarctatur. Illincque ad urbem traiectus est passibus paulo minus , quam millibus quatuor. Ripa vero lateris eius fere præcipitio in mare descendens , ac dorso in arcus similitudinem ad meridiem sese inclinans ad Barbarium promontorium extenditur. Mediis his anfractibus sinuosa , devia , quasi fyrtes intersunt : in quibus aurum arenis involutum nostri conquirunt , eo præcipue loco quem *Addiciam* nuncupant : quod item plerisque locis in ipsa Tagi ripa fieri consuevit. Nec a veterum sententia discrepant , qui Tagum auro , gemmisque affluere scripserunt. Ab hoc rursus Barbario promontorio, ad citeriorem

rem litoris partem , que occasui subiecta est , in mare progreditur Lunæ promontorium , a quo ingenti flexu , veterum Turdulorum fines exoriuntur. Quod litus in hanc usque ætatem , a nostris , vetus appellari consuevit. Interius non magno deinde intervallo , in extimo Olisiponenſis sinus ostio , fanum Virgini Matri , quam Ductricem appellant , dicatum in scopulis inspicitur , ubi nocturnis facibus accensis navigantibus iter noctu præmonſtratur , ne locorum ignari ad vada , scopulosque vicinos , naves allidere cogantur. Interiora legenti , aquilonem versus , oppidum *Cascale* situm est , quo naves onerariæ in anchoris consistentes , accedente maris æstu auram operiuntur , portu vadoso alioqui , & anfractuoso. Modico inde interuallo , aduerso etiam flumine , sinus in cubiti formam efficitur , in cuius fronte sacellum est Divi Iuliani , supra quod aliud Divæ Catharinæ sacrum. Tum eodem latere obliqua ripa , propius ad urbem accedenti , Bethleem oppidulum , & ibi templum ingens Divæ Virgini dicatum vna cum cænobio monachorum , qui divi Hieronymi vitæ institutum professi sunt , sese offert ,
incre-

incredibili sumptu , ac magnificentia constructum , diui Emmanuelis regis monumentum , quod dum viueret , sibi ipse designauit erexitque : magnam tamen ipsi operi accessionem Ioannes tertius Emmanuelis filius , qui nunc feliciter regnat , & fecit , & facere non cessat.

De qua re extat ibi in arcu celebre Resendii nostri beſſalibus litteris tetraſtichon , quod quia a multis externis hominibus eo accedentibus describitur , ponere non gravabor.

*Vaſta mole ſacrum diuinæ in litore Matri.
Rex poſuit Regum maximus Emmanuel.
Auxit opus hæres Regni & pietatis , vterque
Structura certant , Religione pares.*

TURRIS vero ex aduerſo quatuor tabulatorum extat , quadrato extructa ſaxo , quam iactis in mare molibus , ipſe etiam Emmanuel Rex inædificari curauit , vti ſalo vndique circumdata , ab omni ſubita hoſtium vi , & impreſſione , tuta redderetur : nullæque naues iis inuitis , qui turris præſidio impoſiti ſunt , propter anguſtias ad urbem

bem propius auderent accedere. Hinc autem ad primum vrbis cornu trium millium passuum interest spatium, quo excursu crebra villarum suburbanarum ædificia, mira elegantia, & amœnitate constructa licet cernere, rura item, ac pascua, præter maximam omnis generis fructuum copiam, summam etiam pulchritudinem, ac iucunditatem ipso aspectu præ se ferentia.

QVOD si singula, quæ in vrbis ambitu insunt, persequi vellem, res profecto me longius quam oportet distraheret. Quapropter ab instituto non longe discedamus. Vrbis igitur Olisiponis initium, ab hac parte, qua meridiem respicit, vetus regia amplissima, magnificoque opere pulcherrima, efficit, quam *Sanctos* nostri nuncupant.

NOMEN inditum loco, quod longo temporis spatio, corpora Sanctorum martyrum Verissimi, Maximæ, ac Iuliæ ibi recondita fuerint, donec sub Ioanne Rege, eius nominis secundo, translata alio fuere. Qui quidem Diui, dum Christum Dei filium orbisque Seruatorem constanter profiterentur, sub Romano præside, Olisipone passi sunt. Inde obliquo aggere, saxoque constructo ad
Vesta-

Vestalium templum , cui Diuæ Mariæ spei nomen est , per cliuum sensim depresso , itur : vnde rursus eadem via in aduersum montem conscenditur , cuius in tergo , facellum Diuo Rocho nuncupatum conspicitur.

EODEM deinceps tractu in vallem amœnissimam , mœnibus vrbis contiguam , hortisque vndique consitam , est descensus: quæ a facello Eremitarum , Diuo Antonio consecrato , nomen olim sumpsit. Nunc vero iis exclusis ab Adnunciatione Angelica Deiparæ Virginis facta , nomen habet , & a Vestalibus Dominicani instituti inhabitatur. Mox pari accliuitate collis nascitur , densissimo oliveto oblitus , vt non facile introrsus inspicere possit. A superiori vero parte apertus , & facello Diuæ Annæ recens dicto ornatus , quod summa cum religione , & reuerentia , magna item populi frequentia , ab omnibus hodie visitur , & colitur. Ab hoc subinde per agrum compascuum , leprofaria , foroque boario interiectis , in aliam vallem non minus fertilem , iucundamque deuenitur , quæ Maurusia nuncupatur , ex eo quod post recuperatam de Saracenis urbem , eo loci permissi sunt Mauri habitare.

bitare. Cuius sinistram partem , quæ ad Septentrionem vergit, vbi campi Diuæ Barbaræ incipiunt , Angelorum sacellum diuidit. Supra valem hanc Orientem versus , mons excelsus imminet recto , difficilique ascensu , a quo fanum Diuæ Mariæ Montanæ , quod in summo montis culmine situm est , nomen accepit. Ab hoc præterea modico flexu , vtcunque directo itinere , ad urbem reditur , statimque obuium fit templum vetustissimum Augustiniensium Monachorum , Diuæ Virgini Gratiarum sacrum , introrsus eidem vrbis muro adhærens. Exinde porro præteritis ditissimo Cænobio Vincentio Leuitæ , & martyri dicato , Canonorum D. Augustini , atque Gymnasio non ita pridem celebri , antequam Rex Ioannes tertius illud Conimbricam transfulisset , ad ripam Tagi decurritur , quæ aquilonare vrbis cornu ab ea parte efficit. Qua parte amplissimum , nobilissimumque Vestalium Diuæ Claræ Cænobium ad fluminis crepidinem ferme attingit : indeque auerso itinere , Sacelloque Diuæ Virginis Paradisiacæ interiecto , ad primam vrbis portam , quæ Crucis dicitur , iter est. Ab illo autem Claræ tem-

plo ad regiam veterem quam *sanctas* antea nominari diximus , vbi meridionale vrbis cornu posuimus , rectus margo , secundo mari ab Oriente æstiuo incipiens , in meridiemque excurrrens , millia passuum tria ferme efficit. Eo igitur modo latus hoc vrbis mari alluitur , & reliquæ tres partes aditum habent a terra. Itaque collibus quinque , vallibus totidem feracissimis , & iucundissimis , vrbs tanto spatio complectitur , ita vt vniuersus eius ambitus septem millibus passuum designari possit. Certam autem eius formam , descriptionemque , facile deliniri posse non arbitror , cum in solo montoso , asperoque sita sit. Nihilominus si quis ex oppido *Almada* quod contra in ulteriore sinu parte positum esse docuimus , rectis , immotisque oculis , vrbis situm figuramque velit contemplari , ab ea præsertim parte , qua in urbem traicitur , illam certe veram vesicæ piscis effigiem referre comperiet. Quod si solum omnibus ex partibus planum esset , a latere terrestri formam arcus demonstraret : interioris vero vrbis amplitudo , & magnificentia , tanta est , vt cum ceteris omnibus Europæ vrbibus , & hominum multitudine

dine, & ædificiorum pulchritudine, & varietate, merito contendere possit. Dommorum siquidem amplius quam viginti millia inesse constat. Earumque ingens multitudo, tam principum virorum, nobiliumque, quam etiam privatorum hominum, eleganter, & sumptu prope incredibili constructa est, adeo, ut etiam parietes intrinsecus, forniceque, ligno Sarmatico undique vestiti, vermiculato opere, auro, variisque coloribus adhibitis exornentur. In litore fontes quamplurimi ex diuersis vrbis partibus per ductus subterraneos oriuntur, e quibus populus aquationem facit. Eorum vnum Regium nominant, marmoreis columnis, ac fornicibus eximie constructum, sexque fistulis tanta aquæ copia profluentem, ut vnus vniuersæ hominum multitudini potum pene suppeditet. Hic autem saporis, & splendoris, & lenitatis præstantia, omnium fontium, quos vsquam me videre meminerim, aquam aut æquat, aut superat. Tepidam etenim cum effundat, paruoque ipsa post temporis momento refederit, tum purissima, frigidissimaque suauissime bibitur. Duo præterea fontes haud ita procul emergunt ma-

ximis aquæ scatebris, in mare breui admodum fluxu prorumpentes. Quod si longiori distarent a mari interuallo, multæ frumentariæ molæ tanta aquarum vi atque impetu, quouis anni tempore facile agerentur. Cetetum lotricibus, alutariis, fulonicisque opificibus plerumque seruiunt. Non multo deinde interiecto spatio, portam Crucis versus, fons alius, aut vt verius dicam, stagnum emergit, qui Equorum dicitur, propterea quod per ænea statuarum equestrium labra aquam ore affatim vomentium instar fluuioli cursum tenet. Sunt denique diuersarum aquarum salientes fontes, puteique non pauci in omni parte vrbs, magnam ciuibz commoditatem afferentes. Quos omnes in præsentî sigillatim enumerare non huius instituti multum interesse videtur.

Ad reliqua igitur vrbs ornamenta breuiter, ac summatim delibanda veniamus. Atque vt antiquam in summa arce regiam, quæ in editiore vrbs parte posita est (opus ipsam antiquitatem vere repræsentans) omitamus, Olisipo septem in primis ingentibus ædificiis singulari Regum nostrorum consilio,

filio , sumptuque incredibili magnificentissime extructis , hoc tempore illustratur. Horum primum , vt a religione initium faciamus , Misericordiæ templum est , quadrato vndique lapide extructum non infinito prædiorum censu , ac prouentibus annuis vberrimis , quemadmodum pleræque omnes nostræ ætatis basilicæ , sed sola optimatum , ac piorum hominum benignitate ita sustentatum , vt prope fidem superet , quantum in annos singulos ex collatitia stipe in pauperes impendat. Huius qui curam gerunt , sodales , siue vt expressius dicam , fratres Misericordiæ nuncupantur , quibus propter & generis , & nominis claritatem , & summam etiam pietatis , probitatisque existimationem , negotium defertur. Siquidem illi omnes communi consilio , parique animorum voluntate , illud Misericordiæ ærarium administrant : quod ex fortuitis tantummodo hominum piorum largitionibus , eleemosinisque confectum est. Ex qua summa sodalitiî fide , & integritate , nullo habito personarum delectu , egentium omnium inopiæ consulitur , ac prouidetur , præsertim puellarum pupillarum , quibus inde , iuxta cuiusque qualita-

tem ,

tem, dotes in matrimonium conferuntur. Tum etiam eorum qui graui aliquo incommodo, aut calamitate pressi, vitam in mœrore, rerumque angustia trahere coguntur. Quo fit, vt multorum tam incolarum, quam exterorum mentes, ad largiendum alliciat perpetuus ille ordo, incorruptaque ratio ærarii quotannis in pauperes exhauriendi. Nihil enim in eo pecuniæ vltra annum tempus asseruari fas est, nec item proventus habent, nec ex instituto, legibusque fodalitii habere licet. Quod fane eo magis admiratione dignum videtur, quod ex ærario amplius viginti quatuor aureorum ducatorum millibus in singulos annos constet egentibus erogari. Quin nonnullis annis numerus quadraginta millium æquasse vel superasse, compertum est.

SECUNDO loco sequitur alterum Misericordiæ, ac humanitatis exemplum, valetudinarium videlicet commune pauperum, infirmorumque hominum, nomine Omnium Sanctorum, non magnificentia ædificorum, non sumptuum magnitudine, non denique benignitate erga pauperes, variis corporis morbis conflictatos, & expositos infantes, quos
nutrien-

nutriendos alendosque curat, priori illi cedens. Id quatuor dividitur claustris, hortisque amœnissimis, porticibusque quatuor & triginta, quibus circumcirca continenter adhærent ædes magnificæ, tricliniis, lectis, culcitisque mundissimis decenter ornatae. Ibi pauperes ægrotantes benigne, liberaliterque excipiuntur: nec nisi recuperata in integrum valetudine inde dimittuntur, dato insuper quibusdam viatico, quo se non paucos dies, dum firmiores valentioresque effecti fuerint, sine ullo labore ac molestia subleuare possint. His porro quæstorum, curatorum, medicorum, pharmacopolarum, ceterorumque ministrorum domus recte distinctis ordinibus conjunctæ sunt: ut infirmis, si quis casus necessitasque acciderit, præsto semper adsint, diesque noctesque pro se quisque sedulo diligenterque inserviant: adeo ut inter reliqua regia Xenodochia, quibus amplissimis celeberrimisque Hispania passim præter ceteras Orbis Christiani provincias referta est, nostrum hoc facile principatum sibi vendicet. Pro huius vero foribus campus patet apertus, planus undique, quadrato ædium pulcherrimarum ordine

dine circumdatus , a quo Divi Antonii , & Maurusia valles , quorum supra mentionem fecimus, in Δ litteræ figuram se contingunt, ac diversis postea plateis, in corii bubuli similitudinem detracta cauda , explicantur , mare versus decurrentes. Ad dexterum deinde eiusdem Xenodochii latus , medium inter aquilonem & Occidentem , Divi Dominici templum situm est , ac collegium celleberrimum , cuius ex adversa fronte campo interiecto Occidentem versus , tertium extat monumentum a Divo Petro , Ioannis regis huius nominis primi filio , sumptu publico constructum , domus revera amplissima , mirificoque opere admodum conspicua. Quam eo tantum consilio inibi , dum nomine Alfonsi quinti , sui ex fratre nepotis , regni regimen sustinuit , extrui imperavit , ut exterarum gentium , regumque legatis , eo loci hospitium præberetur , publicisque sumptibus ibidem liberaliter magnificeque exciperentur.

INDE si recto itinere ad litus ire perrexeris relictis ad dexteram in loco eminentiore Cænobiis Carmelitarum , Franciscanorum , ac ordinis Trinitatis , magnifica

fica , sumptuosaque structura nobilissimis ,
 regiam nouam plateam , anagliptariis , an-
 nulariis , cœlatoribus , vasculariis , fabris
 argentariis , & ærariis aurariis , item argen-
 tariisque refertissimam , præteriens , in ali-
 am eodem pariter nomine nouam mercato-
 rum , continuo flectens ad lævam , deveni-
 es , ceterorum omnium longe latissimam ,
 ædificiisque pulcherrimis , vtrinque exorna-
 tam. Illuc omnibus fere ex partibus Or-
 bis , & gentibus quotidie mercatores cer-
 tatim conveniunt maximo hominum concur-
 su atque frequentia , propter commerciorum
 portusque opportunitatem. Eademque via
 contra Septentrionem progredienti , ad læ-
 vam portorium vetus objicitur : vbi pro
 mercibus importatis publica regi vectigalia
 nuper pendebantur. E regione huius porto-
 rii forum , quod Veteris Pali vocatur , appa-
 ret, in quo semper non pauci homines men-
 sis assidentes reperies , quos notarios , vel
 librarios vocare possimus , nullis tamen ci-
 vitatis ministeriis obligatos. Hi omnes ex
 hoc vitæ genere sibi alimentum suppeditant ,
 quod omnium accedentium , mentesque su-
 as explicantium , sensum assequantur , or-
 dine-

dineque in eodem ipso loco subito schedis scribant, petentibusque dato pro ratione materiæ pretio tradant, in tantum, ut litteras, epistolæque amatorias, elogia, orationes, epitaphia, carmina, laudes, parentalia, petitiones, syngrapha, & cuiuscunque generis alia, quæ ab eis postulaueris, ad ea habeant dispositum scribendi stylum, quod nullibi in totius Europæ urbibus fieri vidi. Vnde Olisiponis magnitudinem, & hominum frequentiam facile iudicabis.

DEHINC recto itinere ad templum Misericordiæ, de quo iam diximus, iter est, contraque ejus vestibulum ex orientali latere quartum apparet ædificium Regis Ioannis, hoc nomine tertii, perpetua memoria dignissimum. Duplex nempe magnificarum ædium structura, totidem porticibus, utrinque triginta duobus arcubus, octogintaque cellis exornata, angusta, æqualique areola interiecta, quam domum frumentariam Reipublicæ, ac quasi Lusitaniæ nutricem merito nominare possis. Ea siquidem mente horreum ibi publicum a Rege optimo ac prudentissimo constitutum est: ut sublato frumenti leguminumque omnium portorio, quod non
sine

sine fisci magno detrimento ipse omnium regum Lusitaniæ primus plebi elargitus est, speque ingentis quæstus mercatoribus proposita, frumentum vndique ab eis convehitur. Eo pacto brevi plebs annonæ caritate subleuatur, quod sane magno Reipublicæ commodo factum esse nuper experti sumus. Post huius tergum novum portorium inhæret, ipsam maris crepidinem attingens, immanis quædam lapidum moles, tignis trabalibus confertim immixtis, ac fistulationibus in mare adactis suffulta, regisque eiusdem iussu sumptuque constructa, cui merito ob ædium magnificentiam, & operis pulchritudinem, quantum in hoc ordine locum tribuendum esse duximus.

EODEM tractu secundo mari campus latus admodum inest, a nova portorii, horrei-que structura, tum a septentrionali, tum ab occiduo latere, pulcherrimarum ædium serie circumseptus, tum maxime a meridionali, porticu iucundissima aspectu, ad litus usque ornatu summo deductus. Nam aliud latus quod orientem hibernum respicit, mare includit. In eo forum inest piscarium, unaque forum cupedinis constitutum, quo

cetarii , fartores , cupedinarii, lanii , pannifices , dulciarii , gregati quotidie concurrunt , omnia, quæ ad urbem vescendi causa afferuntur , vendentes. Præterea , propolarum , institorum , cauponum , stabulariorum , linteonumque tabernæ ibidem instructissima visuntur. In hoc vero piscario foro certa quantitas corbium deposita est , magistratuum edicto , quibus cimbis piscatoriis apulsis , iussis a mediastinis in forum ad venditrices advehuntur. Hi quidem corbes singulis annis a magistratu piscatoribus plus minus duobus millibus ducatorum locantur. De qua sane re , an causa adaucti vectigalis civitati congratuler , an tam latentem tyrannidis speciem reprobem , dubius & perplexus sum. Nec huic loco talia conferui , nisi vt vrbis opulentiam externis hominibus patefacerem. In huius vero campi occiduo sinu , eodem piscario foro a tergo relicto , mercatoque panificum , holitorum , fructuum venditorum , aucupumque interiecto , nec non macello , domus , quam nostri Septensem nominant, sita est , in qua regii præfecti negotia ad bellum Africanum spectantia expediunt.

NON

Non procul prætera ab hac domo, contiguo ædium ordine, sextum monumentum opere admirabili factum extat, præda, spoliisque multarum gentium, regumque reuerentissimum, quod ab Indicis negotiis, quæ ibi pertractantur, domum Indicam vulgus nostrum appellat. Attamen meo quidem iudicio, aromatum, margaritarum, carbunculorum, smaragdorum, aliarumque eius generis gemmarum, quæ quotannis ad nos ex India deportantur, emporium copiosissimum, tum auri quoque & argenti facti, infectique horreum amplissimum verius appellare poteris, quod cellas ibi quamplurimas miro artificio, atque ordine distributas, maxima omnium harum rerum copia affluentes, ab omnibus conspici posse palam est, ut mehercule fidem res superactura sit, nisi id omnium oculis obici, manibusque in horas pene contrectari videremus. Proinde ex regia, quam ibi desuper Dominus Emmanuel amplissimam, & sumptuosissimam sibi fabricatus erat, porticus latissima, velut musculus, ut demonstravimus (a qua campus de quo paulo ante mentionem fecimus a meridionali latere sepitur)

in mare prorumpit , in cuius fronte ad Orientem versus , turris vndique quadrato saxo mire exculta litori imminet. Ad hoc ibidem in in ipso litore aliud ædificium opere mirabili a fundamentis modo facere occcepit potentissimus Ioannes III Rex, Dominusque noster , quod cum Deo Divisque propitiis ad exitum perduxerit , octavum locum civitatis ornamenti obtinebit , ac reliquis omnibus palmam facile præripiet.

POSTREMO ei regiæ, quam diximus Emanuele ædificasse , e regione huius novæ instructuræ, Occidentem versus, platea interposita contiguum est septimum , ultimumque publicum monumentum , cellis quamplurimis, ac tricliniis quaqua versum artificiose fabricatis instructum, vt ob interiorum ædium multiplices recessus, aditusque diversos labyrinthum esse vere existimes. Ibi Reges nostri armamentarium ingenti armorum omnis generis copia refertum constituerunt , machinarum item & tormentorum , tum rerum omnium , quæ ad bellum terra marique gerendum pertinent, apparatu adeo instructum, vt ceteris omnibus , quæ Europa, Asiave hodie instructissima copiosissimaque habere fer-

tur ,

tur, quorum optimam partem vidimus, & multitudine machinarum, & infinito armorum, telorumque numero facile præstet. Id vero hoc argumento me cuivis facilius probaturum puto, quod Rex in ordinariis tantum navalibus expeditionibus naves plures ducentis omnium generum perpetuo instructu, optimeque armatas in Asia, Africa, Europaque habere cogitur. Tribus autem harum ædium cellis quadraginta millia perditum armorum corpora, ac tria millia cataphractorum integra quasi ex deposito diligentissime, nitidissimeque custodiuntur, præter ea, quæ ad quotidianos & extraordinarios motus depromuntur. Bombardici quoque generis Mortarios, Scorpiones, Basiliscos, Leones, Colubrinos, Camelos, Petrarios, Disperfores, Ruptoresque inusitatæ magnitudinis, & ponderis, tum reliquorum etiam vulgarium missilium, quos Falcones, Berrios, Sclopposque vulgus appellat: Pulveris item, & globorum tam ex saxo, quam ex ferro tantam vim & copiam asseruari compertum est, ut si singulas omnium, diversasque formas, numerum, pondusque per partes explicare coner, verear ne fal-

fa iis pro veris huic operi videar inferuisse , quibus hæc legendo dumtaxat , vel audiendo , percipere sufficiet. Ad reliqua igitur pergamus.

VRBS ex ea parte qua mari adluitur , ut paulo ante demonstrauius , utpote nobilissima eius parte , portis duabus , & viginti distinguitur : pars vero , quæ continentem respicit , sedecim ; quibus omnibus , propter infinitam hominum multitudinem , eiusque ambitum latissimum , maxime indigere videtur. Turribus autem per murorum gyrum septuaginta septem munitur. Templâ vero , quæ a Græcis parœciæ appellantur , in quibus sacramenta fidelibus omnibus subministrantur , quinque & viginti numerantur , præter ea , quæ plurima Monachis , Anachoretis , Vestalibusque virginibus sunt attributa. Huic loco non nihil in laudem ecclesiasticæ musicæ adiiciam , idque verissimum compertissimumque inter omnes ciues habetur , nempe quod in præcipuis anni festis diebus , ex ipsa vrbe Vlisipone , ultra triginta absolutos cantorum choros , ad sacra modulato cantu in pagis villisque circum vicinis canenda , vna die cuncti

cuncti exeant, omnibus vrbis templis, in quibus musica modulata canitur, ex eo nihil detrimenti ad suas celebrandas festiuitates capientibus. Societates vero, quas confraternitates vocant, centum & triginta vnæ sunt, in quarum vsum ingens a fodalibus quotannis conflatur pecunia, quæ in pauperes, & alios vsus necessarios summo ordine elargitur.

QVOD ad loci, situsque salubritatem, & aeris temperamentum attinet, tanta certe soli, cælique clementia, & amœnitas est, vt nullo fere vnquam anni tempore, nec æstas, nec hyems immoderata sentiatur; quo factum est, vt multi mortales ex diversis nationibus, terrisque remotissimis, cæli puritate pellecti, illuc commigrarint, derelictoque solò natali & patriæ cura posthabita, perpetuam ibi sedem, vitæque domicilium posuerint. Vrbis vero territorium suburbanis, rusticisque villis, ædificiisque magnificis, quocumque oculos verteris, propter agri fœcunditatem vndique refertum videas; tanta etiam hominum frequentia, vti secundis iam pridem rebus, perpetuæque pace cum finitimis parta, complures jam ruri po-

E

tius,

tius , quam in vrbe commorandi desiderium teneat. Agros enim passim non vicis , pagisque solum , sed templis etiam claustrisque innumeris & ornatissimis frequentari cum tanta animi voluptate videmus , vt villæ , tam rusticæ , quam suburbanæ , numerum sexcentarum excedant. Pagos vero , qui ab vrbis magistratibus ius petere coguntur , ducentos & quadraginta numerant , inter quos sex & triginta privatis propriisque iudiciis ac prætoribus vtuntur , suisque oppidanis iurisdicendi potestatem habent , incolarumque controuersias per se omnes diiudicant , & finiunt , nisi cum de causis capitalibus , grauioribusque agitur. Tunc enim ad summum vrbis magistratum provocatur , eiusque sententiam requirere compelluntur. Denique vt ea , quæ insigne aliquod ornamentum vrbi asferre possunt , breui velut epilogo complectamur , ad Tagi ripam quinquagesimo circiter ab vrbe lapide , flumine aduerso , oppidum Scalabis situm est , peruetus atque inter pleraque alia Lusitanix oppida percelebre , quod Plinius quintam Lusitanix coloniam fuisse , atque præsidium Iulium olim vocatum testatur :

nostri hodie *Sanctarenum* vocant. De qua re plura apud Resendum nostrum antiquitatis amatores inuenient. Inde quoniam in montis, excelsi admodum, iugo positum est, in campum apertum & planum, longe lateque despicit, qui campus Tago medius diuiditur maxima terræ fertilitate, quæ ceteris omnibus vsque eo præstat, vt modicæ arationes quotannis, pro vallis angustia, incredibiles tritici acervos efferant. Tantam autem foli vbertatem id laudis non pudebit connectere, quod multis dictu vix credibile videbitur, sexagesimo nempe post die, quam sementis fieri cœpta est, segetes momento fere temporis adultæ, ac præmaturæ secantur, teruntur, & si libet, molliuntur.

VERVM vt ad præpositum reuertar, Tagus, qua Scalabim adluit, vsque ad urbem latissimo alueo defertur, atque altissimo. Nec eo contentus, interdum multos sinus vltro citroque, & insulas efficit. Eo itidem interuallo, oppida, pagi, villæque aspectu, situque gratissimæ ac amœnissimæ conspiciuntur. Medio fere cursu cis Tagum, occidentem versus, oppidum Alanquer si-

tum est , quod , vt sentit Resendius , prisca secula Gerabrigam appellabant. Locus natalis nostri , cuius nouam interpretationem , si propius inuestigare libuerit , Alanorum ecclesiam lingua saxonica sonare comperies , nec a veritatis via multum aberrabis. Alanos siquidem cum vniuersam Europam cædibus , incendiisque vastando peragrascent , iis locis confedisse , eaque tantisper incoluisse ex multorum annallium monumentis compertum est , dum Gothis superuenientibus ex prouincia prorsus discedere , aliasque terras quærere coacti fuerint. Quæ gens omnis lingua , moribus , vicinitateque , Saxonibus ab origine fere semper coniuncta fuit , & ad hunc vsque diem mutuo quodam vinculo propinquitatis sese refouent. Ad huius vero oppidi radices (est enim eius præcipua pars in summo montis præalti culmine sita) fluuius e multis fontium riuus subterraneis oritur peramœnus , pisciumque multo feracissimus , qui arboribus vtrique confitus , sole meridiano , magnisque calibus , vmbram efficit , quo homines vt plurimum secedunt , gratissimam. Mox magno impetu inter confragosa montis , in planiciem

em apertam delatus , sexque a capite fontium passuum millibus , in Tagum diffunditur , qua parte Tagus crebras insulas emittit , quæ omnes frumento pascuisque pinguis-
simis abundant. Attamen earum nulla hoc tempore castellis , pagisque , aut vitibus colitur , vt Strabo scriptum reliquit. Quæ res Tagi ipsius alluionibus , vetustateque temporis forte deficientes , hoc gloriæ corollario eohonestantur , quod hodierna die Tagus ipse per vniuersa Oceani litora , in Africa , Asiaque , leges & instituta det , quibus ipsarum prouinciarum reges , principesque , sponte , vel coacti parent , tributaque Lusitanis soluunt , Christique fidem indies magis magisque non pauci colunt. Quod non in Indorum ditionibus modo , sed in Chinarum etiam terminis , ac Iapponensium finibus , gente antehac Europæ incognita , summa cum reuerentia fit. De innumeris vero exoticis rebus , quæ ex nostris vniuersæ Indiæ , Persiæ , Arabiæ , Aethiopiæ , Brasiliæ , Africæque ditionibus , in hanc urbem toto anni circulo aduehuntur , deportanturque , cum de omnibus iis satis luculenter in eo opusculo , quod de fertilitate , & opulentia Hispaniæ

paniæ emisimus , tractemus , nullam consulto hic facere mentionem figillatim volumus. Siquis forte id cognoscere auide cupierit , ipsum librum conquirat , quæsitumque legat. Ceterum si lectori noster hic labor displicuerit , sciat nos non ita hoc opus cudisse , vt itinera aliis scriptoribus interclusa a nobis esse opinemur. Nam si forte aliquis de origine , & vrbis situ compertiora in medium attulerit , rem profecto gratam cunctis , nobisque inprimis fecerit.

H I S P A N I A
D A M I A N I A G O E S
E Q V I T I S L V S I T A N I .

DAMIANVS A GOES

LVSITANVS

PETRO NANNIO,

LATINO APVD LOVANIENSES PROFESSORI

DIGNISSIMO , AMICOQVE

NON VVLGARI.

S. D.

CVM saepenumero rerum Hispanicarum
mentio inter nos , amantissime Nanni ,
incidisset , multis argumentis cognoui , te
nondum iisdem satiatum , ampliorem ea-
rum notitiam e scriptis nostris expectare.
Quamobrem optatis tuis parentes , hæc
tali lege tibi cudere voluimus , vt si arri-
serint , legas , amicisque tuis huiusmodi re-
rum notitiam cupientibus communices : sin-
minus , Vulcano tradas. Vale.

CLARIS-

CLARISSIMO EQVITI,

ERV DITIONE

ET HVMANITATE INSIGNI

D. DAMIANO AGOES,

PETRVS NANNIVS

S. P. D.

LIBELLVM tuum, amplissime
Damiane, eo animo accepi, vt si
mihi ingens thesaurus oblatus fuisset,
nec alacrior, nec hilarior esse potuisssem.
Sunt mihi a te alia præclara munera,
sed nequaquam pari honore æstimanda,
cum illa tantummodo pretii magnitudine
dignitatem habeant, iste de ingenii tui
præstantia venerationem mereatur.
Admirabilis ibi ordo, singulæque
res in suas classes distributæ sunt,
quam rationem scribendi maxime videtur
Suetonius adamasse. Habent in tuo libro
singula suam peculiarem stationem:
hic regnorum vires, illic Episcopo-

scoporum & Satraparum opes describuntur. Habent suum catalogum Sancti Hispani, habent viri eruditi. Duces quoque bello clari in sua a te legitima acie constituti sunt. Habent merces sua fora, quas Hispania vel accipit, vel donat. Denique Antipodum munera, quæ duplici ratione Hispanorum sunt, vel quod ipsi hanc orbem inuenerunt, vel quod soli inde omnia deportant, in suas apothecas a te digeruntur. Quid multa? Nihil omittis, quod ad laudem Hispaniæ pertinet. Quamobrem, quæ olim de Hispania legebam potius admiratione quam fide prosequerbar, nunc tua autoritate efficis, ut me non amplius admirantem solum, sed & credentem habeant. Non mihi iam figmentum videtur, auro Tagum turbidum fluere, equas ex Favonio subuentaneum foetum concipere, meritoque mihi fecisse videtur Vespasianus, quod vniuersæ Hispaniæ ius

La-

Latii donarit, rectumque etiam iudicium Plinii existimo, qui Hispaniam censuit proximam esse Italiae laudibus. Enumerantur enim a te innumerabiles opum frugumque thesauri, ut Plutus & Ceres non alibi quam in Hispania, aut certe peculiariter, sedes habere videantur. Obstrepunt hic quaedam verba nouitia, sed fastidioso lectori. Aequo enim aestimatori non venia, sed laude dignus habeberis, quod res novas vetustate incognitas, novis vocabulis, ut intelligi possint, explicueris. In apologia acrior es, sed stimulis de amore patriae profectis. Amabit tuum pectus, quisquis pietatem amat, & patriae studium inter virtutes adnumerat. Librum igitur tantae utilitatis, quem tu aut Vulcano tradi, aut amicis tantummodum communicari iubebas, praelo subieci. Nefas enim putavi id intra paucorum manus contineri, quod tanto usui publice esse posset.

set. Quod si singularum prouinciarum eodem modo vires & opes descriptæ essent, magnum profecto instrumentum haberent docti ad historias condendas, quum nerui bellorum pecuniæ sint, earumque inopia vel copia multiplices causas & cladium & victoriarum adferat. Fieri non potest vt quis recte in historia versetur, nisi vtriusque partis opes & copias cognitas habeat, & lectori exponat: qua in re vtinam aliquot latini scriptores diligentiores essent, eaque in parte Thucydidem imitarentur. Tantum igitur mihi in rebus tuis, te inconsulto, permisi, nec offensam timui ex hac mea audacia, qui quiduis in Nannio tuo & ferre & probare soles. Nec, vt iniquior sis, ius habes expostulandi, si, quod meum esse voluisti, utar pro meo arbitrio. Bene vale amplissime & eruditissime Damiane. Louanii.

H I S P A-

H I S P A N I A E ,
C V I V S N O M I N A V A R I I
V A R I I S N O M I N I B V S
A M P L E C T V N T V R ,

*Hæc sequens est amplitudo,
potentia, ubertasque.*

DE eius situ , latitudine , longitudi-
ne , atque poli eleuatione , cum id
fatis inter Cosmographos constet , nihil hic
dicturi sumus : ea autem quæ rariora sunt ,
explicabimus ; nec etiam id tacituri , quod
antiqui scriptores testatum olim relique-
runt , eam adhuc auri , argenti , cupri ,
stanni , plumbi , ferri , omniumque metal-
lorum fodinis abundare , necnon argenti
viui , salis quoque vberimam esse. De
frugibus non est quod multum disceptetur
cum omnino ferax vini , olei , mellis , la-
ctis , frumenti , fructuumque omnium sit.
Abundat etiam ouibus , bobus , equis gene-
rosissimis , piscibusque diuersorum generum.
Ferarum quoque , & auium mira copia.
Sunt

Sunt quoque in ea diuersis in locis calidi & frigidi fontes , ad diuersos morbos efficaciam mirabilem habentes.

Hispaniae regna.

Dividitur Hispania in duodecim regna nempe.

<i>C</i> <i>Astellae antiquae</i>	<i>Valentiae.</i>
<i>et nouae.</i>	<i>Toleti.</i>
<i>Leonis.</i>	<i>Gallitiae.</i>
<i>Aragoniae.</i>	<i>Algarbiorum.</i>
<i>Portugalliae.</i>	<i>Murtiae.</i>
<i>Nauarrae.</i>	<i>Cordubae.</i>
<i>Granatae.</i>	

Quorum regnorum vectigalia , vt pro comperto habetur , magna sunt. Nec enim sigillatim , quid ex vnoquoque regno Regibus Hispaniæ accrescat , auderem dicere , cum dubitem , id ne eis gratum futurum sit , an non. Sed hoc scito , Reges istius Hispaniæ , quæ a nonnullis imperitis hominibus satis temere sterilis nuncupatur , annue ultra quinquagies centena millia ducatorum aureorum , præter exactiones , inde accipere.

Eccle-

Ecclesiae.

DE regnis diximus , modo ad clerum veniamus. In cuius redituum computu Lucium Marinæum Siculum sequemur, qui facilius id , quam Principum Hispaniæ proventus , explicuit.

A Rchiepiscopus Toletanus , Castellae Cancellarius , habet annue plus minus 150000 aureorum ducatorum : habet etiam in suos familiares conferendos circiter 100000

Archiepiscopus Hispalensis 24000

Archiepiscopus S. Iacobi 20000

Archiepiscopus Granatensis 10000

Archiepiscopus Valentinus 13000

Archiepiscopus Tarragonensis 8000

Archiepiscopus Caragucensis 20000

Episcopi.

E Piscopus Burgenfis 20000

Episcopus Segnotiensis 20000

Episcopus Conchenfis 16000

Episcopus Placentinus 15000

Episco-

<i>Episcopus Palentinus, Comes Per-</i> <i>nienfis</i>	13000
<i>Episcopus Ianenfis</i>	10000
<i>Episcopus Segouienfis</i>	14000
<i>Episcopus Auillenfis</i>	8000
<i>Episcopus Zamorenfis</i>	12000
<i>Episcopus Cordubenfis</i>	12000
<i>Episcopus Osinenfis</i>	10000
<i>Episcopus Tarraconenfis</i>	5000
<i>Episcopus Huescensis</i>	3000
<i>Episcopus Segobrienfis, atque Albar-</i> <i>razinenfis</i>	3000
<i>Episcopus Barchinonenfis</i>	5000
<i>Episcopus Leridenfis</i>	5000
<i>Episcopus Tortosensis</i>	8000
<i>Episcopus Gironenfis</i>	4000
<i>Episcopus Leonenfis</i>	8000
<i>Episcopus Calaborenfis</i>	10000
<i>Episcopus Salmanticenfis</i>	10000
<i>Episcopus Badaicensis</i>	6000
<i>Episcopus Ouidenfis</i>	6000
<i>Episcopus Carthaginenfis</i>	5000
<i>Episcopus Asturgenfis</i>	4000
<i>Episcopus Corienfis</i>	8000
<i>Episcopus Ciuitatis Rodrigenfis</i>	4000
<i>Episcopus Malagenfis</i>	10000
<i>Episco-</i>	

<i>Episcopus Calixensis</i>	8500
<i>Episcopus Guaditanus</i>	2000
<i>Episcopus Almeriensis</i>	1500
<i>Episcopus Mondonensis</i>	1500
<i>Episcopus Tuiensis</i>	2000
<i>Episcopus Lugensis</i>	1500
<i>Episcopus Orensis</i>	3000
<i>Episcopus Canariensis</i>	8000
<i>Episcopus Vrgellensis</i>	7000
<i>Episcopus Vicquensis</i>	2500
<i>Episcopus Euniensis</i>	1500
<i>Episcopus Pamplonensis</i>	6000

Sunt & alii permulti Episcopi nouarum prouinciarum , Indiarumque Occidentalium , nuper inuentarum , ex colloca-
tione siue iure iure patronatus quoque Regis Castellae , quos hic non exprimo.

Portugalliae & Algarbiorum Ecclesiae.

*A*rchiepiscopus Bracharensis , qui propter antiquitatem cum Toletano Archiepiscopo ad hunc diem usque de primatu (ut vocant) totius Hispaniae disceptat, habet 24000
Archie-

<i>Archiepiscopus Vlisiponensis</i>	16000
<i>Archiepiscopus Funchalensis</i>	8000

Episcopi.

<i>Episcopus Eborensis</i>	20000
<i>Episcopus Viseensis</i>	8000
<i>Episcopus Guardensis</i>	5000
<i>Episcopus Colimbriensis</i>	12000
<i>Episcopus Portuensis</i>	4000
<i>Episcopus Lameccensis</i>	6000
<i>Episcopus Syluensis</i>	4000
<i>Episcopus Caepensis</i>	2000

Præter hos sunt adhuc alii Episcopi Indiarum Orientalium, Africæ, & Aethiopiæ, & multarum insularum ex collatione Regis Portugalliæ, quos hic prætereo. Volui autem hic omnes Episcopales Ciuitates Hispaniæ, mihi saltem cognitæ, cum putem adhuc plures esse, propriis huius temporis nominibus, ob maiorem cognitionem, recensere. Sciendum quoque omnis Hispaniæ cleri prouentus (Abbates excipio) duplo maiores quam Episcoporum esse. Idque præter aliquot decimas & primitias, quæ

in multis locis Regibus atque Magnatibus ;
ex Pontificum indultis , colliguntur. Ex
quibus quidem redditibus iure omnes simul
tenentur unicuique ecclesiæ suum animarum
curatum , vt aiunt , siue pastorem alere , qui
ex pacto & consuetudine omnia ecclesiæ
Sacramenta populo gratis , siue in templo ,
siue extra templum , siue in priuatis domi-
bus administrat. Quod vtinam in cæteris
prouinciis fieret , vbi ita pastoratus vendun-
tur , vt pastores , pro vitæ alimento , ac pen-
sione soluenda , Sacramentorum administra-
tionem sæpe inuiti cogantur nundinari. Est
præterea innumera Abbatiarum & monaste-
riorum copia , quarum prouentus non so-
lum cleri redditus æquant , sed etiam supe-
rant , inter quas sunt nonnullæ habentes
decem , duodecim , quindecim millia du-
catorum annue : permultæ inter quatuor &
decem millia fluctuant : innumeræ rursus ab
hac summa declinant : ita tamen , vt sine
aliqua controuersia ii qui se cultui diuino
dedere , habeant in Hispania singulis annis
vltra quadragies centena millia ducatorum ,
præter id quod Commendatarii & eorum
Magistri possident , quæ summa etiam ingens
est.

est. Ex quo facile apparet, quam religiosi semper fuerint Hispani, & quam dedicati cultui diuino, cum tam liberaliter suas eleemosynas Christi ecclesiis impartiti sint. Habet ulterius regnum Castellæ quatuor Magistros Equitum, seu (ut vocant) Ordinum, qui magnos admodum habent redditus. Quorum primus S. Iacobi est. Secundus Calatravæ. Tertius Alcantaræ. Hæc tria Officia dignitatum, temporibus Ferdinandi & Elizabeth, Catholicorum regum Castellæ, cum consensu Pontificis ad coronam regni deuoluta sunt. Quartus est Magister Equitum Rhodiensium, Ordinis Diui Ioannis. Ordo Sancti Iacobi ornatur duobus Commendatariis primis, quorum vnus dicitur Commendatarius maior Castellensis, alter Leonensis. Ordines Alcantaræ & Calatravæ, habent singuli suum Commendatarium maiorem & suum Clauigerum, sub quibus maioribus commendatariis ingens Commendatariorum Equitum est copia, habentium magnos redditus. Aragoniæ, Valentiniæ, & Catalloniæ regna vnum habent Equitum Magistrum Ordinis Montesiæ magnos quoque habentem redditus.

*Portugalliae & Algarbiorum
Ordines.*

P RIMVS est Magister Ordinis Christi, qui Magister ipse Rex est, cuius ministerii prouentus admodum magni sunt, inde, quod huic Ordini omnes prouinciæ inuentæ, tam in Africa, quam in Asia & Brasilia, cum omnibus insulis, atque Orientalis Indix annexæ sint.

SECVNDVS est Ordinis Sancti Iacobi.

TERTIVS Ordinis, qui de Auis dicitur.

HABENT quoque hi ordines suos maiores Commendatarios & Clauigeros, sub quibus etiam est magna equitum commendatariorum copia magnos redditus possidentium.

QVARTVS est Magister Equitum Rhodiensium, Ordinis Sancti Ioannis, qui Prior a Crato dicitur, qui tres magistri magnos etiam redditus possident.

Hispa-

Hispaniae Magnates.

ET primum de regnis Castellæ, Legionis, Aragoniæ, Nauarræ, Granatæ, Valentiae, Toleti, Gallitiæ, Murtiæ, Cordubæ.

P Rinceps Asturiarum.

Dux de Arsona.

Comestabilis Castellae, Dux Friensis, primus Regis cubicularius.

Archithalassus Castellae, & Granatae, vulgo Amiraldus, & Dux de Medina de Rio Sequo.

Dux de Beiar.

Dux de Scalona.

Dux de Medina caeli.

Dux de Medina Sidoniae.

Dux de Arcos.

Dux del Infantazgo.

Dux de Alua.

Dux de Naiara.

Dux de Maqueda.

Dux de Albuquerque.

Dux de Cardona, Comestabilis Aragoniae.

Dux

Dux de Segorue.

Dux de Gandia.

Dux de Villa Formosa.

Dux de Luna.

Archithalassus Aragonensis Marchio.

Dux de Sauiole.

Marchiones.

M *Archio de Oristan. Marchio de Sentillana.*
Marchio de Gotiano. Marchio de Marche-
Marchio de Villena. na.
Marchio de Astorga. Marchio de Coria.
Marchio de Tarifa. Marchio de Elche.
Marchio de los Vel- Marchio de Cuellar.
lez. Marchio de Lombay.
Marchio de Zenete. Marchio de Molina.
Marchio de Comares. Marchio de Mou-
Marchio de Aiamon- deiar.
te. Marchio de Poza.
Marchio de Gibra- Marchio de Denia.
leon. Marchio de Alcani-
Marchio de Moya. fas.
Marchio de Logollu- Marchio de las Na-
do. uas.
Marchio de Zaara. Marchio de Tanara.
Mar-

<i>Marchio de Cerraluo.</i>	<i>Marchio de Sarria.</i>
<i>Marchio de Canbete.</i>	<i>Marchio de Aquilar.</i>
<i>Marchio de Villa No-</i>	<i>Marchio de Barlan-</i>
<i>ua.</i>	<i>gua.</i>
<i>Marchio de Monte-</i>	<i>Marchio de Camaraj-</i>
<i>maior.</i>	<i>sa.</i>
<i>Marchio de Graial.</i>	<i>Marchio de Pliego.</i>
<i>Marchio de Villa</i>	<i>Marchio de Falces.</i>
<i>Franca.</i>	<i>Marchio de Cortes.</i>
<i>Marchio de Monte</i>	<i>Marchio de Valle.</i>
<i>Claros.</i>	

Comites.

C <i>Omes Cataloniae.</i>	<i>Castellae.</i>
<i>Comes de Roisillon.</i>	<i>Comes de Salinas.</i>
<i>Comes de Lampur-</i>	<i>Comes de Ribagorza.</i>
<i>dam.</i>	<i>Comes de Lemos.</i>
<i>Comes de Pincerdam.</i>	<i>Comes de Oropesa.</i>
<i>Comes de Vrgel.</i>	<i>Comes de Alcandet.</i>
<i>Comes de Benaunte.</i>	<i>Comes de Medellin.</i>
<i>Comes de Vregna.</i>	<i>Comes de Syrnela.</i>
<i>Comes de Feria.</i>	<i>Comes de Real de</i>
<i>Comes de Cabra.</i>	<i>Mancanares.</i>
<i>Comes de Velalcacer.</i>	<i>Comes de Saldagina.</i>
<i>Comes de Miranda</i>	<i>Comes de Melga.</i>
	<i>Comes</i>

<i>Comes de Haro.</i>	<i>Comes de Ognate.</i>
<i>Comes de Vaninares.</i>	<i>Comes de Saluaterra.</i>
<i>Comes de S. Stephano de Gormaz.</i>	<i>Comes de Paredes.</i>
<i>Comes de Niebla.</i>	<i>Comes de Montereí.</i>
<i>Comes de Valentia.</i>	<i>Comes de Orgaz.</i>
<i>Comes de Treuigno.</i>	<i>Comes de Ribadauia.</i>
<i>Comes de Ledesma.</i>	<i>Comes de Pliego.</i>
<i>Comes de Altamira.</i>	<i>Comes de Luna.</i>
<i>Comes de Pallares.</i>	<i>Comes de Monte agudo.</i>
<i>Comes de Ampurias.</i>	<i>Comes de Coregna.</i>
<i>Comes de Lerin, Comestabilis Nauarrensis.</i>	<i>Comes de Fuenzalida.</i>
<i>Comes de Transstamara.</i>	<i>Comes de Cifuentes.</i>
<i>Comes de Tendilla.</i>	<i>Comes de Aluadelista.</i>
<i>Comes de Lerma.</i>	<i>Comes de Benalcazar.</i>
<i>Comes de Villalua.</i>	<i>Comes de Sancta Martha.</i>
<i>Comes de Castaneda.</i>	<i>Comes de Buendio.</i>
<i>Comes de Osorno.</i>	<i>Comes de Teua.</i>
<i>Comes de Ribadeo.</i>	<i>Comes de Palma.</i>
<i>Comes de Castro.</i>	<i>Comes de Vagnares.</i>
<i>Comes de Astudillo.</i>	<i>Comes de Palamos.</i>
<i>Comes de Niena.</i>	<i>Comes de la Deleitoza.</i>
<i>Comes de Aquillar.</i>	<i>Comes de Miranda Navar-</i>

<i>Nauarrae.</i>	<i>Comes de Fuentes.</i>
<i>Comes de Baylen.</i>	<i>Comes de Belchis.</i>
<i>Comes de Gelues.</i>	<i>Comes de Sastago.</i>
<i>Comes de Oliuares.</i>	<i>Comes de Morata</i>
<i>Comes de la Puebla.</i>	<i>Comes de Lagumera.</i>
<i>Comes de Sancto Ste-</i>	<i>Cames de Quirre.</i>
<i>phano del Puerto.</i>	<i>Comes de Aithona.</i>
<i>Comes del Castellar.</i>	<i>Comes de Almenara.</i>
<i>Comes de Cocentayna.</i>	<i>Comes de Puro en-</i>
<i>Comes de Albaida.</i>	<i>rosto.</i>
<i>Comes de Aranda.</i>	<i>Comes de Chinchon.</i>
<i>Comes de Oliua.</i>	<i>Comes de Baraias.</i>
<i>Comes de Gallada.</i>	

Vicecomites.

<i>V</i> <i>Icecomes de Alta-</i>	<i>Vicecomes de Blanes.</i>
<i>mira.</i>	<i>Vicecomes de Valdu-</i>
<i>Vicecomes de Chelua.</i>	<i>erna.</i>
<i>Vicecomes de Peralda.</i>	<i>Vicecomes de Gaiano.</i>
<i>Vicecomes de Ebol.</i>	<i>Vicecomes de Sterlie.</i>
<i>Vicecomes de Bas.</i>	

Por-

Portugalliae & Algarbiorum Magnates.

C *Omestabilis*, qui nunc est infans Ludouicus, regis frater, ac Praefectus regnorum confinium, qui vulgo *Fonteiro maior* dicitur. Is enim Ludouicus magister quoque Equitum Rhodiensium est.

<i>Dux Brigantiae.</i>	<i>Dux Trancoffensis.</i>
<i>Dux Colimbriensis.</i>	<i>Dux Barcelensis.</i>
<i>Dux Viseensis.</i>	<i>Dux Aueriensis.</i>

Marchiones.

M <i>Archio de Villa Real.</i>	<i>Marchio de Monte Maior.</i>
<i>Marchio de Torres Nouas.</i>	<i>Marchio de Ferreira.</i>

Comites.

C <i>Omes de Marialua.</i>	<i>Comes de Portalegre.</i>
<i>Comes de Tentugal.</i>	<i>Comes de Feira.</i>
<i>Comes de Penella.</i>	<i>Comes de Loule.</i>
<i>Comes de Alcouthin.</i>	<i>Comes Monsanto.</i>
	<i>Comes de Faro.</i>
	<i>Comes</i>

<i>Comes de Arganil.</i>	<i>Comes de Prado.</i>
<i>Comes de Abrantes.</i>	<i>Comes de Redondo.</i>
<i>Comes de Vimiozo.</i>	<i>Vicecomes de Lima.</i>
<i>Comes de Villa Noua.</i>	<i>Regni Archithalassus,</i>
<i>Comes de Linhares.</i>	<i>vulgo terrae Ami-</i>
<i>Comes de Vidigueira,</i>	<i>raldus.</i>
<i>Nauarchus, vulgo</i>	<i>Baro de Aluito.</i>
<i>Amiraldus.</i>	<i>Reclor, siue Praetor,</i>
<i>Comes de Sortelha.</i>	<i>omnium regnorum,</i>
<i>Comes de Castanheira.</i>	<i>vulgo Regedor.</i>

Hi Hispaniæ magnates mihi tantum cogniti sunt. Puto adhuc alios extra meam notitiam esse, quos hic adiungat, quisquis eos me melius noverit: quorum proventus viritum non exprimo. Id enim curiosus lector apud Lucium Marinæum Siculum requirat, qui rem non omnino infeliciter tentavit. Ego autem perspiciens eum quibusdam istorum Principum plus, aliis minus diuitiarum, quam possident, tribuere, & sciens quam difficile sit alienas facultates ad vnguem enumerare, volui potius filere, quam rem non satis apensam evulgare: id etiam veritus, iisdem ipsis Principibus non satis placitum iri huius

ius rei singularem propalationem. Inter quos autem (nomina fileo) aliquot sunt (vt verissimum est) centum , octoginta , septuaginta , sexagintaque millia ducatorum aureorum annue possidentes : non pauci quinquaginta , quadraginta , triginta : multi viginti , quindecim , decemque. Ceteri omnes hac summa inferiores , ad minimum trium millium reditus habent. Sic , vt sine mendacio asserere quis possit , Hispaniæ magnatum annuos prouentus vigesies centena millia ducatorum attingere , vel ultra. Sunt præterea in Hispania non pauci nobiles titulis , vel dignitatibus obscuri , decem , quindecim millia ducatorum annue habentes , estque aliorum ingens numerus , qui a millibus ad decem millia ducatorum usque annue possident. Sunt etiam reguli , quos pastores Hispani vocant , triginta , & quadraginta millia ouium , & magnam bouum , equorum mulorumque multitudinem possidentes , quorum familiæ amplissimæ sunt. Ex quo apparet non frustra dictum in Hispania talentari precio arietes admissarios emi , asinos quoque admissarios , & asinas ad foeturam 40. sesteritiis.

Hispa-

Hispaniae Sancti.

ORNATUR etiam Hispania maximo Sanctorum numero, quorum Martyrum tantum indicem hic scribere nobis non indignum visum est, ceteros propter prolixitatem omittimus.

*S. Vincentius.**S. Quintilianus.**S. Laurentius.**S. Enotus.**S. Victor.**S. Cæcilianus.**S. Fronto.**S. Frontonius.**S. Isitius.**S. Optatus.**S. Apolonius.**S. Seruandus.**S. Linxius.**S. Germanus.**S. Successus.**S. Facundus.**S. Faustus.**S. Primitius. fratres.**S. Martianus.**S. Felix. II.**S. Urbanus.**S. Cericus.**S. Publius.**S. Anastasius.**S. Matutinus.**S. Faustus. II.**S. Cassianus.**S. Ianuarius. II.**S. Felix.**S. Martialis.**S. Ianuarius.**S. Speratus.**S. Primitius.**S. Natalius.**S. Cerinus*

<i>S. Cerinus.</i>	<i>S. Engratia.</i>
<i>S. Beturius.</i>	<i>S. Leocadia.</i>
<i>S. Felix. III.</i>	<i>S. Christeta.</i>
<i>S. Aquilinus.</i>	<i>S. Sabina. Sorores.</i>
<i>S. Lætarius.</i>	<i>S. Vincentia.</i>
<i>S. Ianuarius. III.</i>	<i>S. Iulitta, mater</i>
<i>S. Florentius.</i>	<i>S. Cerice.</i>
<i>S. Fructuosus.</i>	<i>S. Digna.</i>
<i>S. Augurius.</i>	<i>S. Generosia.</i>
<i>S. Eulogius.</i>	<i>S. Bessa.</i>
<i>S. Claudius.</i>	<i>S. Donata.</i>
<i>S. Lupercus.</i>	<i>S. Secunda.</i>
<i>S. Victorius.</i>	<i>S. Eurosia, Martyr</i>
<i>S. Emetherius.</i>	<i>& Virgo.</i>
<i>S. Celedonius.</i>	<i>S. Centolla.</i>
<i>S. Eugenius, primus</i>	<i>S. Helena.</i>
<i>Archiepiscopus To-</i>	<i>S. Nunilonia.</i>
<i>letanus.</i>	<i>S. Alodia Sorores.</i>
<i>S. Zoilus.</i>	

Hi omnes Christi Martyres, ut ex eorum vitis apparet, fuerunt. Est autem aliorum ingens copia, quam, ne lectoribus tædio simus, prætermittendam duximus.

Vniver-

Vniuersitates.

HABET hoc tempore Hispania has Vniuersitates , opulentia & Professorum eruditione celebres :

- | | |
|--------------------------|--------------------------|
| 1. <i>Salmaticensem.</i> | 5. <i>Segontiensem.</i> |
| 2. <i>Complutensem.</i> | 6. <i>Oscensem.</i> |
| 3. <i>Colimbriensem.</i> | 7. <i>Ilerdensensem.</i> |
| 4. <i>Pintiensem.</i> | |

Viri doctrina præclari.

QVIBVS viris doctrina præclaris Hispania quoque fulget , accipe.

F RONTUS Præsul & Martyr.	chiepiscopus Hispaniensis.
Fulgentius Præsul & Martyr.	Colimpius Præsul.
Audentius Præsul.	Pacianus Barchinensis Episcopus.
Ioannes Præsul.	Paulinus Præsul.
Sanctus Isidorus Archiepiscopus Hispaniensis.	Sanctus Victor Præsul.
Sanctus Leander Archie-	Valerius Præsul.
chi-	Antonius Præsul.

<i>Sanctus Vincentius</i>	<i>teque Christianus</i>
<i>Martyr.</i>	<i>factus, scripsit non</i>
<i>Zoilus Martyr.</i>	<i>pauca theologica,</i>
<i>Sanctus Dominicus</i>	<i>nec indocta.</i>
<i>Calaguritanus, Or-</i>	<i>Testatus Episcopus</i>
<i>dinis Prædicatorum</i>	<i>Abulensis, scripsit</i>
<i>auctor.</i>	<i>in nouum & vetus</i>
<i>Matorianus vir præ-</i>	<i>Testamentum.</i>
<i>clare doctus.</i>	<i>Rabbi Abenezra do-</i>
<i>Auitus presbyter.</i>	<i>ctissimus Iudæus,</i>
<i>Sanctus Ildefonsus</i>	<i>magnus Theologus.</i>
<i>Archiepiscopus To-</i>	<i>Rabbi Moyses Iudæus</i>
<i>letanus.</i>	<i>Theologus & Medi-</i>
<i>Sanctus Iulianus Ar-</i>	<i>cus insignis.</i>
<i>chiepiscopus Toleta-</i>	<i>Rabbi David Chi-</i>
<i>nus, cuius memi-</i>	<i>mhi, insignis Theo-</i>
<i>nit Magister sen-</i>	<i>logus.</i>
<i>tentiarum Libro</i>	<i>Moyse Cordubensis</i>
<i>quarto.</i>	<i>Theologus Iudæus.</i>
<i>Sanctus Antonius Oli-</i>	<i>Rabbi Camora Theo-</i>
<i>siponensis, qui Pa-</i>	<i>logus.</i>
<i>duanus dicitur.</i>	<i>Hugo de Folieto.</i>
<i>Paulus Episcopus</i>	<i>Arnoldus de Villa No-</i>
<i>Burgensis, vir præ-</i>	<i>ua, Raimundi Lul-</i>
<i>clare doctus, & Iu-</i>	<i>li præceptor.</i>
<i>dæus natione, spon-</i>	<i>Raimundus Lullus.</i>
<i>teque</i>	<i>Aqui-</i>

<i>Aquilius Seuerus.</i>	<i>tanus , magnus</i>
<i>Gualierus.</i>	<i>Astrologus.</i>
<i>Ioannes Toletanus.</i>	<i>Fortunius Gratianus</i>
<i>Iuuentius Cardinalis.</i>	<i>Iurisconsultus , cu-</i>
<i>Vincentius Monachus.</i>	<i>ius opera rara ,</i>
<i>Duo fratres Corone-</i>	<i>sed absolute scripta,</i>
<i>les , insignes Theo-</i>	<i>extant.</i>
<i>logi.</i>	<i>Alfonfus Rex Castel-</i>
<i>Franciscus Ximenius ,</i>	<i>lae , huius nominis</i>
<i>Cardinalis , qui</i>	<i>decimus , Romano-</i>
<i>Academiam Complu-</i>	<i>rumque Imperator ,</i>
<i>tensem instituit.</i>	<i>Magnus Astrologus.</i>
<i>Sotion Philosophus Pe-</i>	<i>Henricus Infans Por-</i>
<i>ripateticus.</i>	<i>tugalliae , Mathe-</i>
<i>Auicenna Medicus</i>	<i>maticus insignis ,</i>
<i>præclarus & Phi-</i>	<i>qui primo nouas</i>
<i>losophus.</i>	<i>terras suo studio &</i>
<i>Auerrois quoque Me-</i>	<i>industria reperit.</i>
<i>dicus & Philoso-</i>	<i>Seneca Orator ma-</i>
<i>phus.</i>	<i>gnus , & Philoso-</i>
<i>Razis Almanzor.</i>	<i>phus Stoicus.</i>
<i>Mesalac Medicus</i>	<i>Annaeus Gallion Sene-</i>
<i>Astrologus.</i>	<i>ca , Senecae frater.</i>
<i>Habramus Astrologus.</i>	<i>Lucius Annaeus Se-</i>
<i>Albumazar Astrologus.</i>	<i>neca Tragicus , An-</i>
<i>Gacutus Iudæus Lusi-</i>	<i>naei Gallionis Sene-</i>

<i>cae filius, Senecaeque</i>	<i>ximus, insignis Poe-</i>
<i>oratoris nepos.</i>	<i>ta.</i>
<i>Columella.</i>	<i>Aurelius Prudentius</i>
<i>Dexter.</i>	<i>Poeta.</i>
<i>Theodosius Caesareen-</i>	<i>Iuuenius Poeta.</i>
<i>sis.</i>	<i>Arator Poeta.</i>
<i>Iulius Higinius.</i>	<i>Sedulius Poeta.</i>
<i>Portius Latro, Orator</i>	<i>M. Anneus Lucanus ,</i>
<i>insignis.</i>	<i>L. Annei Melae fi-</i>
<i>Lentus Cornelius, prae-</i>	<i>lius, qui Mela fra-</i>
<i>fectus Caesaris.</i>	<i>ter Senecae & Gal-</i>
<i>Paulus Orosius.</i>	<i>lionis fuit.</i>
<i>Quintilianus Orator</i>	<i>M. Valerius Martia-</i>
<i>insignis.</i>	<i>lis</i>
<i>Pomponius Mela.</i>	<i>Sextilius Haena Poe-</i>
<i>Iustinus historicus.</i>	<i>ta.</i>
<i>Lucius Latianus Ora-</i>	<i>Ruffus Festus Anie-</i>
<i>tor.</i>	<i>nus Poeta.</i>
<i>Seuerius.</i>	<i>Dec. Iunius Iuuenalis</i>
<i>Silius Italicus.</i>	<i>oriundus ex Aquino</i>
<i>Henricus Marchio de</i>	<i>Volsorum.</i>
<i>Villena , magnus</i>	<i>D. Georgius Nanri-</i>
<i>magicus.</i>	<i>que Poeta insignis.</i>
<i>Ioannes Ludouicus Vives</i>	<i>Henricus Caidus Poe-</i>
<i>Valentinus , Orator.</i>	<i>ta Lusitanus, & Me-</i>
<i>Damasus Pontifex ma-</i>	<i>nesius de quibus</i>
<i>xi-</i>	<i>Erasmus</i>

- Erasmus in suo Ciceroniano meminit.* *ticus , & variae eruditionis vir , ut Erasmus in suo Ciceroniano testatur.*
- Laurentius a Caceres Lusitanus , Poeta & vir non vulgari-ter eruditus.* *D. Garfias Lasso a Veza , Poeta insignis.*
- Ioannes de Mena Poeta.* *Alfonsus Veruefius Episcopus Canariensis , Theologus insignis.*
- C. Iulius Higinus , Augusti libertus , Grammaticus insignis.* *Gomesius peritus iuris , scripsit] super instituta.*
- Antonius Nebriffensis , eximius Gramma-*

Hi omnes præter alios nonnullos , quos, cum adhuc viuunt , silentio prætereo , Hispani fuere : ex quo apparet , nostrates non tam infeliciter discere , nec verbositate & simulatione sapientiam ostentare , vel tam multis nominibus & consuetudinibus barbariem colere , quam Munsterus in suo nouo Ptolemæo prædicat , ubi ad imitationem cuiusdam Michaelis Villanouani , hominis mihi incogniti & hac in re non mediocriter lapsi , Hispanorum & Gallorum compara-

tionem induxit. Puto eum, cum Basileæ profiteatur, Gallis, ad quos reliqua Basilea spectat, excepta tertia ferme parte, qua secundum Rhenum Germaniæ adhæret, potius quam Hispanis adblandiri voluisse. Quamobrem, ut doceat ita esse, quod dicit, opus est, ut nobis depromat vel vnum Senecam, Quintilianum, Portium Latronem, Auicenam, Lucanum, Prudentium, Iustinum, Columellam, Orosium, Melam, Silium, Martialem, Iuvenalem, & alios istis similes, & tum damnet Hispanicam indolem, eamque Gallicis, & Germanicis ingeniis postponat. Quod si nec Germani, nec Galli istos, quos supra recitavi, viros adæquent (Erasmum & Budæum excipio) quid est quod consuetum nostræ genti de stupore faciat? Fateor aliud seculum alio florentius, nec nunc esse laudem eam eruditionis, quæ olim Hispaniæ fuit; non tamen bruta est illa terra, quæ talia ingenia produxit, nec quia aliquandiu talia non produxit, in omne ævum effœta habenda est. Quod si nunc non tot chartas oblinunt Hispani, quod nonnulli faciunt, nec edendis alienis libris plagium committunt, nihilo

lo deteriores illis, qui se furtis librorum venditant, existimandi sunt. Edunt fortasse Hispani pauca, sed edunt sua, nec falsarii hac in parte, nec fures, estque nobis ista modesta scribendi ratio cum Italis communis. Non incesso ullam gentem: quorundam vitia tantum attingo, & qui de vitiis suis genti suæ gloriam, aliis nationibus probrum concinnant. Habuit hac tempestate Gallia Budæum, & Fabrum Stapulensem, & alios viros doctos, sed habuit. Conuixerunt etiam istis nonnulli Hispani illorum eruditione non plane inferiores, quorum nomina, cum cognita sint, prætereo. Habuit quoque Germania Erasmum, sed habuit: habuit Longolium, ambos Batauos, quam prouinciam nonnulli nec in Germania, nec in Gallia constituunt. Sed sit Germaniæ, vel Galliæ, fuerunt isti viri ornamenta incomparabilia suarum Gentium, sed fuerunt: ita nobis quoque Quintiliani, Senecæ, alique innumeri fuere. Præteriti temporis est, quod utrobique pro gloria iactatur, nisi nobis allegent Philippum Mellanchthonem, columen Germaniæ. Fateor eum hoc tempore cum illis antiquis Hispanis in arenam descen-

descendere potuisse , si se Theologiæ ac fidei negotiis non implicuisset , quibus dum incumbit , contabescunt studia illa , ob quæ nostro ævo inclaruit. Nec defuissent Hispaniæ abhinc annis plus mille præclara illa ingenia , quæ semper enutrire solita fuit illa prouincia , si a Gothis , Alanis , Sarracenisque , incultis hominibus , ab omnique genere disciplinarum abhorrentibus , non fuisset tamdiu occupata ; nunc vero hac Barbaria utcumque expulsa , non dubitet Munsterus , quin Hispani posthac ad laudem eruditionis non segni gressu sint progressuri.

Ducum Hispaniæ Index

V Iriatus Lusitanorum Dux , cuius facinora Romanorum historiae late prædicant.

Megara Dux Numantinorum, Romanorum temporibus praeclarus , ut testatur. L. Florus lib. 2. cap. 18.

Rex Pelagius , qui ob vitae sanctitatem , Dei miles vocabatur. Is enim Hispaniam Cantabricam a Maurorum incurfionibus immunem fecit ,

fecit, eosque ex regno Legionis ciuitate accepta expulit.

Bernardus a Carpe, Dux praeclarus & vir eximius, qui Carolum Magnum Imperatorem & duodecim Franciae Pares apud Roncesvalles deuicit, quanquam Gallorum Annales Hispanis hanc victoriam denegent.

Ferdinandus Gonzalues, Comes Castellae eius, quae nunc regnum est, & antiqua Castella vocatur, in cuius historia late patet, quantae virtutis vir fuerit, atque filius eius Gartias Ferdinandus & Santijs nepos.

Rodericus Diaz de Biuar, cognomento Gid, qui bonam partem Hispaniarum ex tyrannide Maurorum liberauit, cuius nomen inter Mauros terribile, & magnae venerationis fuit.

Ferdinandus cognomento Sanctus, Rex Castellae, qui ex Andalusia mira virtute Mauros fugauit, prouinciāque sibi obtinuit.

Iacobus Rex Aragoniae, qui regnum Valentiae & Baleares insulas a tyrannide Maurorum liberauit.

Alfonsus primus Rex Lusitaniae, qui ex toto ferme regno Mauros expulit, cuius gesta magis videntur diuina, quam humana.

Ican-

Ioannes huius nominis primus , Rex Lusitaniae , qui cum inops & abiectus esset , propria arte , & virtute , Castellanis , maioreque parte Lusitanorum etiam reluctante , totum regnum sibi vendicavit.

Comes Nonius Alvarez Pereira Lusitanus , qui Regis temporibus vixit , cuius insignia gesta historiae nostrae late praedicant , vir sane magnanimus , & supra hominum vires in bello strenuus , ex quo Duces Brigantiae originem suam ducunt.

Ferdinandus Infans Castellae , qui postea fuit electus Rex Aragoniae , qui miras victorias contra Mauros in ipsa Hispania obtinuit , ut testantur historiae.

D. Franciscus ab Almeida Lusitanus , qui ingenti classe Babyloniae Sultani atque multorum Indiae Orientalis Regum devicta , Turcas ex ipsa India expulit , cuius Ludouicus Ro. in suo itinerario amplam facit mentionem.

Alfonsus de Albuquerque Lusitanus , qui ferme totam Orientalem Indiam sub imperium nostrum reduxit.

Ferdinandus a Valle , Marchio de Pescara , qui Gallos apud Ticinum debellavit , eosque ex Italia fugavit , quo in praelio Franciscus Gallorum

lorum Rex interceptus fuit , & in Hispaniam captivus adductus.

Ferdinandus Cortesius , Marchio de Valle , qui in Indiis Occidentalibus magnam Temislitam civitatem & regnum , non sine incredibili admiratione regni Castellæ edomuit.

Franciscus Pizarrus , qui in ipsis Indiis Occidentalibus Imperatorem Atabalipam devixit , & supplicio tradidit , eiusque ditiones atque aliorum principum sub Castellæ imperium redegit.

Antonius a Leiva , vir præclarus , qui arte & virtute Italos sæpe armis superavit , & contra ipsorum Italorum ac Gallorum potentiam Mediolanensem Ducatum ad extrema usque suspiria sustinere valuit.

Antonius a Sylveira Lusitanus , qui postremo apud Dium Turcas ex India Orientali iterum profligavit , & magnum Cambaie regnum Lusitanis subiecit.

Gonzallus Ferdinandus Cordubensis , qui regnum Neapolitanum nostris temporibus edomuit , idque sub imperium Hispaniarum redegit.

Eduardus Pachecus , vir Lusitanus , qui adversus Regis Calecutii potentiam prolixum ,
cruen-

*eruentumque bellum gessit , in quo diuersas ,
& incredibiles victorias obtinens , ipsum Re-
gem fuga salutem petere coegit.*

Habuit & habet Hispania alios præcla-
ros Duces , quos prætermitto , & hos tan-
tum , qui virtute cum Cæsare & Alexandro
certare possint , pono.

Videtur etiam Hannibal potius Hispa-
nus , quam Pœnus fuisse , si Floro fides ali-
qua est , cum libro 2. cap. 6. asserat ipsum
Hannibalem alitum , & enutritum fuisse in
Hispania.

*Imperatores gestis præclari
nati & oriundi Hispani.*

V <i>Esphasianus.</i>	<i>Theodosius Minor.</i>
<i>Titus Vespasianus.</i>	<i>Alfonsus huius nomi-</i>
<i>Nerua.</i>	<i>nis decimus Rex</i>
<i>Traianus.</i>	<i>Castellæ.</i>
<i>Adrianus.</i>	<i>Maximilianus.</i>
<i>Marcus Antoninus phi-</i>	<i>Carolus V. Rex Ca-</i>
<i>losophus.</i>	<i>stellæ.</i>
<i>Theodosius Magnus.</i>	<i>Ferdinandus Infans</i>
<i>Arcadius.</i>	<i>Castellæ.</i>
<i>Honorius.</i>	

Ponti-

Pontifices Hispani.

D Amasus historicus scriptor & Poeta.
 Ioannes XXI. Medicus insignis, Lusitanus.
 Benedictus XIII. doctissimus vir.
 Calixtus III. Iurisprudentiæ peritissimus.
 Alexander VI.

*Vernacula, quæ in alias prouincias ex
 Hispania deferuntur.*

Vernacula, quæ nostra tempestate ex Hispania in Galliam, & alias prouincias adferuntur, hæc sunt, nec scitu indigna, præter non pauca, quæ cum in ipsa prouincia his temporibus absumantur, ut puta frumentum, argentum, cuprum, plumbum, glastum, rubia tinctorum, gossipium, & multa alia, quæ quod magni momenti non sint, in ipso catalogo referre nolimus. Veniunt nauigio Brugas, ciuitatem Galliarum Belgiæ, singulis annis quadraginta millia lanæ sarcinarum, quas saquas vocant, quarum unaquæque ut minimum pretium viginti ducatorum aureorum vel æquat, vel superat. In Italiam quoque ac in alias Galliarum ciuitates, viginti ferme millia sarcinarum

rum vehuntur , quarum , quæ in Italia consumuntur , quod selectioris lanæ sint , quadraginta , quinquaginta ducatis aureis singulæ venduntur. Sericum , & panni serici , quæ tam in Galliam , quam in Italiam , Angliam , aliasque prouincias euehuntur , pretio ennumerabli constant.

Deferuntur etiam , vt summam dicam , ex Hispania in Galliam , Belgicam , & alias prouincias vina multorum generum ,

<i>Oleum.</i>	<i>Mala granata , siue</i>
<i>Saccarum.</i>	<i>punica.</i>
<i>Cera.</i>	<i>Cydonites , siue (vt</i>
<i>Mel.</i>	<i>barbare dicitur)</i>
<i>Oriza.</i>	<i>condignatum.</i>
<i>Crocum.</i>	<i>Oliuæ conditæ.</i>
<i>Vuæ passæ.</i>	<i>Limones.</i>
<i>Ficus passæ.</i>	<i>Capparæ.</i>
<i>Sal.</i>	<i>Pruna passa.</i>
<i>Alumen.</i>	<i>Amygdala.</i>
<i>Murex , siue purpura.</i>	<i>Pinei.</i>
<i>Coccum.</i>	<i>Castaneæ.</i>
<i>Smegma , siue sapo.</i>	<i>Glycirryza.</i>
<i>Mala medica , siue</i>	<i>Anisum.</i>
<i>aurca.</i>	<i>Caruis.</i>
<i>Mala citria.</i>	<i>Anethum.</i>

Cumi-

<i>Cuminum.</i>	<i>Coria hircina.</i>
<i>Corianon , siue Cori-</i>	<i>Spartum.</i>
<i>andrum.</i>	<i>Pelles multorum ani-</i>
<i>Thymni saliti.</i>	<i>malium ad vestes</i>
<i>Ballenæ salitæ , atque</i>	<i>suffulciendas.</i>
<i>earundem oleum.</i>	<i>Aurum.</i>
<i>Suberum codex.</i>	<i>Ferrum.</i>
<i>Gallæ.</i>	<i>Chalybs.</i>
<i>Baccalaurina.</i>	<i>Stantum.</i>
<i>Hyacinthi.</i>	<i>Minium.</i>
<i>Gagates.</i>	<i>Argentum viuum.</i>
<i>Iassîs.</i>	<i>Fructus quoque diver-</i>
<i>Alabastrum.</i>	<i>forum generum ,</i>
<i>Corallum.</i>	<i>saccharo conditi.</i>

PRO HISPANIA ADVERSVS

MVNSTERVM DEFENSIO.

EX hoc , charissime Nanni , videre est Hispaniæ fertilitatem , quam hisce verbis Munsterus , egregius Michaelis Villanouani imitator ad Galliæ comparisonem ita describit. Qua in re facit , vt suspecti iudices , inuidia , vel muneribus , vel odio

ob-

obcæcati , soliti facere sunt , qui vera cum intelligant , falsa tamen pronunciant , dum inquit in suo Ptolemæo , vt eius verba referam “ Mercatores ex Hispania in Galliam deferunt sericum , & omnis generis pannos , lanas , crocum , faccarum , orizam , oleum , alumen , grana tinctorum , &c. , ex Gallia in Hispaniam frumentum , lineas telas , filum , pastel , libros , & minutiora alia mercimonia plurima , vt gladios , specula , acus. , Concedamus Galliam mittere frumentum (quanquam id raro contingat) cum potius id Germaniæ Orientali debeatur , cuius frumentum nauibus Batauorum ad litoralem Hispaniam , eamque Oceano attiguam subuehitur. Hi enim inuectitia annonæ abhinc annis viginti quinque plus minus usi sunt. Ad mediterranea Hispaniæ exoticum frumentum non peruenit , certe pro singulis culeis ex Gallia , singulæ holcades frumento onustæ ex Hollandia appulerunt. Tamen demus hoc Munstero & præceptoris suo Villanouano , vt vera sint quæ dicunt : quid , an non ex ipsorum verbis apparet , Hispaniam Galliæ plus impertire , quam Galliam Hispaniæ ? Miror autem , cur ,
dum

dum agrorum fertilitatem vtriusque prouinciæ inter se confert Munsterus, asseuerat Hispaniam vini, frumenti, & carniū copia a Gallia vinci. Vbi (vt de hac Galliæ vbertate disceptemus) auditum est, aut visum, ex Gallia in Hispaniam vinum deportatum esse? nisi forte ad confinia Cantabriæ, & id raro: quippe cum ii magis amplectuntur Hispanicum, etiam dilutum, quam Gallicum merum. Prodeat nunc Gallia Belgica, ac Anglia, Irlandia, & Scotia, simul cum Noruegia, Dacia, Suecia, Moschouia, Russia, Liuania, Lituania, Prussia, ac tota Orientalis Germania, nec non Hollandia, & testentur quid vini Hispanici in ipsarum finibus absumatur. Deinde si iam ex Gallia in Hispaniam frumentum, vt vult Munsterus, inuehitur, id non ex nativa malignitate soli, sed ex aspectu, vt aiunt, astrorum accidit, quæ hostiliter ab anno MDXVI ad hunc vsque diem, morbis, cædibus, calamitatibus, prouinciam affligerunt: alioqui fertilis est Hispania, vt testatum antiqui scriptores reliquerunt: et vbi hæc sæuities siderum mitigata fuerit, petent a nobis Galli frumentum,

tum , ut antea soliti fuerunt facere. Hoc credo ignorasse Munsterum , Gallos a nostris crebrius , quam nos ab ipsis , olim frumentum expetisse. Nec hoc tempore peregrino frumento indigeremus , si omnes (vt in Gallia & aliis prouinciis fit) Hispaniæ partes , quæ coli possunt , colerentur : cuius enim vbertas tanta est , vti maiori anni circulo mediaſtini atque plebei homines , ex syluestribus fructibus , melle , herbisque laute victitare possint : quæ res eos parum ad agriculturam propensos efficit. Accedunt ad hoc nouæ Orientalium , Occidentaliumque Indiarum nauigationes , continuum quoque bellum Africanum , atque Italicum , quæ nostri magis amplectuntur quam aratri labores. Vnde euenit non solum apud nos agriculturam negligi , sed etiam metalla , quorum venis adhuc Hispania abundantissima ornatur , ex visceribus terræ non effodi. Cetera , quæ Galliæ sunt , veluti linæ telæ , filum , glastum , facile iudicabis an ea tanti sint , vt cum Hispanicis frugibus conferri possent , quanquam maior pars telarum & filii canabacei , quæ in Hispaniam apportantur , Batauiæ solum producat

QVOD

Quod ad carnes autem spectat, verius ipsa veritate est, non tantum in Galliam ex Hispania boues, sed magnam quoque multorum copiam educi, equos etiam, sed furtim, ob Regum edicta. Reliqua autem quæ sequuntur, futilia sunt, indignaque tanta comparatione. Nec hoc contentus Munsterus, ut per omnia suum auctorem Villanouanum sequeretur, stomachum in Hispanos euomuit. Credo re vera eum nonnunquam ab aliquo Hispanorum iniuria aliqua laceffitum fuisse, cum sic in eos verbis debacchetur. Ait enim frugalis vitæ sunt Hispani, sicut & Itali (etiam Italos noluit immunes a suo temerario iudicio) nec tantum cibi & potus, ut Galli & Germani, absumentes, nisi sint invitati: nam tunc se ad saturitatem explent eduliis, quia rara eis & maiore auiditate accidunt conuiuia. Elegans scomma, & dignum quod topographiis prouinciarum inferatur, quasi Gallorum & Germanorum conuiuia, splendida plane & opipara sint habenda. Satis ibi ciborum & potus, sed externi homines non de copia conqueri solent, sed de lautitia & elegantia. Sed sinamus vnumquemque patrio

more viuere, atrum panem, stipulis fursuribusque vna pistis commixtum, foetidam cereuissiam, carnesque salitas, ter quaterque recoctas, assasque sibi suisque familiaribus administrare, vel aquam & herbarum placentas. Quod si de numero conuiuiorum disputandum est, vincunt Germani & Galli: si de magnificentia, splendore, lautitia, elegantia, multis modis Galli & Germani ab Italis, & Hispanis vincuntur. Ceterum laudes conuiuiorum, si quæ sunt, non ab Hispanis Hispaniæ, nec a Germanis Germaniæ vindicandæ sunt, sed ad iudicium exteris hominibus committendum est. Exitus certe, & finis conuiuiorum, honestior in Italis & Hispanis, quum Germani, & Galli eo animo conuiuia aggrediantur, ut vino se adimpleant, refarciantque: quo fervente, animus, sensus, iudicium, ratio, reuerentia, grauitas, sedulitas, prudentia, & alia multa amittuntur: iniuriæ, cædes, luxus, stupra, clandestinæ locutiones, consiliorum Principum amicorumque effusiones, vulnera, plagæ, insidiæ, proditioes, aliaque infinita perpetrantur. Itali, & Hispani contra, sic ad conuiuia se ornant, ut bene saturi & cibis referti a

men-

mensa discedant. Hic tametsi corporis fa-
lus repletionem grauetur, animus tamen &
ratio, ut accidit in ebriis, minime læditur.
Ita fit ut qui vinum intemperanter ingurgi-
tant, animum, conscientiam, corpus, ho-
norem, vitam labe tinguant. Qui autem cibi
voraces sunt, corporis tantum salutis noxii
sunt. Illis perperis, iudicet æquus æsti-
mator, penes quos laus istius rei consiste-
re debeat. Nec mihi ideo ista dicta sunt,
quod magni esse momenti putem hac in
parte vel vinci, vel vincere; sed quod fer-
re non potui, Hispanos tanquam famelicos
& cœnipetas, nunquam nisi de alieno saturo,
a Munstero describi. Neque mea di-
cta a Munstero accipi volo, veluti reci-
minationem, sed admonitionem: ut cau-
tius posthac & sincerius in suis scriptis a-
gat. Virum enim eum bonum scio, & ali-
quo usu familiaritatis mihi cognitum habeo.

NEC prætereundum puto id quod de-
inceps idem dicit, cum re non intellecta
multorum etiam sit opinio, quod duriter &
inciuiliter apud Hispanos advenæ excipian-
tur, adeo, ut itinere defessi, cibum sibi vi-
catim quærere cogantur. Res sic se habet.

Olim pandochei Hispaniæ , ad quos viato-
res tam peregrini quam incolæ divertere
solebant , fures atque latrones erant , sicut
Germaniæ , Galliæ , aliarumque provin-
ciarum hodierna die non pauci sunt : qua-
les si non essent , non tam subito in im-
mensum ditescerent. Hæc perpendentes ca-
tholici Ferdinandus & Elizabeth Castellæ ,
& Aragoniæ reges , lege sanxerunt sub ma-
gna mulcta , ne quis cauponum pandocheo-
rumque quicquam præter domesticum ser-
uitium , & cibi coquendi operam , adue-
nientibus præberet. Pro equis autem hor-
deum , avenam , fœnum , stramen tantum
venderet , quarum rerum pretium publica
æstimatione ipsis foribus diversiorum ins-
criptum est , ita ut barbarissimus & simplex
homo cuiuscunque nationis facile intelligat ,
quid pro domestico servitio , quid pro equo-
rum alimento sine aliqua licitatione hospiti
dandum sit. Hospes præterea tenetur cum
advena in forum , & ad propolas procedere ,
vel aliquem ex suis eo mittere , cuius opera
utatur externus in eduliorum emptione ,
quæ emptæ in diversorio parantur , parata-
que ipsis , strata mensa , apponuntur. Sic
fit ,

fit, vt discedente aduena, nihil rixarum
oriatur, nihil ei auferatur, nihil extorque-
atur, cum ipsemet cibos sibi emat, sibique
ex tabulis diuerforio affixis constet, quid
hospiti annumerandum sit. Hæc autem in
ciuitatibus & oppidis tantum fiunt: in pa-
gis & villis, vbi propolæ defunt, licet pan-
docheis edulia vendere pro arbitrio, cete-
ra ex tabularum tessera indicantur. Hæc
immanitas non tam fera videtur, quam a
Munstero depingitur. Deinde si ad huma-
nitatem Italorum, Hispanorumque respi-
cias, hæc inuenies, cum ad eorum ciui-
tates veneris. Amicitia contracta, officii
suum vnusquisque gratis offert: quic-
quid dignum visum sit, ostendit: circum-
spectis, visisque omnibus, te ipsi in hos-
pitium tuum deducunt. At si quemquam il-
lorum, dum gratus esse cupis, in pran-
dio, vel in cœna retinere volueris, vix ab
eis illud impetrabis, id præcauentibus ipsis,
ne homini peregrino, & sumptui, & mo-
lestiæ sint. Tandem ex viginti, si tot co-
mites habueris, vix vnum aut alterum re-
tinebis, nec id efficies, donec clare intel-
ligant, ex animo, & non fictè, eos tibi
con-

conuiuas velle. Galli contra & Germani, vt verum est, & experti sumus, humanissimi in peregrinos sunt: quicquid visendum in suis ciuitatibus habent, ostendunt, omneque officium benigne exhibent. Sed peractis spectaculis vbi diuersorium repetis, siue frigide, siue ardentem ipsos inuitas, faciles eos habes, nec opus est magna contentione precum, idque laudo: est enim illud ingenuæ cuiusdam & candidæ simplicitatis, nihil fictum existimare in verbis inuitatoris. Sed sunt nonnulli improbiores, qui se vitro tuæ mensæ ingerunt, idque magno numero, quos antea nec noueras, nec videras, iique non quia amici sunt, sed se amicos aliquando futuros sperant, pro Pythagorica lege omnia futurorum amicorum communia credunt, homines mehercule non male ad ventrem philosophantes.

POSTREMO in Italia, Hispaniaque dum templa, arces, armamentaria, ædificia, huiusque generis alia inspexeris, vel a domo amici alicuius tui, apud quem hospitaberis, discesseris, si custodibus, vel operariis, aut amici famulis, aliquam gratuitam pecuniolam dare coneris, efficies pro amico,

vt

ut inimicus habeas. Tanta est eorum magnanimitas, ut peregrinis hominibus gratis officium suum exhibere contendant. Et si aliquando talia munera istis accipere contingat, id vi coacti, & omnino reluctantes faciunt. At Germaniæ, Galliæve famuli arcium, armamentariorum, templorumque custodes multo contra, nulla humanitate nec decore seruato, non tantum non recusant, quod facere non nouerunt, sed antea quam offeras, præbent ipsi manus sic, ut qui sub arcis præfecto meretur, ianitor, custos, pincerna, pisttor, lotrix, cocus, omnes demum quotquot sunt, prædam inter se, antequam des, calculis diuidant. Parique modo in familiis amicorum fit: a quibus enim amicis antea quam discedas, omnes famuli inter se computatione lucrum aduentantis liberalitatis diuidunt: quæ res ita increbuit, ut pro dedecore iam non habeatur. Ad istum modum humanitate vrbanitateque hæ nationes differunt.

Nunc iudicet Munsterus, & ferat ipse sententiam, & dum mores gentium scribere conatur, edat ea tantum, quæ ipse vi-

vi-

viderit, & certissima habuerit. Mutantur quotidie ciuitates, oppida, mores, viuendique hominum rationes, nec iam Germania, Galliaque tales, quales nobis a Cæsare depinguntur, nec tam barbaræ sunt, quod idem ætimare licet de ceteris nationibus. Quid enim hoc tempore minus verum, quod olim verissimum fuit, mercaturam Germanos ob ferocitatem non exercere, cum hoc tempore nullibi magis Mercurius colatur? Aut eis Solem, Vulcanum, & Lunam deos ascribere, eisdemque ad annum vigesimum vsque pubertatem inuiolatam esse? Nonne si quis id dicat, vaniora dixerit, quam si quis etiamnum Druides adhuc apud Gallos sacrificia administrare, eosque pro victimis vel alios homines, vel seipsos immolare, aut Lusitanos lineis thoracibus in bello uti, aut ex intestinis captiuorum hominum futura prædicere, vel hordeaceum vinum bibere, & pro oleo butyrum in conuiujs consanguineorum vsurpare, cum hæc omnia iam euauerint, & alia viuendi ratio introducta sit? Demum si Munsterus novos nostri temporis hominum mores describere velit, inui-

fat

fat prouincias , vt ipsi fecimus , ac tunc ea, quæ experientia viderit , scribat. Quod si fecisset , non oleo carere Baleares dixisset , non Hispaniam sterilem , non eius incolas immanes , atque in discendo rudes , non Nerium promontorium Celticum vocasset , & in Algarbe , cum in Gallitia sit , pronunciaffet , nec multa alia vana , quæ præmitto , suo Ptolemæo inferuisset. De his satis , ne videar incandescere , aut minutias rerum non satis minuta tractare. Tamen sciat Munsterus , hanc ipsam Hispaniam , de qua nunc loquimur , eandem esse , quam ex omnibus prouinciis Cæsar ab initio quæsturæ suæ semper chariorem & electiorem habuit , in qua nullo tempore ob hominum magnanimitatem , & militaris disciplinæ industriam , Romani desierunt legiones habere , teste Hircio. Quam etiam Vespasianus tanti fecit , vt ei ius Latii tribuere non formidauerit. Hæc numero deuicta a Romanis , vt Cicero de responsione Aruspicum asserit , nunquam fuit , sed pietate & religione , quam Romani tunc temporis sibi soli tribuebant. Huic vt cederet terra Cretensis , Iouis incunabulis elata ,

Pli-

Plinius iunior in suo Panegyrico voluit. Cuius, inter alia, hæc verba sunt : “ Adde tot egregias ciuitates, adde culta inculta-que, omnia vel fructibus plena, vel gregibus, adde auriferorum opes fluminum, adde radiantium metalla gemmarum, . .

Scio fabulas poetarum auribus mulcendis repertas, aliqua nonnullis gentibus attribuisse miracula, quæ dum sint vera, sint singula, nec iam excutio veritatem : sint, ut scribitur, Gargara prouentu læta tritici, Meuania memoretur armento, Campania censeatur monte Gargano, Lydia prædicetur amne Pactolo, dum Hispaniæ vni, quidquid laudatur, assurgat. Hæc durissimos milites, hæc expertissimos duces, hæc facundissimos oratores, hæc clarissimos vates parit, hæc iudicum mater, hæc principum est, hæc Traianum illum, hæc deinceps Hadrianum misit imperio. Huic te debet imperium. Cedat his terris terra Cretensis, parui Iouis gloriata cunabulis. De hac etiam maxima ductus admiratione Budæus Libr. 4. *de Assè*, cum multorum antiquorum authoritates in medium attulisset, ista loquitur : “ Ingentia sunt hæc testi-

testimonia de opulentia Hispaniæ ,. . Vltterius ait : “ Multa adnotabimus , quæ fide caritura sunt , vt opinor , præsertim apud eos , qui omnia , & præterita , & futura , præsentis temporis modulis metiuntur , &c. , Infinita enim sunt , quæ hic de laudibus Hispaniæ scribere potuissẽm , nisi timerem lectori molestam fore lectiõis prolixitatem. Quod si quis latius intelligere cupiuerit , legat id quod Possidonius , Polybius , Strabo , Iustinus , Solinus , vterque Plinius , P. Velleius Paterculus , Vegetius , Florus , Pomponius Mela , Stephanus de vrbibus , Philostratus , Diodorus Siculus , Martianus Capella , Cælius de antiquitatibus , atque Budæus testatum de Hispania reliquerunt , apud quos & alios nonnullos tales ipsius Hispaniæ laudes reperiet , vt facile iudicaturus sit , nos de hac re plura veraque dicere potuisse : quod & fecissemus , nisi obiectiones nimii in patria amoris a maleuolis & infestis hominibus timuissẽmus.

*Adveētitia , quæ ex Asiæ , Africa , novæ-
que terræ prouinciis , Regibus Castellæ &
Portugalliæ subditis , quæ innumera sunt ,
in Hispaniam aduebuntur , ac inde per
totam Europam.*

P RIMVM in Castellam, ex nouis , vel oc-
cidentalibus Indiis, Hispalim magna vis
auri deportatur.

Argentum.

*Aurea vasa & argen-
tea , mira dexteri-
tate operata.*

Vniones.

Margaritæ.

Smaragdi.

*Cyanos , vulgò Tur-
quinæ.*

Cassa.

Guaiacum lignum.

Daëlyli.

*Indidem ex insulis
Canariæ & aliis
locis , saccarum ,
coria bubula & bir-
cina , psittaci , si-
miæ , atque vesles
pennis auium miræ
artificio contextæ ,
& alia admiratio-
ne digna.*

Quæ

*Quæ in Portugalliam ex prouinciis sibi
subditis aduehuntur.*

SINGVLIS annis ex Nigritarum regnis deducuntur Vlisiponem decem, duodecimque millia mancipiorum, præter alia ex Mauritania, India, Brasiliaque aduecta, quæ singula passim decem, viginti, quadraginta, quinquagintaque aureis ducatis venduntur.

Præterea ex Nigritarum prouincia apportatur magna auri copia.

Gessipium.

*Ebur, ex eodemque vasa non ineleganter
exculpta, atque imagines.*

Hebanum.

*Mala Getulica, vulgo paradisi grana,
seu malageta.*

Coria bouum hircorumque.

Panni, mira arte ex palmarum foliis contexti, nec non ex gessipio.

Piper longum.

Oriza.

Zibelli (ut vocant) musiones feles.

Dactyli palmarum.

Ex Brasilia, lignum quod Briasil vocatur,

*Et vestes avium pennis contextæ , ac
lecti pensiles ex gypsio , instar retium ,
connodati , Et saccarum optimum.*

Ex India Orientali Et Cathaio.

PIPERIS annue tricies quadragiesque cen-
tena millia pondo , cuius centum libræ
venduntur Vlispone triginta quatuor ducati-
tis , supra quartam ducati partem , quæ sum-
ma minimum est , duodecim , aut tredecim,
aut quatuordecim centum millium aureo-
rum ducatorum.

Zingiber.

Muscata myristica , atque eorum flores.

Cinamomum.

Gariophyllon.

Reubarbarum.

Myrobalani omnium generum.

Casia.

*Dactyli Indici , sue Tamarindi , Et omnia
aromatum genera.*

Crocum Indicum.

Lignum aloes.

San-

Sandali rubri , & albi.

Lacha.

Hebanum.

Item gemmæ omnium generum preciosissimæ.

Vniones.

Vasa aurea & argentea , mira industria facta.

Panni serici , & aurei.

Telæ gossipinæ.

Sericum.

Styrax siue styrace , storax vulgo.

Laserpicium , vulgo Belzoi.

Ambar , gris , ut vocant.

Musculus.

Nuces Indicæ.

Scutellæ mira arte ex calce concharum fi-
ctæ , quas porcellanas vocant , quarum non-
nullæ pretio quinquaginta & sexaginta , cen-
tumque ducatorum venduntur , & alia infini-
ta apportantur , quæ ob prolixitatem omitto.

Elephantes quoque quinque vel sex tem-
pore felicis Regis Emmanuelis inde allati
sunt , quorum , dum puer ipsius prudentissi-
mi Regis ab intimis cubiculis effem , treis si-
mul vidi , atque Rhinocerotem vnum , qui

mnēs Regem ipsum equitantem præcedebant. Certamini etiam vnus istorum Elephantum cum Rhinocerote interfui, spectaculum sane admiratione dignum, in quo Elephans succubuit. Quem ludum Rex ipse felicissimus Emmanuel Olisipone præbuit, anno (si bene memini) MDXV, vel XVI.

Ex insulis Madeira, Hesperidum, Sancti Thomæ, Principis, atque aliis, magna saccari copia. Glastum quoque & gossipium ac frumentum ex his insulis vehitur. Ex Brasilia, ac Nigritarum prouincia, psittacorum, cercopithecorum, simiarum, aliorumque miraculorum ingens turba apportatur.

Hæc sunt quæ de fertilitate, opibus, nobilitateque Hispaniæ, a me, Nanni doctissime, scire petisti: quæ, te volente iubenteque, ea lege scripsimus, ut omnibus ius faceremus castigandi, mutandi, augendi, quod mirifice exoptamus, haud ignari plurima esse a nobis ommissa, quibus Hispania ornatur, & celebrari possit. Tu interim vive, & vale, bonique consule. Louanii XII Cal. Decemb. Anno MDXXXI.

EPI-

EPISTOLA
DAMIANI A GOES

AD

IO. IACOBVM FVGGERVM

PRO DEFENSIONE HISPANIAE.

EX tuis litteris, amantissime Iacobe, cognoui te febris correptum fuisse, ab eademque modo liberatum, quod nuncium, etsi mihi fatis ægrum fuerit, inde quod morbum tam tetricum sustinueris, tamen ratum, cum intellexi te penitus ab eius tyrannide euasisse. Quod autem ais me parum amice in Munsterum hominem mihi utcunque cognitum debacchatum esse, te iudicem in hac causa eligo, & quid, cum laudes & vbertatem Germaniæ, uti nos Hispaniæ, scripturus esses, in eum tibi dicendum cogita, qui nulla causa urgente, Hispanos famelicos de alieno semper

I

fatu-

fatu-ros , in peregrinos homines du-ros , fe-
roces ac immanes , nec non imperitos , in-
genio infelices , arrogantes , iactabundosque
vocaſſet , quibus notis Munſterus gentem
noſtram inuaſit. Ego vero contra , dum no-
ſtros defendo, quid feci aut commiſi ? Ger-
manos profecto & Gallos non in genere, vt
ipſe Hiſpanos , lædo , ſed in ſpecie tantum ,
& in harum prouinciarum famulos & gna-
thones ſolum quaſi ioco ludens ; meam de-
fenſiunculam emiſi , ipſumque Munſterum
virum bonum prædico , quem tantum mo-
neo , vt poſthac cautius ſcribat , & ea ,
quæ comperta habuerit , ſolum typis man-
det. Quod ſi feciſſet , non tot mendacia &
de ſua quoque Germania ſuo Ptolemæo in-
feruiſſet. Omitto alios libros de Chriſti fide
loquentes , quos ipſe evulgauit , qui adulte-
rini & fictitii a multis iudicantur , res ſa-
ne , ſi ſic eſt , non admodum pia , nec Chri-
ſtiano homine digna. Hæc omnia tibi a-
mantiffime Io. Iacobe retuli , vt ſcias me
latius in Munſterum ſtomachari potuiſſe ,
quod ſane feciſſem , niſi eſſet homo Germa-
nus in Germaniaque natus , quam gentem
& prouinciam ego tanquam numen ſemper
vener-

veneratus sum , & in qua eximios amicos habeo , quorum amicitiam sanctissime inuiolatam mihi & volo & perpetuo seruata cupio. Ceterum quod ad librum Lusitanicum attinet, vidi quæ scribis, pro quibus tibi gratias ago maximas , librum enim ego met apud Peutingerum vidi , & truncatim legi , qui re vera ei , cum linguam nostram ignoret , minime vsui est. Quare te iterum atque iterum oro , vt vel librum ipsum mihi impetres , vel eiusdem exemplar vnum, quod si feceris , historiæ nostræ , quam in manibus de rebus Indicis habemus , magnum adferes adiumentum , & nobis facies rem gratam , pro qua tibi perpetuo diuincti erimus. Vale & nos vt facis ama. D. Antonium Tuggerum nostro nomine saluta. Louanii 11. Aprilis Anno MDXXXII.

IO. IACOBVS FVGGERVS

D A M I A N O A G O E S

EQVITI LVSITANO


NON opus erat apud me vlla excusatione, Damiane amicorum amicissime, quod parum amice te in Munsterum stomachatum esse scripseram. Id enim ex amicitia & vere sincero animo, quo erga te semper haecenus fui affectus, factum esse credas velim. Ignorabam etenim ipsum Munsterum tam atrociter in Hispanos debacchatum esse, idque nunc etiam miror, cur ausus fuerit in illam tam vberem & præstantem occasus regionem, quam ipse nunquam viderit, in qua nunquam peregrinatus sit, tam atrociter præter vllam occasionem, ignorans omnium rerum, ita temere inuehi, vt interim taceam qua temeritate in evulgandis adulterinis fidei nostræ libris (vt scribis) vsus est. Vt ita re

cognita te non solum excusatum , sed ipsum etiam ob insignem eius temeritatem plane odio habeam , & omnium doctissimorum virorum acerrimo stylo perstringendum iudicem , qui non solum de iis , quæ non viderit aut expertus sit , ita audacter & temere in publicum proferat , sed etiam ea , quæ ad sacrosanctæ fidei nostræ sustentationem & augmentum pertinent , adulterari non veatur. Sed vides & ipse cognitum habes , quam peruersa aliquot annis fuerint secula : vt nedum dicere , sed & typis committere quævis somnia nonnulli ausi sint. Deus Opt. Max. faxit , vt propediem meliora sequantur. Ceterum quod ad librum Lusitanicum attinet , sedulo equidem egi cum Peutingero , vt mihi eius copiam faceret , idque tandem impetraui , ea tamen condicione ne cuipiam ostenderem , neue rescribi quicquam curarem : quod sane pollicitus eram , eam solam ob causam , vt quem tanti faciebat librum non intellectum viderem. Vidi , & mox , vt fidem dederam , ne quidquam suspicari possit , restitui. Nostri opinor hominem , decrepitum , antiquitatis & raritatis studiosum , qui ob eam causam libro

bro , vt arbitror , non intellecto delectatur ;
quòd præter se neminem habere credat.
Agam tamen sedulo , vt , si quidquam impe-
trandum est a fene , hunc librum eliciam ,
faciamque pro viribus , vt meam in hoc ne-
gotio diligentiam & sedulitatem non de-
fuisse intelligas. His te cum coniuge quam
optime valere cupio. Ex Augusta 8 Maii
An. MDXXXII.



DIENSIS NOBILISSIMAE
CARMANIAE SEV CAMBAIAE
VRBIS OPPVGNATIO,



D A M I A N V S A G O E S

E Q V E S L V S I T A N V S ,

P E T R O B E M B O

S A C R O S A N C T A E E C C L E S I A E R O M A N A E

C A R D I N A L I

S. P. D.




QUID tibi pro tua assidua erga
me , dignissime Cardinalis , hu-
manitate gratiarum referam , reperire
nequeo , nec præsens tempus faculta-
tem adfert , sed pensabimus aliquando
pro nostra facultate. Nunc vero mitto
id , quod gratum scio tibi fore , histo-
ria-

riæque nobilissimæ Reipublicæ Venetæ, quam cum maxima in futurum gloria in manibus habes, forsan etiam non incommodum. Quantum delecteris gestis nostrorum Lusitanorum non me fugit, præsertim illis, quæ pro bono sacrosanctæ fidei nostræ geruntur. Id sane quod facis, ut bonus fidusque Patricius Venetus facis, non ignorans antiqua nostratium cum vestris fœdera, amicitias, & beneficia hinc inde vicissim collata. Utinam ceteri Christiani homines in tuam sententiam irent, & ex animo magis rebus nostris, quam faciunt, fauerent ac opitularentur, quin ut omittamus opitulationem, saltem non officerent, ac tantum, quod Rex nostrique cupiunt, otiosos se spectatores præberent; interim dum nostri cum Mauris, Turcisque strenue depugnant. Sed absint querimoniæ & infaustæ ominibus, & præsentī negotio incongruæ, ac quod in manibus est tractemus.

DIEN-

DIENSIS NOBILISSIMAE
CARMANIAE
SEV CAMBAIAE VRBIS
OPPVGNATIO.

 VM agerem Patauī, vbi tua hu-
manitate mire me totum deuinx-
isti, inter cætera, quæ ex Lus-
tanica ad me perferebantur, accepi de bello
Cambaico nonnulla, quæ (vt petisti) ex Lu-
sitanica lingua in Italicum sermonem con-
uertī. Postmodum mors illius Regis Cam-
baicæ, de quo tam multa ac miranda retu-
leram, infecuta est; a nostris enim ob pro-
ditionem, quam in Nunium a Cunha Pro-
regem nostrum meditabatur, ex quadam
triemi deiectus ante muros Dii fortissimæ
ipsius Cambaicæ regni ciuitatis, a quodam
nauta, hasta inter natandum perfoctus est.
Ex cuius cæde omnino ipsa ciuitas iam im-
perio nostro subiacet, id quod antea facere
re-

relictabatur, quanquam in eius faucibus litoris arcem munitissimam haberemus. Quare peracta, nonnulla deinde intercapedine temporis, classis Turcica ad eandem civitatem appulit, ut nostros inde expelleret. Quam classem Imperator Turcarum innumerabilibus sumptibus in sinu Arabico instrui iusserat, idque maxime istius Regis, quem dixi, adhortatu & opera, ut postmodum compertum fuit, & ex sequentibus latius intelliges. Iure autem belli ipse Turcarum Imperator Cayrum, cæterasque Sultani provincias (ut nostri) occupavit, atque una cum regno curam, qua perpetuo Sultanusangebatur, suscepit, nempe ut Lusitanos omni contentione ex India profligaret. Ad id materiam ex longinquis plagis colligi iussit, illamque sumptu inæstimabili ad mare rubrum vehendam curavit. Atque in Suezii portu eiusdem sinus, naues ædificare instruereque apparat, cui negotio Architectus quidam Genuensis præfuit, huius artis (ut fertur) peritissimus. Habebat etiam multos alios opifices Christianos, quos hinc inde muneribus pellexerat. Classi vero præfecit quendam Bassam Præposi-

positum Cayri, nomine Solimanum, peritissimum exercitus ducem. Quæ autem classis sexaginta tribus triremibus constabat, in singulisque triremibus viginti sex transtra: inter reliquas naues aderant sex Rostrota, quas Galleones vocant. Aderant quoque sex biremes, holcades duæ, actuariæ viginti, celoces quamplurimæ. Classis præterea instructa viginti millibus militum fuit, prætes nautas, & bombardarios, quorum quatuor millia Genicerorum, quos Rhomæos etiam appellamus, erant. Insuper armabatur classis maximo tormentorum numero, inter quæ erant quadraginta, quos basiliscos appellant, qui globum ferreum emittunt nonaginta librarum.

SOLVIT itaque hæc ingens, & ad omnem naumachiam ornata classis Suezio, versus Indiam sub finem Iunii anni millesimi quingentesimi trigesimali octavi, & vi interceptis aliquot mercatorum nauibus, quibus commeatu oneratis, atque ex eis nonnullis nautis ad remigium edoctis (tyrannide triremibus damnatis) quinto Iulii Adenam contendit, quæ ciuitas adiacet freto sinus Arabici, & decimo quinto eiusdem
men-

menfis , ad quendam locum aquationi idoneum appulit , quadraginta millibus passuum distantem ab Adena. Ibidem ancoris fixis , Solimanus Bassa classis præfectus , literas Imperatoris Turcarum de pace ad Regem Adensem misit , atque ex aureo panno talarem vestem , legatisque in mandatis dedit , Regi ut dicerent ipsum Turcarum Imperatorem classem illam ei dono mittere , quam suo imperio consiliisque gubernari volebat , seque ea de causa Indiam petiturum , ut Lusitanos inde excluderet , homines Mahometanæ fidei infensissimos , ad quam expeditionem se nihil aliud ab illo postulare , quam carnes & ligna ; quippe cæteris rebus atque com meatibus classis abunde instructa erat. Hæc omnia Rex Adenensis (quanquam Regis tunc nostri Lusitanix tributarius esset , cui singulis annis , fœdere percussio ab Hectore a Silueira , decem millia ducatorum persoluebat) gratissimo animo accepit , legatisque respondit , eius aduentum sibi peroptatum esse , cui libere omnia tum ad classem , tum ad militem necessaria pollicitabatur. His spacio septem dierum transactis , ancoris , iussu Solimani ,
 fu-

sublatis ad portum Adenenfem classis depulsa est. Inibi sub ancora moram faciens, applaudentibus omnibus, tanquam verus amicus accipitur. Rex ad eum Magnates aliquot mittit, ut aduentui eius gratularentur. Qui ex mandato, Solimano significauere gratissimum fore Regi, si in terram descenderet, ut ciuitatem sibi obtemperantissimam oculis cerneret, ubi pro dignitate atque officio eum in sua Regia tractare posset. Ad hæc Solimanus. Dicite inquit Regi, me non despiciere magnifica eius oblata, veruntamen nausea sentinæ, & navigationis molestia ita adhuc me affligi, ut ante biduum nihil de me audeam polliceri, at ubi conualuero, recta ad eius amplexum proficiscar. Ita dimissis Legatis, mox a tergo sequuntur trecenti milites prætextu visendæ ciuitatis. Postea Solimanus, ut ad finem telæ, quam mente orsus erat, perueniret, familiarem quendam suum ad Regem mittit, indicans se scire militum insolentiam. Et quoniam trecentos, qui per ciuitatem vagabantur, nisi receptui canere iuberet, & vela daret, quod tum illi nefas erat, crederet se ad naues recipere non posse,

se, submissurum illico centum veteranos, qui sua autoritate reliquorum militum insolentiam cohiberent.

HIS Rex nihil mali suspicans corporis sui atque regiae custodiam commisit. Sequenti vero die duo millia militum e classe dissimulata proditione ciuitatem petunt. Qui ubi ciuitatem perspectam atque eius fortiora loca explorata haberent, veteranis se adiunxere, quæ res illico animum Regis perculit. Postero vero die ante diluculum legatus venit maioribus copiis instructus, qui Regem prætextu amicitiae hortaretur, ut cum aliquibus suorum magnatum, Solimanum adhuc ægrotum visat, atque salutet. Id, tametsi periculum & insidias ante oculos ponere videbatur, coactus est facere. Itaque ad Solimanum ducitur, cæteris militum copiis in ciuitate iam pro præsidio remanentibus. Is igitur prætorianæ ad Solimanum perductus, regia plane libertate in dicendo sic usus est. Dic, quæso, Solimane, cur me tantum Principem, Imperatori tuo, tibi que deditissimum, ad te fraude technisque tanquam maleficum iussisti captivum adduci? Cui Solimanus, super-

superbia præsentis potentix elatus. Non te pudet, me Proregem potentissimi Turcarum Imperatoris ante ciuitatem tuam stationem facientem, per totum triduum non inuifere? Ad hæc Rex. Si Turcarum Imperator hic adesset, nec ego defuissẽm officio meo, nec ipse (ita vt est clemens) in me vteretur fraude, calliditate, atque virulentia, qua tu modo vteris. Habes me modo in tua potestate, quod sane non euenisset, si phaleratis verbis tuis me, regnumque meum non commississem. Est enim Adena ciuitas, quæ hostem armatum aperto Marte non metuit; at a fraude calumniae quis præcauere posset? Satia te homo priuate, fortunæ casu ad honorem prouectæ, sanguine regio, ab atavis regibus edito. Peribit modo (vti video) infidelis tyranni iussu, regium fidumque corpus, attamen virtus Adenensium, stirpsque eorum nobilissimorum Regum, nunquam te viuentem peribit. Hac cum libertate vsum ex templo Solimanus in antenna nauis suspendio tradi iussit, adiunxitque illi eodem supplicio quatuor Regni procures, qui vna cum Rege ad colloquia vocati fuere. Id se in

mandatis a Turca habere , eo quod Adenenses non solum foedera iunxissent cum Lusitanis , sed etiam tributum soluerent , quam gentem & eorum socios prorsus ex India exturbare volebat.

Post Regis necem ciuitas illa opulenta & pulchra , prædæ & cædi , nullo resistente , patuit. Sumpto deinde commeatu ab nauigaturis populum alloquitur debere ipsos lætissimos esse , vindicatos scilicet a tyrannide Lusitanorum , ac proinde admonere se , vt fidem , & obsequium Imperatori Turcarum seruarent , domino proprio ac clementi , ipsorumque fidei vero cultori. In digressu vero duo millia armatorum pro præsidio reliquit. Deinde altum petens , cursum in Indiam instituit , in qua nauigatione octo vel decem biremes , atque actuaris naues , propter hyemis tempestates (est enim in illis prouinciis hyems eo tempore , quo apud nos æstas) amiserunt , quarum pars periit , pars fluctibus ad litus Indicum Mallabarem versus est expulsa , quæ ab aliquibus nostris nauibus deprehensæ , partim interceptæ , partim euersæ fuerunt.

HAEC autem quæ hætenus narrauimus
nostræ

nostri a quibusdam Turcis , quos in ipsis nauibus viuos ceperunt , intellexere. Est vero Mallabar prouincia , in qua sita sunt Regna Calecutii , Cananorii , & Cochini , & alia , cuius littoris Regnorumque descriptionem in historia rerum Indicarum iam ab origine nostratium in ea loca aduentus luculenter , si Deo ita visum fuerit , sumus tradituri. Ita igitur nauigando Solimanus Dium pridie Nonas Septembris cum classe sua appulit : & cum ad iactum bombardæ muris se proximum constituisset , exonerari circiter viginti magna tormenta iubet. Nostri par pari referentes , duas triremes Turcarum euertunt. Qua repentina clade consternati , subito illinc pedem retulere , & ad quendam fluuium sedecim millia passuum distantem a Dio , cui nomen Marafabaris portus est , se recepere. Inibique expectauere classem atque militem prouinciæ Cambaïæ , quam occisus Rex ad nostros ex Dio profligandos , ante suam cædem in aduentum Turcarum curauerat parari. Mercatores atque oppidani subito se fugæ mandarunt , ita vt intra biduum ciuitas tota Dium facta sit deserta. Lusitani ,

qui iam soli per ciuitatem vagabantur, in arcem confugerunt. Dux arcis nomine Antonius a Sylueira, vir summo loco natus, magni animi, ingenique (virtute vero & prudentia fratre suo Ludouico a Sylueira Comite a Sortelha non inferior) omnia ad defensionem obsidionis necessaria disponit. Habebat milites Lusitanos septingentos, interquos ducenti viri nobiles erant. Nihil deerat defensioni, præter bombardium puluerem, cuius tantum sexaginta millia pondo habebat, & tria vasa pulueris manualium (vt vocant) bombardarum. Deerant etiam pro tantis hostium copiis milites, nisi nostri suorum paucitatem virtute pensauissent. Interea loci, duo duces regni Cambaë, Solimano associati sunt, singuli cum quadraginta nauibus, remige & milite ad dimicandum optime instructis. Ecce adhuc alius dux terrestrium copiarum comitatus viginti millibus militum, nomine Coie Cof-farus, natus matre Turca, & patre Christiano orto in Xio insula, cuius opificium fuerat rimas nauium obturare. Fuerat autem hic Coie Regi Cambaë, dum viueret, dilectissimus. His copiis terrestribus nauali-

ualibusque cum Turcis coniunctis illico Solimanus admoueri classem & ante muros Dii, ad ictum bombardæ, figi ancoram iubet, atque subito ex nauibus quinque millia militum præmittit, & centum quinquaginta tormenta bellica, inter quæ viginti basilisci erant, & quinque alia, lapideum globum septem palmorum crassitudine eiicientia. Interim dum tormenta vehuntur, vnum in littoris arena submersum est, nec amplius apparuit. Cum primum in terram descendissent milites, illico se exercitui Coie Cofari adiunxere.

SEQUENTI die nullo adhuc timore terri, sed fiducia multitudinis elati, nullo ordine seruato, prope muros arcis aliquot domos, in quibus adhuc habebant nostri magnam frumentorum copiam, veniunt depredatum. Dux noster Antonius a Sylueira cum eos perspexisset in loco cædi commodo, tormenta aliquot directâ ineam partem, qua grassabantur, exonerari iussit, quo stragemate desiderati sunt ultra centum & quinquaginta, cæteri subito se ex eo loco receperunt. Extemplo Turcæ cum Coie militibus terreum aggerem prouoluunt, quæ

moles instar montis paulatim magis ac magis fossæ arcis admouebatur , & sine noxa vlla hostes in proximo sistebat , atque confestim latissimum vallum erexerunt , quod tignis bombicisque farcinis , quas in ciuitate inuenerunt , suffultum , ab idibus nostrorum tormentorum asseruabatur. Super hoc erectæ sunt turres octo , quibus arx a terrestri parte cingebatur : Has munierunt omni genere tormentorum. Obsidione igitur instructa , viribus , machinisque omnibus adhibitis , arcem tum a stationibus , tum a naualibus tentare cæperunt hostes , nostri contra defendere. Habebant nostri citra arcem in ipsa ciuitate turres duas , quarum vna in scopulis littoris iusta arcem , altera vero in noua ciuitate quæ Rhomæum appellatur. Nomen inditum est Rhomæis , quasi Rhomanis : vocantur enim in tota India Rhomæi ii , quos nos communi nomine *Geniceris* vocamus. His enim Rhomæis siue Geniceris Reges Cambaïæ hanc urbem construxere , eamque a veteri vrbe muro discluserunt , quo mercatores , aduenæque ibi versarentur , nec oppidani militum insolentis inquietarentur. Prima vero turris serua-

batur

batur quinquaginta militibus : secunda autem sexaginta. Erat vtraque munita omni re , & ad victum & defensionem necessaria. Ab illa nouæ vrbis turri , cui sexaginta milites præsidio erant , hostes laceffiti , vt illa molestia liberarentur , ante eam vallum extruunt , ac duas turres , quod vt commodius facerent , ædes magnificas quasdam , quæ turri adiacebant , ictibus tormentorum deiiciunt , atque subito turrim , machinis , tormentis , amphoris , & globis igneis petunt : quo certamine turris ab vno latere finditur , atque ruinam minari cæpit. Nostrorum eo die desiderati sunt quinque , ex hostibus plures.

SEQUENTI vero die , certamine redintegrato , vi tormentorum ictuum turris in duas partes ita fissa est , vt inoffense tela per mediam turrim euaderent. Qua re ab hostibus perspecta , subito præmittunt duo millia selectorum militum , vt turrim expugnant , qui a nostris , non sine magna eorum clade , & dedecore repulsi sunt. Dum hæc aguntur , tormentis arcis euersæ sunt duæ hostium triremes , ex quibus solum tres Turcæ natando euaserunt. Tres etiam aliæ triremes

remes ita globis perforatæ fuere, vt nifi e vestigio aliæ eis succurrissent, funditus periissent. Iam cum viderent hostes spem defendendæ turris in nostrorum animis magis atque magis vigere, ne ab ipsorum globis maiorem cladem acciperent, ad eos legatos de deditioe mittunt, eisque vitam & bona salua pollicentur. Qua legatione audita, triginta eorum (labes Lusitanorum sanguinis) se dedidere, qui violata a Turcis fide, in triremes vincti ad æternam seruitutem dati sunt. Cateri vero vt boni sacrosanctæ fidei nostræ propugnatores, repudiata conditione, aliisque, quod se infideliter deseruissent, reprehensis, dimicando & (vt viros Lusitanos decebat) multos Turcas interficiendo, omnes ad vnum occubere. Dum hæc agerentur, Antonius a Sylueira celocem ad Proregem Indiæ Nonium a Cunha expedit, qui tunc temporis Goæ agebat (distat enim Goa a Dio vltra octingenta millia passuum). Inquo statu res essent per literas ostendit, puluerem tormentorum maxime deficere affirmat. Quæ celox a naualibus arcis soluta, classem hostium penetrans, a quibusdam celocibus insectationem patitur.

Quarum

Quarum vna cæteris agilior, & sedecim millibus passuum antecedens, nostram contendebat comprehendere. Nostri vero, eam tanta distantia a reliquis semotam videntes, reflexo cursu recta obuiam tendunt, omnesque, quotquot erant, dimicando interficiunt, excepto vno ex Apulia, qui a fide nostra descuerat, quem secum captiuum duxerunt, ac celocem perforatam euertunt. Cum Goam appulissent, statim se Prorex ad subsidium componit, celocem remittit, indicans se (Deo adiutore) breui forti militum & nauium manu adfuturam, & vt omnem casum (ita vt prudens erat) infortuniumque præueniret, quippe totam classem subito parare nequibat, sedecim liburnicæ subito, ex arido in mare ducuntur, quibus singulis, nobilem & selectum ducem præfecit, & præter remiges & tormentarios, quindecim triarios milites vnicuique duci tradidit, quos omnes multis muneribus affecit, pluraque iis, si viui euaderent, pollicens, sin minus, filiis, vxoribus, amicisque ipsorum, omnia promissa sancte iurauit conseruaturum esse. Itaque omnes illico ad iter composita, onustaque solummodo

do puluere , & incendiariis funibus , quibus flammæ bombardis iniiciunt , e littoribus soluunt.

PRIDIE vero Nonas Octobris acrius solito Turcæ arcem oppugnauere , terra marique operibus & machinis vndique inuadentes , quæ pugna vsque ad trigessimum eius mensis diem semper magis magisque recruduit , nihilque laxamenti datum obsessis , sed noctes & dies continuata oppugnatio est , nec ulla transiit dies , qua non hostes in arcem exonerauerint trecenties , vel quadringenties sua bellica tormenta. Ad hæc singulis diebus nostros extra arcem ad pugnam prouocabant. Nostri quanquam numero multo inferiores erant , virtute tamen eos superare nitebantur : rursus ac rursus per arcis anfractus , ad vallum , & ad eorum turres vsque exilientes , cuniculis eos oppugnabant , plurimos interficientes. Interea temporis ex assidua tormentorum iaculatione , omnes arcis pinnæ turriumque collabuntur , ita vt nostris superne locus non esset , vnde tuto in hostes iacerent lapides , pila , aliaque tela. Postea vero una ex arce turris ad imum vsque concidit , qua parte
cum

cum nullæ munitiones obstarent , hostes omni adhibita diligentia , arcem ingredi omnibus viribus satagebant. Nostri autem repugnantes trabibus , tignis , vallisque vallum pro defensione diruti loci erigunt , propugnaculaque super mœnia instruunt , quibus rebus nostri utcumque se tuebantur. Hostes enim omnem opem contra moliri , munitiones nostras subruentes , viribus redintegratis , conabantur , globos , sagittasque igneas in vallum demittere , ipsi etiam sæpius ad vallum , nostris acriter obsistentibus , perrumpentes. Quæ oppugnatio singulis diebus bis agebatur , mane & vespere. Dux Antonius a Sylveira assiduam pertinaciam hostium considerans in ruderibus collapsæ turris tabulatum , pro defensione , compactum erigit. A tergo illico ignem ex picea materia aridisque lignis struit , qui magno incendio , noctu , mane , vespereque ardebat , interdiu minime incendebatur , quippe ardor solis , & calor , combustæ materiæ satis per se ingressum hostibus intercludebat. Qui considerantes ignis rapidissimum ardorem , harpagonibus ferreis ad focum contendunt & omnem materiam , quam nostris allimen-

limentis ignis tradebant , ea opera eripiebant. Antonius Dux contra alios harpagones excogitat , longissimis hastilibus affixos , quibus Turcarum harpagones pari industria apprehendit. Turcæ igitur videntes se nihil proficere , ab hoc oppugnationis genere desistunt. Nulla fuit dies post turris lapsum , quin ex nostris quinque sexue ceciderint , præter vulneratos , & ab igne læsos. Ex hostibus (vt postea compertum est) supra ter mille desiderati sunt , vulnerati , & ab igne ambusti quamplurimi. Decimo tertio autem calend. Nouembris ante ortum Solis , ecce speculatores nostri aliquot magnas scaphas , quas barchas appellant , quæ remis agebantur , ante muros turris nostræ , quæ quinquaginta militibus asservabatur , vt antea diximus , ex arcis pinnis animaduertunt , præterea octo triremes , quæ naues omnes instructæ erant milite , scalisque & aliis machinis ad turrim oppugnandam appositis. Dux arcis Antonius a Sylueira , subito ab illo latere , cui turris proximior erat , nonnulla magna tormenta iussit deportari , inibique ducentos arcubutarios , vt vocant , disposuit. Ex quo loco cum primum hostes
tur-

turrim oppugnare cæperunt iſtibus tormen-
torum , quatuor ſcaphæ a noſtris euertun-
tur , atque iaculationibus ſcolopetorum mul-
ti hoſtium interficiuntur. Milites vero quin-
quaginta , qui turri præſidio erant , fortiter
reſiſtentes , multos interficiunt , ex quibus
vnus tantum deſideratus eſt , duodecim vul-
nerati. Illo die cum nihil promouiſſent Tur-
cæ , poſtridie fortiore militum manu reuer-
tuntur , conſtipati triginta tribus ſcaphis ,
decem triremibus , & multis machinis op-
pugnationi accomodis. Milites qui designa-
ti erant ad muros turris conſcendendos (quo-
rum numerus ingens erat) omnes veſtie-
bantur rubro panno , vt ex cæteris digno-
ſcerentur. Incepto autem prælio , mira arte ,
ſtudioque turrim conſcendere conabantur.
Rurſus ii , qui ex quinquaginta propugua-
culo integri adhuc ſeruabantur , fortiter ob-
ſtabant , hoſtes de ſcalis , quas iam affixas
muris habebant , præcipitantes. Præterea
noſtri , ex arce opportunitate perſpecta , tor-
menta exonerant , vnâque triremem , &
multas ſcaphas funditus euertunt , ex qua
clade ferme omnes ſcalæ & machinæ dila-
ceratæ ſunt , quæ poſtea a noſtris ſuper
aquis

aquas fluctuantes receptæ fuere , & in arcem comportatæ. Hostes videntes ob oculos præsentem stragem , mareque sanguine suorum tinctum , atque multos læsos , & igne combustos , exanimati plane a certamine destitere , & de loco pedem retulere. Interea temporis aliquot nostrorum ex arce ad ostium , per quod ad mare itur , erumpunt , paruasque scaphas conscendunt , vt hostium spolia , per aquas fluctuantia , exciperent , inter quæ tres milites Turcas , præter alios quos in ipsis aquis iactatos hastis perfoderunt , vivos capiunt. Ex quibus dux Antonius a Sylueira, nonnulla hostium secreta percepit. Illis duobus diebus interfecti sunt plures quam octingenti Turcæ. Ex nostris (Deo gratia) pauci fuerunt , vel occisi , vel vulnerati. Interim Arx e stationibus Turcarum globis , fagittisque petebatur. Quorum valla tam propinqua erant nostris muris, vt de turribus in ea sphæras cupasque nostri deuoluerint. Triduum postea a Turris dimicatione Antonius a Sylueira , videns tempore promeridiano , ex arcis muro hostes , siue ex lassitudine , siue ex Solis ardore , ab opere solito remissiores , quietique se mandantes , subito cen-

— tum

tum & quinquaginta selectos milites , per fossæ secretiora loca emittit , qui tanta astutia , & diligentia vsi sunt , vt ad eorum vsque castra peruenerint ; pluresque ducentis , & sexaginta hostium inibi occiderint , multosque spathis , globulis , hastisque vulneribus affecerint. Denique toto exercitu commoto , & ad vim propulsandam confurgente , in arcem se receperunt. Desiderati sunt ex nostris inter innumerabilem illam hostium promiscuam cædem tantum tres , vulnerati fuerunt sex. Eo die inuenta sunt in fossa arcis diuerforum instrumentorum genera , quæ præterita nocte Turcæ ibidem reposuere ad muros in sequentem oppugnationem educendos , refodiendosque. Qua re perspecta subito Antonius a Sylueira sub pluteis in ipsam fossam quadraginta Arcubutarios producit , qui magnam cladem hostibus exilientibus inferebant. Itaque illa pars fossæ defendebatur , nec in eam desilire aliquis hostium ad tempus ausus est.

DVM hæc aguntur , dux Antonius a Sylueira videns discrimen in quo versabatur , ex arcis æstuariis aliam celocem productam ad Proregem Nonium a Cunha mittit , sub-

fidi-

bsidium implorat , affirmans (ita vt res erat) circiter centum milites iam periisse , ducentos vero aut vulneratos , aut igne ambugstos esse. Quo nuncio accepto , Gratianus a Noronha , qui tertio idus Septembris in Indiam iam Prorex designatus appulerat , cui Nonius a Cunha iam cesserat loco , nolens amplius expectare classes , quæ in littore ad regionem tutandam Charmandelii & sinus Perfici versabantur , subito aliquibus nauibus , ex eis quas secum ex Lusitania duxerat , associatis illis quas Nonius a Cunha ante ipsius aduentum instruxerat , se ad navigationem componit. Nauium autem catalogus hic erat. Duodecim magnæ onerariæ , siue holcades : sedecim rostratæ , quas Galiones vocamus , quarum nonnullæ ingenti forma , & admodum validæ erant : viginti & quinque agiles naues , quas Carauellas dicimus , quo genere nauium soli Lusitani vtuntur : viginti & nouem triremes , habentes vnaquæque viginti & sex transtra : quindecim actuariæ , & viginti celoces : hæ omnes ad dimicationem paratæ erant , atque ingenti numero tormentorum instructæ. Aderant & aliæ quæ commeatum ferebant. Habebat

bebat præter nautas & remiges , milites Lusitanos quinquies mille , & nobiles Mallabares , quos Naiares vocant , octies mille in arte gladiatoria versatissimos. Quibus cum copiis , ancoris sublatis , Diu versus nauigare cæpit.

NONIVS a Cunha postea illinc soluit , in Lusitaniā nauigaturus , in itinere vero iniquo fato apud caput bonæ spei diem suum obiit. Piscibus , turgidoque mari eius cadauer , qui vltra decennium Imperium Orientis , nomine Regis sui gesserat , traditur. Quæ mors non illi fuit noxia , quoniam sciebat , se ad feliciorē vitam migraturum , sed nobis Lusitanis ; etenim amabatur ab omnibus , & tanquam vnus regni oculus deosculabatur. Antequam ex porta solueret Gratianus a Noronha , litteras Emmanuelis a Britto ducis Chalii ciuitatis in regno Calequii sitæ accipit , quibus significabat aduentasse ad Regem Calecutii celocem , cum legato Solimani Bassæ , ducis Turcarum classis , qui a Mahometanis in ipso regno agentibus , miris honoribus fuerat acceptus , præsertim a quodam duce ipsius Regis Calecutii Maomethano , nomine

Paque-

Paquemaquaro , qui eum ad Regem vsque comitatus est. In cuius conspectu concisa oratione ita orsus est. Rex inclite , Solymanus Bassa a potentissimo , inuictissimoque Turcarum Imperatore , Prorex modo super Indos designatus , te plurimum saluere iubet , indicans se hac sola de causa , huc nomine principis sui venturum , vt natione Lusitanorum deleta , si eius insignia , fidemque suscipere velis , nomen regnaque tua in immensum dilatet. Hæc locutus , ei nomine Turcarum Imperatoris talarem ex aureo panno vestem , brachas , atque pileum in signum fœderis offert. Tunc Rex toruo , truculentoque aspectu , inquit. Nec moris , nec consuetudinis Imperatorum Calecutii fuit (vocant enim antiquitus se Reges Calecutii Imperatores) nec erit , dona accipere , sed dare , nec regna sua peregrinis copiis dilatare , sed propriis , atque expulsos Reges regnis suis restituere. Proinde , nobilitatem astantem respiciens , Vos hunc proripite , eumque cum Duce Paquemaquaro præcipitem in ergastulum protrudite , inibi-que stultitiæ , superbiæque sui Imperatoris , & ducis poenas luant. Quare re gesta , illico
Rex

Rex legatos ad Ducem Emmanuelem a Brito mittit , per quos pacem , quam frequenter antea violauerat , petit , eamque se sanctissime deinceps culturum promittit , quam impetratam per omnes suæ ditionis ciuitates promulgari iubet. Quæ res omnibus nostris & grata & perutilis fuit , præsertim tempore tam dubio , in quo ab ipso , vt a uicino & potente hoste potius erant expectanda incommoda , quam emolumenta. Est autem iste potens Calecutii Rex nobis persæpe infestus , raro atque tenuiter amicus , idque adeo propter infractam amicitiam inter nos , & Regem Cochini , ipsius antiquum hostem a primis annis , ex quo nostri Indiam inceperunt frequentare , initam. Est enim Cochinum oppidum , vnde totum regnum nomen capit , in quo Proreges , Lusitaniæ Regis , diuturniorem sedem habent , & inibi omnes naues in Lusitaniam , siue in alias prouincias proficiscentes instruuntur. Hic igitur Rex Cochini , cum primum aduentum Turcarum in Indiam intellexit , omnes sui regni nobiles , quos Naiares vocant , ad se accersiri iubet. Quibus congregatis , omnes in vnum eorum sacratius templum

L

quod

vel ab aquis oppressi , vel ex nostris turribus arcubutorum ictibus transfuerberati , ad vnum vsque interempti sunt. Hac militum manu dissipata , cui extante dimicatione , nullum subsidium missum est , subito alia ex castris , paulo imbecillior numero mittitur , virtute tamen exercitationeque longe præstantior , quæ strenue nostros aggressa est. Milites etiam vt alii , vexilla diuerforum colorum ferebant. Dux Antonius Sylueira videns hostium virtutem , & latus in quod impetum fecerant admodum infirmum , illico Paium Rodericum ab Arauio cui secundus locus a dignitate prætoria in arce tribuebatur , iubet ex fortiore turri , cui præerat , se illuc celerrime transferre , vt locus ferme iam oppressus , ab ipso defenderetur. Qui stipatus quadraginta militibus , & cæteris , qui locum defendebant , admistus , in hostes audacter inuolat , multosque repellendo , feriendo , ac necando , ictu vnus arcubuti percussus , subito ad pedes suorum concidit , quod ducis Antonii auditui grauissimum fuit , attamen repente ad eundem locum subsidio mittit Emmanuelem a Vafquogoncelos , quem triginta milites comitabantur.

tabantur. Nostri vero iam in magno discrimine versabantur, multi interfecti, ac complures icti, & igne læli erant. Inter mortuos vero Martinus Vascus Pachequus, & eius nepos Gabriel Pachequus, & Antonius Mentius a Vasquogoncelos, & alii viri illustres annumerabantur, & ipsemet præfectus eius turris, in qua oppugnatio agebatur, quæ eadem illa est, quam prius ostendimus ictibus tormentorum concidisse. Is igitur Emmanuel ubi aduenerat, Te nostris miscuit, ac simul conglomeratim impetum in hostes faciunt, eosque de turri super quam diu steterant, magna ipsorum strage deturbant.

INTEREA temporis tormenta nostra, tam in vallum & castra, quam in triremes, ac alias naues, quæ a parte maritima, turrim, & arcem miris modis impetebant, exonerabantur, quorum ictibus, & quasi fulminibus magnam cladem hostes accipiebant. Pugnatum est vndeque ab hostibus, & quasi corona in orbem dimicatum usque ad tempus pomeridianum. Quo conflictu cum a turri depulsi essent, subito duplicato numero, arcem aliæ hostium copię aggrediun-

diuntur , qui omnes Geniceri , & veterani milites Turcæ & regni Cambaïæ erant , numero vero ultra sex millia , in quibus reliquum spei arcis expugnandæ reposuerat Solimanus. Dux Antonius a Sylueira , qui omnibus arcis angulis præsto erat , huc , illuc viginti tantum militibus circumstipatus , audit hostes non solum arcem aggressos , verum etiam muros , atque turris repagula superasse , eo dum omni celeritate festinat , suos , atque hostes promiscue non super moenia , sed in ipsa arcis area dimicantes , vel potius tumultuantes , aut fluctuantes inuenit. Quo viso , elatus animi magnitudine , voce sublimi , inquit : Mei Christiani , Lusitanique milites , memento te fidei , patriæ , parentum , mecumque corpora instar martyrum constanter pergitte sacrificare. His dictis , veluti leo ore cruore pleno , vibrato ense , in medium cateruæ se protrudit , huc illucque iter aperiens , suosque veluti oves ex faucibus luporum eripiens , hostes , tanquam pilam , eo , vnde venerant , breui temporis spacio reiecit. Interim a parte litorali tormentis nostris tres triremes euertuntur , vnusque puppis confringi-

fringitur. Qua clade accepta, hostes a naua-
 li oppugnatione abstinuere, interim tamen
 terrestre certamen magis magisque vige-
 bat, & magna contentione iterum in nostros im-
 petus fit hostium. Denique extitit atque
 perseverauit dimicatio hæc ad spacium quin-
 que horarum, eo modo, vt sæpius nostri
 ab hostibus ad extremum areæ repellerentur,
 contra hostes a nostris reiicerentur ad tur-
 rim vsque per quam ingressi erant, quam ne
 transirent, duo hostium duces, a calce ad
 verticem vsque armati ad eius radices ver-
 sabantur. A quibus omnes sui milites e turri
 desilientes, aut aggredi eam recusantes,
 spathis, quas vtraque manu gerebant, tru-
 cidabantur. Ii tamen a nostris ex arcis pin-
 nis, ictibus arcubutorum sæpe petiti, tan-
 dem oppressi sunt. Ab aliis etiam lateribus,
 in arcem pilla, & globos igneos hostes de-
 uoluebant, a quibus mire nostri læsi fuif-
 sent, nisi prouidentia Ducis Antonii libe-
 rati essent, qui nocte pridiana, hoc timens,
 super testudines turrium, maximam aquæ
 copiam infundere iussit, in qua nostri versan-
 tes, plantas pedum ab ardore ignis illæfas
 reseruabant. Adeo promiscua fuit hæc pugna,

vt

vt ex nostris multi glande arcubutorum in hostem emissa arcubuto ipso per capulum arrepto , capita hostium assiduus ictibus ferirent. Qua dimicatione , sine aliqua intermissione durante , compertum est vnum tormentum , quod Camelum vocamus , vnum supra viginti ictus emisisse. Arcubutarius erat etiam inter nostros , qui nonagies supra centum globos in hostem eiecit. Tandem , Deo fauente , nocteque interueniente prælium dirimitur. Hostes se in castra magna strage accepta recipiunt , nostris in arce non minore iuxta numerum clade affectis. Desiderati nostrorum eo die fuere septuaginta milites , inter quos decem nobiles numerabantur , trecenti vulnerati , aliique igne tacti , ita vt duodecim tantum remanserint a læsione immunes. Ex hostibus , vt apparuit , circiter tria millia supra quingentos cecidere , præter vulneratos & igne læsos. In quibus sepeliendis , tota illa nocte , & die sequente hostes incubuere , quæ nostri libere permittebant , nullo ictu tormentorum emisso , vt foetore cadauerum carerent. Erat autem res incredibilis dictu videre disiecta capita , cerebra , brachia ,
tibias

tibias , intestina , cæteraque corporis membra , quæ in arcis fossa prostrata iacebant.

PRAELIO finito , iam profunda nocte , Dux Antonius a Sylueira , cum vidisset hostes iam ad arcem expugnandam amplius non niti , nec ad eam aliquam machinam adinouere , custodiis dispositis , omnes suos superstites cibo refici curauit , qui a coena superioris noctis ad horam illam usque integrum cibum non sumpserant , quod spacium erat ferme viginti trium horarum. Refectis autem iis , & vulneribus ipsorum religatis , mortuisque opere mancipiorum , quæ in arce captiua habebant , sepultis , se nobilioribus , quas habebat , vestibus induit , cæterosque itidem facere iubet. Quo facto , canere atque saltare inceptum , cæterisque insequentibus , magnum clangorem , & vocum , & tubarum per totam noctem excitant. Id quidem agebant , ut hostes crederent ipsos eo animo atque virtute adhuc esse , qua in principio dimicationis fuerant , inter quas choreas & tibiarum concentus , non risus aut cachinni , sed lachrymæ profluebant , hostias se futuras in proximum haud dubitantes , si denuo oppugnatio

tio tentaretur , tandem finita saltatione iuratum est se in proxima dimicatione ea obstinatione animorum pugnatu-
ros , ut si Turca loco potiretur , non antea pugnandi , quam viuendi finem facturos , nec vnquam passuros , ut viui in hostium potestatem venirent , cædibus & stragibus ultionem suæ mortis petitu-
ros , eamque victoriam hostibus luctuosissimam futuram , non enim se in spem vitæ , sed ad vindictam mortis certatu-
ros. Interim nostris in huiusmodi saltationibus , & cantilenis impeditis , Dux certis hominibus , quibus maxime fidebat , iussit ut ex tormentis maritimæ parti adiacentibus , ubi semper minus (quippe latus illud natura erat munitum) imminebat periculi , puluis adimeretur , ut ex illo cupas ac globos igneos impelerent , quo in sequentis diei dimicationem partem eam , qua arx terram spectat , munitiorem tutioremque haberent. Omni iam maiorum tormentorum puluere carebant , præter eum , quocum tormenta instructa erant , quo deficiente , nulla amplius spes defensionis erat. Hanc pulueris penuriam Dux Antonius semper penes se secretam habuit , paucissimis exceptis ,
ptis ,

ptis, ne ab aliquo mancipiorum ex arce fugenti, hostes eam intelligerent. Hac nocte quidam Venetus nauta, pietate veri Christiani affectus se ad nostros furtim in arcem contulit, qui indicavit Solimanum ob ingentem suorum ac classis iacturam constituisse, nisi illo die, quo ter arcem tentauerat, eam superaret, castra amouere, nauesque conscendere, & Meccham versus nauigare. Quod iam magis cogebatur facere, ob atrocem acceptam stragem. Præterea narrabat, ipsum Solimanum mire succensuisse Coie Coffaro occisi Regis Cambaiæ Duci, a quo assererat se circumuentum esse, qui sæpius & coram, & per litteras affirmasset, arcem minime futuram aduersus ipsius potentiam, seque vltius habiturum omnes Reges Indiæ aduersus Lusitanos promptissimos socios. Nam illos vnanimi sententia ipsi pecunias ac copias venienti mittere constituisse, quæ omnia falsa ac fraudulenta deprehendit. Sed & multa plura dixit bonus ille transfuga, quæ postea vera inuenta fuere. Attamen nostri pro temporis ratione, eius verbis non magnam adhibebant fidem, tametsi hæc audientes animo nonnihil recilla-

cillarentur, ac aliquid ab extrema illa desperatione remitterent. Proinde a suo opere non desisteabant, ut si forte rursus hostes ad pugnam redire evenisset, se defenderent.

NOCTE præterlapsa, dieque progrediente, hostes (ut prius dictum est) in suis medendis, & sepeliendis occupati fuere, nec ipsi a nostris, nec nostri ab ipsis petiti sunt. Sequenti vero nocte (Dei opera) ecce fedecim illæ liburnicæ, quas Nonius a Cunha Prorex miserat, aduentant, quæ quatuor millibus passuum a classe Turcica adhuc distantes, ducum consilio, in vnaquaque quatuor luculentas faces erigunt, quæ ob noctis obscuritatem visum hostium quadruplo fallebant, existimantes, pro ignium numero, multitudinem navium respondere. Hoc stratagemate usi magna celeritate, clamoreque edito, ac tormentis crepantibus, impetum in classem hostium faciunt, ac nullo incommodo accepto, arcis naualem magna omnium alacritate ingrediuntur. Quo insperato subsidio Solimanus longe plus perterritus, nullo servato ordine, omnia tormenta, commeatum, castraque integra relinquens, se eadem nocte, in naues cum suis

con-

contulit. Et tanta celeritate nauigare cœpit, vt orto Sole, nullum eius classis vestigium appareret. Milites regni Cambaizæ hæc videntes se extra insulam, fluuium tranantes, conferunt. Tantus fuit omnium terror ac timor, vt relictis plus millibus hominum vulneratorum, ac igne læforum in castris, insuper millibus aliorum, qui prædandi gratia paulo ante ex castris discesserant, fugerint, qui omnes ad vnum postea ab incolis, vt nobis gratificarentur, & vt turpia in ipsos perpetrata facinora vindicarent, trucidati sunt. Nostri ex ea pugna, ingentia spolia, præter omnia tormenta bellica, quæ circiter centum, & quinquaginta numero erant, obtinuerunt. Fuga itaque hostium facta, confestim Antonius a Sylueira, celocem ad Proregem Gratianum a Norogna mittit, eique res ibi gestas indicat, quæ illum cum tota classe, circiter centum & sexaginta millibus passuum tantum a Dio distantem iam inuenit. Quo nuncio exultantes, omnes gaudio magno affecti sunt, quanquam Gratianus doleret se hostes ante portum non reperisse, nec eorum classem oppugnare posse, atque
glori-

gloriam liberatæ arcis reportare. Nihilominus hæc dum accepit , extemplo versus mare rubrum cursum ea intentione dirigit , vt profugos hostes , aut terra aut mari aggrederetur.

D A M I A -



DAMIANI AGOES

DEREBVSETIMPERIO

LVSITANORVM

AD PAVLVM IOVIVM

DISCEPTATIVNCVLA

H VIVSMODI multa sunt, doctissime Bembe , quæ quotidie a nostris in Africa , Asiaque pro Sacrosancta Fide Catholica aguntur , quæ si Paulum Iouium Nouocomensem, virum (vt fatear) doctum, non latuissent, ea, quæ in sua Moscouitarum legatione, deceptus cuiusdam Pauli Centurionis Genuensis verbis, scribit, nunquam in lucem dedisset. Vbi eundem Paulum, iniuriis Lusitanorum accensum , ita asferentem introduxit , Lusitanorum nauigationibus , non solum itinera reliquis nationibus in Indiam intercludi , verum etiam omnia aromata , inibi comparata , ingenti quæstu Olisipone , bona dum seruant , corruptaque prostituunt , venundari. Id autem non dabi-

M

mus

mus Pauli verbis, ut hanc imposturam agnoscamus. Siquidem singulis annis, a Regis nostri negotiatoribus, omnia ad vnum aromata, quæ ex India portata fuerint, diuenduntur. Nunquam enim inde tantum aromatum aduehitur, quin facile vertente anno ab Europa absumatur, præter piper, quod in multos annos sine corruptione seruari potest. Nec credo Paulum illum Genuensem ob publicum bonum talia blaterare, sed proprio commodo ad istius verba incitari, propter quod & ceteræ quoque nationes nostræ inuidet navigationi, potius suum lucrum affectantes, quam propagationem religionis. Porro nos id quoque, quod confiteri nefas non est, emolumentum etiam & opes ex nostris peregrinationibus quaerimus, sine quo vix tota Europa sustinere posset sumptus, quos quotidie facimus. Certe vel ob id laudari debemus, quod non ut inermes negotiatores ad quaestum tantummodo aromatum per Oceanum oberramus, ut multæ nationes Italix, Hispanix, Gallixque antiquitus fecere, & modo faciunt, sed exercitibus, & classibus instructi maximo cum metu hostium, non tam pomeria

noſtræ ditionis , quam Chriſtianæ fidei pro-
rogamus. Nec , vt falſo multi opinantur ,
ex omnibus noſtris nauigationibus lucrum
eliciamus ; ſed ex pluribus , pro religione di-
micando , magnam hominum ac pecunia-
rum iacturam facimus , vt in Mauritania ,
& Atlantico litore , domitis , & in manci-
piorum genus redactis Mahometanis o-
mnibus , qui Luſitaniam occupabant , id-
que multis annis , conſtigendo paucis no-
ſtrorum copiis. Deinde Caſtellanis , eorum-
que ſociis omnibus , ac Gallis vnico præ-
lio ad Scalabitanum deuictis , ac ex regno
depulſis , ſubito Abylam , ſiue Ceptam ce-
leberrimam ciuitatem in freto Herculeo ſi-
tam , occupauimus. Poſtea vero Reges Fez ,
& Heſperidum multis conſlictibus ſubactis ,
Tingidem , Argillam , Alcacerem , Tutu-
anum , Aſaphium , Caſtellum Regale , ac
Aſſamorum , Titium , & Maſſaganum , iſto-
rum Regum patrimonia , expugnauiſus , &
alia oppida , quæ excidiis deleta ſunt.
Ex quibus locis omnibus non ſolum nihil
commodi Regi noſtro accreſcit , ſed etiam
ingens ſumptus impenditur , idque cum ia-
ctura multorum nobilium , quos ibi perpe-

tuo in præsidio habet. Vtinam doctissimus ille Iouius ista vna cum iis, quæ in Aethiopia a nostris geruntur, perspecta habuisset, vbi nostra opera, & sermone potentissimus Rex Manicongi cum toto suo regno (quod in longitudine tria millia millium passuum habet, in latitudine ultra duo millia millium) fidem Christi accepit, eamque indies magis magisque colit. Deinde vtinam & id quoque cognitum habuisset, quomodo in omnibus Guineæ ac Nigritarum regnis, quæ plurima sunt, & ad montes Lunæ ferme vsque, atque in regnis Zofalæ, Bennamataxæ, Mocambiqui, Quilloæ, Monbacæ, Melindii, & in aliis, atque in insula Diui Laurentii, & vsque ad Arabicum sinum, liceat eandem Christi fidem per nos prædicari, atque in latissima Australi Brasiliæ plaga, vbi multas colonias nunc habemus. In quibus Regnis, multi ad ipsam religionis veritatem a nostris concionatoribus perducti sunt. Præterea nostris quoque armis, & in classibus fit, vt liceat (idque nostris magnis sumptibus) Oratores potentissimi Preciosi Ioannis Aethiopum Imperatoris, tuto aulam Romanam commeari,

ac principis sui verbis Romanum Pontificem, vt supremum Episcopum, agnoscere, subditorumque obsequia polliceri, id in mandatis habentes, vt se Catholicæ Ecclesiæ coniungant. Quæ res adeo præclara, vt gratulatione, non odio prosequenda esset, si vere Christi cultores essemus.

IAM vt omittam, quo pacto nostri, sæpius sinum Arabicum pererrantes, Suezium usque peruenerint, omnesque ferme eius littorales ciuitates euastauerint, ac templa Mahometanorum incendiis absumpserint, nec id quidem sine ingentibus sumptibus, ac magna nostrorum jactura conficitur, quæstu prope nullo: adiice quod regnum Adenense nobis tributarium cum Fartaquorum regno fecerimus, sinumque Persicum in ditionem, iusque nostrum fere totum redegerimus, vbi regnum, & insula Ormuziæ, jam tanquam Lusitaniæ legitima patrimonia sita sunt. Adhæc regnum quoque Cambaiæ, a nobis hoc tempore domitum est, & eius firmissima ciuitas Diu occupata. In quo loco ingens classis Sultani Babylonæ, milite etiam Christiano instructissima, ac trecentis Regis Cambaiæ nauibus, quas Attalaias

laías vocamus , & quadraginta Regis Calcutii , quas Parahos nominant , a Prorege Francisco de Almeida anno millesimo quingentesimo nono profligata est , plerisque nauibus aut captis , aut demerfis cum ingenti hostium clade. Quid hic referam Dacam , Cleul , Dabul , Bandam , ac insulam Goæ , quæ tota iam Christo paret. Postremo quod ad Reges Narlingæ , Honori , Batecallæ , Otisæ , Deli , Cananori , Callequi , Calcutii , Cochini , Coulani , insulæque Seylani , & ultra Gangem ad reges Bengallæ , Pegui , Syani , & ad magnam Malachæ ciuitatem , quam primo Alfonsus Albuquerque Prorex ditioni nostræ adiecit (cui etiam debemus Oromuziæ , & Goæ imperium) & ad insulam Samatræ pertinet. Ad Iauam quoque minorem , & maiorem , & ad insulas Bandæ , Moluqui , & ad Borneum. Postremo ad Chinam , ad Lequios denique , nationem vix antehac cognitam , fidem Christi propagatam esse , quod nostri non æstimandis laboribus atque sumptibus obtinuerunt , quorum Reges , & plures alii , quos omnino , multi seferuos Regis nostri vocant , nonnulli tributarios , & confœderatos , alii amicos , apud
quos

quos siue ex foederatorum genere sint , siue ex numero dedititiorum , ab Herculeis columnis vsque ad Chinam , & Lequios per omnes prouincias maritimas , nobis auctoribus , fides Christi celebratur , ita tamen , vt alibi id liceat colloquiis & sermonibus , alibi publicis concionibus , nonnullis in locis phana quoque , & templa religioni Christianæ dedicentur. Nunc certe *in omnem terram exiuit sonus* , & *in fines orbis terræ verba eorum* , & spes est longius sensim ad mediterranea fidem Christi propagatum iri , & Christo fautore , & nostrorum prædicatione.

QVIBVS rebus omnibus consideratis , & quod Rex noster a principio nauigationes nostras in Indiam cogatur perpetuo alere , tam in Mauritania , quam in ipsis Indiis , & in aliis quoque prouinciis ordinarium , & perpetuum exercitum viginti ferme milium militum , quos sumptus domesticis opibus tolerat , nullis ad hoc ab amicis auxiliis corrogatis , his adijce classem plusquam trecentarum omnis generis nauium , quas nunquam otiosas , sed in perpetuis expeditionibus occupatas habet ; vt jam non
enu-

enumerem extraordinarios sumptus , quos ad subita bella facere cogitur ; nam quæ superius recensui , impensæ pacis, & tranquillitatis sunt , non bellorum , quæ subinde aliis ac aliis in locis gerenda sunt , dum aut fines tuetur , aut focios protegit , aut fines imperii promouet. Quis piorum Christianorum non desinat nos maledictis laceffere , considerans ad tot sumptus sustinendos magnum omnino requiri lucrum ? Quod sane nobis inuidere non debent , sed potius nos augere , aromata nostra carius emendo (quamquam a nostris semper vilius vendita sint , quam olim a ceteris nationibus vendebantur) vt ea pecunia Mahometani de facie terræ (quando alii Christiani principes inter se dimicando Christianam ditionem neglectui habent) deleantur , & sacrosancta fides passim ac tuto prædicetur. Hæc omnia si ille bonus ac doctus Paulus Iouius sciuiisset , nunquam aut de quæstu nostro inuidiam mouisset , aut corrupta aromata pro integris vendi afferuisset , quippe cum edicto Regis , placitisque totius regni , mucida , adulterinaque semper cumentur , id quod , dum puer ab intimis cubiculis prudentissimi Regis Em-

Emmanuelis effem, sæpius vidi Olisipone fieri. Ceterum siqua istius rei culpa est, ea apud solos istos tabernarios, propolas, & institores hæret, quibus nihil sancti, nisi quod cum lucro coniunctum est. Hæc si Iouio comperta fuissent non nostras laudes arrosisset, sed benigna prædicatione celebrasset, quod illi, ob tersissimam eloquentiam, & facile, & expeditum fuisset. Hæc ad Dionsem oppugnationem, de nostrorum Lusitanorum gestis, & obiter adieci, uti per te (cujus amplitudo summa est) gratiam aliquam, & commendationem huic disceptatiunculæ nostræ conciliarem, quo illa ex tua autoritate maiorem ubique fidem mereretur. Vale.





FIDES, RELIGIO,
MORESQUE AETHIOPVM

DAMIANVS A GOES -
EQVES LVSITANVS
PAVLO PONTIFICI ROMANO
TERTIO,

S. P. D.

NULLA haud dubie est res, in
qua vberius niti debeamus,
quam vt totus terræ orbis (si id aliter
fieri non poterit) labore, sumptu,
martyrio, ac omnium nostrum crucia-
tibus, ad Christi fidem alliciatur, al-
lectusque vt sub vnum ordinem, & vi-
uendi ritum redigatur. Cuius rei cu-
ra tibi, Paule Pontifex Maxime, qui
vt primus Episcopus, & Christi Vica-
rius,

rius , eius Vniuersali Ecclesiæ præsi-
des , cæteris nobis omnibus magis de-
betur. Quamobrem tuum est officium
(quod etiam iam cum magna spe
omnium incepisti) calamitatibus quo-
tidie ipsius Christi ouili occurren-
tibus mederi , & opera , & studio tuo
efficere , vt ipsi soli Christo totus mun-
dus pareat , ac credat. Cum vero cre-
diderit , vt tibi , monitisque tuis , ve-
luti Petri successori , in omnibus , quæ
ad salutem animarum spectant , obedi-
ant. Quod cum euenerit , dicemus , te
auctore , prophetiam vnus pastoris ,
& ouilis adimpletam esse. Cuius rei
palmam si obtinueris , quis profecto
Pontificum , te vel honore , vel felici-
tate , vel merito anteibit ? vel cui tri-
plicem tiaram maiore iure concedemus ,
quam tibi ? quam vt consequaris , tem-
pora , licet alioquin infelicia , magnas
tibi occasiones nunc præstant , infeli-
cia inquam , ob eas calamitates , quas
in Europa medendas habes. Quæ vt
vici-

vicinæ maiori certe periculo Ecclesiæ imminent. A nemine acrius impetimur, quam a vicino hoste. Nunc vero ut has molestissimas curas, quæ tibi (ut scio) perpetuo cordi sunt, ommitamus, ad alias mitiores veniamus, quæ cum magna spe coniunctæ sunt, ut alter & nouus quodammodo orbis, cum Christi fide, tuæ sanctitatis magestatem, & dignitatem agnoscat. Quas si pro tua prudentia ita tractaueris, ut te quasi gubernatore Ecclesia, tum Europæa, tum Aethiopica, vitatis periculis, & naufragiis, in portum salutis veniat, de te canemus illud Propheticum sapientiæ canticum: *Penetrabo omnes inferiores partes terræ, & inspiciam omnes dormientes, & illuminabo omnes sperantes in Domino. Videte, quoniam non solum mihi laboravi, sed omnibus exquirentibus veritatem.*

Ad quæ omnia perficienda adest iam demum tempus hoc, in quo huiusmodi

modi vaticinia per te adimpletum iri
confidimus. Adfunt hic modo Aethio-
pes , gens magna & Christi auidissima,
cuius sanctissimus Imperator amicitiam
Europæorum Christianorum cupiens
ad te , & ad inuictissimos Reges Lusitaniæ , legatos misit , per quos vt eius
epistolis apparet , non tantum sibi
Christianam amicitiam & charitatem
cupit a Principibus Europæis imper-
tiri , verum etiam eosdem (quos assidue
in acerbissimis discordiis nouit ver-
fari) ad Christianam concordiam pi-
entissime adhortatur. Res sane ob quam
omnes pudore affici debemus. Surrexit
vero iam Regina Saba , & vocat in iu-
dicium , errata nostra reprehendens.
Adimplentur Christi Prophetiæ , &
quos ipse eligit , paulatim ab ipsius
confortio dilabuntur , eiusque præce-
pta , & promissa deuoluuntur ad eos ,
qui Ethnici & a Christo alieni repu-
tabantur. Is enim Aethiopum Impera-
tor , cum omnibus suis regnis , vt ex
nostra

noſtra enarratione apparebit , ſub tua diſciplina viuere cupit , nec quicquam magis optat. Nec etiam ignorat ex Apoſtolorum doctrina , quam in octo libris digeſtam habet , Epifcopo Romano , Omnium Epifcoporum totius orbis principatum deberi , cui plane ſancteque parere vult , ab eoque in Chriſti Eccleſiæ inſtitutis , bene & ſancte inſtrui , & ad id inſuper viros doctos ſibi dari orat , atque exorare auide affectat. Nec eo contentus , vt ſuarum etiam poſtulationum in poſterum extet memoria , petit , vt huius rei fides maneat in Pontificum Annalibus , vt ſic ab Hiftoria Eccleſiaſtica eius epistolæ , ac piiffima optata illuminentur , & poſteritas intelligat , quo tempore , ſub quoque Pontifice hæc geſta fuere. Viros autem doctos , ſacrarum literarum diſciplina & aliarum artium bene inſtructos , non dubito , quin tua Sanctitas iam ad eum tranſmiſerit , aut omnino ſit miſſura. Quorum doctrina


& industria, simul cum sermone & labore nonnullorum, quos iam serenissimi Reges Lusitania Emmanuel & Ioannes eius filius miserunt, facies ut omnes Christiani in Aethiopia & India degentes, sensim Regibus & institutis Romanorum Episcoporum [quos Christi Vicarios non reformidant fateri] pareant. Quibus tandem tua opera nobiscum per veram religionem coniunctis, ac in vno ouili simul, & sub vno pastore Christo congregatis, intelligemus super nos omnes Domini misericordiam confirmatam, & eius regnum omnium seculorum, & dominationem eius omnium generationum esse, & tunc omnis caro benedicet nomini sancto eius in secula. Et ne prolixior sit exhortatio mea, quam oportet, praesertim ad eum, cuius vitae ac doctrinae omnes imitatores sumus, & esse debemus, ad exordium enarrationis me conferam, quam aliquantulo altius repetam, ut sic clarius ostendam, quibus principiis hæc sanctissi-

ctissima Preciosi Ioannis , & Regum
Lusitaniæ amicitia , & fœdera inita
sint , sperans me , dum , quæ vera & le-
gitima sunt , enarro , animos legenti-
um incendere posse , & ad huiusmodi
munera allicere , quo Christi fides vbe-
rius in omnibus terræ angulis propage-
tur , prædicetur , colaturque.



FIDES, RELIGIO, M O R E S Q V E

AETHIOPIVM

 NNO ab ortu Seruatoris humani
generis Christi MCCCCXXXIII vi-
ta functo Ioanne Lusitaniæ Re-
ge , eius nominis primo , cognomento bonæ
memoriæ , qui Lusitaniam a Castellanorum
incurfionibus , oppugnationibusque , quibus
eam ferme totam populauerant , liberauit ,
inter alios , quos reliquit filios , Henricus cæ-
teris omnibus , in disciplinis , præcipue
Mathematicis , doctior fuit , qui propter so-
la astrorum studia cælebs vixit , ac vt cur-
sus stellarum accuratius meditaretur , vitam
in sacro promontorio , quod caput Sancti
Vincentii dicitur , egit , quem locum pro-
pterea , quod in eo Cælum raro turbidum
efficitur , elegit , ne nubibus interpositis in-
strumentis , quibus ad rationem eius mune-
ris utebatur , consideratio cælestium cursuum
impediretur. Is autem Henricus , vt fructus
studio-

studiorum suorum capefferet, id quod iam ex multis vigiliis compertum habebat, nempe Athlanticum Oceanum in Indicum, rursus Indicum in Athlanticum profluere, nauibus propriis, suis ac sumptibus constituit inuestigare. Quibus iterum atque iterum missis, bonam partem litoris Athlantici penetrauit, in quo oppida, & ciuitates, insulæque permultæ repertæ sunt. Quibus in locis omnibus Christi fides eius opera innotuit, inibique templa quoque erecta sunt, præsertim in insulis olim desertis, quarum prima insula Lignorum, quæ vulgo *Madeira* vocatur, nunc celeberrima & frugifera est. Tandem, vt sunt res mortalium instabiles, anno salutis nostræ MCCCC LX, die XXIII Octobris, morte interceptus has nauigationes, quoniam expers matrimonii erat, ad coronam regni, tanquam fundum hæreditarium transmisit, quæ per manus traditæ, ad tempus Ioannis, secundi eius nominis, sine aliqua externorum Regum, ac Principum æmulatione, aut inuidia deriuatæ sunt.

Qvo Rege viuento Columbus Genuensis, vir nauticæ artis peritus, ab ipso Rege, cui

Occidentalium Indiarum nauigationes ostendere pollicebatur , repulsus , ac inauditus , dimissusque , auxilio, auspicioque Ferdinandi , & Elifabeth Regum Castellæ , illud iter fæliciter tentauit , ac prouincias illas amplissimas , & magni emolumenti primus reperit, & qua nauibus adiri poterant , commonstrauit. Is autem Ioannes cum diu animo voluisset res Orientalium Indiarum , de quarum vbertate scriptis antiquorum multa , & varia prodita erant, inter alios immensos labores , & sumptus , quibus non pepercit , viros aliquot lingua Arabica edoctos ad illas prouincias, præsertim ad Preciosum Ioannem mittere decreuit. Quorum duo fuerunt , Alphonfus a Paiua , natus ex Albo Castro ; alter vero Ioannes Petrus a Couilham , vterque Lusitanus. Ii Scalabitanos , septimo die Maii , anno a Seruatoris Christi ortu millesimo , quadringentesimo , octogesimo sexto , iter suum facere auspicati sunt , & mercatores se semper simulantes , primum Barcinona , inde Neapoli , postea Rhodo , demum Alexandria iter facientes , Cayrum peruenerunt , vbi mercatorum sodalitiū nacti , versus Thor
iter

iter ceperunt. In quo loco naui conscensa , ad quandam urbem , nomine Cuaquen in litore Aethiopico sitam appulerunt. Postea Adenam nauigant , inde Alfonsus iterum in Aethiopiam ad Preciosum Ioannem , Ioannes vero Petrus in Indiam proficisci inter se constituunt. Ioannes autem Callectio , Goa , ac toto Malabarorum litore peruestigato , Zofalam nauigauit. Inde rursus Adenam , hinc recta Cayrum profectus est , vt sodali suo inuento in Lusitaniam ad Regem redirent ; (statuerant enim , cum Adena discessissent , certo quodam tempore , ad eundem Cayri locum conuenire) quo cum reuerteretur , a duobus Iudæis Lusitanis , quorum alter Rabbi Abraham vocabatur , Beienfis , alter Ioseph Lamecenfis , litteras Regis Ioannis accepit , ab eisque intellexit , collegam suum Alfonsum inibi vitam morte commutasse. Iisdem litteris præceptum erat ne in patriam redirent , nisi Oromuzia perlustrata , ac Precioso Ioanne salutato , de cuius statu Rex audivissime cupiebat certior fieri. Qua de causa Ioannes Petrus ignorans , quæ Alfonsus eius collega , dum viueret , gesserat , iterum Adenam
Rab-

Rabbi Abraham socio repetit. Iosephum vero cum litteris , quibus itinera sua , actaque significabat , ad Regem remittit : vnde quadam naui conscensa , in Oromuziam nauigauit. In quo loco Abraham Iudæo relicto , cui litteras quoque ad Regem tradidit , Mecham versus nauigare constituit , quam cum iam in oculis haberet , cupido eum incessit montis Synai videndi. Inde discessum est Thor. Rursus nauigatione vsus , faucibus maris Erythræi transmissis , Zeilam peruenit. Reliqua deinde itinera usque ad aulam Preciosi Ioannis pedibus emensus est , qui tunc temporis Alexander vocabatur , cui humanissime acceptus , litteras , quas habebat a Ioanne Rege , tradidit , eique topographiam , quam vulgo Mappam vocant , quo nostras nauigationes perspiceret , in manus dedit. Is autem Alexander cum statuisset eum remittere , ne id faceret , morte præuentus est. Quo mortuo frater in eius locum successit , cognomento Nau , sed ab eo nunquam idem Ioannes Petrus potuit facultatem in patriam redeundi impetrare , eoque extincto , idem illi , a filio Dauide Regni hærede , denegatum fuit. Donatus
igi-

igitur amplissimis muneribus, quæ ad patriæ illi desiderium leniendum concessa fuere, (quando exire prouinciam non licebat) vxorem nobilem duxit, ex qua quamplurimos filios suscepit. Hunc nostri Oratores in ipsa aula Preciosi Ioannis inuenerunt, & allocuti sunt. A qua discedentes anno MDXXVI, salutis nostræ, eum libenter in patriam reduxissent, atque ipse quoque eo redeundi percupidus erat; sed id a Dauide obtinere nunquam valuerunt, respondente ad ipsorum preces, se illum virum, una cum regnis suis, a patre Nau accepisse, eumque pari cura, & amore cum ipsis regnis seruare velle, nec debere illum tædere Aethiopicæ vitæ, apud quos tum a patre, tum ex sua liberalitate amplas diuitias, & ditiones accepisset. Is, vt nostri asserunt, omnium hominum ferme linguas callebat, qua de causa, & præcipue ob eius eximiam prudentiam, tam auidè ab Aethiopiæ Imperatoribus retentus fuit. Vnde res Lusitanicas eorumque nauigationes exactissime cognouerunt, quibus sæpius recensendis, vt doctus, & eloquens erat, Aethiopum nationem nobis conciliauit. Postmodum

dum , Ioanne secundo Rege mortuo eiusque locum Emmanuele felicissimo succedente , classe , cui præerat Vascus a Gama , anno millesimo , quadringentesimo , nonagesimo septimo , Olyssipone soluente , capiteque Bonæ spei primo superato , ad Indiam Orientalem nostri tandem peruenere. In qua varia bella gerentes, multas prouincias , ac ciuitates sub nostrum imperium redegerunt.

QUAE cum in Aethiopia , tum per finitimos , tum per aliquot Lusitanos , qui ad aulam Preciosi Ioannis tunc temporis ex India venerant , renunciata essent , Helena Dauidis uia , quæ ob tenellam ipsius Dauidis ætatem , administrationem regnorum habebat , quendam Matthæum Armenium , virum multarum rerum atque linguarum peritum , in Lusitaniam ad Emmanuelem Regem misit , & quo maior auctoritas , & fides legationis esset , quendam nobilem iuuenem Abissynum misit , quos ego sæpius in aula nostra conueni , & familiariter allocutus sum. Is enim Matthæus variis itineribus Coam ad Altonsum Albuquerqueium Proregem peruenit , a quo humanissime acceptus ac libe-

liberaliter dimissus , nostris nauibus , anno
milleſſimo quingentefſimo decimo tertio ,
Olifiponem appulit. Is coram Emmanuele
legatione ſua expoſita , crucem concinna-
tam ex eo ligno , in quo Chriſtus pependit ,
Regi dedit , quam crucem frequentiffime
vidi , & veneratus ſum , dum frater meus
Fructus a Goes , Regis cubicularius , eam
in ſua cuſtodia haberet. Litteræ autem ſui
Principis , quas ſecum ad Emmanuelem
Regem tulerat , ſic loquebantur.

*Epiftola Helenæ aviæ Davidis Precioſi Ioan-
nis , Aethiopum Imperatoris , ad Emmanuelem
Luſitanorum , &c. Regem , ſcripta Anno
milleſimo quingentefimo nono.*

IN nomine Dei Patris , & Filii , & Spi-
ritus Sancti , vnus ſolus in tribus per-
ſonis Dei , ſalus , gratia , & benediçtio
Domini noſtri , & Redemptoris Ieſu
Chriſti , filii Mariæ Virginis , nati in
domo Bethlehemitica , ſit ſuper dilectum
fratrem noſtrum Chriſtianiffimum Regem
Emmanuelem , dominatorem maris , vi-
ctorem ferorum , incredulorumque Mau-
rum ,

„ rum. Dominus Deus te bene fortunet ,
„ tibi victoriam de inimicis tuis donet ,
„ tuaque regna & ditiones , per deuotas
„ preces nuntiorum Redemptoris Christi ,
„ nempe quatuor Euangelistarum Sancti
„ Ioannis , Lucæ , Marci , & Matthæi , lon-
„ ge lateque dilatet , & extendat , quorum
„ sanctitates & orationes te seruent.

„ CERTIOREM te facimus , per quam
„ dilecte frater , ad nos vsque appulisse
„ ex magna illa vestra & eximia aula du-
„ os nuncios , quorum quidem alteri no-
„ men erat Ioannes , qui se presbyterum
„ aiebat , alteri vero Ioannes Gomes , pe-
„ tiisseque a nobis commeatum , & milites.
„ Quare nos mittimus nostrum Oratorem
„ Matthæum , fratrem nostri seruitii , cum
„ venia Patriarchæ Marci , qui nobis dat be-
„ nedictionem , mittens presbyteros Hiero-
„ solymam , qui est pater noster , ac omnium
„ nostrarum ditionum , columna fidei Christi ,
„ & Sanctæ Trinitatis. Is de nostro mandato
„ misit ad magnum vestrum ducem eorum ,
„ qui pro fide nostri Seruatoris Iesu Christi
„ militant in India , ad illi significandum ,
„ nos esse promptos ad mittendum tum com-
mea-

„ meatum , tum milites , si necesse fuerit.
 „ Proinde fama accepimus Principem Cayri
 „ cogere magnam classem aduersus vestras
 „ copias , nimirum vt sese vindicet de iniu-
 „ riis damnisque , per militiæ tuæ , (quam in
 „ India habes) duces , sibi (vt vere nobis
 „ constat) sæpe illatis , quod Deus sua san-
 „ cta bonitate in dies magis magisque fortu-
 „ nare dignetur , vt cuncti tandem incredu-
 „ li , penitus sub iugum mittantur.

„ Nos itaque aduersus illorum insultus
 „ missuri sumus militum copias , quæ ma-
 „ neant ad fretum Mechæ , scilicet Babel ,
 „ Mendel , aut certe , si id tibi commodi-
 „ us videbitur , ad portum Iudæ , aut Thor,
 „ vt tandem auferas , perdasque huiusmodi
 „ Mauros , & incredulos a facie terræ , ita
 „ vt dona & oblationes , quæ afferuntur ad
 „ Sanctum Sepulchrum , deinceps non vo-
 „ rentur a canibus.

„ ADEST iam tempus illud promissum ,
 „ quod , vt aiunt , Christus & Mater eius
 „ Maria prædixere , quod scilicet in po-
 „ stremis temporibus oriturus esset e regio-
 „ nibus Francicis Rex quispiam , qui abolutu-
 „ rus esset vniuersum Barbarorum , & Mau-
 rorum

„rorum genus , & hoc ipsum quidem nunc
„tempus est , quod Christus benedictæ suæ
„Matri futurum promisit.

„PORRO quicquid Orator noster Mat-
„thæus vobis dicturus est , id velut a no-
„stra ipsorum persona profectum accipite ,
„eique fidem adhibete. Et siquidem vnus
„inter nostræ aulæ præcipuos , atque ob id
„illum ad vos mittere voluimus. Com-
„missemus autem hæc vestris nunciis ,
„quos huc legastis , sed cepit nos metus ,
„ne nostra negotia , non ex nostra senten-
„tia vobis nota forent.

„MITTIMVS ad vos per hunc nostrum
„Oratorem Matthæum , Crucem vnā ,
„factam haud dubie ex frusto ligni , in quo
„Seruator noster Iesus Christus crucifixus
„fuit Hierosolymis. Id autem Sacrosancti
„ligni frustum ex Hierosolymis ad nos
„allatum est. Porro ex eodem duas fecimus
„Cruces : earum altera quidem apud nos
„manet , alteram vero dedimus isti nostro
„Oratori , ad vos perferendam. Lignum
„nigri coloris est , pendetque ab exiguo
„argenteo annulo.

„CAETERVM si vobis visum fuerit ,
aut

„ aut vestras filias matrimonio iungere no-
 „ stris filiis, aut nostros filios dare vestris fi-
 „ liabus , id & nobis in primis pergratum
 „ erit , & vtrisque vtile , fraterni inter nos
 „ initium fœderis , quod quidem nuptiarum
 „ connubium , cum in præsentiarum , tum
 „ etiam in futurum , tecum inire percupi-
 „ mus. Reliquum est vt & salus , & gratia
 „ nostri Redemptoris Iesu Christi , sanctæ-
 „ que nostræ Dominæ Mariæ Virginis , se
 „ extendat tum super vos , tum super fili-
 „ os , filias, vniuersamque vestram domum ,
 „ Amen.

AD hæc autem vos certiolem faci-
 „ mus , si bella , exercitusque coniungere
 „ velimus , satis virium nobis futurum esse
 „ ad (diuino accedente auxilio) abolendum
 „ vniuersos nostræ sanctæ fidei inimicos.
 „ Verum nostra regna , & ditiones sic sunt
 „ in mediterraneis sita , vt nusquam in ma-
 „ ria possimus erumpere. Quare nihil no-
 „ bis est potentiæ in mari , in quo (Deo
 „ laus) vos omnium estis potentissimi. Ie-
 „ sus Christus sit vobis auxilio : res enim
 „ quæ in India per vos gestæ sunt , profecto
 „ magis miraculosæ , quam humanæ. Quod

„ si mille velis armare naues , nos & com-
„ meatum dabimus , & cuncta , quæ ad eam
„ classẽ opus erunt , abunde suppeditabi-
„ mus.

HANC epistolam cum aliquibus fidei ,
religionis , morum , statusque Aethiopum ar-
ticulis , quos Matthæus coram Rege Em-
manuele , & eius concilio explicauit , hor-
tatu Ioannis Magni Gothi Archiepiscopi
Vpſaliæ , in regno Suetiæ , cum quo in Prus-
sia non vulgarem contraxi amicitiam , ex
idiomate Lusitanico , in quo eam conscrip-
tam habebam , latinam feci , quæ postea
cum ipsis quoque articulis , me incio ,
Antuerpiæ excusa est.

HIS ex legatis Aethiopum cognitis ,
Emmanuel , vt erat & prudentissimus , &
propagandæ fidei Christianæ auidissimus ,
legationem instituit grauissimis & ornatif-
simis viris instructam : cuius capita fuerunt
Eduardus Galuanus , vir non minus ætate ,
quam prudentia , ac rerum usu grauissimus ,
& Franciscus Aluares , sacerdos , ac Regi
a sacris , & is quoque senex , & moribus
inculpatis , quos utrosque de facie noui-
mus.

mus. Ii cum Matthæo sub Lupo Soares Prorege ad Indiam nauigant, ac tandem Didaco Lupes a Sequeira, Prorege, qui Lupo Soares succefferat, cum instructa classe, quam aduersus Turcas parauerat, ad portum Arquicu' nomine, in litore Erythræo, ac in ditio-
ne Preciosi Ioannis situm, deducuntur, ad quem locum appulsa est classis, anno salu-
tis millesimo, quingentesimo vigesimo,
die secundo Aprilis, in quo itinere, in Ca-
mara, maris Erythræi insula, vita defunctus
est Eduardus Galuanus, in cuius locum suf-
fectus est Rodericus Limius, qui ab ipso
Arquici portu, vigesimo nono eiusdem men-
sis, cum fociis eiusdem legationis, duce si-
mul ac comite Matthæo (nam Abissynus il-
le iuuenis, de quo superius mentionem fe-
cimus, e viuis iam discefferat) ad aulam Pre-
ciosi Ioannis contendere cœpit.

In quo itinere quoque mortuus est Mat-
thæus, ac in quodam celeberrimo cæno-
bio, nomine Bifayn, a nostris sepultus. Post
cuius funebre officium, ad instituatm pro-
fectionem redeunt, ac post maxima iti-
nera, labores infinitos, ingentia pericula,
ad aulam Preciosi Ioannis perueniunt, a
quo

quo Rodericus cum collegis honorifice excipitur, ac tandem peractis mandatis, & acceptis, ad Emmanuelem Regem remittitur. Is cum suis Arquicum profectus, classem, cuius prætor Ludouicus Menesius erat, & quæ ea de causa appulerat, ut eos reduceret, non inuenit, quæ illos, quod ferius aduenerant, expectare non potuit propter ventorum importunitates, qui in illis plagis, miro naturæ arcano, sex perpetuos menses ex vno cæli climate, deinde alteros illos sex menses ex aduerso spirant. Arquici litteras inuenit apud Præfectum oppidi, a prætore Ludouico relictas, ex quibus Regis Emmanuelis mortem cognoscit. Quamobrem iterum in aulam Preciosi Ioannis redeundum esse constituit, quo reuerso, Preciosus Ioannes ad Romanum Pontificem scribit, litterasque Francisco Aluares Romanam ferendas commisit. Ii omnes iam spatio sex annorum in illis prouinciis commorati, tandem cum legato Aethiopico, quem Preciosus Ioannes ad Regem nostrum mittebat, Arquici aliam classem regiam, quæ eorum causa iterum venerat, conscendunt: idque anno MDXXVI, mense Aprili. Inde fol-

soluentes Indiam petunt , ac tandem longis nauigationibus , Olisiponem ad Regem Ioannem , anno millesimo , quingentesimo , vigesimo septimo , mense Iulio redeunt , qui Oratorem Aethiopicum ob certas eius legationis causas , apud se ad annum millesimum , quingentesimum , trigesimum nonum vsque retinuit , Franciscumque Aluares ad Clementem Pontificem VII. cum litteris Preciosi Ioannis , cuius Orator ex Aethiopica venerat , misit , quas ipse Pontifex ex manibus eiusdem Francisci Aluares Bononiæ , anno salutis millesimo quingentesimo trigesimo tertio , mense Ianuario , Carolo V. Imperatore præfente accepit. Quarum & aliarum ad Emmanuelem , & Ioannem Reges interpretatio , Paulo Iouio viro eruditò debetur : qui eas ex Lusitanico sermone , in quem tum versæ erant , latinas fecit , vt iam hic videre licet.

Litteræ serenissimi Davidis Aethiopiæ Imperatoris ad Emmanuelem, Portugalliæ &c. Regem, scriptæ Anno MDXX.

IN nomine Dei Patris, vti semper fuit, , cui non inuenitur principium: nomi- , ne Dei filii vnici, qui est similis ei, , antequam sit visum lumen stellarum, an- , tequam poneret fundamenta maris Oc- , ceani, alio autem tempore conceptus , fuit in vtero Virginis, sine semine viri- , li, & sine nuptiis. In hunc enim modum , scientia erat officii eius. In nomine Pa- , racleti Spiritus sanctitatis, qui scit cun- , cta secreta, quæ sunt, vbi antea fuit, , omnium scilicet altitudinum cœli, quod , sine columnis, & absque vllis fulcimen- , tis sustinetur, qui amplificauit terram, , quæ antea non erat creata, nec cognita, , ad omnes partes ab ortu ad occasum & , a septentrione ad austrum. Nec iste est , primus, vel secundus, sed est Trinitas , coniuncta in vno æterno Creatore rerum , omnium, ab vno tantum consilio, & vno , verbo per sæcula sæculorum. Amen.

Has

„ Has litteras mittit Atani Tinghil , id
 „ est, Thus Virginis, quod nomen est a ba-
 „ ptismate, nunc vero in ipso suscepti regni
 „ initio , assumpsit nomen Daud , dilectus
 „ a Deo , columna fidei , cognatus stirpis
 „ Iudæ , filius Daud , filius Salomonis ,
 „ filius columnæ Sion, filius feminis Iacob,
 „ filius manus Mariæ , filius Nau per car-
 „ nem, Imperator magnæ , & altæ Aethio-
 „ piæ, magnorum regnorum , & ditionum ,
 „ & terrarum , Rex de Xoa , de Caffate , de
 „ Fatigar , de Angote , de Baru , de Baali-
 „ ganze , de Adea, de Vangue, de Goïame ,
 „ ubi Nilus oritur , de Damaraa , de Va-
 „ guenedri , de Ambeaa, de Vagne , de
 „ Tigri Mahon , de Sabaym, unde fuit Re-
 „ gina Saba , de Bernagaes , & Dominus
 „ usque ad Nobiam finem Aegypti. Hæ lit-
 „ teræ diriguntur Regi Potentissimo & Ex-
 „ cellentissimo , semper victori , Domino
 „ Emmanueli , qui habitat in amore Dei ,
 „ & firmus permanet in fide Catholica , fi-
 „ lio Apostolorum Petri , & Pauli , Regi
 „ Portugalliæ , & Algarbiorum , amico
 „ Christianorum , hosti , iudici , Imperato-
 „ ri , domitori Maurorum , & gentium A-

„ fricæ , & Guineæ a promontorio , atque
„ insula Lunæ , Maris rubri , Arabiæ , &
„ Persidis , & Armutiæ , magnæ Indiæ , &
„ omnium locorum earum , & omnium in-
„ sularum , terrarum adiacentium , proflli-
„ gatori Maurorum , & fortium pagano-
„ rum , domino arcium , & aliorum Castel-
„ lorum , & murorum , propagatori fidei
„ Iesu Christi. Pax tibi Domine Rex Em-
„ manuel , qui Dei fretus auxilio , Mauros
„ occidis , & tua classe , tuo exercitu , &
„ tuis Ducibus vndique tanquam infideles
„ canes expellis. Pax sit cum Regina vxo-
„ re tua , amica Iesu Christi , serua Mariæ
„ Virginis matris ipsius Saluatoris toti-
„ us mundi. Pax sit filiis tuis , nunc , vti
„ in virenti horto , & florentibus liliis ,
„ mensa esculentis parata. Pax filiabus ve-
„ stris , quæ sunt indumentis ornatae , sicut
„ palatia aulæis exornantur. Pax affinibus
„ tuis , ex sanctorum semine procreatis , si-
„ cut dicit Sacra Scriptura , filii sanctorum
„ sunt benedicti , & magni foris & intra do-
„ mum. Pax sit consiliariis , & officialibus
„ tuis , potestatibus , & ius dicentibus. Pax
„ Ducibus tuis castrorum & confinium &
omni-

„ omnium rerum munitarum. Pax omni-
 „ bus gentibus , populis , & vrbibus , cun-
 „ ctis inhabitantibus. Præter Mauros , &
 „ Iudæos , pax omnibus parrochiis , &
 „ omnibus Christo & tibi fidelibus. Amen.

„ COGNОВI Domine Rex , & mi Pater :
 „ quod cum ad te nominis mei fama , per
 „ Matthæum Oratorem nostrum fuisset dela-
 „ ta , statim Archiepiscoporum , ac Prælato-
 „ rum magnum numerum aduocari iussisti ,
 „ qui de ea legatione Deo Christo gratias age-
 „ rent , ipsumque Matthæum summo cum
 „ honore , & hilaritate fuisse susceptum , qua
 „ de re mirifice sum lætatus , & gratias pari-
 „ ter Deo egi , & hoc deuote fecit etiam
 „ populus meus. Dolui autem cum ab his
 „ intellexi ipsum Matthæum in reditu suo ,
 „ dum intraret fines meos , in monasterio de
 „ Bifayn fuisse mortuum : cum autem ego
 „ non miseram , quoniam adhuc puer eram
 „ vndecim annorum , vix dum suscepto
 „ regni sceptro , post mortem patris , sed
 „ Helena Regina , quam loco matris cole-
 „ bam , & regnum pro me gubernabat. Is
 „ Matthæus mercator erat , Habraham vo-
 „ catus , sed sibi nouum nomen idcirco im-
 „ posu-

„ posuerat , vt securius per fines Maurorum
„ iter faceret. Verum is in Dabul a Mau-
„ ris pro Christiano agnitus in carcerem
„ fuit coniectus. Quod cum significasset
„ vestrorum exercituum Præfecto , is misit
„ fortes viros , qui Christianum hominem
„ e teterrimo carcere liberarent , maxime
„ cum didicisset eum esse legatum meum.
„ Itaque illum , ereptum e manibus inimico-
„ rum , curauit vestris nauibus , ad conspe-
„ ctum vestrum , transuehendum. Is Mat-
„ thæus meo nomine tibi Regi mandata
„ exposuit , rescripsitque se honorifice sus-
„ ceptum fuisse , & cumulate omnis gene-
„ ris muneribus honestatum , quod & nuncii
„ pariter vestri affirmabant , quos magnus
„ vestræ classis Præfectus Didacus Lupus de
„ Sequeira ad nos misit , qui litteras præsen-
„ tarunt , quas afferre debuerat Eduardus
„ Galuanus , qui in insula Cameronis diem
„ obierat , quibus conspectis litteris , ma-
„ gnopere sum gauisus , & Deo egi gratias ,
„ & tum magnam cæpi voluptatem , cum
„ pectora vestrorum nunciorum crucibus in-
„ signita conspicerem , & experirer percun-
„ ctando eos , ritus tenere fidei Christianæ ,
qui

„ qui essent verissimi , & illud me singulari
 „ deuotione iniecta vehementer permouit ,
 „ quod intelligerem iter in Aethiopiam in-
 „ ventum esse , non sine miraculo. Nam re-
 „ ferebant Præfectum classis , quum diu per
 „ mare Arabicum errasset , & propterea
 „ de inveniendō nostro portu desperasset , re-
 „ infecta , redire in Indiam voluisse , ma-
 „ xime propter sæuas maris tempestates ; sed
 „ in aurora opportune rubram crucem in
 „ cœlo apparuisse , qua salutata , a nautis
 „ proras in eam partem esse conuersas ,
 „ monstranteque Deo repertum esse portum
 „ nostrum , quæ res mihi pro miraculo visa
 „ est , & certe is classis præfectus Deo de-
 „ bet admodum esse dilectus , postquam tan-
 „ tam ei felicitatem concessam videmus ,
 „ quantam nemo ante eum a Deo impetra-
 „ re potuerit.

„ De hac autem mutua legatione antiqui-
 „ tus prædictum fuit a Propheta in libro de
 „ vita, & passione Sancti Victoris, & in libris
 „ Sanctorum Patrum , quod Rex magnus
 „ Christianus cum Rege Aethiopiæ esset
 „ cum mutua pace conuenturus. Sed hoc ne-
 „ quaquam futurum existimabam diebus vi-
 tæ

„tæ meæ. Verum Deus certum sciebat ,
„ vt laudetur nomen eius , qui nuncium ad
„ me detulit , vt ego pariter id mittere pos-
„ sem ad te patrem meum in Christo , &
„ amicum , vt simus in vna fide , postquam
„ a nullo alio Rege Christiano nuncium
„ aut certam notitiam habuerim. Hactenus
„ circum me Mauri erant , filii Mahome-
„ tis , & Gentiles , & reliqui sunt ferui ,
„ qui Deum non agnoscunt , & alii qui li-
„ gna & ignem venerantur , & alii qui so-
„ lem adorant , & alii qui serpentes Deos
„ esse putant. Cum his nunquam pacem ha-
„ bui , quoniam ad veritatem venire recu-
„ sant , & frustra his prædicabam fidem ;
„ nunc vero conquiesco , & Deus quietem
„ dono mihi dedit cum hostibus meis & tu-
„ is. Nam in finibus meis cum armatus
„ contra eos progredior , ipsi faciem & ter-
„ ga vertunt , & Duces , & milites mei
„ per campos de his victorias consequun-
„ tur. Neque mihi Deus irascitur , vt dicit
„ Psalterium , & Deus vota eorum Regum
„ implet , qui iusta petunt , nec hoc ad
„ laudem nostram pertinet. Nam Deo agen-
„ dæ sunt gratiæ : is est qui mundum vobis
de-

„ dedit , & terram Gentilium perpetuo con-
 „ cessit , ac aliorum terras , quæ sunt a fi-
 „ nibus vestris , ac initium Aethiopiæ ; pro-
 „ pterea ingentes Deo gratias ago , & præ-
 „ dico summam eius potentiam , cum spe-
 „ rem eorum populorum filios , qui in tu-
 „ am ditionem venient , procul dubio fidei
 „ veritatem esse cognituros : quamobrem do-
 „ gratias Deo , & spero quod filii vestri ,
 „ & ego , & vos de felicibus earum rerum
 „ successibus , abunde lætabimur : & vos
 „ Deo debetis continue supplicare , donec
 „ gratiam vobis det potiundi templi sancti
 „ in Hierusalem , quæ est in potestate ho-
 „ stium Christi , Maurorum , & Gentilium
 „ & Hæreticorum , & si hoc perfeceris , ca-
 „ put tuum omni laude plenissimum erit

„ CAETERVM ex numero legatorum ,
 „ qui ad me veniebant , cum prædicto Mat-
 „ thæo tres periere , & Præfectus Magnus
 „ vestræ classis deuenit apud Arquicum in col-
 „ loquium cum Rege de Bernagais , qui est
 „ imperio meo subiectus , & statim legatos
 „ ad me misit & munera ingentia , quæ mihi
 „ charissima fuerunt. Verum nomen vestrum
 „ omni gemma , & thesauro mihi pretiosius

„ videtur. Sed hæc transeamus , & agamus
„ inter nos , quomodo invadere , & capere
„ possimus alias infidelium terras. Ego
„ certe dabo millies centena millia dra-
„ chmarum auri , & totidem millia milita-
„ rium virorum. Itemque materiam & fer-
„ rum , & cuprum , in vsum ædificandæ , &
„ ornandæ classis , magnam etiam commea-
„ tus copiam , amice vna conveniemus , &
„ quoniam non est consuetudinis , & digni-
„ tatis meæ ad petendam pacem legatos
„ mittere , & tu primus a me eam sincere
„ quæsiuisti , ad verificanda Christi verba ;
„ nam scriptum est : *Beati pedes , qui por-*
„ *tant pacem.* Et ego propterea sum ad id
„ paratus more Apostolorum , qui erant
„ vnanimes , & vnus cordis. O Rex & pa-
„ ter mi Emmanuel , vnus Deus te sof-
„ pitem velit , & feruet , qui est Deus cœ-
„ li , & semper vnus substantiæ , nec iuue-
„ nescit , nec senescit. Is qui a te nuncium
„ attulit , Rodericus Lima vocabatur , le-
„ gationis optimorum virorum princeps ,
„ & cum eo Franciscus Aluares , quem
„ propter vitæ probitatem , & singularem
„ religionem , & iustitiam valde charissimum

ha-

„ habui , maxime quod verissimis verbis ,
 „ cum esset interrogatus de fide , aptissime
 „ respondebat. Et ita debetis eum exalta-
 „ re , & magistrum appellare , & dare ei
 „ officium conuertendi populos de Macua ,
 „ & de Dalaca , de Zeila , & omnium in-
 „ sularum maris rubri , quoniam sunt in
 „ finibus Regnorum meorum , & ego ei
 „ concessi crucem & baculum in signum
 „ potestatis , & ita vos iubete , vt hæc ei
 „ concedantur , & creetur Episcopus illa-
 „ rum terrarum & insularum , quoniam hoc
 „ meretur , & idoneus est in hoc officio
 „ administrando , & tibi Deus plurimum
 „ bene faciet , vt semper sis fortis contra
 „ hostes tuos & eos cogatis ad pedes vestros
 „ procidere , & Deus tibi vitam prolonget ,
 „ & participem faciat Regni cœlorum in
 „ optimo loco , sicuti ego pro me optarem.
 „ Audiui autem auribus meis multa bona
 „ de te , et oculis video quæ videre nequa-
 „ quam credebam , & Deus cuncta de bo-
 „ no in melius succedere velit , & ibi sit ve-
 „ ster locus supra lignum vitæ vbi est lo-
 „ cus sanctorum. Amen.

„ EGO sicuti filius paruulus , quæ iussi-
 stis

„ stis feci , & faciam , si venerint legati ve-
„ stri , vt inuicem mutuis opibus adiuue-
„ mur. Singulis autem oratoribus vestris ,
„ qui venient , sicut tum fecistis ad Mazua ,
„ aut Delacam , & ad portus intra angusti-
„ as maris Rubri , ea tribuam , tribuique
„ curabo , quæ fienda significabitis , sicuti
„ maxime desidero , vt in consilio , & re-
„ rum actione , prospere coniungamur. Nam
„ cum ad ea litora copiae vestrae peruene-
„ rint , mature & ego cum meis exerciti-
„ bus adero. Et quoniam in finibus meis
„ nemo est Christianus , neque templa Chri-
„ stianorum visuntur , concedam vestris ho-
„ minibus habitandas illas terras , quæ sunt
„ proximæ Maurorum ditioni , propterea
„ opus est vt cæptis vestris debitum finem
„ afferatis. Interim mittitote ad me viros
„ eruditos , atque etiam cœlatores imaginum
„ auri & argenti ; & fabros cupri , & fer-
„ ri , & stani , & plumbi ; item artifices ,
„ qui litteris nostræ linguæ pro Ecclesia li-
„ bros imprimant , item aliquos , qui ex
„ auro bracteolas facere , & cum his inau-
„ rare alia metalla sciunt. Hi erunt in do-
„ mo mea honestissime tractati , & si disce-
dere

„ dere voluerint , laborum suorū eis am-
 „ plam mercedem soluam. Iuroque per De-
 „ um Iesum Christum Dei filium , me eos
 „ libere , cum voluerint , esse pmissurum.
 „ Hoc autem peto fidentissime , quoniam
 „ mihi vestra virtus spectata est , & boni-
 „ tas maxime agnita , & scio me amari ab-
 „ ste plurimum , & hoc agnoui certius , quod
 „ Matthæum mei gratia honorifice & libe-
 „ raliter suscepitis , & remisistis. Et ideo
 „ adniteor ea impetrare , neque hoc vobis
 „ pudorem afferat , nam omnia persoluam ,
 „ et id quod filius petit a patre , negari
 „ non debet , & tu es pater meus , & ego fi-
 „ lius tuus , & simus coniuncti simul , si-
 „ cut laterculus cum laterculo in pariete co-
 „ pulatur , ita duo in vno corde , & amore
 „ Iesu Christi consentimus , qui est caput
 „ mundi , & qui cum eo sunt , assimilantur
 „ laterculis in muro coniunctis. Amen.

*Litteræ eiusdem Davidis , Aethiopiæ Impera-
toris , ad Ioannem huius nominis terti-
um , Portugalliæ &c. Regem, scriptæ
Anno MDXXIIII.*

IN nomine Dei patris omnipotentis , cre-
atoris cœli , & terræ , & omnium re-
rum factarum visibilium , & inuisibilium.
In nomine Dei filii Christi , qui est fili-
us , & consilium , & propheta patris . In
nomine Dei Spiritus Sancti , paracleti
Dei viui , æqualis patri , & filio , qui lo-
cutus est per os prophetæ , spirando su-
per Apostolos , vt gratias agerent , & lau-
darent Trinitatem perfectam in cœlo ,
& in terra , in mari , & in profundo sem-
per. Amen.

„ MITTO has litteras & nuncium ego
„ Thus virginis , quod est mihi nomen a ba-
„ ptismate , nunc vero cum imperii sceptro
„ assumpsi nomen David , dilectus Deo ,
„ columna fidei , stirps Iuda , filius Da-
„ uid , filius Salomonis Regum Israel ,
„ filius columnæ Sion , filius seminis Ia-
„ cob , filius de manu Mariæ , & filius
„ Nau per carnem , maximo & potentissi-
mo ,

„ mo, & altissimo Ioanni Regi Portugalliæ ,
 „ & Algarbiorum , filio Regis Emmanue-
 „ lis. Pax fit tibi , & gratia Domini nostri
 „ Iesu Christi fit semper tecum. Amen.

„ Eo tempore quo ad me relatum est de
 „ potentia Regis patris tui , qui Mauros fœ-
 „ diffimi Mahumetis filios debellabat , Deo
 „ gratias ingentes egi , propter incremen-
 „ tum , & magnitudinem , & coronam con-
 „ seruationis , in domo Christianitatis.

„ SIMILITER summam cepi volupta-
 „ tem ex legatorum aduentu , qui verba
 „ ipsius Regis ad me detulerunt , ex quibus
 „ singularis amor , & notitia , & amicitia
 „ inter nos effecta est , ad erradicandos ,
 „ expellendosque malignos Mauros , & in-
 „ credulos Gentiles , qui habitant inter tua ,
 „ meaque regna. Dum essem in hac lætitia ,
 „ audiui tuum , meumque patrem , prius esse
 „ vita defunctum , quam hinc legatos ad
 „ eum mitterem. Quamobrem gaudium me-
 „ um in mœrorem subito conuersum est ,
 „ ita vt in hoc cordis mei dolore , mecum
 „ etiam aulæ nostræ procures , & Prælati
 „ Ecclesiastici , & qui in monasteriis sunt ,
 „ omnesque demum subditi nostri vehemen-
 „ tif-

„tiffimum luctum fecerint , ita vt voluptas
„primi nuncii cum triftitia huius nouiffi-
„mi exæquaretur.

„DOMINE a principio regnorum meo-
„rum hætenus nulla legatio , nullusque
„nuncius , vel a Rege , vel a regno Por-
„tugalliæ ad me peruenit , nifi dum viue-
„ret Rex , tuus pater , qui duces fuos ad
„me mifit , & procures cum Clericis , &
„Diaconis , qui totum folemniū miffa-
„rum apparatus attulerunt. Et propterea
„maxime fum lætatus , & eos honorifice
„fufcepi , & non multo poft eos dimifi , vt
„reuerterentur cum honore & pace , & poft-
„quam peruenerunt ad portum maris , qui
„eft in finibus meis , in mari Rubro , non
„inuenere magnum Præfectum claffis , quem
„pater tuus miferat , is enim non expecta-
„uit , & de hoc me fecerat certiore , quo-
„niam non poterat expectare , cum effer
„moris veftri , de triennio in triennium ma-
„gnū claffis Præfectum creare. Interim
„alius nouiter creatus aduenit , qua de cau-
„fa longiorem , quam opus effer , moram
„legati contraxerunt. Nunc vero mitto
„mandata mea per fratrem Chriftophorum

Lica-

„ Licanati , cui nomen a baptismo est Za-
 „ ga Zabo , nempe gratia patris , qui desi-
 „ deria mea coram vobis explicabit : & item
 „ ad Papam Romanum mitto Franciscum
 „ Aluares , qui nomine meo præstet obedi-
 „ entiam , vti iustum est. O Domine Rex
 „ frater mi attende , & da operam amicitiae,
 „ quam inter nos pater tuus aperuit , & cre-
 „ bro mitte nuncios , & litteras , nam eas
 „ magnopere videre desidero , vti a fratre
 „ meo , nam id æquum est , cum ambo fi-
 „ mus Christiani , & Mauri , qui mali sunt,
 „ semper in sua secta concordēs existunt , &
 „ nunc profiteor me nolle in posterum le-
 „ gationes Regis Ægyptii admittere , nec
 „ aliorum item Regum , qui ad me sæpe le-
 „ gatos mittebant , sed solum Celsitudinis
 „ tuæ , quos venire maxime opto , quoniam
 „ Reges Mauri me loco amici non habent ,
 „ propter Religionis dissensionem , sed ami-
 „ citiam simulant , vt tutius & liberius mer-
 „ caturam in nostris regnis exerceant , vnde
 „ magnum cōmodum consequuntur. Ingen-
 „ tem enim vim auri , cuius sunt avidissimi ,
 „ e regnis meis exportant , cum parum mi-
 „ hi sint amici , & commoda eorum nullam

„ mihi afferant lætitiā. Sed hoc toleran-
 „ dum fuit, quoniam superiorum regum no-
 „ strorum vetus est institutum, & si eis ne-
 „ quaquam bellum infero, & penitus pro-
 „ fligo, temperandum in hoc mihi esse arbi-
 „ tror, ne illi contra sanctum templum in
 „ Hierusalem violent, & diruant, in quo se-
 „ pultura est IESU CHRISTI, quam Deus
 „ in potestate fœdissimorum Maurorum reli-
 „ quit, & pariter solo æquarent alia templa,
 „ quæ sunt in Ægypto, & Syria; & hæc cau-
 „ sa est, cur eos non invadam, & debellem,
 „ cuius rei me plurimum tædet. Etiam hoc
 „ mihi facilius persuadeo esse faciendum,
 „ quum neminem Christianum Regem ha-
 „ beam finitimum, qui me adiuvet, & cor
 „ meum exhilaret. Ego, mi Rex, nequaquam
 „ lætari possum de Christianis Europæis Re-
 „ gibus, cum eos audiam in uno corde mi-
 „ nime consentire, vigereque inter eos bella.
 „ Estote simul omnes in una concordia vna-
 „ nimes.

„ DEBERETIS enim inter vos certo fœ-
 „ dere esse contenti. Et certe si mihi Chri-
 „ stianus Rex finibus esset conjunctus, nun-
 „ quam una hora ab ipso discederem, & de
 hoc

,, hoc non plane scio quid dicam , aut omni-
 ,, no faciam cum hæc a Deo ordinata esse
 ,, videantur. Domine mi mitte, obsecro, fre-
 ,, quentes ad me nuncios , nam cum litteras
 ,, tuas video , vultum certe tuum intueor.
 ,, Quoniam maior amicitia oritur inter lon-
 ,, ginquos , distantes , quam inter eos qui
 ,, propinqui sunt , propter desiderium quo te-
 ,, nentur. Nam is qui reconditos habet the-
 ,, sauros , cum eos oculis non videat , corde
 ,, semper , & quidem vehementissime diligit ,
 ,, sicuti Dominus Iesus Christus in Evange-
 ,, lio dicit , *Vbi thesaurus tuus , ibi cor tu-*
 ,, *um* : ita cor meum apud te est , quum tu
 ,, ipse meus sis thesaurus , & tu pariter me ,
 ,, tuum thesaurum debes efficere , & cum meo
 ,, tuum cor syncere copulare. O Domine fra-
 ,, ter serva verbum hoc , nam es prudentis-
 ,, simus , & (vti audio) patri in sapientia fi-
 ,, milis , & de hac re cognita statim Deo
 ,, gratias egi , abiectoque dolore , gaudium
 ,, a me susceptum est , & dixi , benedictus
 ,, sit filius sapiens & magni capitis , filius
 ,, Regis Emmanuelis , qui sedet in cathedra
 ,, regnorum suorum. Domine mi cave ne
 ,, defatigeris , cum sis fortis non secus ac

„ pater tuus , nec ostende debiles vires ad-
„ versus Mauros , & Gentiles. Nam eos
„ cum Dei auxilio, adiuvente virtute tua, fa-
„ cile debellabis & destrues , & non dicas
„ tibi esse a patre tuo vires exiguas. Nam
„ eæ sunt certæ fatis magnæ , & Deus sem-
„ per opem feret. Mihi adsunt viri , au-
„ rum , commeatus instar arenæ maris &
„ stellarum cæli. Nos simul conjuncti to-
„ tam Maurorum barbariem destruemus ,
„ neque aliud a vobis peto , quam peritos vi-
„ ros , qui meos milites in præliis ordines
„ servare doceant. Et tu Rex vir integræ æta-
„ tis existis. Rex Salomon duodecim anno-
„ rum ætatis imperium suscepit , habuitque
„ magnas vires, & patre sapientior fuit. Ego
„ quoque cum Nau pater meus excessit ab
„ humanis , puer vndecim annorum reman-
„ si , ingressusque sedem patris , Deo dante
„ ampliores opes & vires eo sum consecutus.
„ Nam in manu mea omnes finitimi , & re-
„ gni Gentes existunt: propterea ambo gra-
„ tias Deo agere debemus tanti accepti be-
„ neficii. Præbe mihi aures frater & Domi-
„ ne. Nam hoc uno verbo a vobis postulo ,
„ vt viri docti , atque etiam artifices mihi
mit-

„ mittantur , qui imagines , & libros impref-
 „ fos , enfes , & omnis generis arma milita-
 „ ria fabricare fciant. Itemque architecti ,
 „ fabri lignarii , & Medici , qui pharmaca
 „ componere , & vulnera curare didicerint.
 „ Cupio etiam eos habere , qui aurum in
 „ braçteas extenuare , & aurum & argentum
 „ egregie cælare valeant , ac etiam aurum &
 „ argentum e venis terræ eruere , & metallo-
 „ rum omnium fodinas exercere fciant. Præ-
 „ ter hos apud me etiam chari erunt , qui
 „ plumbeas tegulas ducent , & tegulas ex
 „ creta facere docebunt : omnes denique
 „ artifices mihi ufui erunt , & præfertim
 „ fclopetorum. Adjuva me obfecro in iis re-
 „ bus , ficuti frater fratrem , & te Deus ita
 „ adjuvabit , & ab omni malo liberabit. Deus
 „ exaudiat orationes & petitiones tuas , ficu-
 „ ti recepit fançta facrificia in omni tempo-
 „ re , & in primis Sacrificia Abel & Noe,
 „ quando fuit in arca , & illud Abraham ,
 „ quando fuit in terra Madiam , & illud de
 „ Ifaac , quando difceffit a foffa juramenti , &
 „ illud Jacob , in domo Bethleem , & Moy-
 „ fis in Ægypto , & Aaron in monte , & Je-
 „ fon filii Nau in Galgala , & Gedeonis fu-
 pra

„ pra plagam , & Sampsonis, quando fitim
„ habuit in terra sicca , & Samuelis in Rha-
„ ma Prophetæ , & David Nacira , & Salo-
„ monis in Civitate Gabeon , & Helix in
„ monte Carmelo , quando suscitavit filium
„ viduæ mulieris e Richa supra puteum , &
„ Iosaphat in prælio , & Manassæ quando
„ peccavit , & ad Deum est conuersus , &
„ Danielis in spelunca leonum , trium so-
„ ciorum Sydrach , Mysach , Abdenago in
„ camino ignis, & Annæ ante altare , & Ne-
„ emix , qui fecit muros cum Zorobabel, &
„ Mathathix cum filiis supra quartam partem
„ mundi , & de Esau , supra benedictionem.
„ Ita Domine Deus recipiet tua sacrificia,
„ & supplicationes , & te adiuuabit , & erit
„ pro te contra omnes peruersitates in omni
„ tempore, & singulis diebus. Pax sit tecum,
„ & ego te amplector sanctitatis brachiis , &
„ similiter singulos amplector , qui tibi sunt
„ a Consiliis sanctis Regni Portugallix.
„ Itemque Archiepiscopos, & Episcopos, Sa-
„ cerdotes , & Diaconos , virosque pariter
„ & mulieres. Gratia Dei , & benedictio
„ VIRGINIS Mariæ Matris Dei sit tecum,
„ & omnibus. Amen,

Litte-

*Litteræ ejusdem Serenissimi Davidis Æthiopiæ
Imperatoris , ad Pontificem Romanum ,
scriptæ Anno MDXXIII.*

„ **I**N nomine Dei Patris Omnipotentis ,
 „ Creatoris cæli , & terræ , visibilibium ,
 „ & invisibilibium. In nomine Dei Filii IESU
 „ CHRISTI , qui est idem cum ipso , a prin-
 „ cipio mundi , & est lumen de lumine , &
 „ Deus verus de Deo vero. In Nomine
 „ Dei Spiritus Sancti , Dei viui , qui proces-
 „ sit ex Deo Patre. Has litteras is ego Rex
 „ mitto , cuius nomen Leones venerantur ,
 „ & Dei gratia vocor Athani Tinghil , id est,
 „ Thus Virginis , filius Regis David , filius
 „ Salomonis , filius Lau per carnem , filius
 „ Sanctorum Petri , & Pauli per gratiam.
 „ Pax sit tibi iuste Domine Pater Sancte , po-
 „ tens , pure , sacrate , qui es caput Ponti-
 „ ficum omnium , neminem metuis , nemo
 „ tibi possit maledicere : qui es vigilantissi-
 „ mus supra animas curator , & amicus pe-
 „ regrinantium , consecrate magister , & præ-
 „ dicator fidei , & earum rerum hostis , quæ
 „ conscientiam offendunt , amator optimo-
 „ rum morum , vir sanctus , quem omnes
 lau-

„ laudant & benedicunt. O felix Sancte Pa-
„ ter , ego tibi reverenter obedio , cum sis
„ pax omnium , & cuncta bona merearis ,
„ & ita æquum , vt omnes tibi obedientiam
„ præstent , sicuti Sancti Apostoli præcipiunt
„ apud Deum.

„ Hoc vere vestrum est , ita etiam præci-
„ piunt , vt veneremus Episcopos , Archie-
„ piscopos , & Prælatos. Similiter vt te lo-
„ co Patris amemus , & loco Regis vereamur ,
„ & tibi vti Deo fidem habeamus. Propter-
„ ea dico ego humiliter , ad terram genibus
„ flexis , tibi Pater Sancte sincero admodum
„ corde , quod tu pater meus es , & ego filius
„ tuus. O' Pater Sancte , potentissime , cur ne-
„ minem unquam ad nos misisti , vt certius
„ de vita saluteque mea cognosceres , cum
„ tu sis pastor , & ego ovis tua : bonus &
„ enim pastor sui gregis nunquam oblivisce-
„ retur , nec tibi a regionibus vestris nimium
„ semotus debeo existimari , vt nuncii ad me
„ nequeant pervenire , cum ex remotissimis
„ terrarum regnis Portugalliæ Rex Emma-
„ nuel , filius tuus , Oratores ad nos commo-
„ distime miserit , & si Deus eum ad se in
„ cælum evocare distulisset , ea , quæ tum agi-
taba-

„ tabamus, proculdubio felicem exitum ha-
 „ buissent. Nunc vero maxime opto prospe-
 „ ra & salutaria de sanctitate vestra , per cer-
 „ tos nuncios audire ; neque enim unquam
 „ a sanctitate vestra verbum recepi , quum
 „ aliqua tantum a nostris , qui ex voto pere-
 „ grinantur, audierim. Sed hi , cum neque
 „ meo nomine proficiscantur , neque quic-
 „ quam litterarum a vobis afferant, incerta fi-
 „ de nobis percunctantibus dicunt se ab Hie-
 „ rosolyma , deinde solutis votis , ad visi-
 „ tanda Apostolorum limina Romam per-
 „ venisse , cum intelligant ea loca facile pe-
 „ ti , quod a Christianis teneantur : & certe
 „ summam capio ex eorum sermonibus vo-
 „ luptatem , quoniam dulcissima cogitatione
 „ sancti vultus tui imaginem intueor , quæ
 „ mihi Angeli formæ simillima videtur , &
 „ illam sicuti angelicam me diligere , vene-
 „ rarique fateor. Sed profecto mihi esset gra-
 „ tius atque jucundius , verba tua , tuasque
 „ litteras devotissime contemplari. Atque ita
 „ nunc te oro , ut nuncium tuum cum bene-
 „ dictione ad me mittere velis ad exhilaran-
 „ dum cor meum : nam cum in religione ,
 „ & fide consentiamus , id mihi ante omnia
 vide-

„ videtur expetendum , suppliciterque item
„ oro , vt amicitiam meam , ad instar annu-
„ li, quem induis in digitum , & torquis au-
„ rei , quem humeris imponis , in intimum
„ cor reponere velis , vt mei memoria nun-
„ quam ex animo vestro deleatur. Gratis et-
„ enim verbis , & litteris amicitia maxime
„ crescit, cum eam sancta pax complectitur,
„ è qua omnis humana lætitia facile provenit.

„ QVEMADMODVM enim is , qui vehe-
„ menter sitit , frigidam maxime aquam de-
„ siderat, ut in Sacris Scripturis habetur, ita
„ animus meus ex nunciis , & litteris , quæ
„ ex remotissimis terris deferuntur , incredi-
„ bile gaudium concipere solet. Neque tan-
„ tummodo de Sanctitate vestra, si aliqua au-
„ diero , verum si certa de singulis terræ
„ Christianæ Regibus referuntur , mirum in
„ modum lætabor , sicuti his accidit , qui
„ præliando optima spolia reperiunt , & le-
„ gunt; hoc enim facillime fieri potest , post-
„ quam Rex Portugalliæ totum id iter ape-
„ ruit , qui ad nos jam pridem legatos su-
„ os misit cum strenuissimis equitibus. Dum
„ autem pater meus esset in humanis , ne-
„ que tum , aut demum a quoquam alio Re-

„ ge Christiano , vel ipso Pontifice , aut nun-
 „ cium , aut omnino litteras recepimus. Quā-
 „ quam in Archivis proavi nostri feminis
 „ Iacob earum litterarum memoria confer-
 „ vetur , quas Papa Romanus , nomine Eu-
 „ genius , ad has terras misit , cum ipse se-
 „ men Iacob regnaret , Rex Regum in vni-
 „ versa Æthiopia , Rex metuendus. Præscri-
 „ ptio autem litterarum hæc erat : *Eugenius*
 „ *Romanus Pontifex , filio dilecto nostro Regi ,*
 „ *ex semine Iacob , Regi Regum in universa*
 „ *Æthiopia , maxime metuendo , &c.* In sum-
 „ ma autem litterarum significabat , filium
 „ suum Ioannem Palæologum , qui biennio
 „ ante esset mortuus , Regem Regum Romæ-
 „ orum , ad Sacrosanctam Synodum cele-
 „ brandam evocatum fuisse , & cum eo Io-
 „ sephum Patriarcham Constantinopolita-
 „ num venisse , cum magno numero Archie-
 „ piscoporum , & Episcoporum , & omnis
 „ generis Prælatorum , in quibus etiam fuis-
 „ sent Procuratores Patriarcharum Antio-
 „ cheni , Alexandrini , & Hierosolimitani.
 „ Qui omnes se cum sanctæ fidei , & reli-
 „ gionis amore firmiter conjunxissent , cons-
 „ titutaque unitate Ecclesiæ , sublatas fuisse
 anti-

„ antiqui temporis difficultates , non sine di-
„ vino auxilio , quæ erroneæ , & religioni
„ contrariæ videbantur , quibus rebus rite
„ fancitis , & constitutis , ipse Papa omni-
„ bus singularem lætitiā peperisset. Hunc
„ autem librum Papæ Eugenii ad vos mit-
„ timus , quem incorruptum seruauimus ,
„ totum etiam Pontificiæ benedictionis ordi-
„ nem , & potestatem misissemus , nisi ha-
„ rum rerum nimis magnum volumen esse
„ videretur , quum magnitudine librum Pau-
„ li ad gentes omnino superet. Legati vero ,
„ qui hæc a Pontifice ad nos detulerunt , fue-
„ re Theodorus , Petrus , Dydimus , &
„ Georgius serui Iesu Christi. Tu vero San-
„ ctissime Pater recte feceris , si euolui ves-
„ tros libros iusseris , vbi harum rerum , de
„ quibus scribimus , vti facile arbitror , ali-
„ qua memoria reperiantur.

„ ITAQVE Sancte Pater , si aliqua ad nos
„ perferibes , firmiter existimato , cuncta
„ in nostros libros diligentissime fore con-
„ scripta , vt posteris nostris earum rerum sem-
„ piterna memoria relinquatur. Et certe is mi-
„ hi beatus esse videtur , cuius memoria cu-
„ stodita litteris , in vrbe sancta Roma , & in
Sede

„ Sede SS. Petri , & Pauli conservatur. Hi
 „ enim sunt domini regni cælorum , & to-
 „ tius mundi iudices. Et quoniam ita credo ,
 „ propterea has mitto litteras , vt mihi gratia
 „ paretur apud sanctitatem vestram , & ves-
 „ trum sanctissimum senatum , vt inde san-
 „ cta benedictio mihi proveniat , & bono-
 „ rum omnium incrementum. Obnixè etiam
 „ precor Sanctitatem vestram, vt mihi mittere
 „ velit aliquas sanctorum imagines, & præci-
 „ pue Beatae Mariæ Virginis , vt sæpissime
 „ sit in ore, atque memoria mea nomen vestræ
 „ Sanctitatis , & continuam ex muneribus
 „ vestris capiam voluptatem. Idcirco etiam
 „ vehementer postulo , vt mihi viros sacra-
 „ rum litterarum doctos , atque etiam arti-
 „ fices mittatis , qui imagines fabricent , at-
 „ que ita enses , & arma bellica omnis gene-
 „ ris , itemque cælatores auri, atque argenti ,
 „ & fabros lignarios , præcipue architectos ,
 „ qui domos ex lapide construant , & tegu-
 „ las ex plumbo , cuproque ducere sciant ,
 „ quibus domorum tecta protegantur: ad
 „ hos etiam nobis admodum chari erunt ,
 „ qui vitrum conflare , organaque musica sci-
 „ te facere , & doctè pulsare sciant , item-
 „ que

„ que fistulatores , & tibicines. Hos vero
„ artifices ex domo vestra præcipue mihi mit-
„ ti vellem , vel si horum domi vestræ exi-
„ gua erit copia , ab aliis Regibus filiis ve-
„ stris, eos sanctitas vestra poterit impetrare :
„ quoniam vestris imperiis , & nutibus faci-
„ le obediunt. Hi cum ad me pervenerint ,
„ pro meritis summo in honore habebuntur ,
„ ex liberalitate mea mercedem amplam
„ accipient , & si domum aliquis redire con-
„ cupiscet , præmiis abunde ornatus abibit ,
„ uti placuerit , quando nec inuitum quen-
„ quam sim retenturus , cum fructum ali-
„ quem ex eius industria percepero.

„ NUNC ad alia transeundum est , & jam
„ a te postulo , Sanctissime Pater , cur non
„ hortaris Reges Christianos , filios tuos, ut
„ arma deponant , & uti fratres decet , con-
„ cordes inter se esse velint , postquam ipsi
„ oves tuæ sunt , & tu ipse pastor ea-
„ rum? Optime quidem tua Sanctitas no-
„ uit , quid Evangelium præcipiat , quod di-
„ cit : *Omne regnum in se divisum desolabi-*
„ *tur.* Nam si Reges animis , & fœdere cer-
„ to consentient , facillime Mahometanos
„ omnes delebunt, & pseudo-prophetæ sepul-
chrum

„ chrum felici irruptione disturbabunt , &
 „ diruent. Ob hanc rem da operam , Pater
 „ Sancte , vt inter eos bona pax fiat , & cer-
 „ tum foedus amicitiae percutiatur , hortare-
 „ que eos , vt mihi adesse , atque opem fer-
 „ re velint , cum in regnorum meorum fini-
 „ bus , a Mahometanis Mauris pessimis ho-
 „ minibus sim ex omni latere circumdatus.
 „ Ipsi autem Mauri Mahometani inter se
 „ mutuis auxiliis vtuntur , Regesque cum
 „ Regibus , & Reguli cum Regulis , aduer-
 „ sus nos syncere & constantissime conue-
 „ niunt. Mihi Maurus quidem admodum vi-
 „ cinus est , cui finitimi alii Mauri arma ,
 „ equos , atque instrumenta bellica suppedi-
 „ tant. Hi sunt Reges Indiae , Persidis , Ara-
 „ biae , atque Aegypti. Quibus de rebus sin-
 „ gularem animo indies capio molestiam ,
 „ cum hostes Christianae religionis , frater-
 „ na charitate inter se conjunctos pace frui
 „ conspiciam ; Reges vero Christianos fra-
 „ tres meos , nihil omnino istis iniuriis com-
 „ moueri , neque ullam mihi opem affere ,
 „ vti certe deceret Christianos , postquam foe-
 „ dissimi filii Mahometis inter se mutuis opi-
 „ bus adiuvantur. Neque ego is sum , qui
 ad

„ ad id militares copias postulem , cum mi-
„ lites mihi supersint. Orationes , & sup-
„ plicationes tantum peto , locumque gratiæ
„ apud Sanctitatem vestram , & Reges fra-
„ tres meos exopto. Quærenda enim mihi
„ est hæc vobiscum amicitia , vt copiose his
„ rebus , quas supra postulavi ad terrorem
„ Maurorum sim instructus , & Christiani
„ nominis hostes , vicini mei , intelligant ,
„ reges fratres meos singulari studio mihi
„ fauere , atque opem ferre , quod certe ad
„ commune decus pertinet , postquam in
„ vna religionis , & fidei veritate consenti-
„ mus , & in meo consilio sumus permanfu-
„ ri , quod firmum , atque absolutum erit
„ cum eo , qui vtilius eveniet.

„ DEVS itaque desideria vestra impleat ,
„ super laudibus Iesu Christi , & Dei Patris
„ nostri , quem omnes laudant per omnia sæ-
„ cula. Et tu , Domine Pater Sancte , com-
„ plectere me , cum omnibus Sanctis Iesu
„ Christi , qui sunt Romæ , & pariter in hos
„ amplexus recipiantur omnes incolæ regno-
„ rum meorum , & qui Æthiopiam inhabi-
„ tant , & reddatur gratia Domino Iesu
„ Christo cum spiritu vestro. Has vero litteras
San-

„ Sanctitas tua accipiet de manu fratris mei
 „ Ioannis Regis Portugalliæ , filii potentif-
 „ fimi Regis Emmanuelis per Oratorem
 „ nostrum Franciscum Aluares.

*Aliæ Litteræ eiusdem Davidis Æthiopiæ Im-
 peratoris ad Pontificem Romanum ,
 scriptæ anno MDXXIII.*

„ **F**ELIX Sancte pater , qui a Deo effectus
 „ es Gentium consecrator , & Sancti Pe-
 „ tri sedem obtines. Tibi datæ sunt claves
 „ regni cælorum , & quodcumque ligaue-
 „ ris vel solueris super terram ; erit ligatum
 „ vel solutum & in cælis , sicut dixit Chri-
 „ stus , & ita in Euangelio Matthæus scribit.
 „ Ego Rex cuius nomen leones venerantur,
 „ & Dei gratia Athani Tinghil , id est Thus
 „ Virginis vocor , quod nomen est a Baptif-
 „ mate , nunc vero in ipso suscepti regni
 „ initio assumpsi nomen David , dilectus a
 „ Deo , columna fidei , cognatus stirpis Iu-
 „ da , filius David , filius Salomonis , filius
 „ columnæ Sion , filius feminis Iacob , filius
 „ de manu Mariæ , filius Nau per carnem ,
 „ Imperator magnæ & altæ Æthiopiæ , ma-

„ gnorum regnorum & ditionum , & terra-
„ rum , Rex de Xoa , de Caffate , de Fati-
„ gari , de Angote , de Baru , de Baalin-
„ ganze , de Adea , de Vangue , de Goiame ,
„ vbi Nilus oritur , de Damaraa , de Vage-
„ medri , de Ambeaa , de Vagne , de Ti-
„ gri Mahon , de Sabaym , unde fuit regina
„ Saba , de Barnagaes , & Dominus vsque
„ ad Nobiam finem Ægypti. Hæ provinciæ
„ omnes in mea potestate sunt , & pleræque
„ aliæ magnæ , & item parvæ , quæ nunc
„ a me nequaquam numerantur. Neque re-
„ gna , & prouincias suis nominibus expressi ,
„ veluti superbia , & vana gloria inductus ,
„ verum ob id , vt Summus Deus magis ac ma-
„ gis laudaretur , qui singulari benignitate
„ tot amplissimorum regnorum Christianæ
„ religionis superioribus meis regibus im-
„ peria tribuisset , sed profecto me clariore
„ gratia inter alios Reges dignum fecit , vt
„ Religioni continue inferuirem : quoniam
„ me Adel Dominum fecerit , hostem Mau-
„ rorum , & Gentilium , qui adorant idola.
„ Mitto ad deosculandos pedes Sanctitatis
„ vestæ more cæterorum Christianæ fidei Re-
„ gum , Fratrum meorum , quibus neque reli-

„ religione , neque potentia sum inferior.
 „ Ego etenim in regnis meis sum columna
 „ fidei , neque externis iuvor auxiliis , cum
 „ in solo Deo spem & opem reponam , qui
 „ me sustinet , & gubernat ab eo tempore ,
 „ quò Angelus Dei allocutus est Philippum ,
 „ qui fidem doceret Eunuchum potentis Re-
 „ ginæ Candacis , Reginæ Æthiopix , quæ
 „ ab Hyerosolima Gazam pergebat. Philip-
 „ pus tum baptisavit Eunuchum , & Eunu-
 „ chus demum Reginam , cum magna par-
 „ te familiæ & populi eius , qui nunquam
 „ desierunt esse Christiani , omnique sequen-
 „ ti tempore perstiterunt fortes in Fide. Præ-
 „ decessores vero mei , nulla alia ope adiu-
 „ ti quam diuina , fidem in latissimis regnis
 „ propagarunt , quod & ego quotidie effice-
 „ re contendo. Maneo etenim inter maxi-
 „ mos regnorum meorum fines , ut leo ingenti
 „ sylva circumdatus , & septus aduersus Mau-
 „ ros obsidentes , & alias nationes fidei Chri-
 „ stianæ inimicissimas , quæ nolunt audire
 „ verbum Dei , neque cohortationes meas ,
 „ & ego gladio accinctus eos persequor , &
 „ paulatim extrudo , diuino scilicet fretus
 „ auxilio , quod nunquam mihi deest , quod

„ fecus accidit Regibus Christianis. Nam si
„ regnorum suorum fines extendunt, id faci-
„ le possunt assequi, quoniam alter alteri
„ opem ferre posset, & auxilia subministra-
„ re, iuvarique benedictione vestræ Sancti-
„ tatis, cuius particeps ego sum; cum in
„ libris meis habeantur litteræ, quas superio-
„ ribus temporibus Eugenius Papa cum be-
„ nedictione misit ad Regem semen Iacob.
„ Qua accepta, tradita per manus, benedi-
„ ctione ego fruor, & magnopere lætor: cæ-
„ terum ego in magna habeo veneratione
„ sanctum templum in Hierusalem, ad quod
„ sæpissime mitto oblationes debitas, per
„ nostros peregrinantes: & multo plures &
„ pinguiore mitterem, nisi itinera a Mau-
„ ris, & infidelibus obsiderentur. Nam præ-
„ ter illud, quod dona nostra, & thesauros
„ nunciis cripiunt, etiam eos libere pertran-
„ sire non sinunt. Quo si paterent itinera,
„ in familiaritatem, & commercium Roma-
„ næ Ecclesiæ devenirem, uti fit a ceteris
„ Christianis Regibus, quibus in religione
„ Christiana non sum inferior. Et ita ut illi
„ credunt, vnam fidem rectam, & vnam
„ Ecclesiam confiteor, credoque sincerissi-
„ me

„ me in Sanctam Trinitatem , & in Vnum
 „ Deum , & Virginitatem Dominæ nostræ
 „ VIRGINIS MARIE , & articulos fidei te-
 „ neo , & obseuo , vti ab Apostolis con-
 „ scripti fuerunt. Nunc Deus Optimus ma-
 „ nu potentissimi , & Christianissimi Regis
 „ Emmanuelis iter patefecit , ut per legatos
 „ conveniremus & in fide coniuncti Christia-
 „ ni , cum Christianis Deo inserviremus.
 „ Sed dum in aulâ mea eius Oratores essent ,
 „ allatum est eum , vitam cum morte com-
 „ mutasse , Filiumque eius , fratrem meum
 „ Ioannem paterni regni Sceptrum accepis-
 „ se. Vnde sicuti ex patris morte summum
 „ senseram dolorem , ita ex filii felici in re-
 „ gnum assumptione mirifice sum lætatus ,
 „ adeo vt sperem nos communibus copiis &
 „ viribus per regiones Maurorum pessimo-
 „ rum , terra marique iter aperturos , atque
 „ eos magno terrore illato , sedibus , & re-
 „ gnis esse depulsuros , vt commodò pacato-
 „ que itinere , Christiani Hierosolymitanum
 „ templum petere , & libere commeari pos-
 „ sint.

„ Atque ego in primis , sicuti vehe-
 „ menter exopto , diuini amoris particeps es-
 „ se

„ se possim in templo Apostolorum Petri, &
„ Pauli. Cupio autem ingenti desiderio con-
„ sequi sacrosanctam benedictionem a Vi-
„ cario Domini Nostri I E S U C H R I S T I.
„ Nam proculdubio Sanctitas vestra, Dei est
„ Vicarius. Et cum a peregrinis, qui ex regio-
„ nibus nostris ad Hierusalem, atque inde Ro-
„ mam non sine miraculo eunt, & redeunt,
„ multa de Sanctitate vestra ab his audio, quæ
„ mihi incredibilem afferunt voluptatem, &
„ gaudium. Sed multo maiorem omnino ca-
„ perem lætitiâ, si mei Oratores brevior
„ itineris compendio uti possent, & nova re-
„ ferrent, sicuti, antequam moriar, aliquan-
„ do allaturos spero, non sine gratia Dei O-
„ mnipotentis, qui vos in sanitate, & sanctita-
„ te conservet. Amen. Exosculor autem pe-
„ des sanctos, & supplex oro ut benedictio-
„ nem ad me mittat. Has quoque litteras
„ Sanctitas tua accipiet de manu Fratris mei
„ Ioannis Regis Portugalliæ per eundem
„ Oratorem nostrum Franciscum Aluares.

*Litteræ Ioannis Portugaliæ Regis Serenissimi ad
Sanctissimum Dominum nostrum Clementem
Pontificem VII.*

„ S ANCTISSIMO in Christo Patri , atque
 „ Beatissimo Domino , eiusdem Sancti-
 „ tatis devotissimus filius Ioannes, Dei gratia
 „ Rex Portugalliæ, & Algarbiorum citra vl-
 „ traque mare in Africa , Dominus Guineæ,
 „ expugnationis, navigationis, commercii Æ-
 „ thiopiæ , Arabiæ , Persidis atque Indiæ ,
 „ post humillima sanctorum pedum oscula.
 „ Sanctissime in Christo Pater , & felicissime
 „ Domine , Rex , dominus , & pater meus ,
 „ cum animadverteret , quam gratum Deo
 „ esset futurum , si Æthiopiæ , atque Indiæ
 „ remotissimæ regiones , quæ fama tantum ,
 „ atque ea quidem ambigua, auditæ fuerant ,
 „ solerti navigatione Christianorum classibus
 „ adirentur : statim ab ipso suscepti regni
 „ initio complures duces & subditos suos ad
 „ perscrutanda cognoscendaque earum ter-
 „ rarum litora , instructis validissimis classi-
 „ bus misit : scilicet vt Mauri , & gentiles ea-
 „ rum regionum populi , veritatem christia-
 „ næ

„ nã religionis agnoscerent , atque obiter pa-
„ tefacto itinere , alii etiam populi reperiren-
„ tur , qui Deum Christum colerent , sicut
„ opinione hominum eos inveniri posse fere-
„ batur. Itaque volente Deo tota Guineæ re-
„ gio feliciter peragrata est , in qua Rex de
„ Manicongo cum ingentibus populis ipsi sub-
„ ditis , qui se ad eius auctoritatem ac obe-
„ dientiam contulerat , sacro baptismo sus-
„ cepto , christianus effectus est , & complu-
„ res aliæ gentes ex regionibus Indiæ , Per-
„ sidis , & Arabiæ , ad Christianam fidem no-
„ strorum pietate , & diligentia sunt perdu-
„ ctæ , & quotidie aliæ atque aliæ nationes ,
„ quæ tardius veritatem agnouerunt , exem-
„ plo aliarum ad Christum conuertuntur : &
„ quanquam in his expeditionibus grauissi-
„ ma amissarum navium & ducum , item no-
„ bilium equitum , & subditorum suorum de-
„ trimenta recepisset ; tamen ab hoc eximiæ
„ pietatis consilio non destitit , vti pium &
„ christianum Regem decebat. Itaque eodem
„ cursu mare Rubrum , penetrante classe no-
„ stra , repertum est , nunquam antea Chri-
„ stianorum classibus navigatum : nam fere to-
„ tum in potestate Turcarum erat. Et de-
„ mum

„ mum post diuturna atque aspera bella in-
 „ ventum est iter, quod ad (vulgo Prete-
 „ gyam nuncupatum) Æthiopix Regem po-
 „ tentissimum ducit, qui cum vniversis re-
 „ gnorum suorum populis Christum colit.
 „ Ad hunc exemplo Rex pater meus Lega-
 „ tum destinauit, vt ad obedientiam sanctæ Se-
 „ dis Apostolicæ pertraheretur, opportuna-
 „ que narrando, & aperiendo certior redde-
 „ retur, tuam Sanctitatem in Sede Petri re-
 „ fidere, & unicum esse in terris Christi Vi-
 „ carium, cui omnes Christiani Reges obe-
 „ dientiam cum summa veneratione præstare
 „ consueuissent. Nec multo post, idem Æ-
 „ thiopix Rex cum Legatum remitteret,
 „ suum etiam proprium & indigenam, qui
 „ ad eum cum mandatis veniret, adiunxit.
 „ Sed interim Deus ad se patris mei animam
 „ ad sanctæ gloriæ participationem in cæ-
 „ lum recepit. Nec mora, quum nos in eius
 „ successissemus locum, operam dedimus
 „ cum ducibus nostris, qui erant in India,
 „ vt idem Rex Æthiopix de Regis patris
 „ mei morte certius redderetur, cum ea, quæ
 „ pater meus præclare pro fide Christiana in-
 „ ceperat, omnino persequenda & perficien-
 „ da

„ da curaremus. Quod ipse Rex Æthiopæ
„ magni faciens, suum Oratorem ad nos mi-
„ fit (qui in aula nostra adhuc commoratur)
„ & simul Franciscum Alvares Capella-
„ num nostrum, qui est vnus ex his, quos pa-
„ ter meus ad eum miserat. Hunc Francis-
„ cum Alvares idem Æthiopæ Rex Romam
„ mittit, vt suo & singulorum regnorum suo-
„ rum nomine, tuæ Sanctitati obedientiam
„ præstet: quem hætenus remorari fecimus,
„ quod multis de causis eum proficisci vo-
„ lebamus, vna cum Martino a Portugallia
„ nepote charissimo, & consiliario, ac Ora-
„ tore nostro ad T. S. Cui commissimus, vt
„ eundem Franciscum Alvares dicti Regis
„ Æthiopæ Oratorem Sanctitati tuæ ad præ-
„ standam obedientiam præsentaret. Item
„ vt cuncta ea, quæ Orator eiusdem Regis
„ Æthiopæ ad nos missus deferebat, aperi-
„ ret, exemplaue litterarum eiusdem Re-
„ gis ad nos T. S. ostenderet. Propterea no-
„ bis rem gratissimam S. T. faciet, si eidem
„ Martino, Oratori nostro, plenissimam fidem
„ in his rebus habuerit, & certe Deo Opti-
„ mo Maximo summæ gratiæ sunt merito
„ referendæ, quod Pontificatus tuæ Sanctita-
„ tis

„ tis tempore hanc insignem a Deo gratiam
 „ S.T. retulerit, vt alteram Christiani po-
 „ puli portionem, hac nostra nihil amplitu-
 „ dine terrarum minorem, consentire cum
 „ Fide Catholica, & Sancta Romana Eccle-
 „ sia, & obedientiam præstare videamus. Nos
 „ vel ob id ingentes Deo gratias agimus,
 „ quod in hac tanta accessione huius Regis
 „ nostra opera vti voluerit. Nihil enim ad
 „ laudem veræ pietatis poterit esse præcla-
 „ rius, quam Æthiopiam in unitate Chri-
 „ stianæ professionis nostræ Europæ coniun-
 „ ctissimam conspexisse. Deus & Dominus
 „ noster ad multos annos tuam Sanctitatem
 „ felicissime conservare, & augere ad votum
 „ dignetur. Datum in Setuval vigesima
 „ octava Maii MDXXXII. (a)

HAS

(a) Anno salutis MDXXXIII, mense Ianuario, summis Chri-
 stianorum Principibus Sanctissimo D.N. Clemente Pontifice VII.
 & Carolo V. Romanorum Imperatore, semper Augusto, Bo-
 noniæ congregatis, Reverendissimus, & Illustrissimus D. Mar-
 tinus de Portugallia, Nepos, Consiliarius, & Orator Serenissimi
 Ioannis Regis Portugaliæ, ad eundem Sanctissimum D. N. ite-
 rum missus, duxit una secum D. Franciscum Alvares, Orato-
 rem Serenissimi David Æthiopæ Regis, vulgo Pretegyam no-
 minati, missum ab ipso Æthiopæ Rege ad eundem Sanctissi-
 mum D. N. salutandum ac venerandum, eique obediendam de-
 mo-

Has epistolas a Paulo Iouio versas, huic nostro opusculo ob maiorem huius historiæ

CO-

more cæterorum Christianorum Regum præstandum, quemadmodum ex litteris vtriusque Regis eidem sanctissimo D. N. redditis, & supra descriptis plenius apparebit. His datus est Senatus, & Consistorium publicum XXVIII Ianuarii, in quo post receptum Reverendissimum Cardinalem Tridentinum, qui eodem tempore Bononiam a Serenissimo Ferdinando Rege Romanorum missus venerat, tum deinde ipsi duo Oratores Portugalliæ & Æthiopix magno comitatu in Consistorium venerunt, amboque venerabundi ac genu flexo. Primo Orator Portugalliæ litteras sui Regis una cum exemplis litterarum dicti Regis Æthiopix ad se, & claræ memoriæ Emmanuelem patrem suum scriptarum: deinde Æthiopicus Orator binas sui Regis litteras eidem Sanctissimo D. N. reddidit, munusculumque aureæ crucis libræ ferme ponderis nomine sui Regis obtulit.

Quibus litteris perlectis, cum illem Franciscus Alvares Orator, hæc ipsa quæ subsequuntur Lusitano sermone protulisset. Tum deinde Secretarius ejusdem Oratoris Portugalliæ eadem verba, ut ab omnibus intelligi possent, latine pronuntiavit, videlicet: *Sanctissime ac Beatissime Pater, Serenissimus, ac Potentissimus Dominus David Rex magnæ, & altæ Æthiopix, vulgo Prategya appellatus, haud minus cultu veræ religionis, quam imperio, opibus, ac regnis præcellens, hunc suum Oratorem ad Sanctitatem Vestram cum his litteris, quas ei reddidit, destinavit: maxime ut eidem Sanctitati vestræ, tanquam vero Christi Vicario, Petri Successori, ac universe Ecclesiæ Summo Pontifici, veram obedientiam, & subiectionem nomine sue Maiestatis, ac omnium regnorum suorum humiliter, sicut fecit, præstaret; eique munusculum aureæ crucis, non tam pretio, quod tenue est, quam veneratione eiusdem Crucis, quam Dominus*

cognitionem adiunximus , nec in eis aliquid mutauimus (quanquam quibusdam locis mutatio-

noster Iesus Christus pro nobis subire dignatus est, a Vestra Sanctitate, æstimandum offerret: supplicans idem humiliter, eiusdem Principis sui nomine, ut hac omnia pio parentis affectu a devotissimo filio suo suscipere dignetur.

Ad quæ Secretarius eiusdem Sanctissimi D. N. a Sanctitate Sua iussus in hunc modum respondit. *Sanctissimus dominus noster Te, domine Franciscæ Alvarez, serenissimi David Aethiopia Regis Oratorem, una cum obedientia, munere & litteris, quas attulisti, grato admodum animo, benigna voluntate, & paterno affectu recepit: Gratias Deo agens, quod suis temporibus litteras, & Oratorem tanti Christiani Regis, ac tam remoti, videre sibi concesserit. Itaque litteras, ac tua verba diligenter, ac libenter audiuit: obedientiam tua cum venerabilibus fratribus suis S. R. E. Cardinalibus benigne acceptat: munusque ipsum cum ob imaginem, & honorem Sanctæ Crucis, cum ob mittentis affectum valde gratum habet; tum vero Serenissimum Portugalliae Regem summe collaudat in Deo Domino, quod is præter cætera eius, & progenitorum suorum ingentia erga Rempublicam & fidem Christianam merita, etiam de ipso David Rege benemereatur, amicitiam, & commercium cum eo coniungat, ac te cum his litteris tuto ad Sanctitatem Suam pervenire curaverit. Quod ad reliqua attinet, Sui Sanctitas omnem datam est operari, ut piis dicti Regis desideriis, quantum in tanta terrarum distantione fieri ab ea poterit, satisfiat, utque is semper intelligat se apud Sanctitatem Suam, & Sanctam Apostolicam Sedem inter ceteros Christianos Principes charissimi in Christo filii loci, amore, & honore esse, ac fore, deque his rebus Sua Sanctitas, & cum Oratore Portugalliae, ac tecum hic agat, & per litteras ac nuncios suos Maiestati tui Regis particularibus responderit.*

tatione indiguissent) præter pauca, quæ ex Arabico, & Abyssinico idiomate, in Lusitanicum sermonem, omnino male interpretata, mutato epistolarum ordine, fuerunt. Idem Iouius quoque in harum epistolarum enarratione volumen, quod Franciscus Alvares de situ, moribus, cultuque Æthiopum composuit, in quo etiam totum suum iter explicat, pollicitus est latinum facere, cuius voluminis vnum exemplar penes me habeo. Quod si Iouius vertendo supersedeat, non abhorrerem ab eius rei tractatione, quamquam id provinciæ non libenter suscepero, nisi id tuis, Sanctissime Pater, mandatis mihi imperatum cognouero, quo tutior esse possim. aduersus calumniosos, quibus videri possim non studio Reipublicæ Christianæ, sed æmulatione gloriæ Iouianæ hoc onus subiisse, ad quod cum fide tractandum, me non parum instructum arbitror. Nam cum perfunctus Germanicis, & Sarmaticis legationibus, & Belgica ad Regem meum Ioannem eius nominis tertium redeo, cuius plurimam in me excipiendo & humanitatem, & munificentiam expertus sum, Olyssipone in colloquium Æthiopici Legati incidi, viri & Episcopali digni-

dignitate venerabilis , & fide , doctrina , ac eloquentia Chaldaicæ , & Arabicæ linguæ admirabilis , & in summa idonei , qui a potentissimo Æthiopum Imperatore ad maximos Principes de maximis rebus mitteretur. Huic autem nomen fuit Zaga Zabo. Cum eo post initam inter nos firmissimam , & constantissimam amicitiam , sæpius sermonem miscui , variasque disputationes habui , præsertim de moribus , & Religione Æthiopum Christianorum. Cupiebam enim eas res non ex verbis interpretantium peregrinorum , sed ab indigena , coram & ore tenus cognoscere. Inter cætera epistolam quoque per Matthæum legatum in Lusitaniam missam ei ostendi , quam ego iam pridem cum articulis , quos coram Rege Emmanuele exposuerat , in linguam latinam (vt dictum est) transtuleram , multaque ex illius admonitu castigavi , ubi interpretatio non plene rei fidem , aut indolem assecuta erat , quod tum mihi tum Iouio non raro accidisse affirmabat ; habebam enim iam mecum ipsius Ioui epistolas , quas summa cum diligentia contulimus. Postmodum vigente inter nos iam vera Christi charitate & amicitia , ausus sum ab eo petere planam

&

& legitimam Æthiopum fidei , & religionis enarrationem , eamque sua manu describi , quod summa cum alacritate concessit , illamque statim describere incepit , sententiam summa fide in latinam linguam refudi , vt ex frequentibus patebit. Id vero conscientia urgente eo ardentius aggressus sum , quod non ignorarem , si hæc apud me periissent , a nemine mortalium vnquam in lucem proditura fuissent ; inde quod sic digesta , & composita ad phrasim Caldaicam , & Æthiopicam essent , vt vix a quopiam intelligi potuissent , nisi a me , qui ea omnia tam ex ore , quam ex scriptis ipsius Æthiopici Oratoris , per multam familiaritatem consequi iam poteram.

Hæc

*Hæc sunt , quæ de fide , & religione
apud nos Aethiopes habentur , &
observantur.*

IN NOMINE DOMINI NOSTRI JESV
CHRISTI. Amen.

CREDIMVS in nomen Sanctæ Trinitatis , Patrem , Filium , & Spiritum Sanctum , qui vnus est Dominus , tria quidem nomina , vna diuinitas , tres facies , vna vero similitudo , æqualis trium personarum coniunctio , æqualis inquam in diuinitate , vnum regnum , vnus thronus , vnus iudex , vna charitas , vnum verbum , & vnus spiritus. Verbum autem Patris & Filii , verbum Spiritus Sancti , & Filius est idem verbum , & verbum apud Deum , & apud Spiritum Sanctum , & apud semetipsum , sine defectu vlllo , aut diuisione , filius Patris , & filius ipsius Patris sine principio , nempe primo , sine matre filius patris. Nemo enim nouit secretum , & mysterium eius natiuitatis , nisi Pater , & Filius , & Spiritus Sanctus. Is autem Filius in principio erat ver-

R

bum

bum & verbum erat apud Deum , & Deus erat verbum. Spiritus Patris , Spiritus Sanctus , spiritus Filii , Spiritus Sanctus est , Spiritus autem Sanctus spiritus sui , sine ulla diminutione , aut augmentatione. Is etenim Spiritus Sanctus, Paracletus , Deus vivus , qui ex Patre , & Filio procedit , locutus est per os Prophetarum , & in flamma ignis descendit super Apostolos in atrium Sion. Qui per totum terrarum orbem denuntiaverunt , ac prædicaverunt verbum Patris , quod verbum erat ipse Filius. Præterea neque Pater est primus inde quod Pater sit, nec Filius postremus inde quod Filius sit , sic Spiritus Sanctus neque primus neque postremus est. Tres personæ unus Deus , qui videt , & a nemine videtur , qui unico suo consilio cuncta creavit. Postea vero Filius sponte propter nostram salutem , ipso Patre volenti , Spiritu Sancto consentienti , ex altissimo suo domicilio descendit , & incarnatus est de Spiritu Sancto , ex Maria Virgine , quæ Maria duplici ornabatur virginitate , una spirituali , altera vero carnali. Et natus est sine aliqua corruptione , ipsa Maria matre post partum Virgine permanenti , &

ma-

magno cum miraculo , & arcano igne diuinitatis afflata , sine sanguine & doloribus peperit filium suum IESVM CHRISTVM , qui homo innocens , & sine peccato fuit , & perfectus Deus , & perfectus homo , vnum solummodo habens aspectum. Adoleuit sensim vt infans , fugens lac Mariæ Virginis matris suæ , & cum attigisset trigessimum annum , baptisatus est in Iordane. Et vt cæteri homines ambulauit , fuitque lassus , sudauit , esuriuit , & sitiuit. Hæc omnia passus est sponte , & voluntarie , plurimaque fecit miracula. Atque per suam diuinitatem cæcis visum restituit , claudos sanauit , leprosos mundauit , mortuosque suscitauit , ipseque postremo volens captus est , & flagellatus , ac colaphis verberatus , & crucifixus , & languit , & mortuus est propter peccata nostra , & sua morte vicit mortem , ac diabolum , & sua viuâ ægritudine dissoluit peccata nostra , & languores nostros tulit , & baptismo sanguinis sui , qui baptismus mors eius fuit , baptisauit Patriarchas & Prophetas , descenditque ad inferos , vbi erat anima Adæ , & eius filiorum , atque anima ipsius CHRISTI , quæ est ab A-

dam , quam animam Adæ ipse CHRISTVS accepit ex Sancta Maria Virgine , & in splendore , & potentia diuinitatis suæ , & crucis fortitudine fregit æneas ac igneas inferorum portas , & catenis ferreis fatanam colligauit , & redemit Adam , & eius filios. Hæc omnia CHRISTVS fecit propterea quod plenus diuinitate erat , & ipsa diuinitas erat cum ipso anima , & erat etiam cum ipso Sanctissimo Corpore , quæ diuinitas virtutem dedit cruci. Quam quidem diuinitatem , is cum Patre in trinitate , & unitate semper habuit , & habet communem. Nec enim ipse CHRISTVS obambulans in terris , caruit oculi momento diuinitate , vel dignitate sua. Tum demum sepultus , tertia die ipse IESVS CHRISTVS, Princeps resurrectionis, IESVS CHRISTVS dulcissimus , IESVS CRISTVS Princeps sacerdotum, IESVS CRISTVS Rex Israel , cum magna potentia & fortitudine resurrexit. Et postquam omnia fuerunt adimpleta, quæ Sancti Prophetæ prædixerunt , ascendit in cælum cum gloria , & sedet a dextra Patris , & venturus est cum gloria , ferens ante faciem suam crucem , & in manu gladium iustitiæ , iudicare viuos & mortuos ,
cu-

cuius regni non erit finis. Credo vnam Sanctam Catholicam , & Apostolicam Ecclesiam , credo vnum baptisma , qui est remissio peccatorum , spero resurrectionem mortuorum , & vitam venturi sæculi. Amen.

CREDO Dominam Sanctam Mariam Virginem , Virginem inquam spiritu , & carne , quæ vt Dei mater , charitas omnium gentium est, Sancta Sanctorum , & Virgo Virginum , quam modis omnibus veneror. Credo sanctum lignum crucis , lectum ægritudinis Domini nostri IESV CHRISTI filii Dei esse , qui CHRISTVS salus nostra est , propter quem salui sumus ; Iudæis quidem scandalum , Gentibus autem stultitia. Nos vero prædicamus & credimus fortitudinem crucis Domini nostri IESV CHRISTI , quemadmodum Sanctus Paulus , Doctor noster præcepit. Credo Sanctum Petrum petram legis esse , quæ lex ædificata est super Sanctos Prophetas , fundamentum & caput Ecclesiæ Catholicæ , & Apostolicæ , Orientalis , & Occidentalis , vbi est nomen Domini nostri IESV CHRISTI : cuius Ecclesiæ potestatem Petrus Apostolus habet , ac claues regni cœlorum , quibus clau-

re,

re , & aperire , soluere & ligare potest. Is autem fedebit cum aliis Apostolis eius sociis super duodecim sedes cum honore , & laude apud Dominum nostrum IESVM CHRISTVM , qui in die iudicii sententiam est de nobis laturus. Quæ dies gaudii quidem Sanctis , doloris autem , & stridoris dentium peccatoribus erit , cum dejicientur in ardentis flammæ inferni cum eorum patre diabolo. Credo Sanctos Prophetas , & Apostolos , Martires , & Confessores veros Christi imitatores fuisse , quos cum Sanctissimis Dei Angelis veneror , & honoror. Parique modo etiam omnes illorum sectatores complector , & deosculor. Deinde confessionem vocalem omnium peccatorum meorum credo faciendam esse apud sacerdotem , cuius precibus per CHRISTVM Dominum nostrum , salutem animæ meæ , spero me consecuturum. Præterea Pontificem Romanum tanquam primum Episcopum , & pastorem ouium CHRISTI agnosco , ac omnes Patriarchas , Cardinales , Archiepiscopos , Episcopos , quorum ille caput est , quibus tanquam ipsius Christi ministris pareo , ac obedio.

HAEC

HAEC est fides & lex mea , & populi Aethiopiæ , qui est sub ditione Preciosi Iohannis , quæ fides atque Christi amor , ita sunt apud nos confirmata , ut ea nec per mortem , nec per ignem , nec per gladium , fretus auxilio Salvatoris nostri IESU CHRISTI , unquam sim abnegaturus , quam fidem omnes portaturi sumus in die iudicii ante faciem eiusdem Domini nostri IESU CHRISTI.

IAM his enumeratis , erit nobis explicanda disciplina , & doctrina , ac lex , quæ Apostoli in sanctis Synodorum libris , & canonum (quos Manda atque Abethilis vocamus) nobis præceperunt. Sunt enim ii Sanctæ Ecclesiæ legum libri octo , quos omnes Apostoli Hierosolymis congregati scripserunt. De quibus habita inquisitione , cum quibusdam doctoribus , postquam in Lusitaniam veni , neminem reperi , qui horum memoriam teneret. Observationes vero , quas Sancti Apostoli nobis in his libris præscripserunt , hæ sunt Primo oportere nos ieiunare singulis diebus Mercurii , in memoriam consilii iudæorum , quo die ab eis decretum , & consultum fuit , CHRISTVM occidendum esse. Præterea ieiunandum esse singulis diebus

bus Veneris , quo in die CHRISTVS IESVS crucifixus & mortuus est pro peccatis nostris , & in his duobus diebus præceptum est ieiunare vsque ad occasum Solis. Quadraginta vero diebus quadragesimalibus , pane , & aqua ieiunandum iniunxerunt. Septem diei , ac noctis horis incumbere rebus Diuinis. Ex iis edictis quoque tenemur & sacrum celebrare diebus Mercurii, ac Veneris tempore vespertino , quoniam tunc expirauit Dominus noster IESVS CHRISTVS in sancto ligno crucis. Diebus autem Dominicis , omnes vnanimiter vt congregaremur in sacra æde hora tertia diei ab ortu Solis ad legendum , & audiendum Prophetarum libros voluerunt , atque postea , vt Sanctum Euangelium prædicemus , sacrum quoque faciamus. Præterea nouem dies festos in CHRISTI memoriam celebrandos constituerunt , scilicet Annunciationis, Natiuitatis , Circumcisionis, Purificationis , siue Candelarum , Baptismi , Transfigurationis , Dominicæ Palmarum , vsque ad octauam Veneris Sancti (vt vocamus) qui dies duodecim sunt. Ascensionis quoque , atque Pentecostes cum suis etiam feriis.

ET

ET ex horum librorum præceptis , sine aliqua exceptione a festo Paschæ usque ad Pentecostem singulis diebus vescimur carnibus , nec per hos dies , usque ad octauam Pentecostes ieiunare tenemur , id quidem propter maiorem venerationem , & honorem Resurrectionis Domini nostri IESU CHRISTI. Item voluerunt ut diem mortis , & assumptionis Mariæ Virginis cum omni honore celebraremus. Præterea præter Apostolorum præcepta quidam Preciosus Ioannes , nomine semen Iacob, constituit in honorem eiusdem beatæ Virginis , singulis annis triginta supra tres dies etiam celebrandos. Deinde propter CHRISTI Saluatoris natiuitatem celebrari iussit de vno quoque mense diem vnum , qui dies vigessimus quintus semper est. Constituit quoque ex singulis mensibus vnum diem propter S. Michaelem celebrandum. Vltcrius ex indicto Synodorum Apostolorum , diem martyrii S. Stephani , ac aliorum Martyrum celebramus. Ex institutione quoque Apostolorum celebrare tenemur duos dies , scilicet Sabbati & Dominici , in quibus non licet nobis aliquam rem facere ne minimam quidem. Diem vero Sabbati ob id ,
quod

quod Deus in eo mundi perfecta creatione quieuiſſet , ſeruamus , quem vt vocari voluit ſanctum ſanctorum , ita plane videretur contra eius voluntatem & præceptum fieri , qui cælum & terram potius , quam ſuum verbum perire vult , ſi cum magno honore , ac religione is dies non celebraretur , præſertim cum ipſe CHRISTVS non ad ſolvendum legem , ſed ad implendum venerit. Quapropter non ad imitationem Iudæorum , ſed iuſſu Domini noſtri IEſv CHRSTI , & Sanctorum Apoſtolorum eum ſeruamus , quorum Iudæorum gratia in nos Chriſtianos translata eſt. In quo die Sabbati , excepto tempore quadrageſimali , carnes ſemper comedimus. Id tamen in regno Bernagaes , ac Tigri Mahon non ſervatur , quorum duorum regnorum indigenæ, ex veteri conſuetudine , carnibus in diebus Sabbati , & Dominicis quadrageſimalibus veſcuntur. Diem autem Dominicum , & cæteri Chriſtiani , in memoriam CHRISTI reſurrectionis celebramus. Diem tamen Sabbati ex legis libris & non ex Euangelio celebrandum eſſe ſcimus. Nihilominus Euangelium finem legis , ac Prophetarum eſſe non ignoramus. In quibus
die-

diebus credimus animas piorum defunctorum in purgatorio minime cruciari. Quam quietem Deus in his sanctissimis diebus animis concedit, donec inde (finito termino poenarum suarum pro facinoribus in hoc sæculo meritarum) penitus emergant. Ad quas poenas minuendas, ac earum cruciatus tempus attenuandum, eleemosinas pro defunctis factas credimus ipsis animis in purgatorio degentibus maxime prodesse. Ad quarum animarum remissionem Patriarcha nullas dat indulgentias, id ad solum Deum, ac poenarum temporis constitutionem credentes spectare. Nullos quoque dies indulgentiarum Patriarcha concedit.

Ex Euangelii lectione sex tantum tenemur seruare præcepta, quæ CHRISTVS ore proprio ita explanauit. Esuriui, & dedistis mihi manducare. Sitiui & dedistis mihi bibere. Hospes eram, & collegistis me. Nudus, & operuistis me. Infirmus, & visitastis me. In carcere eram, & venistis ad me. Quæ verba CHRISTVS in die iudicii solummodo est prolaturus, quoniam lex, teste Paulo, peccata nobis ostendit, quam legem, excepto IESV CHRISTO nemo custodire potuit.

tuit. Ipso Paulo quoque teste , omnes ex peccato nati sumus , propter Euxæ matris nostræ transgressionem , & propter eius maledictionem. Præterea inquit ipsemet Paulus , nos propter Adam mori , & propter CHRISTI vitam vivere , qui CHRISTVS ob suam immensam misericordiam , nobis hæc sex præcepta dedit , vt cum venerit in sua maiestate iudicatum viuos , & mortuos , saluemur. Quibus verbis , ac præceptis in ipso tremendo iudicii die , bonis gloriam sempiternam , malis ignem & perpetuam damnationem denuntiauit. Et quinque tantum peccata mortalia (vt vocant) annumeramus , id quidem ex vltimo Apocalypsis capite , vbi dicitur : *Foris autem canes & venefici , & impudici , & homicidæ , & Idolis seruientes , & omnis qui amat , & facit mendacium.* Item constitutum est a Sanctis Apostolis , in Synodorum libris , Clericis vxores licere ducere , id quidem postquam cognitionem aliquam habuerint rerum diuinarum. Deinde inito matrimonio in ordinem presbyterorum recipiuntur , in quem nisi post annum trigessimum nemo recipitur , nec spurii , nec nothi , aliqua ratione ad eundem sacratissi-

mum

mum ordinem intromittuntur , qui ordines
 a nemine , nisi ab ipso Patriarcha dantur.
 Mortua tamen prima vxore Episcopi aut cle-
 rici aliam ducere non possunt , nisi Patriar-
 cha ad id dispensauerit (quod aliquando in-
 dulgetur magnatibus propter publicum bo-
 num) nec habere concubinam , nisi se volu-
 erint a sacris abdicare , quod si fecerint , res
 diuinas amplius tractare non possunt. Et hoc
 tam strictè seruatur , vt hii presbyteri , qui
 secundo vxorem duxerint , ne candelam qui-
 dem vnam Ecclesiæ consecratam in manum
 auderent accipere. Quod si inuentum fue-
 rit Episcopum , aut clericum filium spur-
 um habere , ab omnibus beneficiis ac sacris
 ordinibus abdicatur , quorum bona , si sine
 legitima prole discedant , ad Preciosum Io-
 annem , & non ad Patriarcham veniunt. Et
 id quod presbyteri apud nos vxores posside-
 ant , ex Paulo accepimus , qui mavult cle-
 rium & laicum nubere quam vri. Is quoque
 inquit , oportere Episcopum virum vnus
 vxoris esse , & irreprehensibilem , sobrium ,
 parique modo vult esse diaconos. Atque eti-
 am vt Ecclesiastici perinde atque seculares
 proprias vxores ex legitimo matrimonio ha-
 beant.

beant. Monachi tamen vxores non ducunt. Et tam laici quam clerici vnam tantum possident vxorem, & matrimonium non contrahitur pro foribus sacræ ædis, sed in priuatis domibus Paranympthorum. Ex Sanctorum Apostolorum constitutione habemus, vt si Sacerdos fuerit comprehensus in adulterio, homicidio, latrocinio, vel falsum testimonium tulerit, vt a sacris ordinibus destituatur, ac vt cæteri malefici puniatur. Rursus ex eorum Apostolorum instituto, si aliquis siue ecclesiasticus siue laicus cum vxore congressus fuerit, vel in somnis polutus fuerit, spatium quatuor & viginti horarum templum non ingreditur, nec id quoque menstruatis mulieribus licet, nisi septimo quoque die a menstruo, id quidem omnibus vestibus ablatis, quibus tempore menstrui utebatur, ipsaque bene lota, atque a sordibus repurgata. Item mulieri pariente masculinum non conceditur venire in templum, nisi post quadragesimum diem; pariente vero foeminam, post octogesimum. Hanc consuetudinem ex veteri lege, ac ex nova Apostolica habemus, quas leges, instituta ac præcepta diligenter in omnibus, quatenus
sic-

feri possit, obseruamus. Deinde prohibitum est apud nos, ne aut gentes, aut canes aut alia huiusmodi animalia, in templa nostra intrent. Item non datur potestas nobis adeundi templum, nisi nudis pedibus, neque licet nobis in ipso templo ridere, obambulare, aut de rebus prophanis loqui, nec spuerere, aut screeare in ipso templo. Quia Ecclesiæ Aethiopiæ non sunt similes terræ illi, vbi populus Israel comedit agnum Paschalem, decedens ab Aegypto, in quo loco Deus iussit eos comedere indutos calceamentis, & zonis accinctos propter terræ pollutionem. Sed similes sunt montes Sinai, vbi Dominus locutus est Mosi dicens: *Moses, Moses, exue calceamenta tua, quoniam terra, quam pedes tui premunt, sancta est.* Et hic mons Sinai parens nostrarum Ecclesiarum est, ex quo suam acceperunt originem ita, vt Apostoli ex Prophetis, & nouum testamentum a vetere. Præterea nec sacerdoti, nec laico, vel alii personæ cuius conditionis sit, assumpta venerabili Eucharistia licet expuere a tempore matutino vsque ad occasum Solis, & si spuerit, grauissima pœna multatur.

ITEM

ITEM in memoriam CHRISTI Baptismi , singulis annis , omnes in Epiphaniis Domini baptifamur , id quidem facimus , non quod ad salutem spectare credimus , sed propter Seruatoris nostri laudem ac gloriam. Neque vberius , atque refertius spectaculis , iocis & cæremoniis vllum aliud festum celebramus , quoniam in hoc die primo manifeste apparuit Sanctissima Trinitas , cum Dominus noster IESVS CHRISTVS baptizaretur in flumine Iordane , cum Spiritus Sanctus in specie columbæ super caput ejus descenderit , & vox de Cœlo dixerit , *Hic est filius meus dilectus , in quo mihi complacuit.* Qui Spiritus Sanctus apparens in specie albæ columbæ , cum facie & figura Patris & Filii apparuit in vna diuinitate. Parique modo Christus visus est a Sanctis Prophetis per multas similitudines & formas. Primum in specie arietis albi , propter salutem Isaac filii Abrahæ , eoque modo nominavit Iacob , Israel & Iacob , Iudam catulum leonis , cui super alios fratres potestatem tribuit , dicens : *Ad prædam filii mi ascendisti , requiescens occubuisti , ut leo & quasi leæna , quis suscitabit eum ?* Item manifesta-

festauit se Mosi in monte Sinai in specie flammæ igneæ , ostendit se Sancto Danieli Prophetæ in similitudine petræ. Ezechieli quoque filio hominis apparuit , & Isaïæ in forma infantis. Manifestauit etiam se Regi Dauidi , & Gedeoni in rore super vellus. Præter has recensitas formas , in multis aliis visus est a Sanctis Prophetis. Tametsi tam variis formis fuerit visus , semper similitudinem Patris & Spiritus Sancti repræsentauit. Et cum Deus etiam creasset mundum , dixit : *Faciamus hominem ad imaginem & similitudinem nostram* : & fecit Adam ad suam imaginem & similitudinem. Propterea nos dicimus Patrem , Filium & Spiritum Sanctum esse tres vultus , in vna similitudine & diuinitate. Habemus quoque a temporibus Reginæ Sabæ circumcisionem quam ad hunc vsque diem seruamus. Erat autem huic Reginæ Saba nomen proprium Maqueda , quæ more maiorum colebat idola. Ad cuius aures fama sapientiæ Salomonis cum peruenisset , quendam virum prudentem Hierosolymam misit , vt re omni explorata certior de Regis prudentia redderetur. Quo reuerso & re explanata , subito se ad iter Hierusa-

lem versus componit. Atque cum eo peruenisset, præter multa alia, quibus a Salomone erudita est, Legem ac Prophetas didicit, eaque in patriam (facultate impetrata abeundi) proficiscens, in itinere filium, quem ex Salomone conceperat, peperit, qui vocatus est Meilech, quem ipsa Regina in Aethiopia usque ad vigesimum ætatis annum apud se educavit, ac postea ad Salomonem eius patrem remisit, ut ab eo scientiam & sapientiam disceret, quem per litteras obsecrauit, ut filium Meilech, coram arca fœderis testamenti Domini, regem Aethiopiæ consecraret, ac crearet, neve ulterius fœminæ ius regnandi in Aethiopia haberent, ut tum in more erat, sed ut recto tramite masculi in regnum succederent. Qui cum Hierosolymam venit, a patre facile matris postulata obtinuit, ac pro Meilech vocatus est David, quem jam abunde in lege, atque in aliis disciplinis edoctum, pater Salomon constituit ad matrem remittere, & quidem cum maiore ornatu, regioque apparatu. Ad quod munificentius conficiendum, comites illi nobiles, ac primorum virorum filios tradidit, qui ei pro regio more inferuissent. Præterea decre-

decreuit cum eo mittere Azariam, principem sacerdotum, filium Sadoch, principis quoque sacerdotum. Quod cum Azarias intellexisset, Davidem hortatus est, ut ei a patre impetraret potestatem sacrificandi pro successu itineris, ante arcam foederis Domini. Qua re a Salomone impetrata, Azarias subito tabulas, quam secretissime potuit, ad imitationem tabularum foederis Domini dedolare curat. Quibus perfectis ad sacrificandum se componit, in ipsoque sacrificio clanculum, atque mira arte, veras foederis Domini tabulas ex arca furripuit, pro eisque adulterinas, quas secum portauerat, reposuit, se solo, ac Deo confcio. Hæc narratio apud nos Aethiopes sanctissima & probatissima habetur, ut ex historia ipsius Regis Davidis (quæ jucundissima lectu est) apparet. Cujus historię liber tantæ crassitudinis est, quantæ omnes Pauli epistolæ. Cæterum cum iam David ad fines Aethiopiæ peruenisset, Azarias eius tentorium ingressus, id quod semper apud se occultum tenebat, ei reuelat, nempe tabulas foederis Domini penes se esse. Qua re audita, subito David ad tentorium, ubi Azarias tabulas fœ-

deris Domini habebat , accurrit , ibique præ nimio gaudio ad exemplum aui sui , Dauidis , ante arcam , in qua tabulæ erant , incœpit saltare. Quo a suis viso , & re intellecta , omnes pari modo gaudia , & lætitiâ ingentem celebrauerunt. Tandem peragrata magna Aethiopix parte ad suam matrem peruenit : quæ statim ei imperium omnium prouinciarum detulit , omnemque administrandi regni curam in eius humeros reclinauit. Et ab eo tempore ferme iam inde usque in hunc diem elapsis interim bis milenis sexcentis annis , regnum Aethiopix recto tramite de masculo semper ad masculum transfertur. Et ab his temporibus legem Domini , & circumcisionem seruamus , ut ante dictum est. Ab eodem quoque tempore hucusque ministeria , quæ Salomon filio suo Dauidi ad aulam suam gubernandam ordinauit , in eo ordine ac familiis , quo tunc temporis erant , conseruantur , nec aulica ministeria ex alia stirpe deligere fas habet , vel ipse Imperator. Insuper iussu , & decreto ipsius Reginx Maquedæ , mulieres quoque circumciduntur. Ad id ea ratione deducta est , ut quemadmodum viri præpu-
ti-

tium habent , eodem quoque modo mulieres etiam quandam glandulosam carnem , quam Nympham vocant , in genitalibus habent , non ineptam accipiendo characteri circumcisionis. Id quod fit tam in masculis , quam in foeminis ad octavum diem , & post circumcisionem masculi baptizantur ad quadragesimum diem ; mulieres vero ad octogesimum , nisi aliqua interuenerit ægritudo , vt opus sit festinatione ; quod si ante tempus constitutum baptizentur , infantibus non licet lacte matris lactari , sed nutricis tantum , id quidem donec matres purificentur. Et aqua , in qua baptizantur , exorcismis consecratur & benedicitur , & ea ipsa die , qua pueri baptizantur , venerabile corpus Domini accipiunt sub exigua specie panis. Nos ferme prius cæteris christianis omnibus , baptismum ab Eunuchis Candacis Reginae Aethiopiæ , cui nomen erat Indich , accepimus (ita in Actis Apostolorum traditur) quem vna cum circumcisione , (quam tum temporis , vt prius dictum est , habebamus) sancte & Christiane obseruamus , & Deo adiutore sumus perpetuo obseruaturi.

NEC quicquam præter ea , quæ in Lege , &
Pro-

Prophetis , & in Euangelio , atque in libris synodorum Apostolorum sunt , seruamus , aut admittimus , & siquæ alia præter hæc recipimus , ea seruantur interim , quod ad ordinem & pacem Ecclesiæ videntur spectare , id tamen sine aliquo peccati vinculo. Quamobrem circumcisio nostra immunda non est , sed lex & gratia data patri nostro Abrahæ est , quam a Deo tanquam signum accepit , non vt , propter circumcisionem saluus fieret , aut filii eius , sed vt ipsi filii Abrahæ a cæteris nationibus dinoscerentur. Et id quod simbolo circumcisionis latenter ostenditur eximie seruamus , nempe vt corde circumcisus simus. Nec ob circumcisionem gloriamur , nec etiam cæteris christianis putamus ob id nobiliores , nec Deo acceptiores esse , apud quem nulla est acceptio personarum , teste Paulo , qui etiam ostendit nos saluos fieri non propter circumcisionem , sed propter fidem , quia in Christo Iesu nec circumcisio aliquid valet , nec præputium , sed noua creatura. Is autem Paulus non prædicauit ad destruendam legem , sed ad stabiliendam , qui circumcisus quoque fuit , & ex semine Benjamin , is quoque Timotheum iam christia-

stianum factum ex matre Hebræa , & ex patre Gentili natum circumcidit , sciens Deum circumcisionem ex fide , & præputium per fidem iustificare. Et ut ipse ait , factus est omnibus omnia , ut omnes faceret saluos , Iudæis tanquam Iudæus , ut Iudæos lucraretur : iis qui sub lege erant quasi sub lege esset , cum ipse non esset sub lege , ut eos , qui sub lege erant , lucrifaceret. His qui sine lege erant , tanquam sine lege esset , cum sine lege Dei non esset , sed in lege CHRISTI , ut lucrifaceret eos , qui sine lege erant. Et factus est infirmus , ut infirmos lucrifaceret , id quod fecit , ut ostenderet non ex circumcisione , sed ex fide nos salutem consecuturos. Vnde cum Hæbræis prædicasset , tanquam Hebræus variis sermonibus locutus est , dicens : *Multifarie , multisque modis olim Deus locutus est patribus nostris in Prophetis* : ostendens eis ex ipsis Prophetis CHRISTVM ex semine Davidis secundum carnem , deinde CHRISTVM eis prædicavit , cum patribus nostris in tentoriis in deserto fuisse , eosque in terram promissionis introduxisse , per manum Iosue.

PRAETEREA idem quoque Paulus inibi
testa-

testatur CHRISTVM principem fuisse sacerdotum , ac in novum tentorium intrasse , quod est Sanctum Sanctorum , & sacrificio sui Corporis , & Sanguinis , sanguinem hircorum , ac taurorum , quo nemo accedentium poterat iustificari , aboleuisse , & sic multis modis locutus est Iudæis, multis quoque ritibus , sancta & incorrupta fide se a suis colipatitur. Præterea apud nos habentur semichristiani pueri illi , quos hic audio paganos ab Romana Ecclesia vocari. Qui quoniam sine baptismo moriuntur , semichristiani debent appellari , quoniam filii sacrati sanguinis parentum ex baptismo , & ex Spiritu Sancto , & ex Sanguine Domini nostri IESV CHRISTI nati sunt , ex quibus tribus testimoniis omnes christiani reputantur. Quoniam tres sunt , qui testimonium dant in terra , Spiritus , Aqua , & Sanguis , teste Ioanne in sua prima canonica , etiam vt Euangelium dicit : *Bona arbor fert bonos fructus , mala vero arbor , malos*. Ideoque filii Christianorum non sunt , vt filii Gentilium , & Iudæorum , atque Maurorum , qui sunt arbores aridæ sine aliquo fructu. Christiani autem sunt electi in utero matrum suarum ,

vt

vt Sanctus Hieremias Propheta , & Sanctus Ioannes Baptista fuerunt. Insuper infantes Christianarum mulierum sunt electi , & consecrati ex Corporis & Sanguinis Domini nostri IESV CHRISTI communicatione. Nam foeminae grauidæ , cum assumunt venerabile Corpus Domini nostri Saluatoris IESV CARISTI , infans capiens inde nutrimentum fit sacratus. Quoniam sicut infans existens in vtero ex eius matris affectibus contristatur , ac lætatur ; sic etiam ex matris nutrimento nutritur : & vt ipse Dominus ait in suo S. Euangelio , *Siquis comederit corpus meum , & biberit sanguinem meum , non gustabit mortem in æternum* : Rursus , *Siquis gustauerit meum corpus , & biberit meum sanguinem , erit mecum* : Ad hæc Paulus Doctor Gentium ait , *Vir infidelis iustificatus est per mulierem fidelem , & mulier infidelis sanctificata est per virum fidelem , alioquin filii vestri immundi essent , nunc autem sancti sunt*. Quod si ita est , vt filii matris infidelis sanctificentur in patris fidelitate ; multo sacrationes esse debent illi , qui ex patre & matre fidelibus nati sunt. Ob quam rem longe magis

pium erit vocare infantes , antequam baptisati sint , semichristianos , quam paganos. Id quoque dixerunt Apostoli in suis synodorum libris , *Omnes , qui habent fidem , & non acceperunt baptismum , merito possunt dici semichristiani* : qui etiam dicunt in memoratis libris , si Iudæus , Maurus , Gentilis fidem accipere voluerit , non esse illico admittendus : sed voluerunt eum prius venire ad valvas templi , ibique audire conciones , & verba Seruatoris CHRISTI , vt qui prius ad fidem incitatus , ac quasi arreptus fuit , iugum legis cognoscat ; quod cum fecerit , vocari possit semichristianus , quamquam baptisatus non sit , quemadmodum Euangelium docet , *Qui crediderit , & baptisatus fuerit , saluus erit ; qui vero non crediderit , condemnabitur*. Et est etiam moris apud nos , vt mulieres grauidæ ante partus tempus semper confiteantur ; ac vt Corpus Dominicum confesse accipiant ; & eæ , quæ hoc non faciunt , ac puerorum patres , si eas ad id non impulerint , habentur impii & mali Christiani.

PRAETEREA sciendum , apud nos confirmationem & chrifina , siue extremam olei vnctionem , pro sacramento non haberi, nec
in

in usu esse, ut video hic ex Romanæ Ecclesiæ consuetudine fieri. Item ex lege Moſis, ac Apoſtolorum inſtituto non licet nobis cibos immundos comedere, id facimus ad omnem Legis ac Scripturam obſervationem, quarum octoginta & unum libros, tam veteris, quam noui teſtamenti annumeramus, ſcilicet ex vetere quadraginta & ſex, & ex nouo triginta & quinque, quem numerum ſingulorum librorum computatione expreſſum habemus ab ipſis Apoſtoliſ, quibus libris veteris, & noui teſtamenti nihil addere, nec minuere licet, quanquam angelus de cœlo id nobis perſuadere conaretur, & qui talia auderet tentare, pro anathemate reputaretur. Quare nec Patriarcha, nec Epifcopi noſtri, per ſe, nec in conciliis putant, au opinantur vllas leges ſe condere poſſe, quibus ad mortale peccatum obligari quis poſſet. In ipſis etiam ſynodorum libris conſtitutum a Sanctis Apoſtoliſ eſt, oportere nos confiteri, atque quam poenitentiam pro magnitudine ſingulorum peccatorum a confefſore accipere debemus. Inſtruunt quoque nos, quomodo ciandum, & ieiunandum ſit, & charitas exercenda.

Præ-

Præterea hoc familiarissime vtimur , quod statim ad pedes confessoris , cum peccatum commissum est , accurrimus , & hoc faciunt omnes tam masculi , quam foeminæ , cuiuscunque conditionis sint. Et quotiescunque confitemur , assumimus corpus Domini , & id quidem sub vtraque specie , in pane azimo triticeo. Quod si singulis diebus confitemur , singulis quoque diebus accipimus venerabile Sacramentum , & id tam apud clericos , quam apud laicos in usu est. Et Sacramentum Eucharistiæ non seruatur apud nos in templis , vt fit hic apud Europæos , nec ægroti Corpus Dominicum accipiunt , nisi dum conualuerint. Id fit , quoniam omnes tam laici , quam clerici consueuerunt illud , ad minus , bis in hæbdomada accipere , & omnes idem volentes facere templum accedunt , quippe nemini datur nisi in ipso templo , nec id conceditur Patriarchæ , nec ipsi Preciofo Ioanni. Vtimur etiam semper vno confessore , nec alium accipimus , nisi eo absente , quo reuerso ad ipsum redimus. Et confessores omnium peccatorum dant nobis ex Ecclesiæ potestate absolutionem nullo casu Episcopis , aut Patriarchæ reseruato ,

uato , quanuis grauffimo. Vltcrius Presbyteri non possunt audire confessionem eius , cui confitentur. Præterea Presbyteri , & Monachi , & omnes Ecclesiæ ministri , apud nos suo labore viuunt. Quippe Ecclesia nullas habet decimas , nec accipit ; habet tamen prouentus & agros , quos ipsi Clerici , & Monachi fodiunt , aut sua , aut aliena opera colunt , & nullas alias habent eleemosinas , præter eas , quæ gratis in templis offeruntur pro exequiis mortuorum , & aliis piis rebus , nec eis licet viciatim mendicare , nec a plebe aliquid eleemosinarum extorquere. Item in nostris templis singulis diebus , vna tantum celebratur missa , quam sacrificii loco habemus , nec plures ex veteri instituto celebrare licet. Pro qua quidem missa , nullum pretium aut mercedem accipimus , in quo ministerio Sacramentum Eucharistiæ non ostenditur , vt hic video fieri , inibique omnes sacerdotes & diaconi , subdiaconi , & templum accedentes Corpus Domini accipiunt , & nullam pro remissione animarum facimus missam , sed mortui cum crucibus & orationibus sepeliuntur in certo loco , super quos mortuos , præcipue inter
alias

alias orationes , initium Euangelii Ioannis dicimus , & sequente die , a sepulto mortuo , eleemosinas pro eis offerimus. Id etiam postea facimus , certis diebus , in quibus omnibus epulis funebribus indulgemus.

DE fide ac Religione nostra diximus. Nunc vero quoniam postquam in Lusitaniam venimus , crebras disputationes ac contentiones cum Doctoribus quibusdam , præsertim cum magistris nostris Didaco Ortisyo , Episcopo insulæ S. Thomæ , atque Regis Sacelli Decano , & Petro Margalho , de delectu ciborum habuimus , de hac re aliquid dicere non erit incongruum. Primum sciendum est nos ex veteri testamento delectum ciborum servare , qui delectus ab ipso Verbo Dei constitutus est , quod Verbum postea natum est ex Maria Virgine , & ambulavit , atque versatum est cum suis Apostolis. Id quoque Verbum Dei semper vivum , integrum , inuiolatum sermonem , ac verbum habuit. Nec id quod olim ex immunditia prohibuit comedere , postea in aliquo sui Euangelii loco dixit esse comedendum. Id vero quod in Euangelio ait : *Quæ per os intrat , hominem non co-*
in-

inquinare, sed ea quæ ex ore procedunt: non ea de causa dixit, ut frangeret id quod antea constituerat, sed ut refutaret superstitionem Iudæorum, qui arguebant Apostolos, quod illotis manibus panem manducarent. Immo nec Apostoli id temporis, quando versabantur cum Domino nostro IESU CHRISTO, vnquam vsi sunt immundis, nec gustauerunt ea, quæ in lege prohibita sunt, nec vllus eorum eam transgressus est. Nec iis temporibus quæ passionem Domini insecuta sunt, cum Euangelium cæperunt prædicare Apostoli, vllis apud nos scriptis probari potest, eos edisse, aut occidisse immunda. Verum tamen est Paulum dicere: Omne quod in macello venit, manducate, nihil interrogantes propter conscientiam. Postea si quis vos vocat infidelium ad cænam, & vultis ire, omne quod vobis apponitur, manducate, nihil interrogantes propter conscientiam. Siquis autem dixerit, hoc immolatum est idolis, nolite manducare propter eum, qui indicauit, & propter conscientiam: & omnia hæc dixit Paulus, ut placeret iis, qui in fide non erant admodum confirmati, quoniam inter hos, & Iudæos

dæos variæ confurgebant disputationes ac contentiones , quas vt fedaret , christianis nondum satis confirmatis iudulgentius morigerebatur , & acquiescebat. Id tamen faciebat , non quod legem frangere vellet , sed vt plures ita in cæremoniis relaxandis gratificando ad fidem alliceret. Idem Apostolus quoque ait : *Is qui manducat , non manducantem non spernat , & qui non manducat , manducantem non iudicet , quoniam is qui manducat , Domino manducat , & qui non manducat , Domino non manducat* : quambrem indignum est peregrinos christianos tam acriter ac hostiliter reprehendi , vt ego de hac re , & de aliis , quæ minime ad veram fidem spectabant , reprehensus fui. Sed multo consultius erit huiusmodi christianos homines , siue Græcos , siue Armenios , siue Aethiopes , siue ex quavis septem Christianorum Ecclesiarum , in charitate & CHRISTI amplexibus sustinere , & eos sine contumeliis permittere inter alios fratres christianos viuere , aut versari , quoniam omnes filii baptisimi sumus , & de vera fide vnanimiter sentimus. Nec est causa cur tam acriter de cæremoniis disceptetur , nisi vt vnusquisque suas

suas obseruet, sine odio, & insectatione aliorum, nec commerciis Ecclesiæ ob id excludendus est, si peregre in alienis prouinciis domesticos ritus obseruet. Id præterea, quod in Actis Apostolorum habemus, nempe quo pacto *Petrus vidit cælum apertum, & vas descendere quoddam, veluti linteum magnum, quatuor initiis submitti de cælo in terram, in quo erant omnia quadrupedia, & serpentina terræ, & volatilia cæli: cui vox dixit, Surge Petre, occide, & manduca: cui Petrus, Absit Domine, quoniam nunquam manducaui omne commune, aut immundum: cui vox iterum, Quid Deus purificauit, tu commune ne dixeris.* Quod ubi cum tertio repetitis vicibus contigisset, statim illud vas in cælum receptum est. Quibus peractis, spiritus misit eum in Cæsariam ad Cornelium, virum pium, & timentem Deum. Apud quem loquente Petro cecidit super omnes, qui verbum Dei audiebant, Spiritus S., quo Spiritu S. accepto Petrus totam familiam Cornelii baptizari iussit. Quod cum cæteri Apostoli, ac fratres, qui in Iudæa erant, Cornelium esse baptizatum audiissent, Petro, quod dedisset

baptismum & verbum Dei Gentilibus , succensere cœperunt , dicentes , *Quare intrasti ad viros præputium habentes , & manducasti cum illis ?* Qui a Petro, tota visione exposita , placati sunt , atque Deo gratias egerunt dicentes : Ergo & gentibus pœnitenti- , am dedit ad vitam , & recordati sunt verbi , Domini , quod in cœlum ascendens dixit , *Ite per omnem terram , & prædicate Evangelium omni creaturæ , qui crediderit & baptisatus fuerit , salvus erit , qui vero non crediderit , condemnabitur.* Tum Apostoli cœperunt prædicare Evangelium per totum mundum omni creaturæ , in nomine Patris , & Filii , & Spiritus Sancti , atque per omnem terram exiuit sonus eorum. Et hanc visionem , in qua munda & immunda apparebant , ita in Æthiopia exponimus , munda animalia fuisse populum Israel , immunda autem populum Gentilium. Ideo vero Gentiles sunt vocati immundi , quod idolorum cultores essent , & inservirent operibus diabolorum , quæ immunda sunt. Quod autem vox illa dixit , *Petre occide* , id apud nos in hunc modum interpretatur , *Petre baptisfa* : & quod dixerit , *Petre manduca* , interpre-

pretamentum habet, ac si dixisset, *doce & prædica fidem, & legem Domini nostri IESU CHRISTI, populo Israel, & gentibus.* Ad hæc certissimum est nullibi in Scripturis reperiri Petrum, aut alios Apostolos immunda occidisse, aut comedisse, post hanc visionem. Porro sciendum est, cum Scriptura loquitur de pane, non intelligendum esse cibum, nec corporale nutrimentum, sed explicationem, ac expositionem CHRISTI, & Scripturarum doctrinæ. Consultum profecto esset, omnes Doctores, & prædicatores de hoc linteo, quod ostensum fuit Petro, sublimia & alta docere, & non illa, quæ infima sunt, & quæ nihil ad salutem videntur pertinere, ac non inde documenta aucupari, quasi fas, & licitum esset nobis immunda comedere, quando ex Scriptura id minime colligere possunt. Quid quod ipsi Apostoli in suis Synodorum libris præceperunt nobis, ne comedamus animalia suspensa, suffocata, lacerata, neque semesa ab aliis bestiis, nec sanguinem, quoniam Dominus amat munditiam, & sobrietatem, & odit gulam, & immunditiam. Et plurimum etiam eos Dominus diligit, qui abstinent a

carnibus , & multo magis eos , qui ieiunant pane , & aqua , & herbis , vt Ioannes Baptista eremita vltra Iordanem fecit , qui semper vfus est herbis. Et Sanctus Paulus eremita , qui octoginta annis semper ieiunans , commoratus est in deserto , atque Sanctus Antonius , & Sanctus Macarius , ac plurimi alii filii eius spirituales , qui nunquam gustauerunt carnes. Ideoque fratres mei , non oportet nos contemnere , neque insectari proximos nostros , quoniam Iacobus ait : *Qui detrahit fratri , aut iudicat fratrem suum , detrahit legi , & iudicat legem.* Paulus quoque docet , *melius esse vnumquemque viuere contentum suis traditionibus , quam cum fratre christiano de lege disputare.* Rursus : *non plus sapere , quam oportet : sed sapere ad sobrietatem , & unicuique sicut Deus diuisit mensuram fidei.* Quapropter indecens est cum fratribus de lege , aut de delectu ciborum disputare , quod esca nos commendet Deo , præsertim cum ipse Paulus Apostolus dicat : *Nec si manducauerimus , abundabimus , nec si non manducauerimus , deficiemus.* Idcirco altiora & cælestem cibum quæramus , & has infimas & innanes dis-

pu-

putationes omittamus.

HAEC omnia quæ de traditionibus scripti , non ad disputationem , nec contentionem scripsi , sed ut meos, quatenus fieri potuit, protegerem ac defenderem contra acerbissimas multorum reprehensiones , quibus nulla fuit reverentia , quo minus potentissimum Preciosum Ioannem , ac nos eius subditos conviciis proscinderent , ac Iudæos & Mahumetanos appellarent , eo quod circumcisionem servamus , & sabbatum sanctificamus , ut Iudæi. Deinde quod veluti Mahumetani , ad occasum solis usque ieiunamus , id hominem christianum minime decere asserentes. Id quoque acerbissime obijciunt Sacerdotum coniugia , ut laicorum , licita esse apud nos. Præterea nec id sine morfu omittitur , quod primo baptismo quasi diffusi , singulis annis rebaptizamur , quod præter viros etiam mulieres circumciantur , more nec apud Iudæos quidem recepto. Denique quod delectum ciborum sanctissime observatum volumus. Postremo , quod infantes , qui ante baptismum , pagani vocari solent , semichristianos nuncupemus. Quibus obtreccationibus coactus sum talia di-

dicere , vt nostros purgarem ab huiusmodi calumniis , & vt Doctores Sacræ Ecclesiæ Romanæ redderem nobis affabiliore. A quibus (nescio quam pie) mihi interdictum est sumere corpus Dominicum , postquam in Lusitaniam veni , quod spacium est septem annorum , & (id quod non sine dolore ac lachrymis dicam) reputor inter fratres christianos tanquam Ethnicus , & Anathema. De quibus rebus ille , qui omnia vegetat , videat , cuius iudicio omnia committo. Ego autem non sum miles a potentissimo Domino meo , Imperatore Aethiopum , ad Romanum Pontificem , & Serenissimum Ioannem Lusitanæ Regem ad disputationem & contentionum rixas , sed ad amicitiam & societatem contrahendam , non autem ad traditiones humanas vel augendas , vel diminuendas. Sed vt de erroribus Arii principis hæreticorum diligenter exquirerem , & intelligerem an Europæi christiani cum nostris , ad huius hominis opiniones deuincendas , conuenirent. Propter cuius errores Nicææ , sub Iulio Papa congregatum fuit Concilium trecentorum , octodecim Episcoporum. Ac deinde vt scirem , an id apud Europæ-

ropæos Christianos feruaretur , quod Apostoli in suo Synodorum libro præcipiunt , scilicet , vt singulis annis bis in Ecclesia Christi Concilium celebretur , in quo de rebus fidei rationem statuerent. Quorum primum voluerunt cogi ad festum Pentecostes , secundum decima die Octobris. Deinde vt intelligerem , quomodo inter nos conueniret de erroribus Macedonii , cuius causa sub Damaſo Papa congregatum fuit Constantinopoli Concilium centum quinquaginta Episcoporum. Præterea de erroribus Nestorii , propter quem sub Celeſtino Papa congregatum fuit in Epheso Concilium ducentorum Episcoporum. Postremo vt etiam scirem de quarto ac magno Concilio Chalcedoniensi , in quo propter errores Eutychis , congregati fuerunt sexcenti , triginta duo Episcopi , quo tempore Pontificatum obtinebat Romanum S. Leo , ex quo Concilio variis disceptationibus habitis , & nihil ad concordiam Ecclesiæ constituto , atque re infecta , omnes discesserunt , vnusquisque suam retinens opinionem. Quarum Synodorum libros . & aliarum , quæ postea celebratæ fuere , potentissimus Dominus meus Aethiopum Imperator

tor penes se habet , & de hac zizania , quam aduersarius veritatis diabolus seminavit inter Christianos , Dominus meus plurimum dolet , vna cum omnibus suis subditis CHRISTI fidelibus.

Nostri certe ab exordio primitiuæ Ecclesiæ Romanum Pontificem , vt primum Episcopum , agnouerunt , cui etiam hodie no die , vt CHRISTI vicario , paremus. In cuius curia frequentissime essemus, nisi obstant magna itinerum intervalla , ac multorum Mahumetanorum regna interiecta , quæ transitum impediunt , ita vt susceptis maximis periculis , nihil tamen efficias ; quanquam Prudentissimus , & Inuictissimus Rex Emmanuel felicitis memoriæ , qui primus non sine cælesti numine itinera Orientalium Indiarum suis navigationibus aperuit , magnam spem præbuit , id in posterum commodius futurum. Is enim superato Oceano Rubrum mare suis classibus edomuit , nihil deterritus magnitudine sumptuum , quo & Christi fidem augeret , & ad vsum nostræ amicitiae , quasi viam patefaceret , & id quoniam iam factum est , & vtraque gens alterius opibus vti potest , breui speramus fo-

fore , vt ab Lusitanis , vna cum nostris armis , omnes Mahumetani , cæterique Aethnici , ex toto mari Erythræo , ac vniuersa Arabia , Perside , ac India depellantur. Itidem & illud futurum confidimus , pace inter omnes Europæos Christianos composita , vt etiam ex Mediterraneis locis, Ponto , aliisque prouinciis , inimici crucis profligantur , *vt sit* , iusta CHRISTI verbum , *super faciem terræ vna lex ; & vnum ouile , & vnus pastor* : cuius rei oracula duo habemus , alterum ex Prophetia S. Ficatoris , alterum ex S. Synoda eremita , nato in extremis Aegypti cautibus , quorum neutrum ab altero dissentit. Et ex quo Dominus meus potentissimus , legatos Serenissimi , & Prudentissimi Regis Emmanuelis accepit , videtur fides oraculorum , ad euenta properare. Certe iam inde noster Princeps nihil magis cogitat , consiliisque & armis meditatur , quam vt Mahumetani de facie terræ deleantur. His de causis , aliisque , quas coram Serenissimo Rege Ioanne , Emmanueli filio , exposui , istuc missus sum a Domino meo potentissimo non ad friuolas , & immanes disputationes. Atque vtinam instituta , atque cona-

conatus Principis nostri , pro quibus legatus sum , Deus Optimus Maximus ad finem optimum & ad suam gloriam perducatur , Amen.

HIS omnibus explicatis obiter & brevissime aliquid de statu nostri Patriarchæ , ac Imperatoris exponam. Primum sciendum solemni ritu Patriarcham nostrum ab Hierosolymitanis Monachis nostris , qui ibi apud sepulchrum Domini habitant , suffragiis creari , idque hoc modo. Vita defuncto Patriarcha , statim Imperator noster Preciosus Ioannes nuncium aliquem expeditum mittit Hierosolymam ad Monachos ibidem agentes , ut dictum est , qui nuncio accepto , ac muneribus , quæ Imperator Dominus noster ad Sanctum Sepulchrum dono mittit , continuo aliquem Patriarcham suffragiis plurium eligunt : sed fas non est alium , quam Alexandrinum eligere , ac moribus incorruptum. Quo creato , suffragia sua obsignant , eaque legato , qui ad id venit , in manibus tradunt. Is statim Cayrum contendit , quo ubi ventum est Patriarchæ Alexandrino , qui ibi semper sedes habet , creationem illam legendam prorrigit. Cognito autem ,
quem

quem ex Alexandrinis delegerunt , virum
 tantis honoribus destinatum , cum legato
 in Aethiopiam mittit , qui ex veteri instituto
 Monachus D. Antonii cremita debet esse ,
 cum quo in Aethiopiam confestim nuncius
 proficiscitur, vbi cum magno gaudio & hono-
 re ab omnibus excipitur. In quo negotio
 aliquando annus vnus , & alter transigitur ,
 interimque Preciosus Ioannes de prouenti-
 bus ipsius Patriarchæ pro lubitu dispensat.
 Præcipuum autem Patriarchæ officium est,
 sacros ordines dare , quos nemo , ipso ex-
 cepto , aut dare aut auferre potest. Cæte-
 rum nullum Episcopatum , aut Ecclesiæ
 beneficium in viles confert. Id solum a
 Preciosum Ioannem spectat , qui omnia pro
 suo arbitrio dispensat : mortuoque Patriar-
 cha , cuius ditiones , ac prouentus amplifi-
 simi sunt , ex solida omnium illius bonorum
 fit hæres. Est præterea Patriarchæ munus
 excommunicationibus aduersus contumaces
 procedere , quarum tam arcta observatio
 est , vt præuaricatori pœna perpetuæ in-
 edixæ vsque ad mortem infligatur. Indulgen-
 tias nullas dat , neque concedit. Nec pro vi-
 lo delicto , quantumcunque magno , cui-
 quam

quam Sacramenta Ecclesiæ interdicuntur , nisi tantum propter homicidia. Ipsum nomen Patriarchatus , nostro idiomate Abunna dicitur. Cæterum qui nunc hoc folium tenet , proprio nomine , quod ex baptismo accepit , Marcus vocatur , vir centum annorum , aut vltra. Sciendum etiam apud nos Calendis septembribus annum incipere , qui dies semper incidit in vigiliam Ioannis Baptistæ. Reliqui dies festi , vt Natalis Domini , Paschæ , alique deinceps eodem tempore apud nos celebrantur , quo in Ecclesia Romana. Id quoque dissimulanter prætereundum non est , apud nos Divum Philippum Apostolum , Euangelium & fidem Servatoris CHRISTI prædicasse. Quod si libeat sciscitari de agnomine nostri Imperatoris , is sibi persuasum habeat , illum perpetuo appellari Preciosum Ioannem , & non Presbyterum Ioannem , vt hic falso passim iactatur. Scribitur enim nostro sermone his characteribus **𐤒𐤌:𐤓𐤕𐤁** , quod sonat Ioannes Bellul , hoc est , Ioannes Preciosus , siue Altus , & in Chaldaica lingua sic scribitur **𐤒𐤌:𐤓𐤕𐤁** , quod est Ioannes Encoe. Id si interpreteris , etiam Ioannis Precio-

ciofi , siue Alti significatum habet , nec est ominandus , vt Matthæus falso indicauit , Imperator Abyssinorum , sed Aethiopum : Matthæus enim , quoniam Armenius erat , non poterat res nostras perspicue scire , præsertim eas , quæ ad fidem spectabant. Idcirco multa coram Prudentissimo felicis memoriæ Rege Emmanuele exposuit , quæ minime apud nos habentur. Id autem fecit non quod mentiri voluerit , quippe vir bonus erat , sed quod in rebus religionis nostræ non admodum erat edoctus.

REGNORVM autem & imperii successio , non in filium maximum natu transmittitur , sed ad eum , in quem pater id conferre vult. Et is qui modo imperium tenet , ordine nascendi tertius est , quod pia quadam reuerentia emeruit. Cum enim filii a patre moribundo , in regniis soliiis sedere iuberentur , cæteris id facientibus , solus id facere recusauit , absit , inquit , id mihi tri-
,, bui , vt in cathedra Domini mei sedeam. ,,
Qua pietate a patre circumspecta , ei regna ac imperium tradidit. Vocatur is autem Dauid , cuius imperii ditiones tam Christianorum , quam Ethnicorum miræ amplitudinis sunt.

sunt. In quibus multi reges , & reguli , comites , barones , ac procures , multaque nobilitas inest ad eius mandata obtemperantissima. In cuius omnibus ditionibus nulla , præter peregrinam , habetur moneta. Aurum vero & argentum pondere datur , ac accipitur. Oppida , & ciuitates apud nos permultæ sunt , sed non tales , quales hic in Lusitania videmus. Id magna ex parte inde venit , quod Preciosus Ioannes semper in castris , & tentoriis versatur , quæ consuetudo ideo recepta est , vt nobilitas continue , & perpetuo se in rebus militaribus exerceat. Nec illud prætereundum videtur , nos ab omnibus lateribus circumdatos esse ab hostibus nostræ fidei , cum quibus crebro confingimus , semper secundo Marte vfi , quas victorias numinis auxilio imputamus. Ius autem scriptum apud nos in vfu non habetur , nec litigantium quærelæ libellis , sed ore peraguntur. Id fit , ne lites auaritia iudicum , & patronorum in longum protrahantur. Id quoque admonitione dignum videtur ; Matthæum non fuisse ab Imperatore nostro Dauidæ missum , ad Inuictissimum , Potentissimumque Regem Emmanuelem , felicitis
memo-

memóriæ , sed ab Regina Helena vxore Imperatoris , cognomento Manus Mariæ , qui huius Daudis , de quo loquimur , avus fuit , quæ tunc temporis ob tenellam Daudis ætatem , regnorum gubernacula administrabat , mulier haud dubie prudentissima , & sanctissima. Eadem ista Helena duos composuit libros sermone chaldaico , vt erat doctissima , quorum vnus dicitur *Enzera Chebaa* , idest , laudate Deum in organis , in quo de Trinitate doctissime disputat , & de Matris Christi Mariæ Virginitate. Alter vocatur *Chedale Chaay* , hoc est , radices solis , in quo acutissime de lege Dei disceptationes habet.

OMNIA hæc de fide , religione ac patriæ nostræ statu , ego Zaga Zabo , quod gratia patris interpretatur , Episcopus , & Sacerdos , ac Bugana Raz , nempe miles , ac Prorex prouinciæ , quæ Bugana dicitur , nec tibi in CHRISTO filiolo meo charissimo Damiano petenti , nec vlli homini talia flagitanti denegare potui , aut negare licuit duabus de causis , quarum prior est , quod in mandatis habeo a potentissimo Domino meo Precioso Ioanne , Aethiopum Imperatore , omnibus me interrogantibus de fide , religione ,

ne , ac prouincia nostra , nequid clam haberem , sed ex fide veritatem rerum scriptis & verbis exponerem. Secunda , quod operæ precium existimarem , mores , ritus , instituta nostra , & locorum situs , in publicam notitiam venire. Quas res nemini ad hunc vsque diem scripsi , nec verbis exposui , non quod ad id laboribus meis parcere vellem , sed quod nullus Christianorum hominum , postquam in Lusitaniam veni, a me talia cognoscere appetiuit. De qua re non potui , nec possum satis mirari. Te vero quem rerum nostrarum cupientissimum multis argumentis iudico , per CHRISTI plagas, ac crucem oro , vt hanc nostram fidei , ac religionis confessionem in linguam latinam conuertas , vt per te liceat omnibus piis Europæis Christianis ritus , ac integritatem morum nostrorum intelligere. Porro si tibi , inter tuas peregrinationes, Romam petere contingat , tunc nomine meo Pontificem , ac venerandos Cardinales , Patriarchas , Archiepiscopos , Episcopos , cæterosque bonos CHRISTI cultores , per IESVM CHRISTVM, in osculo pacis quæso salutes , petasque ab ipso Pontifice, vt ad me remittat Franciscum

cum Aluares , litteris illis suis instructum , quibus Domino meo potentissimo Aethiopum Imperatori respondeat , quo tandem in patriam redeam , meosque lares invisam ; nimium enim diu hic detentus fui , vt ante obitum meum , qui ex nimio senio pro foribus est , mandata perferam , reliquias deinde vitæ transacta hac legatione Deo consecrem , diuinisque rebus totus vacem. Cæterum te oro , si aliqua in nostris scriptis non fuerint satis composita , aut ordinata , vt ipse tu id ad phrasim latinam coaptas , sed ita , vt nihil de sensu immutes. Postremo te obsecro , vt inter vertendum exquiras diligenter vetus , & novum Testamentum , vt intelligas ex quibus locis meas auctoritates excerpti , quo certius veritas. Quod si omnia non fuerint tam feliciter tractata , quam forsitan aliquis curiosus , aut scrupulosus exigat , id condonandum erit inopiæ , & penuriæ librorum Chaldæorum , quos penes me non habeo , quos enim habui iniquitas fortunæ in itinere perdidit. Quamobrem destitutus omnium librorum auxilio , nihil , nisi quod recens memoria afferebat , dictare potui , sed ea omnia certissima fide. Vale filiule in Chri-

um opinionem , quæ tam certa est , vt non hoc solum , sed etiam omnium hominum animos ab Adam profluxisse asseramus , & vt caro nostra est ex semine carnis Adæ , ita quoque anima nostra , quasi lucerna in anima Adæ accensa , originem suam & naturam ex Adam trahit. Ex quo apparet nos omnes esse semen Adæ ex carne , & anima.

*De regno Æthiopiæ ac populis, deque moribus
ejusdem populi.*

VISVM est præterea , quæ de hoc Rege Æthiopiæ nostris temporibus comperita sunt, paucis summam attingere. In medio totius Africæ , quæ tertia pars orbis terrarum esse censetur, siti sunt Abyssini Æthiopes, quibus longe lateque dominatur magnus imperator David , vulgo Pretoiannes appellatus. Eius imperio sexdecim opulenti Reges parent, & ab eo ita leges accipiunt, vt beneficiario alienoque iure potius, quam suo, regna obtineant. Ipse a vetusta progenie , successionemque perpetua regii sanguinis , imperium accepit. Viget corporis viribus , ætate floret , & supra totius mundi Reges viri-

bus atque opibus abundat, & quod singularis & cumulatae felicitatis esse videtur, nunquam bello a quoquam victus, frequentissime praeliis victor, praëalta & gloriosa pace perfruitur. A meridie Troglodytas habet, gentem nudam, nigerrimam, omnium prope rerum quæ ad civilem & elegantem vitam pertinent, rudem penitus, & egenam, utpote quæ in æstuosa & retorrída regione nihil fere a solo, cælove benignitatis consequantur. Hæc gens tamen aurum fodit, & ebur præbet, & per siticulofas arenarum solitudines legendis gemmis solertissime divagatur, nec alios novit deos, quam Solem & Lunam, sed hanc maxime in honore ac admiratione habet, quod noctibus, discessu Solis, a fervore immodico refrigeratis lucem largiatur, & contra Solis iniurias una benigne & opportune inveclo tepore splendoreque subveniat. Ab occasu Manicongorum Rex fines habet, cuius regni magna est amplitudo, folique maior fœcunditas, nam fluvius ingens, quem Gabram vocant, amplitudine, incrementis, copiaque Crocodilorum & piscium Nilo per similis, mediam secans, & sæpe inundans regionem, effectis aliquot insulis, in Athlanticum

ticum Oceanum defertur. Hic Rex proxime a Lusitanis (quorum in fidem & potestatem ultro se dederat) Christiana sacra suscepit. Ab austro capillati Æthiopes occurrunt, qui ad promontorium Bonæ spei , cuneatis ibi & prominentibus terris extenduntur. Ea gens, vti prope Capricorni circulum sita , colorem oleæ maturæ defert, corporis habitus illis paulo castigatior & exilior , ita vt cursu vel incitatos equos effugiant. Ab his, cum sint astuta ac insidiosa feritate terribiles , Franciscus Almedius , dum , magnis rebus gestis India decedens, cum victrice classe ad triumphum in Lusitaniam rediret , & ad Saldanicum fontem aquaretur, interfectus est. Ab ortu vero Solis Barnegasiorum Rex Davidi subiectus Arabici maris litus attingit in sinu Adulico, qui statim rubri maris angustias intrantibus ad lævam occurrit. Ibi Delaca est insula, quæ stationem habet , & in proximo continente portus est nomine Araquincus , ita vt facile iam possit ad interiores Abyssinos perveniri , & tuto quidem itinere , cum pacata amicaque sint omnia. Barnegasiorum Rex, atque eius populus , non atra , sed flaventi & cuprea quadam nigredine tinguntur, habi-

habitus illis corporum , armorum , vestium , & ingenii , ab Arabibus ac Ægyptiis vix differt , nam nauigatione frequentissima , & terrestribus commerciis inde ea , quæ diximus , facile acceperunt.

AT vniversæ ditionis imperium Davidis magnas singulis prope in rebus recipit diversitates, cum a Cancri tropico adversum Capricorni totum immensa vastitate distendatur, unde necesse fit, ad Solis conuersiones cuncta variante natura , cælum alibi mite esse , alibi infestum , alternatis scilicet pruinis , atque fervoribus , vti magis , aut minus regio quæque ab Æquatoris benignitate recesserit. Nam vti duabus æstatibus , duabusque opimis mensibus felices , populi singulo quoque anno lætantur , ita inexhausta terræ pinguedine , & alteræ etiam binæ , vti leguminum minores messes , iterata semente proveniunt. Hominibus ita abundat , vt vel mediocri rerum tumultu decies centum millia hominum , & præterea quingentos elephantos , camelorumque & equorum ingentem numerum ad bellum instruat. Arcubus in bello quadricubitalibus , tum conto , lorica , & galea vtuntur. Abundant auro , metallisque cæteris :
mar-

margaritis , & serico ornantur , lino bombycinoque vestiuntur , lanificio enim penitus carent , quanquam omnifariam pecoribus affluant : agriculturam exercent , & rem pecuariam , bina messis , binaque illis æstas , milii , hordeique frequens usus. Quidam fesamum , alii lotum ferunt , sal fossile habent , sicut Arabes , hebeno Persico abundant & filiquastro. Aromata piperis , cinnamomi , & gingiberis legunt , venantur leones , pardales , rhinocerotes , & elephantos. Ipsi se antiquissimos hominum esse gloriantur , argumento quod indigenæ , semperque liberi fuerint , nec eos Semiramis , Hercules , Dionysius , aut ipsi etiam Romani expugnare unquam potuerint : Cambyses quoque , Rex potentissimus , ab eis uictus , maximoque exercitu exutus sit : quin & Ægyptios Æthiopum colonos affirmant , litterarumque , & statuarum usum , cultum Regum , curamque sepulchrorum , & politica omnia ab Æthiopibus accepisse. At illa verior , ac iustior huius gentis gloria , quod christianam pietatem , iam inde ab eius initiis , per Eunuchum Reginæ Candacis a Philippo Apostolo baptizatum suscepit , susceptamque tot
iam

iam seculis constantissime conseruavit , & quanquam interea , sicut & hodie , undique a Mauris , & Saracenis Mahumetis cultoribus , itemque idolatris , velut indagine , cincta , vexata , oppugnataque fuerit , non tamen ea sæua Mahumetis tempestas , quæ Romanum imperium cum Christiana religione ex maxima parte alibi disiecit , Æthiopiam , aut ditione , aut religione sua spoliare vnquam potuerit. Nec id quidem mirum , cum hi Æthiopici Reges , ab iisdem Davide ac Salomone , a quibus Sanctissima Dei-para Virgo , ipseque Christus Servator noster , genus ac stemma suum numerent , cui sit honor , & nunc , & semper , Amen.

DEPLORATIO LAPPIANÆ GENTIS.

NON indignum puto, Pontifex Maxime, in calce huius nostri opusculi, quoniam ad fidem, & unionem Ecclesiæ hæc quoque spectant, Ioannis Magni Gothi, Archiepiscopi Vpsaliæ in Regno Suetiæ (vt ab eo ad miserandam Lappianam gentem veniamus) aliquam mentionem facere. Is autem Ioannes magnus Gothus, vir est optimis parentibus, ac diuitibus, natus, sacrarum litterarum non vulgariter peritus, probitate vitæ spectatissimus, Ecclesiæ Romanæ ita addictus, ut eius causa amplissimum Vpsaliæ Archiepiscopatum cum prouentibus plus minus quadraginta millium aureorum in singulos annos, vna cum fundo paterno, amiserit: cuius dignitatis, ac bonorum iactura, ab fluctibus fortunæ agitatus, in Prussia, Gedani diu tenuiter victitans, delituit. Vbi (quod interim mihi Regis mei negotia in illis

lis Germaniæ partibus tractanda erant) cum eo, ac cum Olao Magno Gotho, eius fratre, indissolubilem contraxi amicitiam. Hos inopinate postea Vincentiæ reperi, multo tenuius, quam antea, degentes, quem locum ex illis ultimis terrarum oris, propter promulgatum Concilium, ex quo nonnihil spei sibi, ac suis calamitatibus conceperant, ad-eundum esse proposuerant. Concilio tandem intermisso, ii boni viri iam a suis facultatibus plane destituti, quibus, dum ampliores essent, sæpius in aquilonaribus illis partibus pro Romana Ecclesia pugnaverant, & adhuc (si res successisset) pugnaturi essent, Venetias emigrant, vel aliena libertate, vel suis laboribus, præsertim docendo, ac instituendo, victum quæsituri, nullis enim aliis subsidiis niti poterant, nisi quod in Numinis auxilio totam spem reposuerant. Quo cum pervenissent, solum ab Hieronymo Quirino, Patriarcha Veneto, in ipso Patriarchatu, humanissime accepti hospitantur, ubi ad hunc usque diem dilatum Concilium expectantes hærent.

SVB huius Vpsaliensi Archiepiscopatu, pars illius vastæ Lappianæ provinciæ habetur, cuius indigenæ Christi Servatoris nostri leges mini-

minime norunt , id quidem , vt a multis , tum bonis , tum fide dignis viris , dum in illis provinciis verfarer , ob turpiffimum prælatorum , & nobilium quæftum , ac avaritiam accidere intellexi. Nam fi Chriftiani efferent , liberi efferent ab illis vectigalibus , & tributis , quibus ipfi , vt Ethnici , multantur , nobilitas contra cum Episcopis ditescit. Vetant igitur eos Chriftianos fieri , ne subditi fuavi iugo Chrifti , aliquid lucelli eorum tyrannidi , & rapacitati subducant , & aliquid ex vectigalibus decrefcant , quibus gens illa miferanda ab ipsis Monarchis turpiter , & infatiabiliter premitur & torquetur: qui impatientiffime ferunt , fi illi , Chriftiani facti , non longe plus vectigalium ipsis penderent , quam cæteri Chriftiani fuis Principibus pendunt , ac proinde deformem iftum & sacrilegum quæftum fidei , ac religioni Chriftianæ , contempta tot animarum falute , anteponunt , vere habentes clauces , quibus nec ipfi intrant , nec alios intrare finunt. Avaritiam fane inexplebilem , & impietatem intolerabilem , ac a piis pectoribus armis & fcriptis , denique totis viribus expugnandam , quam proculdubio fopitam hoc tempore habuiffemus ,

mus , si hic bonus vir in pristinum suum honorem restitutus esset ; nihil enim magis cupit , nihil acrius meditatur , quam quo pacto hæc gens ad Christi fidem reduci possit ; nihil flebilius deplorat , quam quod se auctore (id quod sæpe animo voluerat) hæ miserandæ pecudes adhuc , propter impiam religionem , per Christianam fidem Christi oves factæ non sint. Nec tam queritur se ab Archiepiscopatu , vel bonis avitis depulsum , quam quod careat nervis , auxilio & facultatibus , quibus hanc Lappianam plagam & medicari , & sub Christi iugum mittere , & Romanæ Ecclesiæ coniungere possit. Id quidem postea mihi sæpius per litteras confirmavit , quibus , nondum ipse placatus , acrem huius negotii , in fine illius primæ Preciosi Ioannis legationis , (quam ipse Ioanni Magno Gotho consecraui) mentionem feci , & ne tum quidem mihi ipsi in hoc negotio satisfeci ; sed cum Erasmo Roterodamo meis litteris egi , ut causam istius rei scriptis commendaret. Postmodum in illius contubernio agens , quod mihi cum eo Friburgi Brisgoiæ ad quinque menses fuit , præsens cum præsentibus verba super eodem negotio feci. Quibus rebus

bus impulsus constituerat de hac re iustum volumen emittere , mortis tamen interuentu , operis materia , quam iam congefferat , dissoluta est. Nihilominus in suo Ecclesiaste tam nefandam impietatem non obtinuit , quæ sane talis est , vt omnes Christianos , quibus potentia , & doctrina a Deo concessæ sunt , posset quodammodo reos facere , & ab eis in ultimo iudicio coram Christo iusto iudice vindictam petere.

VIDEANT ergo Christianorum Monarchæ , quam rationem , quem calculum tantarum perditarum animarum in novissimo die ad Christi tribunal , vbi nec gratiæ , nec indulgentiæ locus est , nec blandimenta , nec assentationes recipiuntur , reddituri sint. Tu tamen , Pontifex Maxime , is iam solus es , qui huic morbo mederi potes. Tu iam is es , qui huic genti vias Domini demonstrare potes , & vt recte in iis ambulent , dirigere. Tu solus eas de inferno inferiore redimere valebis , per te parvulis Christum accedere licebit , & in virtute dexteræ tuæ a dæmonum catenis ac insidiis liberari , & copiosa Christi in hoc , & in alio sæculo redemptione frui. Vide quam palmam obtinebis si mēsis

sis illa multa , te operario, in horreum Christi comportetur. Nec dubium est, quin comportabis , modo incipias. Sunt hodierno die cum Gostawo Suetiæ , & Gothiæ Rege aliquot Magnates , ab Ecclesia Romana recisi. Sunt in ipsis quoque regnis , qui omnino ex diametro dissentiunt. Possis ad utroque litteras pro tua dignitate , & pastoralis officio dare , eosque per Christi plagas (hunc enim omnes , quanquam ab ipsa Romana Ecclesia dissentiunt , filium Dei , & Servatorem nostrum fatentur) obtestari , ut hanc Orientalem , & Occidentalem Lappiam, cum Fimmarchia , Scricfinia , & Biarmia amplissimis provinciis , quarum maior pars Christum non novit , ad eius suavisimum iugum venire permittant , ab eisque tantum aucupentur , & extorqueant , quantum alii Christiani Principes a suis subditis vel iure postulare , vel precariis exactionibus obtinere consueverunt. Ad id non tantum litteræ , sed viri quoque docti , & sanctitate vitæ probati mittendi videntur , ut hæ provinciæ Romanæ Ecclesiæ per Christi fidem coniungantur. Quibus per te , una cum Æthiopica gente , ad veram Christi legem adductis, etsi
popu-

populi irascantur, Dominus sedens super Cherubim regnet, & terra moveatur, ipsaque exultet, & insulæ multæ lætentur. Vale Pontifex Maxime in Christo IESV, Amen. Ex Lovannio Cal. Sept. Anno MDXXXX.

Lappiæ descriptio.

LAPPIA mari Botnico interiecto in Orientalem, & Occidentalem dividitur, cuius æquoris extremum, Tornia est. Ab oriente lacum album tangit, ad septentrionem varias provincias amplectens, ad incognitum se extendit. Ad occidentem Islandiam respiciens, parti Noruegiæ est contigua. Ad meridiem, ab altera Noruegiæ parte, Suetia, Finlandia, ac ab utraque Botnia cingitur. Lappia enim orientalis Ecclesiam D. Andreæ in gradu elevationis poli octogesimo quarto habet, quæ magnifico & sumptuoso templo, ac doctis & sacrarum litterarum eruditis viris ornatur. Ecclesia hæc Archiepiscopo Vpsaliensi obedit, & obtemperat, sub cuius Diœcesi sita est. Nihilominus eius circumvicini, siue incuria, siue avaritia Prælatorum, & Magnatum (ut dictum est)

est) Christum non agnoscunt. Lappia Latino sermone interpretatur inepta, siue secors provincia. Nomen puto inditum inde, quod ex nimio, & intenso frigore, solum, tanquam stupidum, minime aptum sit nec ad recipiendum, nec ad procreandum fruges. Indigenæ istius provinciæ, nervosi, & mediocris staturæ sunt, mire dexteri, & agiles in arcubus, & sagittis vtendis, quam artem iaculandi ab incunabulis sic exercent, vt puero a scopo erranti cibus non detur tantisper, donec in eum recte sagittam dirigat. Pellibus, non ineleganter contextis, loco vestium præcipue vtuntur, quibus se a frigoris iniuria tutantur. Quod ita etiam pati assueverunt, vt dum opus sit, id sine aliquo pellium munimine expugnare valeant. In tabernaculis habitant, nec domus eiusmodi alicui usui sunt, quippe sæpius hinc inde migrant. Aliam viuendi rationem quam venationis, aucupii, & piscationis non habent, in quibus plurimum præstant. Est enim provincia illa istarum rerum feracissima. Agrum non collunt, nauiculis vtuntur sine aliquo ferreo clavo compactis, quibus piscibus ære exsiccatis, ac pellibus onustis ad vicinos

navigant , vt permutatione tantum annonam & pecuniam , nullo sermone adhibito , sed folis nutibus agentes , acquirant. Id solum accidit ob linguæ barbariem , & asperitatem , alioquin in fuis permutationibus fagaces & expertiffimi funt. Gens bellicofa & animofa eft. Loco equorum vtuntur animalibus, quæ *Raingi* fuo fermone vocantur, magnitudinem & colorem afini , vngulas bifidas , formam atque cornua cervorum habentibus , fed cornua lanugine quadam coeperiuntur , & humiliora , & ramis rariora cervi (vt ipfi vidimus) funt. Hæc tantæ funt velocitatis , vt fpatio duodecim horarum vehiculum ad triginta milliaria Germanica propriant , in quorum progreflu , lento vel celeri , ex tibiærum articulorum agitatione , ad inftar nucum collisionis crepitus auditur. Religio iftus gentis eft , & ignem & ftatuas lapideas pro diis habere. Ex quavis re animata eis mane occurrente , totius diei euentum iudicant , & augurantur. Matrimonium obfervant , & mire funt Zelotypi. Incantamenti fic polent , vt inter multa alia dictumira, quæ prætermitto, naves in medio curfu retineant , fic vt nulla vi ventorum amoveri

possint. Quod malum solo virginum excremento foris navium ac transtris illitis curatur , a quo spiritus illi , vt ab incolis accepi , natura abhorrent. Lege Saxonem Grammaticum , & mira de fagis , & incantamentis aquilonaribus videbis.



DAMIANI AGOES,
EQVITIS LV SITANI,

DE BELLO CAMBAICO SECVNDO
COMMENTARII TRES.

SERENISSIMO PRINCIPI LVDOVICO
LVSITANIAE INFANTI

DAMIANVS AGOES

S. D. P.

MIRVM est , quam semper cum
ætate accrescant labores , &
deficientibus paulatim viribus maiora
negotia incumbant. Siue id arcano quo-
dam naturæ motu , Numinisque impe-
rio contingat , siue voluntate nostra id
vltro suscipiatur , vix certum constitui
potest. Mihi certe euenire video , quo
propior ad senectutem vergo , eo plu-

ra offerri , quæ scriptis ad æternitatem commendari debeant. Ea enim sunt facta præclara nostræ gentis , ea magnitudo varietasque rerum , ea novitas insularum climatumque , ut si de novo aliquis Homerus exurgeret , posset non incommode ex rebus Lusitanicis & Iliados & Odissææ argumentum non fabulose , sed ex vero , componere. Sed hæc fortassis alias tentabimus. Nunc quæ proxime acta sunt ad Gangem in tuenda arce Dienfi describere propositum est. Ex quo enim tua humanitas , Princeps Clarissime , & in bello gerundo Dux strenuissime , nobis recitavit litteras Ioannis Mascaregnæ Dienfis arcis Præfecti , laureatas , & triumphorum argumentis plenas , non potui mihi imperare , quin arrepto calamo , otioque excusso , eius rei commentarios conficerem. Quem laborem merito , fortasse ob nonnullas lucubrationunculas , subterfugere potuissemus , quippe qui iam
pri-

pridem emiserimus (quod mihi non ad iactantiam ingenii , sed ad testimonium laboris dictum velim) priorem illam Dionsem oppugnationem , ubi in fine opusculi adiuncta est nonnulla disceptatiuncula cum Paulo Iouio viro disertissimo. Deinde fidem , mores , potentiamque Aethiopum , qui sub Ioanne Precioso , siue (vt nunc loquimur) sub Ioanne Presbytero degunt , scripto prodimus. In quo libello , vice coronidis , deplorandam Lappiorum ad glaciam Oceanum degentium calamitatem Paulo tertio Pontifici proposuimus. Præterea Hispaniarum vires , opes , fecunditatemque libro complexi sumus.

HISCE commentatiunculis , licet quasi fatigatus , rudem mihi , etsi non in perpetuum , saltem ad tempus postulare possem : tamen ubi noua gloria nostræ gentis de Turcis parta meum animum denuo accendisset , in re noua

ua nouum vegetumque animum ad scribendum indui. Quod si nobis pro animi alacritate par ingenii vis, & eloquentiæ copia suppeteret: melius sese proderet hominibus rerum gestarum amplitudo, quam fortasse alius aliàs præstabit. Nos contenti erimus, ut summa fide rem tradamus, ut, si lector non audiat ex nobis, quanta sit claritas magnitudoque istius victoriæ, animo saltem concipiat, & utcumque imaginetur. Ceterum hoc, quicquid est libelli, tibi dicatum volumus, Princeps Inclyte, cuius felici consilio bellica hæc negotia domi forisque rectissime tractantur. Quod sane iam antea satis te declarasse in Tunetenſi expugnatione omnibus compertum est, ubi Carolo Quinto, cognato & fororio tuo, in difficilioribus negotiis præsto semper adfuiti, & præsens tuam animi excellentiam, virtutem, & rerum bellicarum peritiam vniuerso orbi innotescere

fcere voluisti. Quum igitur id & a te ,
 & a clarissimis fratribus tuis Ioanne
 Tertio , Inclytissimo Rege nostro , &
 Henrico Cardinale Reuerendissimo aga-
 tur , vt æternum in India sit Lusita-
 norum imperium , non putaui hunc li-
 brum de rebus Indicis , tibi iniucun-
 dum futurum , præsertim si in mentem
 veniat , vt inter legendum necessum est
 venire , quam fortunam auspicium Re-
 gis , quas vires tua in bellis peritia ,
 quid tutelæ , Cardinalis in prouidendo
 sagacitas , ad hanc victoriam contule-
 rit , & quid in posterum iisdem effici ,
 & sperari posset. Accipias igitur fere-
 no placidoque vultu hanc nostri deuoti
 pectoris operam , quod te facturum pro
 tua humanitate nequaquam addubito.
 Vale.

DE BELLO CAMBAICO

SECUNDO

COMMENTARIUS I.

COLLATORVM beneficiorum plu-
 * C * ma leuior est gratia : contra of-
 fenfarum memoria tenax , & diu-
 turna , obliuionem non finit obrepere : nec
 tam expendit , iure ne an iniuria sit læsa ,
 sed vulnus tantummodo suum adspicit , &
 acri dolore ad vindictam per æqua , per
 iniqua , contendit. Cuius rei euidentis exem-
 plum patuit in gente Cambaica , quæ a no-
 stris hominibus multis affecta beneficiis ,
 oppressa earum rerum memoria , cladem ,
 (quam sub Antonio a Sylueira sua culpa
 acceperant , dum Dienne præsidium , cui
 ille per id tempus præerat , infelicibus ar-
 mis tentant) quasi acceptam iniuriam , noua
 oppugnatione vlcisci statuerunt. Id quo me-
 lius succederet , belli consilia , quantum pos-
 sent , tegere , arma , opesque ad id clam
 com-

comparare , vt imparatis vel per infidias obreperent , vel aperto Marte ex præparato grauius adorirentur. Sed Ioannes Masca-regnas , cui arcis custodia demandata erat , vir non minus sagaci , quam forti pectore , omnia olfacere , ac procul sentire , eorum consilia conatusque explorare , omnia pro temporis angustia comportare ac præparare , quæ ad vim hostium propulsandam necessaria existimabat.

AVCTOR porro , conflatorque istius belli Coius Sopharus fuit , homo natione Italus , sed qui , spreto Christiani nominis sacramento , Mahumeticæ sectæ se addixerat , dux veteranus , ac in primis belli peritus , consilio manuque promptus , cuius mentionem in superiori oppugnatione Dienfi fecimus. Hic adolescentem Mamudium Sultatum ad arma instigare , nec finire eius animum , a commemoratione occisi ad Dium auunculi , conquiscere. Fuit autem is Badur Imperator Cambaïæ. Non debere eius manes inultos relinqui , & eius (vnde regnum acceperat) mortem negligi ; pertinere id ad ipsius ignominiam , & familiæ dedecus , ac totius gentis infamiam ; exiguam
ma-

manum Lusitanorum facile posse per bellum finibus excuti ; indignum prorsus maximum Regem premi feruitute alienigenarum ; dominatum conspiciere in regia ; regnum denique & religionem in periculum venire ; se , quicquid haberet virium , quæ profecto exiguæ non essent , libenter huic bello associaturum. Vincitur hisce admonitionibus iuuenilis animus , ac de sententia suorum bellum decernit , bellicque summa Sopharo commendatur. Is clanculum , partim ex regiis opibus , partim ex suis , magnos exercitus comparare , neque ius religionemque fœderis , initi ab interfecto Badure cum Prorege Gratiano Noronha , quicquam curare. Principio igitur finitimos Reges legationibus ad societatem vocare , spesque periculaque ostentare , quorum plerique , nostrum imperium perosi , arma iungunt , alii magna promittunt , alii se integros ad euentum belli seruant. Quæ dum maximo silentio ex vtriusque consilio aguntur , fingit Sopharus Diensium ciuitatem sibi ab Imperatore Mamudio dono datam esse. Quæ res eo verisimilior videbatur , quod & alia in ditio-
ne Cambaizæ oppida , vel gratia vel pretio
obti-

obtinuerat , e quibus vnum est Surrate , mun-
 titissima ciuitas , ac propemodum inexpu-
 gnabilis : ideoque intuenti reliquam eius
 viri amplitudinem & gratiam , absurdum
 non videbatur , tale donum in virum , tanto-
 pere apud suos excellentem , collatum fuif-
 fe. Cuius impetratio ideo facilior appare-
 bat , quod ea ciuitas subinde nunc Turca-
 rum , nunc Lusitanorum armis expugnata ,
 incerti fluctuantisque dominii esse videba-
 tur , spesque erat , si Sopharo tradita fuisset,
 eius industria , & viribus facile contra alie-
 nas opes defendi posse.

REBUS ad istum modum constitutis ,
 Sopharus litteras ad Ioannem Mascaregnam
 mittit (cuius amicitia valde familiariter
 utebatur) de sua felicitate , tanquam in-
 de magnopere gauisurum : indicabatque ,
 se iam non animo tantum , sed corpore
 quoque cum amico summo coniunctiorem
 fore. Simul legatis opera data est , vt vi-
 res nostras copiasque explorarent , homi-
 nemque orarent, vt ipsius pace liceret aliquot
 cohortes in urbem introducere , vt in rebus
 nouis ea manu sibi principatum confirma-
 ret, populumque in officio contineret, ne
 vel

vel contra se , vel contra Christianos aliquid molirentur. Ipse interim clam militem accersere, bombardasque noctu in urbem conuehere: Mascaregnas contra , rem frumentariam expedire , necessariaque in arcem comportari iubere , Lusitanosque, qui in oppido agebant , clam admonere , vt commeatum , & quicquid haberent , vna secum in arcem deueherent. Dum igitur insidiæ atrinsecus vel instruuntur , vel cauentur, nuntii aduenientes referunt totum regnum Cambaiaë esse in armis , ingentes exercitus cogi Arabum , Abyssinorum , Phartachorum , Mogorum , & Turcarum , ad quadraginta millia: machinas item bellicas , bombardasque omnis generis , inter quas erant quinque basilisci (vastæ id magnitudinis tormentum) ad arcis expugnationem comportari. Mascaregnas contra (vt est homo rei militaris peritus) omnia dissimulare , ac per litteras Sopharo gratulari , quod Regi ex merito charus esset : se probe cognoscere , quæ ipsius essent beneficia in regnum Cambaiaë , ac inprimis gaudere , ipsius virtutes debitis præmiis , si non ad plenum (nam maiora esse illius merita) saltem aliqua ex parte com-

compensari: de milite in oppidum introdu-
 cendo se illius iuri non intercedere, tantum
 cauere, ne id sibi Christianisque pernicio-
 sum esset. Ceterum ut de tempore constet,
 acta sunt ista sub finem Martii, Anno
 MDXXXVI. Paucae igitur cohortes palam,
 ceterae clanculum in urbem intromissae sunt.
 Mense Aprili maior adhuc copia armatorum
 superuenit, quorum plerique Turcici ge-
 neris erant. Enim vero iam Sophari animo
 res matura videbatur, neque differenda ulte-
 rius initia belli, dum hiemis intemperie,
 quae per ea tempora saeuire incipit, nulla
 subsidia Christianis a Prorege Indiae sum-
 mitti possent. Mascaregnas autem (magis
 ac magis se quotidie aperiente bello) de
 hoc tumultu summa celeritate ad Ioannem
 Castritium Proregem Indiae (qui id tempo-
 ris Goæ agebat) nuncios mittit, ut cognos-
 ceret, quo in metures constitutæ essent: se
 contra tantam vim non nisi ducentos quin-
 quaginta milites in præsidio habere. Eadem
 indicantur Hieronymo Menesio, & Antonio
 Sosæ, Basaini & Chaulii præfectis. Liburni-
 cæ, quæ eos deueheret, ad id negotii expedi-
 tæ, simul in mandatis datum, ut commea-
 tum,

tum , quem hostis ex illis locis deuecturus esset , interciperet , ac naues ea causa illuc missas retineret. Sopharus porro quinque millibus Turcarum , Abyenorum , aliarumque gentium urbem ingreditur , eumque circiter triginta millia latomorum , calorum , lixarum , cæterorumque , qui castrensibus vlibus mercenariam operam præstant , insequiebantur. Aderat enim Rumechanus Sophari filius , quem Rex Mamudius bombardarum omnium , machinarum , tormentorumque negotiis præfecerat. Statim igitur ab ingressu suo nuncios ad Mascaregnam mittit , orans , ne de subito eius aduentu , copiisque militum , aliquid sinistri opinaretur : rebus duris , & regni nouitate , ad talia consilia compulsus esse ; ægre ferre oppidanos mutationem Principis ; nec imperium sibi , in tanta maleuolentia , sine armis tutum esse posse ; ipsumque adeo scire , quæ scelestata ingenia incolarum essent , quam prona ad seditionem : testari igitur illius conscientiam , orareque ne , quod pro se necessario faceret , contra amicum fecisse crederetur : se inter bonas suas fortunas hanc pro summa computare , quod tam charum

caput , iam non ex longa intercapedine , sed de proximo , visurus esset. Quod si per suspiciones a colloquio arceretur , ipsum tamen experimentis cogniturum , quod fortasse iam persuaderi non posset , scilicet , quam sanctum illi sit , ac religiosum ius veteris amicitiae.

AT Mascaregnas his nunciis auditis , tametsi doli non ignarus , dissimulatione tamen pro tempore vtendum arbitratus , Simonem Pheum virum solertem prudentemque ad eum per speciem gratulandi mittit , sibi-que aduentum eius gratum esse , causamque tanti satellitii probam videri renunciat , seque nunc auide expectare , vt desiderata toties familiaritate , iam nunc deinceps multo frequentique vsu , sese explerent. Sopharus hominem magnifice excipit , exceptumque cum iis mandatis remittit , vnde nihil praeter causas belli affectare videbatur : in foedere esse scilicet , quod Mamudius cum Prorege Gratiano Noronha percusserat , vt liceret murum excitari ex aduerso arcis , qui iniurias militum praesidiariorum ab oppidanis intercluderet , quo quiescentibus , hinc inde offensis , pax bona conseruari posset. Tentandam esse quidem eius muri aedificatio-

tionem , sed armis Emmanuelis Soffæ opus prohibitum fuisse : nunc cupere se , quod ex fœdere liceret , bona eius gratia absolueret : sin secus animatus esset , se contra vim arma oppositurum. Ad hæc placere suo Regi , vt liberum sit ius nauigandi , tam in rebus exportandis , quam aduehendis , & vt cuique integrum sit merces suas deferre , quo vellet , neque eiusmodi commeandi auctoritatem a Lusitanis petendam esse : non enim Regem potentissimum eam indignitatem seruitutis amplius sustinere posse : scire Lusitanos , quæ vires essent eius imperii , ipsum tamen potius per gratiam ab illis petere , quod armis obtinere posset : proinde ne grauarentur amicitia dare , quod necessitati fortasse dandum esset. Magnificare Regem Lusitanos , ac dempta seruitute amaturum quoque , sociumque ad omnes necessitates futurum : alioqui ius sibi armis ereptum , armis quæsiturum esse. Viderent igitur , ne , dum iniqua retinent , omnia amittant : se hoste , omnia circumcirca hostilia futura : ipsos esse interclusos hyeme ab omnibus suorum subsidiis , manum exiguam esse intus in arce. Hæc se denunciare Regis sui nomine ,

ne , se (quod amici est) Mascaregnam admonere , ne bellum perniciosum in se suoque excitet : vitaret eam flammam , quæ semel exorta , Lusitanicas res in India incinerem absumat. Quod si æqua negentur , Deos hominesque testes facere , se inuitum , ruptis foederibus , ad bellum cogi : proinde faceret ipsum quamprimum certiozem , ut quod in manibus esset quamprimum conficeret. Mascaregnas ad Sophari postulata , optimum quemque usu & ætate prudentissimum in consilium adhibet , de quorum sententia tale responsum per Simonem remittitur : Ea quæ ad innovandas vel mutandas pacis leges spectarent , ad se suamque cognitionem nihil pertinere ; proinde ab ipso ea petenda non esse , ad quæ concedenda nullum ius haberet. Solummodo id imperio Proregis statui posse , quod ipsum pro diuturna cum Lusitanis consuetudine minime omnium latere posset ; rogare igitur , ut Mamudius legatos super ea re ad Proregem mittat , nec ante responsum (quum dubium sit , an quod velit impetraturus sit) arma moueat. Proregem id temporis Goæ agere , neque longe distare , non longam in medio

moram futuram. Quod ad muri ædificationem pertineret, se mirari, cur cum tanta manu ad hoc negotii a Mamudio sit missus: posse enim eius rei curam quæstoribus vr̄bis committi, quibus ne ipse quidem suam operam subtracturus esset, modo iis locis construatur murus, quibus inter Mamudium & Gratianum conuenisset. Quod si designati limites obseruentur, recte illum facturum: sin vel duos digitos vltra fundamenta opus promouerit, se non solum illi, sed ipsi quoque Imperatori Mamudio, impedimento futurum. Verum vt constaret, quantopere abhorreret a causis belli, foederibusque violandis, superesse exemplar scriptarum de pace legum, idque se nunc ei per Simonem legendum mittere. Simon igitur cum istis mandatis in castra venit, anti-graphumque Sopharo in manus offert. Quod quum ille legisset, statim cum magna animi vultusque indignatione in plurimas partes discerpsit, legatumque contra ius gentium in vinculis asseruari iubet, neque vltorius oppugnationem differendam censet: quocirca ad vigesimam primam mensis Aprilis, magna vi arcem aggreditur. Diensis autem
tem

tem arx rupibus & cuneata fronte in litus
 procurrit , ab vna parte fluuio , ab altera
 vero sinu maris alluitur : reliqua aditum
 habent ab oppido , quæ validissimis aggeri-
 bus fossisque quaquauerfus a fluuio ad mare
 vsque cingitur. Porro in fluuii alueo turris
 munitissima consistit , eoque inexpugnabi-
 lior , quod nisi summo , & incitatissimo
 maris æstu , adiri nequeat , tum enim tenu-
 es vndas ad arcem perferri. Difficultatem
 loci ea quoque parte bombardæ adiuuant ,
 quæ hostilem classem aduentantem facile
 crebris iaculationibus deprimunt. Ex alio
 vero latere limoso solo , & humili aqua cir-
 cumcingitur , vt neque pedibus , neque na-
 uiculis , immo ne lembis quidem possit adiri.
 Inter medium arcis turrisque spatium so-
 lummodo nauigationibus idoneum est , sed
 obnoxium vtriusque munitionis bombardis.

Ab ea igitur parte , qua demonstraui-
 mus arcem ad oppidum respicere , & perpetuo
 dorso continuari , quæ sola obsidioni oppor-
 tunior videtur , summa vi Sopharus oppu-
 gnationem tentat , ac in tumulo arcis vicino
 (ex quo maxima ipsius pars arcis conspici-
 tur) ex congestu aceruifque lapidum , sine

calce vallum miræ crassitudinis erexit , & ad immas operis radices , apertis inibi fenestris relictis , bombardas apposuit , superne propugnaculum istud corona pinnarum amplexus est , iustoque præsidio protinus instruxit , & ut tutum ab iniuria nostrorum iaculorum asseruaret gossipinis sarcinis undecunque muniuit. Quo opere ingenti festinatione intra vnā noctem confecto , albente iam in diem cœlo , arcem omni genere telorum oppugnare cæperunt.

DVM hæc aguntur , Ioannes Mascaregnas feruos , mulieres , ac pueros , militari operæ inutiles , nauibus quorundam mercatorum Lusitanorum , Basainam & Chaulium auntibus , auhendos tradidit. Naues item duas (quas Indi Catures vocant) summa celeritate armari iussit , ut oram maritimam legentes , hostes commeatu prohiberent. Quæ mandata impigre facientes , obnauigatis littoribus , non longo deinde temporis spatio reuersæ , etiam in hostium oculis quatuordecim naues , mercibus & commeatu onustas , intercipiunt. Quo factum est , ut iniquiore multo annona aduersarii vterentur. Et ut res suo ordine , certisque fun-

functionibus ageretur : arcis stationes Mascaregnas hoc pacto distribuendas existimavit. Ioannem Almeidam turri & propugnaculo Diui Iacobi (quod in superiori oppugnatione crebris Turcarum iaculationibus corruerat) tutorem assignauit : Ledouicum Sofam , turri D. Thomæ : Ægidium Cottinium , turri D. Ioannis : Antonium Pezannam , turri D. Georgii , quæ supra nouam arcis portam sita est : Ioannem Verzeanum mesopyrgio minori : Alphensum Eonifacium , turri , quæ D. Iacobi propugnaculo imminet : Antonium Rodericum regium quæstorem , mesopyrgio maiori : Antonium Frærium legatum , turri supra veterem portam sitæ : singulis feruæ istorum , ad stationum custodiam , viginti traditi milites sunt. Nam tunc temporis arci maiores defuere copiæ , & militum inopia summopere laborabatur. Præfecti autem isti , ea quæ ad arcis , suarumque turrium defensionem pertinere existimabant , summa cura , & studio protrili die noctuque faciebant. Eodem tempore paulo supra illud vallum , quod hostes excitauerant , non minori firmitudine aliud quoque versus mare excitarunt , cui etiam aliud

aliud simile adiicitur : eoque flexu anfractu-
que murus deducitur , vt opus magis laby-
rinthicum , quam alterius generis esse vide-
retur. Idque eo factum est , vt septis illis
flexuosis à nostrorum telorum iniuriis prote-
gerentur : & quanquam nostri hostium co-
natus omni perseuerantia contentioneque
impedire contendissent, nihilominus eo mu-
ro curuo , sinuosoque progressi ad manus
iactum , proxime arcis mœnia , consistunt.

INDE ex congestis lapidibus aliud opus
conficiunt , tredecim pedum crassitudine ,
sed a tergo validissimo aggere suffultum, quod
a ripa ad ipsum litus deducunt , castellis-
que communiunt. Inde (vt loci natura fe-
rebat) ex castello in castellum , continuatis
munitionibus , arx penitus vallo circumda-
tur , in iisdemque castellis omne telorum
bombardarumque genus imponitur. Itaque ,
opere finito , acrius solito arcem sæpe tenta-
bant. Interea Mamudius Regio comitatu
stipatus , Ciuitatem (operis visendi gratia)
ingressus est. Dum hæc ab vtraque parte
agebantur , per exploratores certior fit Mas-
caregnas , decreuisse Sopharum , turrim ,
quam nostri in fluuio , vt demonstraui-
mus ,
sitam

fitam habent , inuadere : collectis ad id ratibus , vna cum naue oneraria perquam magna , cuiusdam sectæ Mahometanæ mercatoris , quam in portu ad eos vsus retinuerat. In qua tabulatum eius altitudinis , quod turris supremum tabulatum æquare posset , extruere curauit , quod circumquaque pluteis (vt nostrorum jacula repelleret) sic confirmauit , vt nisi summa ope expugnari posset. Re cognita , Mascaregnas Iacobo Lacteo , quem nauibus illis duabus , quarum antea meminimus , præfecerat , negotium committit. Is maximo silentio , tacitoque remigio oppidum versus naues suas noctu eduxit. Verum antea quam immineret onerariæ naui , quam incendio delere proposuerat , aquarum strepitu , & murmure , quem remi excitabant , cauere non potuit , quin insidias suas excubitores hostium perciperent. Quare clamore sublato , totus exercitus in armis profiliuit. Id quum a nostris esset animaduersum , celeri cursu in nauem impressionem faciunt , ignemque iniiciunt. Sed quum incendium ex voto non succederet , & hostes impetum in nostram classem facere conarentur , viginti circiter milites

ex

ex nostris hostium nauem conscendunt , funibusque ancorariis præcisis , remulco , vno solo milite læso , nauem ipsam ereptam (hostibus contra nitentibus) ante arcem deducunt , ibique igne iniecto , penitus absumunt. Quæ res Sophari animum non parum fregit. Nam proposuerat eam turrim antea capere , vti facilius arcem , loci eius commoditate adiutus , expugnaret. Neque fane temere eius rei concepta spes : quoniam capta turri illa , subsidiariæ nostræ naues ad arcem appellere , non nisi cum summo discrimine & labore , valuissent. Hæc ea nocte , quæ diem Paschæ Seruatoris nostri præcedit , acta fuere. Nostri igitur , dum de redempto humano genere salutiferum diem , & iam de hostium clade lætum festiuumque miris gaudiis ouationibusque celebrauerunt , spe omnino erecti sunt , tanquam in cæteris quoque victores futuri. Quum igitur negotium in eo statu esset , & perseueranter hostes in arcem impetum facerent , idque non sine vtrorumque clade , ob tormentorum assiduam iaculationem , & hyeme instante nostri de subsidio ferme desperarent , decima octaua Maii , Proregis filius natu minor

Fer-

Ferdinandus Castrius , cum cæto minoribus longis nauibus , (incolæ Catures vocant) difficilioribus vsus tempestatibus , ante portum apparuit. Nauium præfæcti , Georgius Vascogoncellus , cui duas ex eo genere nauium Prorex ad littus Cambaicum explorandum commiserat , Franciscus Almeida , Petrus Lupius Sofa , Antonius Cugna , Diodocus Silvius , Diodocus Reinofus , cognomento Soto maior. Quibus appullis , frustra se obiciente hoste , per pseudothyron siue clancularium ostiolum , quod in minori brachio muri adapertum fuit , nullo accepto damno , læti in arcem , cum ingenti omnium gaudio , recipiuntur. Post quorum aduentum , militem iubet Mascaregnas recenserî. Inuenti sunt ferme quadrigenti quinquaginta , omnes fere illustri loco nati , manu strenui , & ad vsus bellicos fati commode instructi. Pro copia igitur auxiliorum , plures stationarios singulis locis deputat , omnibusque quid agendum ibi , quave ratione excubandum esset , exponit.

Post Ferdinandi Castrii adventum , Mamudius & Sopharus naues instruunt , quibus , ne aliud subsidium ad arcem accederet ,
pro-

prohibere nitebantur. Hæ aliquot ex nostris, commeatum in arcem deportantes, interceperunt : nonnullas etiam fugæ se mandare coegerunt. Verum huic hostili classi, ingruente iam atque adeo ingrauescente hyeme, necessarium fuit portus obsidionem relinquere, ut subducta in terram a procellis tuta esset. Superius demonstratum est, Mamudium Cambaiæ Regem, muro absoluto, turribus vallisque constructo, operis visendi causa in oppidum venisse. De cuius aduentu certior fit Mascaregnas, per captivum quendam, quem sex milites nostri a Ferdinando Caruallo, præfecto illius turris, quæ in fluvio est, ad hostilia castra exploratum missi, in ipsis aggeribus interceperunt, quare ob aduentum regium ingentia signa lætitiæ, bombardarum tonitru, tubarumque classico edita fuere. Rex autem vigesima quinta Iunii mane, ante solis ortum, oppidum ingressus est. Qua hora tres iustæ magnitudinis testudines nostri, super hostium vallum erectas, dubiis oculis utcunque animadvertunt, subterque eas ingentis formæ basiliscos tres, munitiones quoque, ac castella quoquo versus ad confligendum, nova ratione composita.

ſita. Quibus vix , diluceſcente crepuſculo matutino, plene cognitis, conſeſſim hoſtes ad turres Divorum Thomæ , Iacobique , & ad murum iisdem turribus interieſtum , effuſiſſima glandium iaculatione contendunt. Maſcaregnas autem , quum quorſum ii animum applicuiſſent , animadvertiſſet, eas turres, vna & murum , intrinſecus aggeribus validis obveſtiri curat , turrique Divi Thomæ , quam cuniculatim ſuſpicabatur hoſtem euertere conſtituiſſe, tranſuerſis cuniculis , incredibili labore induſtriaque ſuccurrit , ac ex ipſa turri hoſtium teſtudines baſiliſci leonisque iſtibus impetere iuſſit. Quæ res ſummum detrimentum adverſariis intulit. Veruntamen ad quinque dierum ſpatium , iaculatione hoſtium continua , telorumque aſſiduitate concuſſa turris Thomæa , tandem finditur , pinnaeque Iacobææ ferme omnes mutilatæ. Neque id tamen ſine hoſtium exigua noxa. Nam qui turri D. Thomæ præerant , hoſtium duobus baſiliſcis deturbatis , tertium in partes frangunt. Nec id rurfus abſque noſtrorum periculo factum , quum, nullo intermiſſo tempore , in ipſam turrim tanta globorum copia deuolueretur , vt ex iis qui ſtu-

pam

pam ignitam bombardis admovent, nemo præ metu id ad muneris se præsto exhibere auderet.

NEQVE id mirum, quum tanta dexteritate hostes ineuitabilibus ictibus iacularentur, vt si quem nostrorum ad bombardarum fenestras intuerentur, subito quinque sexve globos recta in illum coniicerent. Præterea tormentum, quod in sublimis globos euomit (mortarium vulgo dicitur) tantæ erat magnitudinis, vt glandes torqueret octonum in ambitu palmorum. Hoc e regione turris D. Ioannis loco decliui collocauerunt. Huius impulsu & concussione tantus terror a nostris conceptus est, vt quoties globus desuper in arcem irruere inspicerentur, de se quisque actum esse, in animo præfagiret. Is enim, cuius industria negotium hoc tractabatur, eius artificii erat, vt nullum vnquam iaculum frustra emitteret, sed omnia introrsum in arcem reciderent. Quo artifice (vt ex captiuis postea scitum est) ictu bombardico a nostris interempto, hostes in demortui locum, alium sufficiunt, de cuius opera idem sperabant, sed frustra. Nam cum arte careret, globi, quos in nostros dirigebat,

bat , imperitia mittentis , in ipsorum castra corruerant. Quo errore imperitiaque mittentis , ex suis tribus occisis , a mortarii iaculatione in totum supersederunt. Præter hæc omnia , hostes duas testudines nouo rursus labore , e regione turris D. Ioannis , quæ cæteris angustior , infirmiorque erat , excitaerunt , a qua , ad Iacobæam vsque , totius belli vires applicare constituerant. Quibus singulis singulos basiliscos , ac alias item machinas bellicas acommodant eo numero , quem necessitas ipsa requirere videbatur. Itaque opere constructo , eodem die acriter vltro citroque prælio dimicatum est. Inter pugnandum , globus ex arce emissus , iuxta pedes Regis Mamudii , quendam eius cognatum occidit. Qua re territus rex , vndecimo ab aduentu suo die , castra deferuit , ad Madabam regiam ciuitatem se conferens , inde militem & necessaria exercitui expediturus. Ipse autem siue timore , siue alia de causa , postea reuerti noluit. Descendens vero , Iusarcano viro & potenti , & virtute summa , summaque prudentia prædito (cuius consilio & solerti opera tum in re bellica , tum in rebus aliis plurimis utebatur)
regi-

regiam legionem attribuit , & belli vna cum Sopharo negotium commisit. Post Regis discessum , hostibus adhuc in continuo labore perseverantibus , globorum assiduitate D. Thomæ Ioannisque turres vna cum mesopyrgio evertuntur. Cuius molis ruderibus fossa oppletur. In eo vallo (cuius ante meminimus) turris vndequaque cratibus vimineis circumsepta , intus oppleta faxis & cespitibus , (nonnulli frondeas , alii corbitas vallares appellant) ab hostibus in sublime educitur. Hanc iuxta arcis fossam ea erigunt magnitudine & altitudine , vt libere , quid intus ageretur , conspicerent. Quamobrem nullibi nostris tuto consistere aut versari licebat. Cui detrimento Mascaregnas vt succurreret , tum quod ob fossæ profunditatem cuniculis obrepere , suffodereque eam non poterat; tum etiam quod saxa rupeſque , in quibus illa arcis pars extructa est , impediebant: introrsum (vt locus patiebatur) turriculam ad eam altitudinem ædificat , qua hostium turrim nostri manualium bombardarum globis commode impetebant. Inde vtranque turrim nostri qua poterant virtute defendebant. Huic turriculæ Antonium Pezannam curatorem esse

esse voluit , qui sua annona , suoque sumptu , quadraginta milites sibi ad eam custodiam attributos alebat. Stationem autem , quam antea asseruabat , Ioanni Verzeano commisit. Eo tempore non pauci desiderati , & permulti in arce vulnerati fuere. At hostes , quum se interdiu non satis vtiliter manus operi admoliri viderent , noctu , quicquid poterant , extruebant. Quem eorum successum Mascaregnas , candelabro ad id ingenti accenso , impediēbat , cuius splendore omnes , qui vel vallum aggrediebantur , vel materiam portabant , conspici facti ictibus bombardarum patebant. Interea loci tumultus ingens , terra , cespite , lapideque constipatus , in templi atrio excitatur , cui basiliscum , tutelæ alioqui portus destinatum , superimponunt : cuius iaculatione turris cratæa in tantum quassabatur , ut nemo hostium ad eam accedere amplius auderet : veruntamen quum ipsorum numerus indies augeretur , vicit multorum ac integrorum semper recens labor paucorum , & ex continuo opere exhaustorum , exiguitatem. Itaque vallo ad ipsam arcis fossam , quo per gyrum ab utroque cornu cingebatur , absoluto , cuniculis

lis instar musculorum , quos palmarum truncis frondibusque argilla permixtis desuper contegebant , ne a flamma vrerentur , ad fossæ crepidinem perveniunt. Cui operi per sexaginta dies summo studio & labore hostes incubuere. Eoque vigesima Iunii finito pro voto , cuniculatim ad fossam pertingebant. Inde ex asseribus appensis canales derivant , quos ne nostri bombardis saxisve dissiparent , tignis duplicatis coriisque contextis integunt. Qua contignatione inoffense die noctuque rudera , lapides , & omnis soluta materies in mediam fossam , turribus Diuorum Thomæ , & Ioannis interiectam , defluebat : idque ea arte , ut nostri præter effluentem materiam , neminem ibi conspiciere possent. Quin neque ii , qui fossam ipsam opplebant , quenquam inferne superneve videre poterant.

INTERMEDIIS istis temporibus , noctu assidue ex stationibus hostium atroces iniuriæ verborum nostros prouocabant , ignauiam illis obiicientes , quæ , si strenui fortessque milites sint , conclusi , tanquam pecora , inter munitionum septa teneantur , idque ad imperium imbellis ignauique ducis ? Nam

Anto-

Antonium a Silueira , si eiusmodi militibus , tamque rei militaris ex tam longa assuetudine bellorum peritis , præfuiſſet , nunquam paſſurum fuiſſe , quin aperto , & libero Marte , ſingulis contra ſingulos dimicantibus , ſuam quemque virtutem oſtendere permiſiſſet. Contra , ſub hoc duce , ſuperiore arcis oppugnatione , nullum egregium ſpecimen a quoquam ipſorum præbitum eſſe : concluſos tantum murorum obicibus , quicquid egerint , ex inſidiis doſoſe , non vera virtute , egiſſe. Quouſque tandem imbellem hunc ducem paterentur ? Quas verborum iniurias Maſcaregnas prudenter diſſimulanterque ferebat , ſuorum militum raritatem , & quorſum hoſtes tenderent , facile cognofcens. Attamen ne prorſus reſponſo carerent , in eam partem , qua voces audiebantur , miſſilia omnis generis quocunque euentu dirigi iubebat. Erat in immo arcis veſtigio poſticum ſecretum , iuſſu Diodoci Lupi Soſæ iam pridem conſtructum , ex quo ad foſſam latentes aditus aperiebantur. Id ſub ruderibus tanquam inutile , obrutum , obteſtumque iacebat. Hoc non ſegniter Maſcaregnas purgari & reſodi

Z

impe-

imperat , foribus postibusque robustissimis communiens. Inde materiam collapsam, quo poterat silentio , furtim subripiebat : atque ita hostium per totas noctes continuum laborem , sola diuturna opera , frustrabatur. Qui cum in fossam respicere nec possent , nec auderent , bolide per canalem demissa , cumulum explorabant , cuius eminentior pars ferme iam ad canalis ora pervenerat. Hoc cumuli fastigium , summa diligentia , ne corrueret , Mascaregnas providebat, & ne furtum suum palam fieret , uti hostes , eo labore impediti , nullas alias rationes oppugnandi tentarent , tantum , astu conatus ipsorum eludens , rudera ex tumuli base suffurabatur. Quæ quum multorum studio & labore agerentur , assiduitate absportandi fodiendique fieri non potuit , quin ipsius cumuli fastigium sensim collaberetur. Ob id factum , quum ab hostibus bolis postea demissa esset , & funis quo appendebatur , latius solito sese distenderet : animadverterunt se tandem misere frustrari. Qua re attoniti cumulum oculis (omni periculo posthabito) contemplari constituunt. Ibi nostros in ipsa fossa occupatos vident , visosque protinus

telis desuper incesſunt. Vbi inter alios Antonius Frærius legatus , iaculis conſoſſus , occubuit. Acerrime igitur vtrinq̃ue , donec nox ſuperueniens conſlictum dirimeret , ad foſſam dimicatum eſt. Senefcente ſub tenebras pugna , ſecundũ poſticum Maſcaregnas lapideum muſculum uſque ad rudera per noctem producit , quem trabibus aſſeribusque deſuper impoſitis , terraque accumulatis , ea ratione firmavit , vt tuto reliquam in foſſa materiam inde auerherent. Itaque vnius noctis inſtanti opera , lãboreque continuo , munitione illa abſoluta , quum mane ab hoſtium excubitoribus cerneretur , rei nouitate turbati , ad Sopharum concurrunt , remque ei omnem aperiunt. Ille ſtupefactus , noſtrorumque pertinacia ſolertiaque admirabiliter attonitus , ſe cum omni celeritate ad ſtationes proripit. Ibique , vt rem oculis contemplaretur , capite (vt poſtea comper- tum eſt) ſuper manum dexteram reclinato , extra murum gutture tenus emicuit. Stupefactus deinde , & deſperatione æger , ſuique immemor , dum longius , quam ſibi expedi- ebat , deliberandus ſubſiſtit , bombardæ glo- bus forte fortuna ex arce demiffus ipſius

manum integram vna cum fincipite raptim abstulit , ipse vero subito ex vallo mortuus concidit. Cuius mors , vti suis funebris & calamitosa , sic nostris perquam optabilis fuit. Erat enim Sopharus , vt siquis alius , prudens , sagax , cautus , vafer , rerum gerendarum peritissimus , militaribus vero stratagematis nemini suo tempore cedens. His naturæ dotibus , infestissimum in nos odium coniunxerat , viresque suas quotidie augebat , quum eum intelligerent vero animo , deserta religione Christiana , ad Mahumetum defecisse. Nec dubium , quin , si diu urnior ei vita contigisset , nobis victoriam difficiliorem impeditioremque fecisset.

COMMENTARIUS II.

C OIO Sopharo interfecto , aliquot diebus languidius hostes in opere versabantur. Variæ enim sententiæ militem distinebant. Nam pars castra mouenda sentiebat , nec temere amplius bello pernicioso incumbendum esse iudicabat. Alii vero de ducis electione hæsitabant , nec Rumecono
So-

Sophari filio parendum arbitrabantur. Cæteri Regis voluntatem suffragiumque expectandum censebant, ut, quem ipse vellet, ducem constituerent. In quam sententiam tandem est itum. Itaque protinus ad regem hac de re nuntii dimittuntur, eoque iubente, Rumecanus præpositus exercitui, & belli imperator pronuntiatur. Qui celeriter, summaque diligentia & continenti labore, quinque subterraneos musculos fodit, quos in eam partem, ex qua nostri per posticum (ut demonstratum est) de fossa rudera furabantur, nouo fabricandi ordine ac ratione dirigebat. Sed quum per vim tormentorum, opus a nostris impediretur, eximiis palmarum truncis ad ruinas illius turris (quam crateam vocauimus) duas ligneas turres tæniis intertextas cum tabulatis extruxit, quibus testudines binas apposuit, & sub testudinibus singulis singulos basiliscos collocavit, quorum iaculis deturbatis nostris, hostes ex aduerso postici ad labra marginesque fossæ penetrarunt. Eo quum ventum esset, super musculum, per quem nostri materiem in fossam deiectam subripere consueuerant, tantam lapidum saxorumque vim prouo-

prouoluunt , vt penitus muscoli compages
dissolueretur. Quo labente , territi nostri ,
faucisque nonnulli , pedem referre coacti
sunt. Hostes inde liberius , fossa superata ,
cunem rudum lapidumque colluuiem in
eam proiciebant. Itaque negotio multorum ,
laboreque assiduo , semper manu maiore ad
opus confluente , posticum omnino obrutum
sepelitur. Quo obstructo , quum nostris am-
plius usui non esset , maiore hostes vsi liber-
tate , fossam rudere adimpebant. Eo ipso
tempore , cum permulti ex nostris , vulne-
ribus ægritudinibusque affligerentur , & non
pauci morte confecti essent, Mascaregnæ ali-
am celocem expedire necessarium visum
fuit, cui Ioannem Coelium arcis sacerdotem
præfecit , eique litteras ad Proregem , &
Præfectos præsidiorum Baziani Chaulique
dedit , quibus subsidiarias copias omni ce-
leritate mittendas esse indicabat. Alioqui ,
si festinationem adhibere desisterent , nostro
Indico imperio summum periculum immi-
nere. Hostium enim numerum indies auge-
scere.

EODEM ipso tempore , quo nauis illa
cum nunciis euecta est , quatuor millia sele-
cto-

Etorum régis Cambaïæ militum in castra ve-
 nere. Quorum aduentu læta festiuaque ibi
 omnia , & hominum tympanorumque stre-
 pitu vndique perfonare , copiasque illas (qua-
 si recenserent) sub oculis nostris in acie dis-
 ponere , ac tandem agmine composito cir-
 cum munitiones immani clamore ac barbaro ,
 quasi si victoriam in manibus certam habe-
 rent , ad arcem contendere. Sed iētibus tor-
 mentorum pessime accepti , impetum teme-
 rarium reprefferunt. Interea dum ista fiunt ,
 ab incepto opere nihil remissum est , sed
 continuo labore illam fossæ partem , quæ ad
 turrim D. Ioannis pertingit (quam diximus
 Aegydio Cotinio commissam esse) lapide ,
 rudere , omnique materia complere , atque
 iuxta Thomæam turrim malos eius altitudi-
 nis erigere , vt cacumina eorum nostras mu-
 nitiones excederent , iisque malis assères
 scandulasque loco scalarum ex aduerso cla-
 uis affigebant , atque ita sursum ascendere
 conati. Nostri vero ignibus & acri pugna il-
 lis occurrere. At hostes contra , harpagoni-
 bus materiam valli nostri diripere , magno-
 que periculi contemptu scalas complere.
 Contra istam hostilem pertinaciam nostri
 ali-

aliam rationem defensionis instituunt. Fasces ligneos caudicales ferro connexos, catenisque colligatos, commixta interius pice, resinaque, aliaque omni materia, quæ ignem facile corripit, & diutius alit, alios superne iniiciebant, iisque ignibus permultos ex hostibus combussere. Quod tametsi sæpius hostes fieri viderent, æque tamen in labore persistentes, pro nihilo nostrorum conatus facere: reiectoque timore, suos qui ibi aut icti, aut deusti cadebant, de fossa deducere: alios protinus in demortuorum locum sufficere. Et quoniam opus multorum subsidium requirebat, oppidanos mulieresque etiam ad id negotium cogere, materiamque ad fossam comportare. Quo operarum continenti labore (nam numerus quadraginta millia excedebat) tumultum ex terra palis, ligonibusque eo studio inuehant, ut quamquam ex arce persæpe globis hastisque impeterentur, tamen istiusmodi cladibus ab incepto deterreri nequiverint. Itaque post id temporis per supremam musculorum partem ligneas testudines duplicibus elephantorum coriis conglutinatas promouent, super quas (quum iam ex materia, quam hostes accumu-

laue-

lauerant, prorectæ essent) 'per tumulum, quem demonstrauimus palis deportatum esse, aliæ meant testudines, quibus defensi, ex fossæ labro in murum concurrere satis commode valebant. Cui insuper operi a lateribus duos hinc inde fortissimos pluteos instar parietum obiciunt, quorum munitione iacula ac cætera missilia turrium Diuorum Ioannis Thomæque cohibebantur. Quo tempore tam assidue ex hostium munitionibus iaculatum est, vt nostri tum ob incredibiles labores, tum propter immensas vigilas, resistere nulla amplius ratione possent. Sed antea quam hi plutei excitarentur, Mascaregnas suspicione permotus, hostes cuniculatim velle ambas has turres subuertere, transuersis cuniculis periculum rei antevertit. Hostes denique quum propinqui sub mœnibus agerent, ad propugnaculum D. Ioannis, specum inter durissimas rupes mallemis excidunt, per quem deni pariter viri non incommode ingredi valebant. Priori Commentario diximus, Mascaregnam inter duas prædictas turres interiori aliam subsidiarum construxisse, ex qua quadraginta milites telis spiculisque commode ambabus succu-

succurrere possent , atque huius custodiam Antonio Pezannæ tradidisse , & ea , quæ illi prius commissa fuerant , Ioanni Verzeano concedita esse. Nam is suis militibus , quos adhuc integros ferme omnes habebat , & turri illi , & minori mesopyrgio subuenire poterat. His ergo ita in suis stationibus manere iussis , Antonium Rodericum quæstorem Ferdinandio Castrio , qui infirmiores arcis partem tutandam susceperat , socium adiunxit , ut simul vigilias & hostium impetum alacrius sufferrent. Hostes vero nouo astu , & muro (ut diximus) dirupto , arcem segnius solito infestabant.

SENESCENTE igitur in ea parte hostili contentione noctu Simonem Phæum , hætenus in vinculis habitum , ad munitiones nostras producunt , qui alta voce , Rumecani nomine , rerum statum , & quam proximi cladi essent , declararet. Quapropter si dedere se velent , & arcem sine sanguine inoffense tradere , Rumecanum omnibus liberum exitum commeatumque permissurum : naues etiam (si nobis eius rei penuria esset) bona fide daturum : sin secus animati essent , esse in proximo omnium interitum : eligerent

rent vtram partem mallent. Quod si belli potius , quam pacis , fortunam approbarent , se sequenti die arcem , omnibus collatis copiis , inuasurum. At Mascaregnas his auditis , eum statim discedere iubet , & in comites deductoresque , si pedem referre nolent , omnes bombardas se se exoneraturum minatur. Diceret igitur Rumecono , ipsius aduentum assultumque quocunque in tempore optatum expectatumque fore. Hoc sermone habito, omnia hostes tormentorum globis complere : quorum improuisis ictibus , duo de nostris (qui vt Simonem Phæum rectius audirent , murum ascenderant) interempti sunt. Itaque hostes nullo tempore remissa contentione , decima nona Iulii sub occasum solis , arcis muros , quos penitus suffoderant , denuo impetunt , idque tanta animi presentia & obstinatione , vt nostros de salute sua propemodum in desperationem adduxerint. Sed ope , & opera Ferdinandi Castrii , illi qui murum conscenderant , erant autem numero triginta, omnes viri nobiles , vt ex habitu apparuit , interfecti sunt. Quod videntes hi qui istos sequebantur , morte ruinaque suorum consternati , ab oppugnatione-

tione refugiunt. Qui tametsi sæpe a mœnibus reiecti essent , magnis acceptis calamitatibus , nihilo tamen minus tempus , quod oppugnationi idoneum existimarent , remittebant , sed continuo labore opus illud (quo confecto , arcem omnium simul impetu aggredi proposuerant) absoluebant. Eo itaque pro ipsorum arbitrato finito , fossaque sic ad votum exæquata , adeo ut nullo negotio ex munitionibus in muros recta pergere liceret , per omnia oppidi phana noctu sacra faciunt , seque , suamque vitam Mahumeto ad omnia pericula deuouent , peierantque se , nisi capta arce , redituros non esse. In his sacrificiis , uti ex voto litarent , per summam religionem copiose luminaria per vicos omnes & compita incenderunt. Quo ignium splendore Ferdinandus Carualius, turris illius Præfectus, quam in fluminis alveo habemus , quum homines cateruatim ad templa concurrere animaduertisset , rei nouitate permotus , ad Mascaregnam eodem momento scapha clanculum traxerit. Qui , re cognita , omnes admonet , præsentique ut sint animo , adhortatur. Vigiliis distribuit , eosque tota nocte in armis esse iubet. Ea nox D. Iacobi vigiliis

Iis sacra erat. Sequenti igitur die , quæ fausta ac bene ominata hominibus Hispanis erat , propter Hispaniarum patronum D. Iacobum Apostolum , duabus horis ante luciferi exortum mœnia invaduntur , impetufque ab hostibus in arcem fit , quapropter protinus signo dato ad muros concurritur , D. Iacobum per summam alacritatem multa acclamatione celebrantes. Ibiq̃ue maximo armorum strepitu & acri pugna dimicatio incenditur , in qua Ludouicus Sosa iuuenis strenuus, Thomææ turris Præfectus , aliquot de suis militibus impigre pugnantes amisit : nam illum locum omnibus rationibus expugnare decreuerant aduersarii. Sed iuuenis tum maiorum suorum exemplis , tum generosa suamet indole erectus, locum inter summa pericula cædesque promiscuas , magna animi presentia , vitæ sanguinisque contemptu defendit.

INTEREA loci , quum Mascaregnam , ut omnibus locis succurreret , rei necessitas huc illuc versaret , vigiles qui ad maritimum arcis latus excubabant , quum loco ob scopulorum asperitatem minus timerent , relicta custodia (ut dimicantibus interessent)

ad

ad prælii locum sese conferunt. Quo tempore , siue casu , siue quod solitudinem animaduenterant , quum æstus defluuium , mareque decrefcens hostibus commode inferuiret , qui vbique locorum excubabant , Iuzarcani milites selectiores numero sexaginta , in scopulis tacite positis scalis , rupem conscendunt , iisdemque sursum in murum translatis , omni silentio profiliunt. Quos quum duo milites , qui per arcem concurrabant , splendore ignis conspicerent , protinus ad Mascaregnam procurrunt , quem vnico puero signum anteferente comitatum reperiunt , eique alta trepidaque voce arcem ad litoralem partem ab hostibus occupari vociferantur. Quibus silentio imposito , ne recognita qui prælio aderant , animo deiicerentur , ad eum locum , quem hostes occupant , sese proripuit : ex iisque , qui nuncium attulerant , alterum socium assumpsit , alteri imperat , vt omnes quos in arcis plateis inueniret , ad se remitteret. Itaque quum ad occupatum locum ventum esset , hostes ad sexaginta intra mœnia deprehendit. Quos vix discernere licuisset , nisi globi & amphoræ ignitæ , quæ vltro citroque ad aliud arcis
latus

latus iaciebantur , splendorem aliquem præbuisſent. Iam eorum ferme viginti ſupra domorum tecta conſcenderant , ibique duobus militaribus ſignis erectis affidebant. Cæteri vero domos ingreſſi , quidquid obuium erat , diripiebant , cunque mulierculis animo conſternatis (quaſi iam rerum potiti) minaciter colloquentes , pecunias exigebant. Quarum nonnullæ virilem animum ex neceſſitate induentes , correptis in manus haſtis , iam non muliebritur eos extra tecta pellere contendebant. Maſcaregnas autem nonnullis militibus iam ſtipatus , in hoſtes impreſſionem facere , omneſque , qui tecta conſcenderant , humi detrudere : illi contra , coacta manu , acriter pugnare : tandem plurimis interfectis , vno viuo capto , de mœnibus ſeſe præcipites dare ; ſed ſcopulis acutis , præruptiſque faxorum inter cadendum excepti , omnes miſere dilaceratis membris interiere.

HAC re ante diei crepuſculum geſta , protinus ſe Maſcaregnas ad ſtationes contulit , inibique quum iam ad noſtros victoria inclinaret , ſed præ laſſitudine languidius aliquanto agerent , nouos illis ſpiritus ſua oratio-

tionē iniecit. Quare , prælio redintegrato , pugna denuo recrudescere cæpit. Tandem hostes , remissius solito resistentes , receptui carent. Sed quum luscante die suorum cladem oculis discernere , quorum permulta cadauera , truncata & misere lacerata , in fossa iacebant , dolore & ira perciti , tanquam vesani furentesque , denuo in nostros inuolant; eodemque , quo cæperant impetu , ad quartam diei horam dimicatum fuit. Sed tandem nostri ad plenum victores euaserunt , quanquam non sine multo suorum sanguine. Nec solum viris ea victoria , verum etiam muliebri audaciæ attributa fuit : nam inter eas matronas , quæ militibus ad stationes (oppugnatione durante) necessaria apportabant , non paucæ inuentæ sunt , quæ sagittis aliisque missilibus læsæ , tragulas & spicula propria manu euellerent , ac vulneribus obligatis , cruentæ etiamnum , ad eadem munia quasi integræ intactæque recurrerent. Hoc certamine circiter mille hostium , præter vulneratos , cecidisse constat. Inter quos etiam occubuit Iuzarcanus dux. In cuius locum fratrem eius natu minorem , Mamudius gratitudinis & liberalitatis ergo , sufficit

cit, eiusdemque dignitatis nomen ac titulum attribuit, ut Iuzarcanus vocaretur, Marchionem ipforum lingua significante hoc vocabulo: omnem insuper fratris ditionem ei concessit. Ex nostris autem faucii quamplurimi fuere, desiderati septem tantum, quos Mascaregnas tubarum clangore, sonituque tympanorum, necnon hominum cantu, festiva solemnitate potius quam lugubri mœstitia in templum deportari, sepeliri que curauit: partim, quod de religione Christiana ita meruerant, ut mors illorum in conspectu Domini preciosa, epinicia, & martyrum hymnos potius, quam lugubres exequias & tristes nœnias requirere videretur; partim, ut militum animos erigeret ista in tam arctis rebus alacritate, & in mortuos gratitudine. Simul ut intelligeret hostis, rem sibi cum hominibus esse, qui non modo suorum mortibus animo non conciderent, verum etiam mortem huiuscemodi charam optatamque haberent.

SECUNDA ab hoc prælio die, pomeridiano tempore, hostes iterum ab illa ipsa parte, quam antea oppugnauerant, arcem inuadunt: sed alacriter obfistentibus Ferdi-

nando Castrio , & Ludouico Sofa , non absque nostrorum tamen iactura & sanguine , repulsi fuere : qui etiam supra trecentos de suis , quum de loco recederent , vulneribus confisos , mortuosque reliquerunt. In istis angustiis quum nostri de subsidii mora admodum quererentur , quarto Calendas Augusti celox , qua Mascaregnas Coelium Sacerdotem Bazainum & Chaulium suppetias petitum emiserat , arcis æstuaria penetrauit , atque per nouem strenuos milites , qui in ea venerant , intellectum est litteras , quas ad Proregem scripserat Mascaregnas , omni sedulitate per certum nuncium Goam esse transmissas. Huius celocis aduentu , quum hostes id quod erat suspicarentur , nimirum , subsidium breui expectari : celeritate vtendum esse , ante aduentum nouarum copiarum , iudicarunt. Quare sequenti die circa meridiem , quum nostri a continuis laboribus interquiescerent , & , qui in excubiis erant , minus caute stationibus invigilarent , hostes de improviso in arcem incursionem faciunt , mœniaque tanta celeritate ac promptitudine conscendunt , vt nostri , fere perterritis omnibus , finem totius belli adesse existi-

existimarent. Sed Franciscus Almeida cui excubias agendi cura ad Thomæam turrin ob-
uenerat , non amplius quam viginti quinque
militibus succinctus , impetum hostium vi-
riliter admodum sustinuit. Tandem nostris
accurrentibus , tam atrociter tribus aut eo
plus horis pugnatum fuit , vt nunquam an-
tea atrocius. Tandem supra octingentos ex
hostibus iugulatis , receptui Rumecanus, dux
summi in eo exercitu imperii , canere iubet ,
atque insigni hac accepta clade , in castra se
recepit. De nostris vero aliquot interfecti
sunt , vulnerati & igne ambugti non pauci.

Hoc tempore omni victus genere no-
stri auguste admodum utebantur , præfertim
carnium , quarum tanta erat inopia , vt gal-
lina vna in ægrotantium dietam decem au-
reis ducatis venundaretur. Eodem ipso tem-
pore , Mamudius certior factus , quam fini-
stram sui omnibus oppugnationibus fortu-
nam habuerant , Moiatecanum , qui a se
primum dignitatis locum in regno Cambai-
co obtinebat , cum quatuordecim millibus se-
lectorum militum Diu mittit. Post cuius
aduentum , hostes consilio inter se habito ,
cuniculis omni materia incendiaria repletis ,

arcem funditus enervare statuerunt. Sed summa & vis consilii in hoc erat , ne nostri , quid ab ipsis ageretur , persentiscerent. Ergo in Thomæam turrim , & in alteram D. Iohannis , quæ ultra veterem fossam producta hostium munitionibus erat vicinior , cuniculos agere cœperunt. Et ut nostros res ea lateret , hoc astu & stratagemate sunt vfi : latomorum multitudinem sub testudinibus ad frontem eius propugnaculi agunt , ut fundamenta murorum continuo indefatigabili-que labore excavarent , strepituque maximo agerent , malleorumque fragorem , stridorumque ferramentorum summum ederent , nimirum ut nostrum militem ista fallaci specie circumvenirent. Existimabant enim nostros , quum eam rem tantis studiis agi viderent , eo omnes concursuros , animosque ab dissimulata oppugnatione verisque periculis ad inanem ostentationem discriminis auersuros esse. Nec eos sua fefellit ratio. Nostri namque hostilis consilii ignari , eos , qui turrim a fronte malleis accutis proscindebant , qua poterant vi proturbabant : sed quum ea defensio , summa pertinacia & clamore undique ageretur , factum est , ut per summum stre-

strepitum obtuso auditu , quæ inferne agebantur , nec audire , nec percipere nostris licuerit. Itaque cum pro voto ab hostibus cuniculi acti essent , decima Augusti , qua die D. Laurentii martyrium Christi Ecclesia celebrare consuevit , hostes tubarum clangore tympanorumque vehementi sonitu sese mutuo adhortantes , agmine composito , signis militaribus præcedentibus , in arcis moenia prorumpunt , ac vehementius solito globos amphorasque igneas intro proiciunt. Nostri vero ad oppugnatum locum protinus concurrunt. Ibi quum tam diu pugnatum esset , quoad animaduernerent hostes pene potiorrem militum partem ad moenia conuenisse , simulato timore , receptui canunt , ac de fossa & moenibus in castra se recipiunt. Qua festinata fuga , vt insueta , etsi malleorum antea facta de industria concussio , fragorque ferramentorum ostendisset , potius hostes viam latiore in arcem aperire velle , discussis moenibus , quam cuniculis denuo aditus tentare , quum id paulo ante ad Thomæam turrim infeliciter tentauerant , vbi cuniculi eorum transfuersis cuniculis excepti subruti-que a nostris erant ; Mascaregnas tamen suspicio-

spicione adductus , Lusitanis qui super Thomæ turris testudinein consistebant (ad cuius radicem ipse dux defatigatus adsidebat) imperat , vt nulla vfi mora inde vniuersi abscedant , ac expedito nuncio eos , qui supra muros turris Diui Ioannis agebant , monet , vti protinus se de loco amoueant , suspicari se , nouos cuniculos esse instructos , quibus ignem iniicere confestim hostibus propositum sit. Qui dicto non audientes , sed prudentissimi ducis sprete monitione , conclamant plus sibi animi , maioremque rei militaris experientiam esse , quam illi , qui per summum timorem eos ad discessum hortaretur. Itaque quum detestabilis temeritas eos cunctabundos exitiabili mora implicaret , hostes ignem in eo loco vbi cratea turris constructa fuerat , pulueri tormentario imponant. Qui recto tramite , sicut dispositus erat , viam relegens ad cuniculos , quum fauces intimas penetrasset , vbi omnis incendiaria materia recondebatur , vniuersam fabricæ molem vno momento dirupit , ac per summam vim , ipsam Diui Ioannis turrim integram ab ipsis fundamentis in altum proripuit , ac omnes quos ibi infausta for-

fortuna retinuerat , in sublime elatos , tanquam minutulos filices disiecit. Quo miserrimo euentu circiter septuaginta strenui milites interiere , quorum pars in fossiam , pars in hostium stationes , ferme omnes fracti dilaceratique ceciderunt. Insuper ii , quos infelix casus in hostium castra integro corpore traiecerat , quanquam igne foedati omnino , & exanimis vitæ incommodis cessissent , minutissime tamen ab hostium gladiis hastarumque mucronibus , tanquam eam poenam sensuri essent , dissecti fuere. Hoc horrendo spectaculo, illud memoria dignum visum est, illis , quos pulueris & ignis vis in aerem expulerat , hastas clypeosque non antea de manibus defluxisse, quam, deficiente ac omnino euanescente anima , cadauera ipsa deorsum præcipitata relaberentur. Ex iis porro qui super turrim in hac calamitate constiterant , viginti tantum, ignibus ambusti , viui remanserunt. Notos equites Lusitanos desideratos esse constat , Ferdinandum Castrium Proregis filium , adolescentem summa spe , summaque indole præditum , Ioannem Almeida , Ludouicum Mellum , Diodocum Sotomaiorem , Antonium Rodericum quæstorem ,


rem , Aegydiū Cotiniū , Diodocū Reī-
nosū Sotomaiorem , Aluarū Ferrerīam ,
Rodericū Sofam , Laurentiū Fariam ,
Ioannē Brandanū , Georgiū Almei-
dam , Trīstanū Sofam , Franciscū Lupi-
um , Gratianūque Ferraciū.

AT Mascaregnas (qui , vt demonstra-
tum est , iuxta Thomææ turris radices assi-
debat) quū incendium , ruinam , & oc-
casum turris D. Ioannis momento temporis
conspexisset , summa celeritate , quindecim
militibus comitatus , eo se proripuit. Quo
quū ventum esset , ne vestigiū quidem
veteris illius formæ deprehendere potuit. Ni-
hil ibi in oculis , nihil sub conspectu , nisi
parietum rudera lapidesque permixtim pul-
uere membrisque mutilatis , ac sanguine hu-
mano tincti. Inter quæ promiscue nonnulla
corpora adhuc exhalantia , & cum morte
conflictantia , non absque mœrore & horro-
re intuentium conspiciebantur. Quæ dum
subito inde eximere nostri satagunt , vt pro
ritu Christiano sepelirentur , repente ho-
stes per eundem ipsum labefactatū locū
impressionem faciunt. De quo tam vehe-
menter vtrinque cominus pugnatū est , vt
sola

sola nox prælium dirimerit. Qua nocte , etsi plures de nostris iam occubuerant , permulti faucii , omnibus vero & defatigatis , & de accepto infortunio mœrentibus , Mascaregnas tamen , virorum mulierumque opera , murum subitarium sexdecim palmorum crassitudine , in veteris turris ruinis ex soluto lapide construxit, quem , absolutum ante solis ortum , hostibus conspiciendum non sine magna admiratione obiecit. Illi contra , alio erecto muro , Thomæam turrim deinceps cuniculis , quando ea res bene successerat , deiicere contendunt. Sed quum nostri aliis obiectis cuniculis , illorum conatibus obuiam iissent , re intellecta , in alterum turris latus se transtulere , quo nostri cuniculi pertingere non poterant , & suffosso turris frontispicio , quatenus a nostris præpediri nequibant , ignem operi nondum perfecto apposuerunt. Quo incendio quartam ferme turris partem euerterunt , ac protinus in dirutum locum inuolantes , de superioribus rudera ad se ferreis hamis attrahebant , quibus sensim defluentibus , angustior multo fiebat locus , quem nostri superne adhuc retinebant. Quod quum a Mascaregna animaduersum esset ,
bom-

bombardas , quæ ibi reliquæ erant , inde tolli iubet. Sed quum vix centum milites illæfos integrosque haberet , eosque in vnum aliquem locum aliunde euocare periculosum esset , omnium stationibus hoste imminente , eo factum est , vt basiliscum ac leonem quadraginta virorum diurno nocturnoque labore inde extrahere nunquam valuerit. Hoc tempore tria mancipia ex arce profugerunt , hostibusque indicium fecere , quanta nostrorum esset raritas , quantaque omnium frugum , & annonæ penuria premerentur. Quorum perfugarum sermonibus , nouo concepto spiritu , Iacobæam turrin cuniculatim , igne ad suppositam materiam adiecto , penitus euertunt , quæ , in prouum vergens , tota versus hostium stationes ruinam traxit. Hostes igitur protinus per ruinas se proripiunt , vbi , quanquam nostri egregie resisterent , locum tamen euincunt : ac militaribus signis ibi erectis , arcis aream transcendunt , templique D. Iacobi partem mediam præoccupant , ibique aliquot diebus ea sorte cominus dimicatum est , vt modo templum penes nostros , modo penes hostes fuerit. Sed quum de singulari proprioque domicilio , ac
de

de ipsis aris & focis ageretur , viribus omnibus adhibitis , nostri in sacrarii fornice , murum construxerunt. Atque ita templo diuiso , alii ab aliis intersepti in ipso templo quisque pro suo ritu sacra faciebat , religionemque numinum colebat.



COMMENTARIUS III.

LITTERIS Mascaregnæ , opera Hieronymi Menesii præfecti præsidio Bazaini , Goam delatis , quibus arcis discrimen nunciabatur : Ioannes Castrius Prorex omnistudio quatuordecim minores longas naues expediri iussit. Cui classi Aluarum Castrium filium suum præfecit. Is diui Iacobi solemnidi e portu soluit. Et quanquam hyemisvis illic eo tempore asperius sæuit , nihilominus tamen secundo vento Bazainum enauigauit. Quo in loco Franciscum Menesium reperit , qui bis infeliciter iter auspicatus , difficilioribusque vsus tempestatibus , in portum remearat. Quod iter , collatis in vnum classibus , quum sæpius tentatum esset , nec
pro

pro voto successisset , iubet Alvarus Castrius (quum , in quo statu res Dieneses versarentur , probe sciret) vt classe dissociata , nullo seruato ordine , seorsim vnusquisque Diem , qua posset ratione , peteret. Itaque separatim illis nauigantibus , ventis plerumque obstantibus , primi omnium vnica naue Antonius Monisius & Gratianus Rodericus Tabora , Diensem portum ingrediuntur. A quibus , de propediem affuturo subsidio magno , cum gaudio factus certior Mascaregnas , protinus eandem ipsam nauim Alvaro Castrio obuiam remisit , inqua paulo post ad portum Ludouicus Mellus Mendoza applicuit , quem Eduardus Menesius Pereira , comitis Ferreiriensis filius , iuuenis impiger ac strenuus subsequutus est. Post quorum accessum ad turrim D. Thomæ , (cuius posterior pars , vt demonstrauius , corruerat) acriter bello dimicatum est. Sed præualentes hostes loco potiti sunt. Quamobrem infensus Mascaregnas , per omnia discrimina insequenti die hostium vires ad eundem locum tentare , fortiorique manu inuadere proponit. Itaque selectis militibus , de improviso impetum fecit. Deturbati igitur hostes ,
fau-

fauciique nonnulli , interfugiendum classico
 suis signum dedere. Quo audito , protinus
 ex castris , & ex oppido totus exercitus con-
 currit. Ac quanuis pluuiæ , & imbribus subi-
 to ingruentibus , impedirentur : hastis ta-
 men, gladiis , sagittisque dimicatum est pro-
 pemodum ad vesperam , quo tempore qu-
 um se nimbi remisissent , ad bombardas &
 igneam materiam itum est. Sic utrobique
 clade copiose illata & accepta , quum se-
 ptem ferme horis pugnatum esset , nostri
 tandem locum recuperant. Per id temporis ,
 duæ celoces appulerunt , ducibus Ioanne
 Athaidio , & Francisco Guillermo. Hostes
 porro post hanc repulsam , igne deinceps per
 sulcos cuniculares immisso , murum , qui
 turri Antonii Pezannæ contiguus erat , fun-
 ditus euertunt. Contra Mascaregnas omni
 ope resistens , in hostes cameli iacula effun-
 dit, alterumque statim firmiorem murum in-
 trinfecus excitauit , etiam ipse humeris la-
 pides materiamque comportans. Id hostes
 animaduertentes , e regione & ipsi alium
 extruunt , quo nostris ad se accessum inhi-
 bebant. Hoc die Rodericus Ferdinandus
 Chauliensis municipii quæstor , cum viginti
 mi-

militibus naui minore longa portum tenuit , & inde alii atque alii duces singulis diebus aduentabant. Hostes interea super illam turris partem, quam occupabant, truncatim parietes construunt , ac inde assidue in nostros tela coniiciebant. Dum in his angustiis adhuc Lusitanorum fortunæ versarentur , vigesima octaua Augusti Aluarus Castrius & Franciscus Menesius cum potiore classis manu portum ceperunt. Numerus nauium hætenus appulsarum viginti quinque. Quæ , quum minores pleræque essent , non plures quam quadringentos milites aduexerunt. Reliquæ , contrariis ventis agitatæ , Bazainum coactæ sunt repetere. Sed postea secundiores tempestates nactæ , mense Septembri , ad Diensem portum & illæ quoque applicuere.

Post Aluari Castrii aduentum , quum hostes ex D. Thomæ turri rudera & collapsam materiam eximendi nullum finem facerent , leo ille bombardicus deorsum cecidit , & basiliscus fune suspensus in rudum mole subsedit. Quare milites qui postremo venerant , tenui adhuc illarum rerum experientia , aut potius temeritate adacti , id non ferentes, imprudenter nouas res moliri inci-
pi-

piunt , iactantes , vbi tanta murorum strages extaret , iamque patentes viæ ad arcem inuadendam capiendamque hostibus præbitæ essent , certis rationibus duci sese , vt crederent hostium vim non in milite , sed in bombardarum iaculationibus solummodo constituisse : ducisque nostri timore potius quam prudentia effectum , vt quum liceret hostem in suis castris vincere , ipsi ultro hostium obsidione teneantur. Hisce verbis debacchantes , non pauca item alia iacitabant , quæ imperita multitudo , furore agitata , euomere consuevit. Qua factione reliquos , qui a primordio belli mira obedientia eousque imperata fecerant , in suam sententiam contaminatos pertraxerunt. Ad id leonis , & basilisci amissio cumulum irarum adiiciebat. Quamobrem congregati , vnanimiter Mascaregnam adoriuntur : ab eo incredibili tumultu feracitateque erumpendi facultatem , castraque inuadendi copiam sibi postulare : nulla iam re obsidionem , quam ipsorum ignauia , perdurare : vile hostium vulgus , occisis iam ducibus & selecta omni iuuentute , ad primam eruptionem profugiturum.

His

HIS inconditis clamoribus quatenus fieri potuit sedatis , quanta maxima valuit ratione prudens imperator ostendit , quanta clade sibi cognita esset hostium pertinacia & potentia , quam se pro militum raritate nec vincere , nec sustinere posse , fatis exploratum haberet. Quare ad castra potestatem eundi nunquam se illis sponte sua facturum , nec præterea consilium daturum , quod omnibus postea perniciosum foret : orare , ut in tanto rerum discrimine , prudentius quam audacius bellum tractarent. Alias per audaciam minus peccaturos : nunc vel minimum errorem Indiæ imperio perniciosissimum fore. Nam quod rebantur , vile illic vulgus ac gregarium obsidioni incubare , & multo minores quam pro fama copias esse , in in eo ipsos magnopere falli. Quin potius adesse ibi totius imperii Cambaici vires. Quod si sprete militari disciplina , iniussu imperatoris , eruptionem facere molirentur , se minime gentium eos in tanta vecordia subsequuturum. Sin (quod melius rectiusque , & quod ipsis , ut fortibus & prudentibus viris , potissimum conveniat) ducis imperium consiliumque respicerent , se imprimis au-

cto-

Storem esse , vt eo vsque expectetur , donec hostium quempiam interciperent , a quo hostilis exercitus magnitudinem , viresque cognoscant. Interim vero aliis atque aliis , quas quotidie expectabant , nauibus in portum appellentibus , fortiore postmodum manu se hostes aggressuros. Quamobrem iterum atque iterum omnes oratos velle , vt suis monitis obtemperarent , quibus nihil nisi quod rectum sanctumque , ac omnibus salutare esset , præcipiebatur. Hac concione utcunque permotis pacatisque militibus , vt cum Aluaro Castrio , & Francisco Meneffio , de negotio conferret , se ad suas ædes contulit. Ea deliberatio quum inter ipsos versaretur , forte hostes in basiliscum , quem suspensum in parietinis relictum fuisse demonstrauius , ancorarium funem iniiciunt , vt in sublime attraherent. Tum vero milites , quum id animaduertissent , per occasionem acceptæ in oculis iniuriæ , ad Mascaregnam concurrunt : indignam rem , sic se ab hostibus ludibrio haberi , quum coram , in omniumque oculis , talia auderent tentare. Itaque æstuant , dissono clamore ædes complent , potestatemque castra aggrediendi

omni ferocitate pertinaciaque postulant. Inter quos quidam seditiosius , quam par erat : Patiemur ne , inquit , amplius tali parere duci ? Nonne honestius luteæ cuipiam obtemperabimus statuæ , quam huic focordi ? Cui Mascaregnas tam prudenter , quam ironice : Fortasse , inquit , o miles , statua lutea ob inertiam imbecillitatemque haberi debet , ac propemodum me talem agnosco : sed illud etiam scio , te in hoc temerario prælio , quod tantopere inire cupis , omnium primum in arcem refugiturum. Nec vaticinium fefellit. Nam feroculus ille , primus omnium , fugam cepit. Hoc tumultu Mascaregnas commotus , & quod neminem omnium in suam sententiam descendere videret , cessit bacchantium furori , ne seditionem etiam intus concitare viderentur. Ire igitur ad arma iubet , centum militibus ad arcis præsilium relictis. Primam aciem Alvaro Castrio , alteram Francisco Menesio ducendam tradit Ipse (licet inuitus) cum reliquis copiis subsequutus est.

IGITUR correptis celeriter armis , & habita breui concione , peractisque sacris , erumpunt , aggeres transiliunt , inde superatis

vis munitionibus , excubitoribusque de stationibus depulsis , in castra prouolant. Hostes vero , cognita eruptione , sublato clamore , signoque dato , in nostros protinus inuehantur : qui quum hostium vim sustinere non valerent , eadem , qua venerant , retro abeunt , summa & incondita trepidatione. Itaque insequentibus hostibus centum circiter de nostris desiderati sunt , inter quos noti equites Lusitani , Franciscus Menesius , Franciscus Almeida , Lupus Sofa , Rodericus Ferdinandus Chauliensis municipii quæstor , Franciscus Guillermus , Nonius Pereira , Eduardus Menesius Pereira , Feriensis comitis filius. Qui omnes , fortiter pugnando , oppetuerunt. Is , quem dixi , Feriensis comitis filius , hostium impetum postremus ferens , faucibus grauius , nec loco tamen cedens , indolem suam , clarissimorumque natalium decus , egregie ostendit , summumque virtutis suæ testimonium reportauit. Nam cæteris fugam ignominiosam exprobrans eos omni ratione reuocare nitebatur , voce magna inclamans : Subsistite commilitones , & pectus frontemque in hostem obuertite : neque tam probrose fugi-

atis , qui paulo ante erumpendi facultatem
per seditionem extorsistis. Testor vestram fu-
gam , & istam Lusitanicæ gloriæ maculam ,
me aut hic in vestigio moriturum , aut dila-
pulis omnibus , non nisi ultimum rediturum.
Quod & ipsum factò præstitit , nam dicto-
rum fidem , morte ibidem fortissime exce-
pta , adimplevit. Fugientium pars statim in
ipso certamine interiit , pars vulnere vi
postea extincta est. His tantis malis circum-
uentus Mascaregnas , quatenus tempus fere-
bat , disperforum fugam reprimere conaba-
tur , vt vna collecti , cedentique acie , mi-
nore iactura sese in arcem reciperent. Sed
quos timor agebat , virtus aggregare non
poterat. Nam singuli suæ quisque saluti con-
sultantes , nullo seruato ordine , fusi dispersi-
que ad stationes recurrebant. Aluarus vero
Castrius maceriam in redeundo conscendere
adnitens , a funditore in capite grauius ictus ,
subito retrorsum in præceps abiit. Quod
Mascaregnas animaduertens , protinus ca-
denti succurrit , & ex hostium manibus ere-
ptum , in arcem comportari curauit. Eo in
loco , dum Aluaro Castrio subuenitur , iux-
ta Mascaregnam , bombardæ manualis iacu-

Io Franciscus Almeida , cuius superius meminimus , transiectus occubuit. Itaque hisce acceptis damnis , in arcem redire Mascaregnas compellitur. Hæc calendis Septembribus acciderunt.

PORRO casus hic tantum terrorem nostris iniecit , ut deinde hostibus inuadentibus , quod singulis quibusque diebus fiebat , ad muros accedere formidarent. Quem istorum timorem vix ducis fortitudo animique præsentia imminuere valuit. Hostes contra , victoria hac elati , maiores spiritus concipere. Quapropter acriori perueicacia arcem euertere conati , turrim illam , quæ superioribus temporibus sub Antonio a Silueira , in Rhoinæorum siue Thracum oppugnatione profcissa fuerat , rectis cuniculis deiecerunt , ac turrim etiam nouam , quæ supra decumanam veterem portam constructa erat. Potiorrem quoque muri partem demoliuntur. Ad hæc , muro , qui turribus Diuorum Ioannis Thomæque intersitus erat , superato , duas bombardas supraponunt , quarum iaculationibus nostri intus per arcis plateas versare prohibebantur. Præterea basilisco ac leone ex Thomæa turri deductis , stationem in ipsi-

ipſius turris fronte conſtituunt , atque inde bombardæ ac duabus machinis adductis , domorum tecta miris modis conquaſſabant. Maſcaregnas vero quum his difficultatibus premeretur , bombardis tormentiſque bellicis ad neceſſaria loca diſpoſitis , hoſtium violentiam , quatenus fieri poterat , reprimere meditabatur. Quare e regione expugnata turris D. Thomæ , nouam turrim excitauit , ex qua & maior arcis pars protegebatur , & hoſtes ita cohibiti ſunt , vt neque extra murum caput efferre , neque in arcem iacula emittere , niſi cum ſummo periculo , ulterius poſſent. Interea temporis ſuper fluuium , ad Rhomæorum oppidum uſque , pontem hoſtes deduxerunt , opus admirabile , contra aquarum rapidiſſimos acceſſus , & reſceſſus , per quem ex inſula in continentem plauſtra vehiculis impoſitis , ac totus exercitus ad neceſſaria deportanda inuehendaque commebant. Dum hæc ad Diu agabantur , menſe Septembri nuncius Goam ad Proregem deſertur , de Ferdinandi Caſtrii ſui filii morte , & clade illa , quæ ad decimum Auguſti ignis vi obtigerat , quam ſub finem ſecondi Commentarii retulimus. Quo nuncio
etſi

etfi dolore cruciaretur , ne tamen militum animos segniores suo luctu redderet , ad Diensem expeditionem , subsidiaque ferenda , simulata animi alacritate , festiuis purpureisque vestibus indutus , ciuitatem lustrauit , omnibusque palam testatus est , se non tam grauiter ferre interitum filii , quam magni facere , quod honesta morte dignaque suis natalibus occubisset : verum magnum staturum hostibus fortissimi adolescentis funus , & oppugnatam Diuini inter minas iactitabat. Itaque protinus Aluarum Cugnam cum celoce emittit , cui diplomate ad id dato colligendi omnes nostras naues , quæ per littus Indicum dispersæ vagabantur , potestatem fecit , imperatque , quotquot eo mense aggregasset , illico Diuini secum abducere.

Is itaque quinque celocibus cum mediocri hominum manu , sub ipsius mensis finem , in portum Diensem recipitur. Acuius aduentu , militum delectu habito , mille ducentorum copiam numerus excedebat. Per hunc scripsit Prorex ad Mascaregnam , ne ante eius aduentum quenquam extra arcis mœnia amplius cum hostibus configere pateret.

teretur. Postea dimisso Goa Alvaro Cugna, per summam festinationem quadringenti milites quinque nauibus imponuntur, inter quos aliquot architecti & latomi fuere. Ii, variis vti tempestatibus, Dienſia æſtuaria intra paucos dies tenuerunt. Bello itaque promiscuis cladibus ſæuiente, noſtri aliquot hoſtium naues, quæ ex ſinu Arabico in Cambaiam enauigabant, interceperunt, quarum pars potiffima mercibus nobiliſſimis onuſta erat. In iſdem erat conſanguineus quidam Coii Sophari, quem Sopharus ipſe, dum viueret, Cairum (militis colligendi gratia) amandarat, & is nunc exercitum bene magnum, & ad rem bellicam egregie inſtructum, ſecum ducebat. Sed, acri nauali prælio ſuperatus, fere omnes ſuos amiſit. Solus enim duntaxat Sophari conſanguineus cum aliquot nobilibus, cæteris interfectis, vivus reſeruatus eſt. Verum & ii, quum in arcem deducti eſſent, iugulati ſunt, ac eorum capita, ſecundo aquarum refluxu, in hoſtium caſtra ad oppidum præterlabi deſluereque ſiuntur, vt agniti a ſuis, ludum in caſtris ac deſperationem facerent. De noſtris permulti in hac nauali demicatione

ne vulnerati fuere , mortui quoque non pauci. At Prorex , qui Goæ reliquam classem instruebat , tempus idoneum nactus, cum septuaginta circiter nauibus e portu soluit , & difficilimis tempestatibus vsus , Bazainum tenuit. Quo in loco vniuersam classem , quæ , ventorum asperitate dispersa , simul apellere non potuit , expectare proposuit. Ibi autem commorans , ne tempus tereretur , Emmanuelem Limicum cum minoribus aliquot longis nauibus ad Surraticum littus inuadendum misit. Qui strage hostium non vulgari , cum ingenti nauium præda , littoribusque populatis , Bazainum reuertitur. Reuerso Limico Prorex , qui , quandiu classis in statione littoris ventis aduersis retenta fuit , nunquam voluerat in terram descendere, post sexdecim dies , quam venerat Bazainum , ancoris sublatis , Dium versus nauigauit , interque nauigandum , iterum Emmanuelem ipsum Limicum ad sinum Cambaicum explorandum vexandumque præmisit. Qui aliquot hostium nauibus submersis , pagis attegiisque incensis , insuper cæde non minima quaquauerfum edita , Branmaluci tamen bene de nostra amicitia meriti ditionibus in-

tactis , ad Mortuorum insulam se Proregi coniunxit. Inde rebus omnibus ordine dispositis , velo dato , felicibus auspiciis septima Novembris , vniuersa clauē salua , cum mille sexcentis militibus Lusitanis ad portum Diensem applicuit , quo iam appulerat Laurentius Petreius Tabora , dux eius classis , quam Lusitania singulis quibusque annis in Indiam mittere consuevit. Is enim ubi Cochinum venit , & quæ ad Diem agebantur , rescivit , classe illic integra relicta , Proregis aduentum vno die anteuenterat. Cuius prouida diligentia , indubitata nostri de futura victoria opinionem conceperunt. Prorex igitur arcis æstuarium ingressus , ancoris iactis , nauibusque per ordinem dispositis , Mascaregnæ per nuncium iniungit , vt quam primum ad se veniat. Qui , posteaquam aduenit , & de belli gerendi rationibus inter ipsos vltro citroque habitus sermo fuerat , in arcem reuertitur.

POSTERO vero die , in ea parte qua mesopyrgion illud maius mare respicit , binæ scalæ , iubente Mascaregna , apponuntur , per quas nostri sese in arcem , æstu recedente , commode recipere poterant. Atque

que etiam per omnes arcis turres , necnon in ea, quæ in alueo fluvii posita est, bombardæ nouo ordine disponuntur. Cui negotio naues aliquot adhibentur , ex quibus omnibus die noctuque omni contentione in hostium castra tela emittebantur. Qua iaculatione , ea ruina est facta , quæ postea magno usui nostris fuit. Nam per ea loca , quasi reuulsis repagulis , castra tentari primum cæpta sunt. Hostes vero his rebus minime perterriti , alacri , erectoque animo , futurum prælium expectabant. Ergo ad munitiones tuendas selectiores milites , bombardis manualibus instructos , apponunt , quibus & alii præsto erant , ad id collecti , vt igneos globos & amphoras igneas in nostros proiicerent. Insuper in turribus , quas super flumen in murorum angulis antea crexerant, hic illic patefactis foraminibus, bombardas admouent , vt ex ea parte nostros in terram descendere prohiberent. Nam per eum locum suspicabantur Proregem castra inuasurum. Quamobrem quindecim millia militum ad descensum prohibendum eodem in loco , vna cum excubitoribus constituunt , qui sacramento militari addicti deie-

raue-

rauerant , nostrorum impetum quibuscunque se rationibus laturos , repressurosque esse. Atque ita reliqua , quæ ad defensionem pertinere videbantur , suo ordine & serie , tanta prudentia disponunt , vt ea in re magis veteranorum Romanorum experientiam imitari eos diceres , quam temeraria barbarorum consilia. Prorex igitur nona Nouembris clam in arcem descendit , ibique rebus gerendis ordine dispositis , istiusmodi strategemate hostes ludificatus est. Nam vt falso numero eos deciperet , nautas , latomos , calones , lixasque de tertia vigilia nauibus littus impetere , singulosque binas erectas hastas in manibus gestare iubet : remigibus vero imperat , vt dextra remos agant , sinistra bombardicos funes igne incensos teneant , ac vt vehementi tympanorum sonitu , strepituque tubarum immenso , & quanto possent edito clamore , illam partem , qua hostes opinabantur illum descensurum , simulato , lentoque cursu (quum signum ex arce daretur) impetere se fingerent. His ita decretis arcis custodiam iusto præsidio Antonio Corrugiæ Bazainenfi quæstori commisit. Ac postero die , ipso iubente , ex omnibus

bus

bus arcis portis valuæ ademptæ , ac procul semotæ , ne nostri in fuga ullam spem repouerent.

ORTO iam sole , sacrisque peractis , & signo nauiculis dato , Lusitani ad duo circiter millia & quingentes erumpunt , hostium muros inuadunt , ac inde agminibus in ordinem digestis , ad stationes hostium contendunt. Illi porro , quibus nauale negotium commissum fuerat , signo accepto , in illam partem , in qua potior hostium manus nostros opperiebantur , naues eo ordine , vt imperatum erat , dirigere se simulant. Hostes vero vbi vexillum regium , insigniaque militaria conspexere , ac , quo classis tenderet , animaduertuerunt ; illic totius exercitus vim adesse existimantes , magna ex parte stationibus desertis confertissimi sese ad littus proripiunt. Quamobrem nostris exeundi minori periculo potestate facta , Mascaregnas (cui prima acies concredita erat) quadringentis militibus constipatus , primo loco eruptionem in castra fecit. In eo confictu concursuque ad muros , de nostris circiter quinquaginta desiderati sunt. Sed succurrentibus confestim aliis , hostes retrocedere & animum remitte-

re ceperunt. Quod ubi ab iis, qui ad littus classi nostræ obuiam iuerant, est animaduersum: protinus ipsorum selectior manus ad eum locum, ubi dimicationem vigere cognouerant, se contulit. Ibiq̃ue prælio conferto, ancipiti Marte eousq̃ue pugnatum est, donec a Prorege periculo cognito, milites, qui subsidio irent, illico mitterentur. Ipse autem Prorex cum Laurentio Petreio Tabora inter illud flexuosum, & multis finibus ambagiosum, vallum procurrens, turrim quandam expugnat, ex qua nostri, antequam caperetur, multa infesta patiebantur, omnibus ibi hostium præsidiis ad vnum interfectis. Id tamen non absque discrimine. Nam Eduardus Barbutus vexillifer, bis in cacumen euadens bis inde deiectus est, sed tertio, nouo impetu facto, pertinaciter irrumpens, vexillum tandem ad pinnacula affixit. Expugnata turri, ac custodibus tradita, per tramites istius sinuosi valli iterum recurrentes, aliquot ex hostibus interficiunt. Cæteri, loco deserto, fuga in castra conuolabant. Interim hostium manu subsidiis firmata per Rumecanum, maximi inter suos imperii ducem, tam vehementer in Masca

regnam impressio fit, ut nostri impetum sustinere amplius non valerent, & ordine turbato, resistere inciperent. Id ipse Mascaregnas animaduertens, conclamat, suosque ad resistendum hortatur: vrgerent victoriam, quam iam propemodum adepti essent; non superesse victis vlla suffugia; exarmatam esse aciem; ablatiis valuis; quicquid munitionis fuit, non iam minus hosti, quam ipsis patere; adesse omnia auxilia, quæ a suis sperari possent; aut his copiis esse vincendum, aut pereundum; meminerint se non minus pro vita, quam imperio pugnare. Si pedem referrent nec victis vitam, nec mortuis sepulturam immanissimum hostem concessurum.

HIS ducis vocibus experrecti, tanta animi præstantia in hostes se referunt, ut quamquam per summam pertinaciam hostes resisterent, impetum tamen nostrorum amplius sustinere non possint: effusaque fuga, terga verterunt. Quare dispersim palantes, alii per pontem, alii per vada, natando currendoque se, quotquot potuere, extra insulam eiciunt. Itaque oppido capto, castrisque superatis, in omnem sexum ferro igneque sævitum est.

Quæ

Quæ a conflagratione fortunæ casus immutabilia inuiolataque seruarat, iubente Prorege, diruta euerſaque prorsus fuere. Hic exitus amplissimæ ditissimæque Diensis ciuitatis fuit. In castris vero & in oppido videre licuit triclinia mensasque stratas, cibariaque igni apposita, inuentaque in foro etiam esculenta, tanquam pacis tempore vœnum exposita. Non enim de tam subita fortunæ mutatione quisquam eorum vel cogitarat. De nostris hoc prælio circiter centum quinquaginta occubuerunt, inter quos noti equites Lusitani, Georgius Sofa, Ioannes Emmanuel, Franciscus Azeuedus, Baptista Persona, Cosmus Paiua, Balthazar Georgius, Eduardus Rodericus Nazinus, Vascus Ferdinandus, Arius Gometius Quadrus, Iulianusque Ferdinandus, militum censor, qui omnes cum summa gloria, acriter pro fide pugnando, mortem oppetiere. Ex hostibus supra quatuor militum millia eo die cecidisse compertum est. Rumechanus vero, quem loco Sophari patris a Mamudio rege exercitus ducem maximum fuisse constitutum differuimus, euadere connitens, insignibus imperatoris detractis, quum a nostris

istris ad oppidi fossam cognitus esset , fortissime resistens interfectus est. In eodem quoque loco Audecanus , qui pridie , quam prælium commissum esset , cum quinque millibus militum in castra venerat , vna cum Hidalcano externorum militum duce occisus est. Alii præterea quatuor Regis Cambaiæ strenui duces ibi desiderati sunt. Iuzarcanus iunior pro virili dimicans viuus captus est , & magna cum reuerentia Proregis iussu a custodibus seruatur. Solus autem ex ducibus præcipuis Moiatecanus equum nactus , per pontem , citato cursu euasit. Regium Cambaiæ vexillum , atque plura militaria signa ad Proregem delata sunt. Iam promiscuæ multitudinis , virorum , mulierumque , & puerorum interfectorum numerum immensum , & miserandum fuisse constat , quibus rabies militum , & suis antea malis , & nunc sociorum mortibus irritata , nulla ratione parcere sustinuit. Quippe non solum non ab infantibus , aut grauidis mulierum vteris , sed ne brutis quidem animantibus ferrum abstinuit militaris furor. Relicta sunt ab hostibus omnia tormenta bellica , inter quæ etiam leo ille & basiliscus fuere , qui ad

Thomæam turrin ab hostibus erepti , causam tantæ cædis non ita pridem nostris attulerant. Vniuerso hoc bello compertum est cecidisse de nostris militibus, tam ad Dium , quam in naualibus præliis , circiter mille sexcentos. Prorex autem , victoria parta , quos ultimo hoc prælio desiderauit , sepeliri quam honorificentissime iussit , fauciosque reficiendos curauit. Inde militibus congiariorum stipendioque dato , ac virtute singulorum pro cuiusque meritis honorata , arcem protinus a fundamentis noua ratione ædificare coepit : Laurentius vero Petreius Tabora , rebus omnibus ex animi sententia transactis , Cochimum ad classem reuertitur. Inde nauibus a terra solutis , saluus Olisiponem applicuit.



EPISTOLA

POTENTISSIMI AC INVICTISSIMI

EMMANUELIS

PORTUGALIAE ET ALGARBIORVM

REGIS

AD S. D. N. D. LEONEM P. M.

De victoriis nuper in Africa habitis.

SANCTISSIMO in Christo Patri, ac Beatissimo Domino, Domino nostro, eiusdem Sanctitatis deuotissimus filius Emmanuel, Dei gratia Rex Portugalix & Algarbiorum, citra vltraque mare in Africa, Dominus Guineæ, & conquestæ, ac nauigationis, & commercii Aethiopix, Arabiæ, Persiæ, atque Indiæ: post humillima Beatorum pedum oscula.

POSTVLAT nostra in Sanctam Sedem Apostolicam, ac præcipue in vestram Sanctitatem obseruantia, Beatissime Pater, vt successus nostros, præsertim qui ad Dei cultum, & Catholicæ fidei propagationem spectant,

eidem , vt vero Christi Vicario , ac Sanctæ Romanæ Ecclesiæ arbitro , perscribamus. Postquam superioribus diebus nostrorum in India prospere gesta Beatitudini vestræ significauimus , placuit summo Deo (vnde omnis victoria pendet) aliam nobis , non minus insignem , contra sui Sanctissimi Nominis hostes victoriam , & de Mahumetanis concedere trophæum. Considerantes nos, Sanctissime Pater , quam grande opus , & præclarum sit facinus Fecense regnum , & Marochense in Africa debellare, in quo tantopere ac tam sedulo studio semper laboramus : & quam præcipuus huius rei cardo, clauisque sit Azamorenensis ciuitas; (ea est vrbs Mauritanix, & murorum turriumque fortitudine , & piscosissimi litoris, folique vbertate percelebris, atque adeo Christianis , sed frustra, antea expetita) Bragantiæ Ducem , nostrum charissimum ex charissima sorore Nepotem , ad eam expugnandam misimus , cum haud exigua quingentorum nauigiorum classe , viris , equis , armis , omnifariis belli instrumentis , cæterisque huiusmodi expeditioni opportunis , optime quidem instructa. Cuius exercitus decem & octo millium bellatorum numero erat

erat , in quibus & multi proceres , nobilesque viri & duo millia & quingenti , tam cataphracti , quam expeditores equi. Ergo cum vniuersa classis in portum Mazagham ab vrbe Azamor nouem millibus passuum distantem appulisset , nostris haud magno negotio (licet in hostium conspectu) in terram egressis , Dux ipse versus Azamor , instructa vt oportebat acie , contendit. In itinere quædam pugnæ præludia cum hostium iactura , nullo nostrorum hominum , paruo equorum damno , sunt habita , eoque die nihil amplius.

POSTRIDIE , disposito exercitu , urbem oppugnant , vbi ad vndecim Sarracenorum millia ac totidem fere in campo equites , & innumeri pedites , nostrorum præsentientes aduentum , bello satis accincti expectabant. In ea oppugnatione nonnulli Mauri , & quidam etiam primates interempti ; adeoque a nostris fuere confracti , vt desperata omni spe , sequenti nocte qua parte castris vacabat (non enim per loci situm totam urbem obsidio circumierat) omnes clanculum abierunt , solamque reliquere urbem. Postera luce , hoc cognito , Dux cum exercitu , sole-

lemnique pompa urbem ingreditur, occupatque, atque in ipsa Mahumetis præcipua æde (plures enim & aliæ erant, quas Mexquitas vocant) & templi magnitudine, & ædificiorum structura percelebri, Deo Opt. Max. Missa, ac Diuina Officia laudibus sunt decantata. Clementissime Iesu, quam admirabilis est prouidentia tua, quod ubi ad mille annos impius Mahumetes tanto tuo opprobrio celebratus, ubi Christianum nomen tanto tempore pessundatum, totiesque blasphematum, ibi nunc occulto & iam præfago iudicio tanta satanæ ignominia, ac dedecore, tuum Sanctissimum Nomen, tua laus, tua vera æternaque gloria prædicetur! Inuenta in ea vrbe ac parte machinarum bellicarum, armorum, ac frumenti haud contemnenda spolia, nostro exercitui (quem illic habemus, ut propositum Deo propitio consequamur) admodum opportuna.

PERLATO hoc ad finitimos nuncio, illico Almedinæ incolæ (quæ ciuitas ab Azamor quinquaginta passuum millibus distat, & ipsius magnitudine, & glebæ fertilitate nobilis) nostrorum metu, quos & alias sæpius fuerant experti, urbem penitus deferuere,

ere , ac libere nostris permisere. Thiti etiam antiquissima , & maxima olim ciuitas atque alia quamplura oppida , ac finitima loca , statim sese nobis dedidere : tributa etiam , censumque , pro nostro arbitrio pensuri.

Ex quo quidem, Beatissime Pater , in diuina freti clementia , procul dubio speramus , vt tam auspicata initia melior progressus , optimusque finis subsequatur : atque illud Marrochiorum regnum , quod totius fere Africae caput & imperium fuit , vnde & ipsa Hispania , omnisque Christiana respublica tot damna , tot clades , tantam sanguinis effusionem , ac Catholica fides tot opprobria , tot ignominias indignissime pertulit , nunc certe diuino suffragante numine , in nostram potestatem penitus redigatur , ac tantæ culpæ malorumque luat poenas , ac Mahumetica perfidia depressa , verus Dei cultus , & Christiana religio (quod solum semperque optamus) sublimetur. Bene valeat Sanctitas vestra , quam Deus Opt. Max. diu , ac felicissime obseruare , & augere dignetur. Datae in vrbe nostra Vlyxbon. Pridie kal. Octobris , Anno Domini MDCXIII.

- EPI-



EPISTOLA

SERENISS. ATQVE INVICTISSIMI

I O A N N I S III.

PORTVGALIÆ ET ALGARBIORVM
REGIS

AD S. D. N. PAVLVM III. PONT. MAX.

*Super victoriis rebusque in Oriente feliciter
gestis*

S ANCTISSIME in Christo Pater , ac
Beatissime Domine , Ioannes D. G. Rex
Portugalix & Algarbiorum , citra & vltra
mare in Africa , Dominus Guineæ , atque
expeditionis & nauigationis , & commercii
Aethiopiæ , Arabiæ , Persiæ , atque Indiæ ,
vt filius pientissimus post humillima beato-
rum pedum oscula.

SI vnquam Principes Christiani de vi-
ctoriis , quas aduersus Orthodoxæ fidei ho-
stes adepti sunt , Summo Pontifici , perinde
ac vero Christi Vicario gratulati sunt : id
certe hoc tempore maxime apud Sanctitatem
vestram a me , vtpote eius , Sanctæque Sedis
Apo-

Apostolicæ filio pientissimo , obsequentissimoque , fieri oportet. Vrbs enim Dium , clarissimum totius Orientis emporium , fortissimumque Indiæ propugnaculum , cuius expugnandæ causa tot bella gesta , totque expeditiones , superioribus annis , a nostris ducebatur factæ fuerant , nunc tandem , Deo Opt. Max. adiuuante , se nobis dedere , nostræque ditioni parere coacta est : etenim cum multæ maximæque in S. vestra virtutes florent , ob quas iure optimo , Sancto Spiritu suffragante , ad summum Apostolatus apicem euectæ est : nulla tamen ex omnibus admirabilior cenferi debet , quam quod perpetuo quodam Christianæ religionis propagandæ zelo , omni studio , patrisque indulgentissimi affectu , dat operam , vt pace inter Christianos principes fundata , ac stabilita , Christi vexilla vsque ad vltimos terrarum fines prodeant , Mahumetisque impietas de medio tollatur.

MAIORES quidem nostri iam inde ab huius regni origine id constanter pro viribus contendebant ; vt , clarissimis rebus gestis , vere eos Principes Christianos esse constaret : idque quemadmodum optabant , consequuti sunt.

sunt. Nam & Maurorum gentem , ipsorum regibus superatis , Hispania expulerunt : & Mauritaniæ oppida , arcesque munitissimas , trans fretum Herculeum , expugnarunt : quæ & hodie nostræ ditionis sunt , præsidiiisque validis tenentur. Porro felicitis memoriæ Emmanuel Rex , pater meus , non sat habens , egregias & ipsum de Africa victorias reportante , cum Atlanticum mare , antea ignotum , antiquorumque modo fabulis , miraculisque celebratum , classibus aperuisset , (in quo nonnullorum maiorum suorum exemplum sequutus est) magnamque Aethiopiæ littoralis partem inuictis ducibus peragrasset , ad fidemque Christi instituisset : nauibus deinde , exercituque ad mare usque rubrum , ac Persiam , totamque Indiam transuectis , iam notum est omnibus quid gesserit , quot populos , vrbes , reges , in ditionem suam redegerit. In quibus omnibus vera & immortalis gloria dignissimus censendus est : cum ob id quod inaccessible , atque incognitas antea , tum cæli , terræ marisque plagas primus omnium notas fecerit ; tum vero quod princeps Christianissimus ad ouile , ecclesiamque Domini , tot
ani-

animarum millia , variis inuoluta superstitionibus , potuerit aggregare.

EGO vero ubi primum , Deo Maximo ita volente , ad regiam dignitatem euectus sum ; tametsi liquido intelligerem , quantum hominum expectationem sustinerem , quem par erat, plurimis de causis , patris inuictissimi , omnibusque sæculis memorandi virtutibus respondere ; tamen , Deo iuuante , non omnino despondi animum : verum me ita ad paternas laudes imitandas , ac prosequendas collegi , ut quantum fieri posset eiusdem vestigiis (ut bonum filium , regemque decebat) hærerem , atque insisterem. Itaque etsi statim a principio regnandi non paucæ difficultates , nostrarumque nauium iacturæ sequutæ erant , quæ tam longinquæ expeditioni vehementer obstare videbantur : nos tamen incommodis quibusque superatis , non solum res Indicas prout a patre relictæ fuerant, Dei gratia , facile tutati sumus ; verum eas subinde nouis victoriarum accessionibus roborauimus. Et quoniam ad statum rerum nostrarum in Oriente vehementer conducere videbatur , si vrbs Dium , in ipso litoris Indici ingressu posita , in nostram ditio-

tionem veniret : ita enim & Oceani Indici late domini , & aduersus Turcarum expeditiones tuti futuri eramus , (nam hi claſſe ingenti in fine Arabici ſinus comparata , ſe per maris rubri oſtia egreſſuros , nobiſque bellum ex ea vrbe illaturos minabantur) : has ob cauſas nihil vnquam , ſimulatque regnare coepimus , nec maius nec antiquius habuimus , quam vt ea ciuitas noſtri iuris & poteſtatis efficeretur. Quamquam vero a noſtris ducibus , præfectiſque ſtrenuæ aduerſus eandem expeditiones ſuſceptæ eſſent , nihilque omnino ab his foret prætermiſſum , quo vrbs munitiſſima poſſet expugnari : tamen , ob loci naturam inexpugnabilem , ſæpe ea res fruſtra tentata eſt. Quippe vrbs Diūm in extremo promontorio ſinus Canticolpi ſita & ſuper faxi crepidine fundata , validis muris , turribuſque , atque omnifariam æneis tormentis vndeque cingitur , introrſus vero , qua ſeſe portus recipit , qui & ipſe validis catenis clauditur , adeo munitis tam ab vrbe quam a medio mari propugnaculis vallata eſt , vt cum per ſpatium , inter ipſa propugnacula interiacens , nauibus modo inuadi , oppugnarique valeat , (etenim a continenti in
mo-

morem insulæ mari per fossam deriuato abluitur) illud interim ex eo sequatur , vt eiusmodi oppugnatio propter oppositam vndique tormentorum vim longe difficillima , ac pene vltra vires humanas esse videatur. Accedebat & illud incommodum , quod ea vrbs manebat sub ditione Regis potentissimi citerioris Indiæ , Mahumetanæ sectæ cultoris , quem Regem Cambaïæ vocant. Atque is facile intelligens maximum in ea ciuitate momentum esse , ipsam superioribus annis per Melichiazium præfectum , quantum in humano consilio , aut arte effici poterat , muiari iusserat. Ita vrbs natura , situque valida , opera hominum , præsidiiisque largiter accedentibus , inexpugnabilis reddita erat. Is autem Rex Cambaïæ , vt de eius prope incredibilibus diuitiis taceam , facile centum mille equitum armare , peditum vero trecenta millia , sexcentosque elephantos , glandiumque ignitarum iaculatorum non mediocrem numerum in aciem educere potest : ad hæc tormenta ænea , omnis generis curribus aptata , non minus habet , quam septingenta. Quo apparatu idem paucis ab hinc annis finitimo Regi , defectionem meditati , bellum
intu-

intulit, eumque regno expulit. Sed quamquam tot incommodis duces nostri vrgerentur, nos tamen id omni studio, indefessoque animo agitantes, ut hoc oppido in potestatem nostram redacto, rerumque nostrarum statu in Oriente firmato, Christi fides per vniuersam Indiam longe lateque posset propagari.

OB eas res Nonio a Cugna Indiæ gubernatori, præfectoque nostro maiori, mandauimus, ut quia in oppugnando eo oppido parum proficeretur, in præsentia quidem ab eo desisteret: cæterum Regi Cambaiæ terra marique bellum inferret, vniuersamque maritimam regni Cambaiæ oram, quæ non mediocri littoris tractu porrigitur, ita classibus instructis popularetur, assidueque infestaret, ut aliquando Rex Cambaiæ Badur (id enim nomen illi est) suis, suorumque malis edoctus, tot damna, direptionesque de dititione dictæ ciuitatis redimere cogeretur. Id cum ita factum esset, bellumque acre ac perpetuum omnibus Guzaratum populis maritimis illatum traheretur, (ita enim subditi regis Cambaiæ vocantur) rex Badur cum non paucas regni sui ciuitates, oppida, arces,

ces, & vicos , per nostros præfectos , classesque capi , diripi , atque incendi cum magna fuorum strage , audiret , in quorum direptione ingens æneorum tormentorum numerus , multique bellici apparatus a nostris inveni-ebantur. Cumque non minus intelligeret , nostrorum classibus , infesta omnia reddentibus , naues mercatorum ad ipsius regni portus nullatenus accedere , nec ultro citroue commeare iam audere , idque interim magna eius vectigalium iactura accidere. Ad hæc cum animaduerneret maiora in posterum ex eiusmodi causa regno suo damna instare , quibus deinde omni potentia nequaquam resistere posset : cum hæc omnia secum reputaret , diuque tamen dolorem audacter premeret , etsi nunquam antea secum de pace agi passus fuerat , ad extremum maiore metu perculsus , consilium sibi cepit , nostraque imperata facere , Diumque dedere cogitavit : videlicet in eo magnorum Aethiopiæ Orientis regum , multorumque Indiæ Satraparum exemplum sequutus. Qui nobis (Deo iuvante) superiori tempore obedire appetiuerant, idque magno Orthodoxæ fidei, animarumque bono euenerat , quæ incredi-

bili

bili numero ab idolorum vanitate, ad Christianam pietatem & conuersæ sunt, & quotidie conuertuntur.

ITAQVE ille potentissimus Rex Badur, Indiæ vniuersæ terror, a quo nonnulli regnum Pori, maximi quondam Regis, teneri affirmant: quique tot annos frustra minis in nostros detonuisset, tandem per legatos a gubernatore nostro, supra memorato, pacem suppliciter postulat. Summa legationis erat, velle se his conditionibus nobis obsequi, quæ omnino gratæ nobis futuræ erant. Consilio igitur de ea re diligenter habito, placuit Nonio gubernatori, cæterisque præfectis nostris, virisque nobilibus, qui in India iussu nostro militant, pacem cum rege iis conditionibus fieri: quæ certe nobis regniſque nostris pulcherrimæ & honestissimæ extiterunt. Atque harum nonnulla S. vestræ his litteris declarandas esse duxi. Placere Regi Cambaïæ (Cambaia ciuitas est insignis maritima, vnde Rex denominatur, aliter Guzaratum Rex vocatur) & arcem & ciuitatem Bazaim, quæ ciuitas ad Orientem versus circiter octoginta millibus passuum a Dio abest, in ius ac ditionem nostram transferri: se-

seque nobis in perpetuum iis cedere cum omnibus agris , insulis , oppidis , vicis , proventibus , vectigalibusque regiis , cæterisque omnibus quomodocumque ad eandem urbem , eiusdemque Regis deditionem in ea regione spectantibus. Nec minus cedere se ea vectigalium summa , (ea ingens erat) quæ ex annorum proximorum pensione dictæ civitatis Regi debita , nondumque per quæstores regios exacta fuerat. Item ut Lusitani , qui captivi aliquot iam annos apud regiam urbem Campanellum tenebantur , gubernatori nostro quamprimum redderentur. His atque aliis perquam honorificis regno nostro conditionibus firmatis , non ita multo post & captivi ipsi redditi sunt , quorum libertatem , propter eorundem merita fidemque operam nobis multis annis præstitam , magni fecimus : & possessio urbis Bazaim meo nomine a nostris inita est. Est autem Bazaim urbs maritima insignis , cum ob agri , insularumque adiacentium mirificam quandam ubertatem , tum vero ob silvarum materiæque commoditatem , quæ abunde in hoc vno citerioris Indiæ loco , navibus fabricandis suppetit. Sic ut ad classium no-

Dd

stra-

strarum quantumvis numerosam ædificationem, siue commeatus hæc vna posse sufficere videatur. Sed neque vsquam in vniuerso Indiæ littoralis tractu tanta vtriusque rei copia possit inveniri. Hinc est quod intra Bazainenſis agri, earumque insularum ambitum, quæ eius territorii sunt, ob admirandam, largeque omnia præbentem soli fecunditatem, sexcenti admodum vici, minimum alius ab alio distantes, inueniantur, quos Guzarates habitant: interque eos viccos, & oppida nonnulla, & ciuitates etiam visuntur. Singuli porro ab vrbe nostra Bazaim ius accipiunt: nobisque hi omnes cum ciuitate simul, annua centum millia aureorum, ex vectigali regio pendunt: breui autem fore speramus, vt vectigalium magna fiat accessio, quod propter pacem, quam iis dedimus, assatim ad habitandum Guzaratum multitudo conſtuat in ea loca.

IDEM Rex Badur anno non toto vergente, vt mutuam nobiscum pacem maiore pignore retineret, fanciretque, itemque vt nobis gratior & acceptior, dicto Nonio Indiæ Gubernatori ultro per litteras significauit, velle se certis conditionibus, quæ paci,

ci , & amicitiae vtriusque nostrum expedirent , ipsam ciuitatem Dium mihi dedere : ita vt ea in posterum valido Lusitanorum praesidio teneretur. Ea re cognita , cum Nonius ingenti classe ad urbem Dium accessisset , mox ea parte urbis potissimum lecta , quae portui , propugnaculisque in mari extructis imminebat , arcem magna celeritate aedificare aggressus est : quam propediem absolutum iri confidimus. Atque fortissima ciuitatis parte , propugnaculisque ipsis , tum maris , tum terrae omni tormentorum genere , bellicoque apparatu instructissimis a Rege traditis , nostroque praesidio firmatis , in quibus & oppidi , & portus vires facile continentur , arce etiam insuperabili a nostris iisdem in locis fundata , plane illud sequi necesse est , & nunc eam ciuitatem penitus in nostra potestate esse , & in posterum Deo bene iuuante sub nostra ditione perpetuo mansuram. Ita Deo Opt. Max. fauente citra vllum sanguinem , meorumque subditorum periculum , ea vrbe potiti sumus , quae iam pridem a felicitis memoriae patre Emanuele , nostrorumque exercitu , magnis cum sudoribus impensisque petita , nunquam tamen

potuerat expugnari. Vnaque opera tum rebus nostris Indicis securitatem , tum paci ornamentum , tum bello singulare perpetuumque præsidium comparauimus. Cumque omnes fere Orientis naues , quæ per Indicum Oceanum mareque rubrum vltro citroque excurrunt , ad hunc portum necessario ferantur , facile ex eo iudicare est , quicumque tam celebris emporii dominus fuerit , cum nauibus totius Orientis quodammodo dominari oportere.

EODEM tempore inter nostros , Regemque Cambaiæ conuentum est , ne Turcarum quispiam intra eius regni fines admitteretur , neue hospitio commeatu , auxilium quocumque iuuaretur. Item ne per vniuersum regni Cambaiæ littus vllum Guzaratum nauigium bello aptum fabricare liceret : si qua ædificata , aut instructa , instruiue cæpta inuenirentur , ea in terram subducerentur. Postremo vt quæcunque Guzaratum naus e litore patrio nauigatura esset , ea , priusquam solueret , a præfecto arcis nostræ , quæ intra Diu est , liberi commeatus diploma impetraret : alioqui eam nauigationem suo periculo facturam esse. Atque vt mirabilis nostrorum

rum felicitati cumulus adderetur , accidit per hæc tempora , vt Aimanus potentissimus Carmanix Rex , vsque ad Indi fluminis ostia , aliarumque late regionum Septentrionem versus (nunc regem Dely vocant) & ipse impietatis Mahometanæ cultor , bellum Cambaix regi inferret , quod is affinem quendam suum , qui ab Aimano transfugerat , reddere nollet. Quod vbi Rex Badur intellexit , non ita multo post ingenti exercitu coacto , qualem supra memorauimus , ex aduerso processit. Quamquam vero Carmanix Rex equitum millia septuaginta duceret , qui , more Parthorum sagittandi peritissimi , interfugendum spicula dirigunt : peditum vero centum millia haberet ; tamen si statim Cambaix Rex cum hoste configere noluisse , dubium non erat , quin Regem Dely primo impetu fuisset superaturus. Verum ille prauis consiliis Rumecani præfecti sui , cui multum tribuebat , persuasus , cum se intra castra contineret , nec copiam pugnandi faceret ; interim interceptis ab hoste com meatibus , diraque fame atque ex hominum , equorumque strage in exercitu sequuta , ad extremum fuga sibi consulere , ne in potestata-

statem hostium veniret , compulsus est. Igitur cum foeda fuga , ac consternatio totis castris , ipsius Regis fuga intellecta , oriretur , Mugores subito supervenientes omnia prosternunt , atque occupant. Mogores ii sunt , qui primum cum Rege ipsorum Carmaniam , deinde Ariam , & Drangianam , aliasque usque ad mare Caspium regiones (quas nunc regnum Dely vocant) armis occuparunt. Dicti Mogores vel a populis Persarum Megoribus , vel quod nunc Turcæ a Persis Mogores appellantur. Iidem tamen se ab extremis Scythis oriundos iactant : Regemque hunc Aimanum illius magni Tamberlani , Scytharum Imperatoris , trinepotem prædicant. Certe gentem exercitumque Mogorum , cum multi Vzbequi , natio eiusdem generis bellicosa , aliique populi auxiliares , tum magna vis Scytharum , Tartarorumque comitabantur. Fugiens itaque Rex Cambaïæ cum matre , suisque , ac præfectorum , procerumque suorum vxoribus , magnaque parte thesaurorum , diuitiarumque suarum , se ad Diu recipit , utpote totius regni urbem validissimam , munitissimamque. Ibi hæc omnia , seque insuper

tra-

tradidit in fidem , tutelamque Nonii gubernatoris, præfectique nostri maioris. Et nunc, Deo volente , potentissimus , atque opulentissimus Indiæ citerioris Rex , cum arce regni , vxoribus , rebusque pretiosissimis , in nostra manet potestate.


CONSTARE arbitror ex his S. Vestræ quantum , Dei Opt. Max. clementia , rebus nostris , totique adeo reipublicæ Christianæ incrementum sit adiectum. Quantus item aditus hoc tempore sit factus ad Christi veram fidem , per vasta illa Orientis , atque Indiæ vtriusque regna longe lateque propaganda. Quod etsi temporibus meis , & mea , meorumque opera , Deo adiuuante , accidisse mihi (vt par est) gratissimum esse debeat , tam prosperam , tamque admirandam rerum successionem inprimis S. Vestræ felicitati acceptam referri oportet : cuius virtute ac meritis , vtpote sanctissimi dignissimique Petri successoris , fideique Orthodoxæ propagatoris maximi , breui temporis circulo factum est , vt tam in Africa, quam in Asia, insignes Christianis victoriæ partæ sint. Ego autem Domino Deo nostro gratias summas ago pro tanta benignitate , quanta nos im-

me-

meritos prosequi dignatus est : idemque a S. Vestra totius reipublicæ Christianæ nomine fieri & spero , & opto. Cumque ab ipsius Pontificatus initio Christianus orbis nouis victoriarum accessionibus non mediocriter auctus fuerit , idque ipsum (vt dixi) iure optimo eiusdem S. Vestræ summis virtutibus , perpetuoque religionis affectui adscribi oporteat , omnes , qui Christum profitemur , sperare debemus fore , vt rebus per eandem inter principes Christianos pacatis , & compositis , S. Vestræ meritis , consiliis , virtute , auctoritate , Dei religio magis magisque floreat , & digna (vt par est) accipiat incrementa ; vt tandem veræ pietatis hostibus aut euerfis , aut profligatis , idolorumque , & Mahumetanorum impia vanitate deleta , Crux D. N. I. C. in vniuerso orbe colatur , atque adoretur.

S. in C. Pater & D. N. D. Omnip. S. Vestram diutissime , ac felicissime augere , & conseruare dignetur , ad sui sanctissimi obsequii , Sanctæ Matris Ecclesiæ bonum & vtilitatem. Datæ Eboræ , die xx. Iulii , anno D. MDXXXVI.

FINIS.



I N D E X

OMNIVM QVÆ IN HOC VOLVME
CONTINENTVR.

V Ita Damiani a Goes.	I.
Epithalamion.	XIII.
Genethliacum.	XVI.
Olisiponis descriptio.	I.
Hispania.	49.
<i>Hispaniæ amplitudo potentia & ubertas.</i>	54.
———— Regna.	55.
———— Ecclesiæ.	56.
———— Magnates.	63.
———— Marchiones.	64.
———— Comites.	65.
———— Vicecomites.	67.
———— Sancti.	71.
———— Vniuersitates.	73.
———— Viri doctrina præclari.	ibid.
———— Duces.	80.
———— Imperatores.	84.
———— Pontifices.	ibid.
———— Vernacula quæ in alias pro-	
vincias deferuntur.	85.
Ee	Per-

<i>Portugallia, & Algarbiorum Ecclesiæ</i>	58.
———— <i>Episcopi.</i>	59.
———— <i>Ordines Equeſtres.</i>	62.
———— <i>Magnates.</i>	68.
———— <i>Marchiones.</i>	<i>ibid.</i>
———— <i>Comites.</i>	<i>ibid.</i>
Hispaniæ adverſus Munſterum deſenſio.	87.
<i>Adveſtitia quæ ex Aſiæ, Africa, novæ- que terræ provinciis, Regibus Caſtel- læ & Portugallia ſubditis, in Hiſpa- niam advehuntur, & inde per totam Europam.</i>	102.
———— <i>Quæ in Portugalliam ex pro- vinciis ſibi ſubditis advehun- tur.</i>	103.
———— <i>Quæ ex India Orientali & Cathais.</i>	104.
Epiftola ad Io: Iacob. Fuggerum pro deſenſione Hiſpaniæ.	107.
Reſponſio.	110.
Dienſis Cambaiæ vrbis oppugnatio.	115.
De rebus & imperio Luſitanorum.	151.
De fide, religione, moribusque Æthio- pum.	162.
<i>Epiftola Helenæ, Precioſi Joannis aviæ, ad Emmanuelem Lu- ſitanicæ Reg.</i>	175.

<i>Epistola Davidis Æthiopiæ Imperato-</i>	
<i>ris ad Emmanuelem Lusita-</i>	
<i>niciæ Reg.</i>	184.
———— <i>ad Ioannem III.</i>	196.
———— <i>ad Pontificem Romanum.</i>	205.
———— <i>ad eundem.</i>	215.
———— <i>Joannis Portugalliæ Reg. ad</i>	
<i>Clem. VII.</i>	221.
<i>Religionis Ethiopum capita præcipua.</i>	231.
<i>Æthiopiæ Regni descriptio.</i>	281.
<i>Deploratio Lappianæ gentis.</i>	285.
<i>Lappiæ descriptio</i>	293.
<i>De bello Cambaico secundo Commenta-</i>	
<i>rii tres.</i>	297.
<i>Commentarius I.</i>	302.
<i>Commentarius II.</i>	330.
<i>Commentarius III.</i>	353.
<i>Epistola Emmanuelis Regis ad Leo-</i>	
<i>nem X super victoriis in Africa ha-</i>	
<i>bitis.</i>	377.
<i>Epistola Ioannis III ad Paulum III</i>	
<i>super victoriis rebusque in Oriente</i>	
<i>feliciter gestis.</i>	382.

Errata notabiliora

corrigere

Pag.	6.	lin.	23.	hominm	hominum
	7.	lin.	25.	anuo	anno
	35.	lin.	20.	pauci	paucos
	40.	lin.	4.	in in ipso	in ipso
	<i>ibid.</i>	lin.	ult.	copiosissima	copiosissima
	41.	lin.	13.	custodientur	custodiuntur
	51.	lin.	9.	hanc	hunc
	58.	lin.	16.	iure iure	iure
	97.	lin.	1.	inimicus	inimicum
	115.	lin.	4.	Lusitania	Lusitania
	117.	lin.	10.	prætes	præter
	137.	lin.	17.	porta	portu
	166.	lin.	3.	Lusitania	Lusitanie
	178.	lin.	7.	Et	Est
	181.	lin.	23.	instituatm	institutam
	195.	lin.	7.	ab-ste	abs-te
	210.	lin.	19.	reperiantur	reperiatur
	236.	lin.	14.	honoror	honoro
	239.	lin.	22.	celebramur	celebramus
	243.	lin.	10.	hii	ii
	244.	lin.	20.	pariente	parienti
	<i>ibid.</i>	lin.	22.	pariente	parienti
	257.	lin.	5.	Scripturam	Scripturarum
	259.	lin.	1.	gravissimo	gravissimo
	271.	lin.	23.	Emmanuelis	Emmanuelis
	273.	lin.	15.	a	ad
	303.	lin.	21.	conquiescere	conquiescere
	314.	lin.	16.	auntibus	euntibus
	322.	lin.	16.	inspicerentur	inspiceretur.
	337.	lin.	20.	desperationem	desperationem
	343.	lin.	18.	gratitudine	gratitudine
	345.	lin.	15.	anguste	anguste
	385.	lin.	7.	quem	quam
	387.	lin.	14.	muniri	muniri
	395.	lin.	16.	centa	ducenta

